

ЎЗБЕКИСТОН РЕСПУБЛИКАСИ
ОЛИЙ ВА ЎРТА МАХСУС ТАЪЛИМ ВАЗИРЛИГИ
МИРЗО УЛУҒБЕК НОМИДАГИ
ЎЗБЕКИСТОН МИЛЛИЙ УНИВЕРСИТЕТИ

ТОПИЛДИЕВ В.Р.

**ФУҚАРОЛИК
ХУҚУҚИ**
(I қисм)

Тошкент
“Университет”
2014

УДК 347 (075,8)

67.404

Т67

**Топилдиев В. “Фуқаролик ҳуқуқи”. I кисм. “Университет”. –Т.: 2014. -288 6.
ККБ 67.404**

Олий ўкув юргалари юриспруденция бакалавриат таълим йўналиши талибалари учун мўлжалланган ушбу дарсликда фуқаролик ҳуқуқи тушунчаси, предмети, гизими ва манбалари; фуқаролик ҳуқукининг субъектлари ва обьектлари; фуқаролик ҳуқуқида битимлар, вакиллик ва ишончнома, муддатлар ва даръво муддатлари; мулик ҳуқуқи, мулик ҳуқукининг вужудга келиш ва бекор бўлиши асослари, мулик ҳуқукининг асосий тамойиллари, мулик шакллари, ашёвий ҳуқук ва унинг турлари, хусусий ва оммавий мулик ҳуқуқи, мулик ҳуқукини ҳимоя қилиши; мажбурият ҳуқуқи, мажбуриятларни вужудга келиши, мажбурият субъектлари ва обьектлари, мажбуриятларнинг бажармалишини таъминлаш усулилари, мажбуриятларни бекор бўлиши; шартнома ҳуқуқи, шартномаларнинг турлари ва уларни тузиш ва бекор қилиши билан боғлиқ масалалар амалдаги конун ҳужжатлари асосида ёритиб берилган.

Мавзу бўйича материаллар кўплигидан дарслик ҳажмининг ортиб бориши на ундан фойдаланишда нокурайлик түғдиришини ҳисобга олиб, уни иккиси кисмга бўлишга қарор қилинди. Унинг мазкур биринчи кисми I-XIII, иккинчи кисми XIII-XXVII боблардан иборат.

Тақризчилар:

юридик фанлар доктори,
профессор С.Бобокулов

юридик фанлари доктори,
профессор И.Эгамбердиев

Маъсул муҳаррир:

юридик фанлари доктори,
профессор Р.Ж.Рўзиев

Ўзбекистон Республикаси Олий ва ўрта маҳсус таълим вазирлиги томонидан (2013 йил 13 мартағи 82-сонли буйруғи билан) 5240100 - юриспруденция бакалавриат таълим йўналиши талабалари учун дарслик сифтитида тавсия ўтилган.

ISBN -978-9943-305-93-9

СЎЗ БОШИ

Мамлакатимизда амалга оширилаётган ислоҳотларнинг асосий мақсадларидан бири бозор иқтисодиёти қонуниятларига асосланган янги иқтисодий муносабатларни вужудга келтириш ва уларни изчил ҳукуқий тартибга солишга қаратилган конунчилик базасини яратиш ҳисобланади.

Ўзбекистон Республикаси Президенти И.А.Каримов таъкидлаганидек, “Юртимизда ўтган йиллар давомида бозор иқтисодиёти соҳасидаги ўзгаришларнинг ишончли қонунчилик базасини шакллантириш борасида амалга оширилган улкан ишлар ҳеч кимга сир эмас, албатта. Буларнинг барчасини эътироф этган ҳолда, мавжуд қонунларимизнинг кўпчилигини уларни қўллаш амалиёти ва мамлакатимизда бозор муносабатларини ривожланишининг ҳозирги даврдаги янги реал ҳолатидан келиб чиқиб, жиддий кайта кўриб чиқиш зарур”¹.

Фуқаролик ҳукуки ривожланган ҳар қайси ҳукуқ тизимининг мустақил ва муҳим соҳаларидан бири ҳисбланиб, у қадимги Рим давлатида шаклланган ҳукуқ тизимининг дастлабки пойdevорига таянган ҳолда вужудга келган. Ўша даврда содир этилган барча хатти-ҳаракатлар, дастлаб фуқаролик ҳукукий нормалар билан тартибга солинганлиги, кейинчалик фуқаролик ҳукуқининг кенг қамровли ривожланишига, унинг ижтимоий ҳаётдаги аҳамиятининг ортишига, ҳукуқ соҳалари қаторида эгаллаган мавқеининг мустаҳкамланиши ва ўсишига ижобий тасир кўрсатган.

Мустақиллик йилларида мамлакатимизда бозор муносабатларини тўла шакллантириш мақсадида кўплаб қонун ва қонуности ҳужжатлари кабул қилинди. Бу қонунчилик ҳужжатлари фуқаролик-ҳукукий муносабатларини мазмун жиҳатидан ҳам, намоён бўлиш шакллари жиҳатидан ҳам тубдан ўзгартириб юборди. Фуқаролик-ҳукукий муносабат иштирокчиларининг тенглиги, мустақиллиги, ташаббускорлигига кенг йўл очилди, фуқаролик ҳукуки томонидан ҳукукий тартибга солинадиган муносабатлар доираси ғоят кенгайди, мулкий муносабатларда хусусий мулк, тадбиркорлик билан боғлиқ ва уларни мустахкамловчӣ бир қатор янги ҳукуқ институтлари жорий этилди ҳамда фуқаролик-ҳукукий муносабатларда ишбилармонлик обрўси, маънавий зарарни моддий қоплаш ғоят муҳим аҳамиятга эга бўлган меъёрлар фуқаролик муомаласига илк бор киритилди.

“Ўз-ўзидан аёнки, – дейди И.А.Каримов, – тобора чукурлашиб бораётган ислоҳотлар натижасида эришиладиган ўта муҳим ўзгаришлар ҳеч қачон бир кунда, кимнингдир буйруғи ёки хохиши ҳисобидан бўлмайди. Бунинг учун албатта вақт керак, энг асосийси – бу

¹ Каримов И.А. Мамлакатимизда демократик ислоҳотларни янада чукурлаштириш ва фуқаролик жамиятни ривожлантириш концепцияси. Ўзбекистон Республикаси Олий Мажлиси Конунчилик палатаси ва Сенатининг ҳўшма мажлисидаги маъруза // -Т.: “Халқ сўзи”, 2010-йил 13 ноябр.

ислоҳотларининг мазмуни ва мақсадларини жамиятимиз, ҳалқимиз чукур инглаб олиши ва кўллаб-кувватлаши ҳал қилувчи аҳамиятга эга. Такорот айтишга тўғри келиди – факатгина ҳалқимизнинг кўллаб-кувватлаши ҳар қашдай ислоҳотларига куч беради”¹.

Қадрлар тайёрлаши миллий дастурида таъкидланганидек, “Инсон, унинг ҳар томонлама уйғун камол топиши ва фаровонлиги, шахс минифаъларини рӯёбга чиқаришнинг шароитларини ва таъсирчан меҳни имларини яратиш, эскирган тафаккур ва ижтимоий хулк атворнинг ишодувилиарини ўзгаририш республикада амалга оширилаётган иқтисодий ислоҳотларининг асосий мақсади ва ҳаракатлантирувчи кучидир. Ҳалқнинг бой интелиектуал мероси, умумбашарий қадриятлар асосида, замонавий миданият, иқтисодиёт, фан, техника ва технологияларнинг ютуқлари асосида қадрлар тайёрлашнинг мукаммал тизимини шакллантириш Ўзбекистон тараққиётининг муҳим шартидир”.

ХХI асрда Ўзбекистон таълим тизимини ислоҳ қилиш ва тикомилиштириш устувор вазифалардан биридир. Бу эса, ўз навбатида ҳукуқиунос олимларимиз зиммасига тегишли фанлар бўйича илдабиётларни ҳозирги давр талаби ва илм-фанинг сўнгги ютуқларини ҳисобга олган ҳолда янгилаш бориш, ўзбек тилида дарслклар ва ўкув илдабиётларини яратиш вазифасини юклайди. Чунки, баркамол авлод гарбиясини ва рақобатбардош қадрларни тайёрлашни замонавий илдабиётларсиз тасаввур этиш мушкул.

Республикамизнинг бозор иқтисодиётига ўтиши, ижтимоий ва иқтисодий ҳаётнинг ўзгариши, янги ишлаб чиқариш ва ахборот технологияларининг татбик этилиши талабалар ва уларга таълим берсаётган профессор-ўқитувчиларни кенг қамровли синовдан ўтказилган дарслик ва ўкув адабиётлари билан таъминланишига боғлик.

Ушбу дарслик Ўзбекистон Республикаси Конституцияси, Фуқаролик кодокси, бозор иқтисодиётининг ҳуқуқий асосларини ташкил этувчи конунлар, фармонлар, қарорлар ва фармойишлар мазмунидан келиб чиқкан Ўзбекистон Президенти И.А.Каримовнинг мамлакатимиз ижтимоий-иқтисодий ривожланишининг туб масалалари, уларни ҳал этиш йўллари ва усуслари баён этилган асарларидан фойдаланган ҳолда тайёрланган.

Мазкур дарслик ўз мазмунига кўра, юридик олий ўкув юртлари гаплабилари, тадқиқотчилари, ўқитувчилари ҳамда амалиёт ходимларига мұлжаллаинган бўлиб, унинг асосий мақсади ҳуқуқ тизимида етакчи Үринишлардан бирини эгалаган фуқаролик ҳукукининг тушунчаси, предмети, методи, вазифалари, тамоиллари тизими; фуқаролик

¹Каримов И.А. Ўзбекистон Республикаси Конституцияси қабул қилингандигининг 21 йиллигига баёнланган ташвиши маросимдаги “Амалга ошираётган ислоҳотларимизни янада чукурлаштириш ва фуқаролик жамийти куриш сргу келажагимизнинг асосий омилилар” маъруzasи. -Тошкент, 2013-йил 6 ноябр.

хукуқининг манбалари, фуқаролик, хукуқий муносабағ, фуқаролик хукуқиниг субъектлари, объектлари; битимлар, вакиллик ва ишончнома, муддатлар ва даъво муддатлари; мулк хукуқи ва унинг турлари; мажбурият хукуқи, мажбуриятларнинг вужудга келиши ва бекор бўлиш асослари; шартномаларнинг умумий қоидалари ҳақида умумий тасаввур ҳамда билимга эга бўлишга йўналтирилган.

Мазкур дарслидан, шунингдек, ҳалқ хўжалигининг турли соҳалари мутахассислари, хукуқ ва иқтисодиёт масалалари билан қизиқувчилар ўзларига керакли маълумотларни ва билимларни топа оладилар.

Муаллиф ушбу дарсликни тайёрлаш жараёнида академик Ҳ.Раҳмонкулов, профессорлар: И.Б.Зокиров, Р.Ж.Рўзиев, Б.Б.Самархўжаев, мазкур сўзбоши муаллифи, Ш.Н.Рўзиназаров, Ф. Шодмонов, ю.ф.д. Н.Имомов, ю.ф.д. М.Баратов ва бошқа хукуқшунос олимларнинг дарслик, ўкув кўлланма ва илмий мақолаларидан кенг фойдаланган.

Ушбу дарслик муаллифнинг 2001-2014 йилларда Мирсю Улугбек номидаги Ўзбекистон Миллий университети хукуқшунослик факультети талабаларига ўқиган маъruzалари асосида ёзилган бўлиб, у олий ўкув юртларининг хукуқшунослик йўналиши талабалари, магистрантлари, тадқиқотчилари ва фуқаролик хукуқи муаммоларини ўрганув чилар, суд амалиёти ходимлари, шу соҳа масалалари билан барча қизиқувчиларга мўлжалланган.

О. Оқюлов,
ю.ф.д., профессор

I БОБ. ФУҚАРОЛИК ҲУҚУҚИ ТУШУНЧАСИ, ПРЕДМЕТИ, ТАМОЙИЛЛАРИ ВА ТИЗИМИ

1 §. Фуқаролик ҳуқуқи түшүнчаси ва предмети

Фуқаролик ҳуқуқи Ўзбекистон Республикаси ҳуқуқ тизимининг асосий соҳаларидан бири бўлиб, мамлакатимизда босқичма-босқич бозор иқтисодиёти муносабатларига ўтиш даврида иқтисодий муносабатларни такомиллаштириш фуқаролар ва бошқа субъектларнинг моддий ва маънавий эҳтиёжларини тобора тўлароқ қондириш мақсадида мулкий муносабатларни тартибга солиш ва мустаҳкамлашга қаратилган ҳуқуқий нормалар йигиндисидан иборатdir.

Фуқаролик ҳуқуқи билан тартибга солинадиган муносабатлар Ўзбекистон Республикаси Фуқаролик кодексининг 2-моддасида белгилаб кўйилган. Унинг асосида фуқаролик муомаласи иштирокчиларининг ҳуқуқий ҳолати, мулк ҳуқуқи ва бошқа ашёвий ҳуқуқларнинг ҳамда интеллектуал фаолият натижаларига бўлган ҳуқуқларнинг вужудга келиш асослари ҳамда уларни амалга ошириш тартиби белгиланади, шартнома мажбуриятлари ва ўзга мажбуриятларни, шунингдек, бошқа мулкий ҳамда у билан боғлиқ шахсий номулкий муносабатлар тартибга солинади.

Фуқаролик ҳуқуқи нормалари асосида тартибга солинадиган муносабатлар ўзининг моҳияти ва табиати билан бошқа ҳуқуқ соҳалари нормалари орқали тартибга солинадиган муносабатлардан фарқ қиласди. Ушбу муносабатлар иқтисодий ва юридик жиҳатидан мустақил, бир-бирига бўйсунмаган тарафлар ўртасида вужудга келади, улар киймати белгиланадиган, товар пул шаклига эга бўлган ва шу туфайли эквивалент, ҳак эвази асосида вужудга келадиган муносабатлардан иборат.¹

Фуқаролик ҳуқуқи, асосан, муайян эквивалент баробарига белгиланадиган киймат баҳо билан ифодаланадиган ва иштирокчилари тенг даражада кўриладиган мулкий муносабатларни тартибга солади.

Фуқаролик ҳуқуқи иқтисодий муносабатларни маҳсус юридик шаклида мулкий-ҳуқуқий муносабатлар шаклида расмийлаштиради ва мустаҳкамлайди.

Фуқаролик ҳуқуқида мулкий муносабатлар ишлаб чиқариш муносабатларининг ҳуқуқий шакли, юридик ифодаси сифатида кўрилади. Шу нуқтаи назардан мулкий муносабатлар шахслар ўртасидаги, уларнинг эрклари билан боғлиқ бўлган ижтимоий муносабатларни билдиради.

Фуқаролик ҳуқуқи томонидан тартибга солинадиган мулкий муносабатлар доираси ниҳоятда кенг. Булар жумласига олди-сотди, хар хил буюргмалар қабул қилиш, турар жойларни изярага олиш ва бериш, корхоналар, ташкилотларнинг бир-бирига маҳсулотлар етказиб бериш,

¹ Рахмонкулов Х.Р. Фуқаролик ҳуқуқи муаммолари. –Т., ТДЮИ, 2010. –Б. 43.

куригинин иниларини амалга ошириш, транспорт корхоналари орқали юк ва шуновини гашини, етказилган зарарни тўлатиш, қонун ва васият бўйича мурок олиш, умуман ҳар қандай шаклдаги мулкни эгаллаш, ундан фойдиланиш ва уни гасарруф этиш билан боғлик бўлган муносабатлардан ибориттадир.

Фуқаролик хуқуқи томонидан тартибга солинадиган мулкий хусусиятда бўлмаган шахсий хуқуқий муносабатлар икки турга:

- мулкий муносабатлар билан боғлик бўлган шахсий муносабатлар ва
- мулкий муносабатлар билан боғлик бўлмаган шахсий муносабатларга бўлинади.¹

Фуқаролик хуқуқи хуқуқнинг бошқа соҳалари каби ўзи тартибга солинадиган хуқуқий муносабатларга, уларнинг иштирокчилари ҳатти-ҳаракатларига таъсир кўрсатишда маҳсус воситалар ва усуллар йигинидисидан фойдаланади.

Кўриқлаш вазифасини бажарувчи хуқуқ соҳалари (жиноят хуқуқи, маъмурий хуқуқ ва ҳоказо)дан фарқли равишда, фуқаролик хуқуқи, энг ишувлю, нормал хуқуқий муносабатларга таъсир кўрсатади.

Унинг тартибга солиш услубидаги ўзига хос хусусиятлар кўйидагилар:

- Фуқаролик хуқуқи муносабатларида иштирок этувчиларнинг генг хуқуқка эга бўлишлари, уларга имкон борича эркинлик, мустақиллик ва гашаббускорлик берилиши;

- Фуқаролик хуқуқида императив меъёрлардан кўра диспозитив меъёрларнинг кўлланилиши;

- Фуқаролик хуқуқий муносабатлардан келиб чиқадиган жавобгарликнинг мулкий хусусиятда бўлиши;

- Бузилган хуқуқларнинг суд орқали даъво билдириши тартибида химоя килиниши;

- Бузилган фуқаролик хуқуқини химоя қилишда уни тан олиш, тикиш, хуқуқни бузадиган харакатларга чек кўйиш, етказилган зарарларни ундириб олиш ва шу каби чораларни кўллаши.

Фуқаролик хуқуқи билан тартибга солинадиган ижтимоий муносабатлар фуқаролик хуқуқи фанининг предметини ташкил этади.

Биринчидан, бу муносабатлар мулкий муносабатлар бўлиб, улар мол-мulk, моддий бойликлар билан боғлик ҳолда вужудга келади.

Иккинчидан, бу муносабатлар мулк билан боғлик шахсий номулкий муносабатлар ҳисобланиб, айрим ҳолларда улар мулкий муносабатлар билан боғлик бўлмайди. Ана шу иккита гуруҳ муносабатлари фуқаролик хуқуқининг предмети ҳисобланади. Ҳар иккала гуруҳ муносабатларини ушбу муносабатлар иштирокчиларининг тенглиги, эркинлиги, дахлисизлиги, мулкий мустақиллиги, уларнинг хусусий ишларига бирор-

¹ Зокиров И.Б. Фуқаролик хуқуқи. –Т., ТДЮИ, 2006. –Б. 7.

Бир кишининг ўзбошимчалик билан аралашшига йўл кўйилмаслигидан келиб чиқадиган ҳолат бирлаштиради. Бошқача гайтандада, бу муносабатлар хусусий хукуқ субъектлари ўртасида вужудга келадиган хусусий муносабатлардир.

Мулкий, шунингдек, номулкий муносабатлар, агарда улар юкорида синаб ўтилган хусусиятларни ўзларида ифода этмаса, унда фуқаролик хукукининг предметига кирмайди ва табиийки, унинг нормалари билан тиргибиға солинмайди. Бир тарафнинг иккинчи тарафга маъмурӣ ёки бошқача усулда бўйсунишига асосланган, шу жумладан, солик, молиявий муносабатларга нисбатан фуқаролик хукуки нормалари қўлланилмайди. Айни шу сабабдан давлат органлари ўртасида давлат ва бошқа оммавий мулкии бошқариш вужудга келадиган муносабатлар ҳам фуқаролик нормалари таъсири доирасидан ташқарида бўлади.

Фуқаролик хукуки предмети таркибиға кирувчи мулкий муносабатлар, ўз навбатида, мол-мулкнинг маълум шахсларга тегишилиги билан боғлиқ бўлгани муносабатлар ҳамда мол-мулкни бошқариш ёхуд уни бир шахсадан бошқа шахсга ўтиши билан боғлиқ бўлган муносабатларга бўлинади. Юридик жиҳатдан ушбу тасниф (бўлинниш) ашёвий, ташкилий ва мажбурият хукуклари (муносабатлари) деган даражалар ёрдамида тасвифланади.

Фуқаролик хукукининг предмети хисобланган шахсий номулкий муносабатлар, ўз навбатида, мулкий муносабатлар билан боғлиқ бўлмаган муносабатларга бўлинади.¹

Фуқаролик хукукининг предметини ташкил этувчи ушбу муносабатлар доираси Ўзбекистон Республикаси Фуқаролик кодексининг 2-моддаси 1-кисмида белгиланган. Унга мувофиқ, фуқаролик конун хужжатлари фуқаролик муомаласи иштирокчиларининг хукукий ҳолатини, мулк хукуки ва бошқа ашёвий хукукларнинг интеллектуал фаолият нағижаларига бўлган хукукларнинг вужудга келиши асосларини ҳамда уларни амалга ошириш тартибини белгилайди. Унда шартнома мажбуриятлари ва ўзга мажбуриятларни, шунингдек, бошқа мулкий ҳамда у билан боғлиқ шахсий номулкий муносабатларни тартибга солиниши ҳам назарда тутилган. Демак, фуқаролик хукуки тартибга соладиган ижтимоий муносабатлар доираси ўзининг кенг қамровилиги билан ажralиб туради.

Амалдаги конун хужжатларига мувофиқ, фуқаролик хукуки предмети таркибини ташкил қилувчи муносабатлар доираси анча кенгайтирилди. Фуқаролик кодексининг 2-моддаси 1-кисмида назарда тутилган фуқаролик муомаласи иштирокчиларининг хукукий ҳолатини, мулк хукуки ва бошқа ашёвий хукукларнинг вужудга келиши ва уларни амалга ошириш тартиби бевосита ташкилий масалаларни ҳал қилиш билан боғлиқ. Конунлар, конупости хужжатларида белгиланган ва ўзларининг низом ҳамда таъсис

¹ Иппонов Е.В. Гражданское право. Учебник. М., “Книжный мир”. 2011. -С. 10.

хужжатларида назарда тутилган, хукукий мақомларига мувофиқ, фуқаролик муносабасида иштирок этувчилар, ўзларига тегишли мулк хукуки ва ашёвий хукуклардан фойдаланиб, мулкий муносабатларни ўрнатиш мақсадида турии ташкилий масалаларни ҳал қилишга ҳаракат қиласидилар, яъни ташкилий-хукукий муносабатларда иштирок этадилар.

2 §. Фуқаролик хукуқининг предмети сифатида мулкий муносабатлар

Мулкий муносабатлар фуқаролик хукуки предметининг асосий, катта кисмини ташкил этади. Улар товар хусусиятларига эга бўлган моддий неъмат, мол-мулк билан боғлиқ ҳолда вужудга келади.

Бундай неъматларга нафакат кўл билан ушлаб ёки кўриш орқали мавжудлигига ишонч хосил қилиш мумкин бўлган ашёлар, шунингдек, шартнома билан бир каторда баъзи хукуклар (масалан, банк омонати ўзида омонати кўйилган пул суммасини эмас, балки омонатчининг банкдан талаб қилиш хукуқини ифода этади) ҳам таалукли бўлади. Мулкий муносабатлар, шунингдек, ишларни бажариш ва хизматлар кўрсатиш натижалари бўйича ҳам вужудга келиши мумкин. Лекин бу натижалар ҳар доим ҳам ашёвий натижалар кўринишида бўлавермайди. Масалан, йўловчи, багаж ва юк ташиш, омонат сақлаш, маданий-маиший хизмат кўрсатиш шулар жумласидандир. Демак, бундай натижалар ҳам товар шаклига эга бўлади.

Мулкий муносабатлар юридик категория хисобланмайди. Улар ўз ҳолида юридик тусга эга эмас. Ўзининг ижтимоий табиатига кўра, улар хукукий тартибга солинадиган, яъни хукукий жиҳатдан расмийлаштириладиган иктисодий муносабатлардир. Ушбу муносабатларда товар хўжалиги, бозор иктисодиёти гавдаланади. Бунда улар мазкур хўжалик муносабатларининг турғулиги, барқарорлигини, яъни моддий неъматларнинг ўзлаштирилганлиги ҳамда таалуклилигини таъминловчи товарлар алмашуви жараёнини акс эттиради. Зоро, ҳар иккала жиҳат бир-бири билан чамбарчас боғлиқ ва улар ўзаро бир-бирини тақазо этади. Товар алмашуви иштирокчилар томонидан унинг обьектлари (ашёлари, ишлари, хизматлари)ни ўзлаштирмасдан туриб мумкин бўлмаганидек, ўзлаштириш ҳам кўп холларда товар алмашуви натижасидагина амалга оширилади.

Мулкий муносабатлар кўйидаги умумий белгилар билан тавсифланади:

Биринчидан, ушбу муносабат иштирокчилари мулкий жиҳатдан мустақилдиrlар. Бу уларга мол-мулкни мустақил тарзда тасарруф қилиш ва шу билан биргаликда, ўзларининг ҳаракатлари ҳамда ҳаракат

натижалари учун мустакил мулкий жавобгар бўлиш имкониятларини беради?

Иккинчидан, умумий қоидага кўра, улар товар-пул хусусиятларига эга бўлиб, эквивалент-ҳақ эвазига амалга оширилади. Албатта, айрим ҳолларда мулкий муносабатлар ҳақсиз, текин, масалан, ҳадя, ссуда асосида вужудга келиши ҳам мумкин. Лекин, ушбу муносабатлар иккиласми, яъни эквивалент-ҳақ эвазига амалга ошириладиган мулкий муносабатлардан келиб чиқадиган хосила муносабатлар бўлиб, товар алмашувининг оддий шакли ҳисобланмайди.

Учинчидан, мулкий муносабатлар иштирокчилари тенг ҳукуқли ва мустақиллар. Улар товар эгалари сифатида мустақил бўлганликлари боис, бир-бирларига маъмурий ёки бошқа бир ҳокимият тарзида бўйсунмайдilar.

Юкорида санаб ўтилган белгилардан кўриниб турибдики, фуқаролик ҳукуқи предмети таркибига кирувчи мулкий муносабатлар товар-пул хусусиятига эгалиги билан фарқланади. Демак, ўзида ана шу белгиларни мужассамлаштиргмаган бошқа тусдаги (нотовар табиатга эга бўлган) мулкий муносабатлар (масалан, солиқ, бюджет ва бошқа молиявий муносабатлар, маъмурий муносабатлар; умуммиллий (давлат) мулки бўлган ер ва ҳ.к.) фуқаролик ҳукукининг предмети бўлиб ҳисобланмайди ва уларга нисбатан фуқаролик конун хужжатлари кўлланмайди.

Товар хўжалигининг барқарорлиги муносабатлари, яъни моддий бойликларнинг ўзлаштирилганлиги, таалуклилиги мулкий муносабатларнинг у ёки бошқа иштирокчилари томонидан ашёнинг эгалланганлигини, аникроқ айтганда, уларнинг муайян ашёнинг мулкдори эканлигини англатади. Статик муносабатлар икки тарафлами табиатга эгалиги билан изохланади, яъни, биринчидан, мулкдорнинг ўзига тегишли бўлган ашёга муносабати ва, иккинчидан, ушбу ашё бўйича мулкдор ва барча бошқа шахслар ўртасида вужудга келадиган муносабатни ифодалайди.

Ашёга (муайян мол-мулкка) шахснинг муносабати меъёрдаги хўжалик фаолиятини белгиловчи шарти ҳисобланади. Шу маънода, агар ҳар бир шахснинг бошқа мулкка нисбатан ўз мулкига бўлган алоҳида, оқилона муносабатини эътиборга оладиган бўлсан, хўжалик фаолиятининг юкори самарасини ҳам айни ана шу омил белгилашига ишонч хосил қилиш мумкин. Зеро, ашёга хўжасизларча бегоналаштириш асосидаги ёндашув, шак-шубҳасиз, иқтисодий натижаларнинг юкори даражада бўлишини таъминлаб бера олмайди. Собиқ иттифоқ давридаги тизим тажрибаси буни тасдиқлаган.

Бундан ташқари, шахснинг ўз мулкidan эркин, ўз ҳоҳишига кўра фойдаланиши ва бунда бошқа бирорларнинг асоссиз аралашувига йўл кўймаслиги хўжалик фаолиятини тўғри ташкил этиш ҳамда амалга оширища муҳим аҳамият касб этади. Бу ўринда мулкий (ашёвий)

муносабатларнинг иккинчи тарафи – мулқор билан барча бошқа шахсларнинг ашё (мол-мулқ) бўйича юзага келадиган муносабати намоён бўлади. Айтиш жоизки, мулқорнинг ўз мулқидан (ўзига тегишли ашёдан) фойдаланиши бошқа шахсларнинг ҳукуқлари ва қонун билан кўриқланадиган манфаатларини бузмаслиги шарт. Ўз навбатида, бошқа шахслардан (шунингдек, давлатдан) ҳам мулқорнинг ўз мулқидан мустақил тарзда қонунларда назарда тутилган холлар, шартлар ва доирада фойдаланишига имконият яратиб беришлари, тўсқинлик қилмасликлари талаб қилинади. Ушбу муносабатда мулқор ўз мулқига эгалик қилиши, ундан фойдаланиши ва уни тасарруф этишига номуайян доирадаги мажбур шахсга карши турғанилиги сабабли, бундай муносабатнинг мутлақ ўзига хослиги (табиати) хусусида сўз бориши табиий.

Юридик жиҳатдан мулкий муносабатлар моддий бойликларнинг тегишлилиги бўйича, мулкий (ашёвий) ҳукукий муносабатлар сифатида эътироф этилади ва расмийлаштирилади. Улар мулкий муносабатлар ва ўзга (чекланган) ашёвий ҳукукларга бўлинади. Мулкий муносабатлар ашёдан фойдаланиш бўйича қонуний барча имкониятларга эга бўлган мулқдорга ушбу ашё (мулқ)нинг тегишли эканлигини ифода этади. Ўзга ашёвий ҳукуклар эса, мулқор билан бир қаторда, бошқа шахсларнинг ҳам фойдаланиши мумкин бўлган мулқор мулкининг ҳукукий ҳолатини белгилайди.

Товар ҳўжалиги ҳаракати муносабатлари, яъни, моддий бойликларнинг бир эгадан бошқасига ўтиши, одатда, иштирокчилар томонидан муайян мол-мулкни бегоналаштириш (тасарруф қилиш) ва қўлга киритиш билан боғлиқдир. Юридик жиҳатдан улар мажбуриятлар (мажбурият муносабатлари) ёрдамида расмийлаштирилади. Бундай муносабатлар ҳар доим товар-пул алоқаларининг аниқ иштирокчилари-алоҳида, мустақил бўлган товар эгалари ўртасида вужудга келади ва шунинг учун ҳам нисбий тусга эга бўлади.

Кўпинча, мажбурият муносабатлари товар эгаларининг товарлар (ашёлар, ишлар ва хизматлар натижалари ва ҳукуклари)ни тасарруф қилиш ва (ёки) қўлга киритиш тўғрисидаги келишуви асосида вужудга келади. Баъзида мажбуриятлар иштирокчилар ўртасида келишув бўлмаган холларда ҳам, масалан, бир шахс томонидан бошқасига мулкий зарар етказиш оқибатида ёки асоссиз бойлик ортириш натижасида келиб чиқади. Шундай қилиб, товар алмашуви мазмунини ташкил қилувчи иқтисодий муносабатларнинг юридик шакли сифатида мажбуриятлар шартномавий ва шартномадан ташқари мажбуриятларга бўлинади.

Моддий бойликларнинг бир шахсдан бошқаси ихтиёрига ўтиши, нафақат мажбуриятлар шаклида, шу билан бирга вафот этган фуқароларнинг мулкини мерос олиш асосида эгаллаш, юридик шахсларни кайта ташкил этиш ва тугатиш орқали ҳам амалга оширилиши мумкин. Бунга моддий бойликларнинг янги эгаларига ўтиши, ўлим ёки аввалги

эгаларининг ўз фаолиятларини бекор килиши, яъни, уларнинг мулкий муносабатлар доирасидан чиқиб кетиши, йўқолиши билан боғлик бўлади.

Ривожланиб бораётган бозор иқтисодиёти шароитидаги товар алмашувининг табиий ривожи, ўз навбатида, мулкий муносабатларнинг ҳам мураккаблашиб боришига ва оқибатда уларнинг янги кўринишларининг амалиётга кириб келишига сабаб бўлади. Бундай муносабатлар қаторига корпорацияларнинг хусусий мулкини бошқариш бўйича вужудга келадиган муносабатларни кўрсатиш мумкин. Улар одатда мулкий муомалада доимий ва профессионал фаолият кўрсатиши учун ташкил қилинган хўжалик жамиятлари ва ширкатлари, шунингдек, ишлаб чиқариш кооперативларини бошқариш жараёнида юзага келади. Иштирокчилари томонидан маҳсус тузилган ушбу ташкилотлар ўзи-ўзини бошқариш ҳамда қатъий белгиланган аъзолик тамойиллари асосида фаолият юритиб, улар ўртасидаги муносабатлар, асосан мулкий тусда бўлиши билан изоҳланади. Мулкий муносабатларнинг бундай кўринишининг юридик шакли корпоратив хукуқий муносабатлар бўлиб хисобланади. Корпоратив муносабатлар ўз мазмун-моҳияти билан мажбуриятларга яқин туради. Чунки, улар ҳам корпорациянинг ҳар бир аъзосининг ўзаро ҳамда корпорация билан муносабатини расмийлаштирганлиги боис, нисбий хусусиятга эгадирлар. Бирок, корпоратив мажбурият, факат муайян ташкилотлар иштирокчилари ўртасидагина вужудга келиб, бошқа субъектлар учун таалуқли бўлмаслиги билан фарқланади. Кўпинча, биринчи карашда корпорация аъзолари иштирокчиларнинг ўзаро алоқаларинигина ташкиллаштиришга қаратилгандек бўлиб кўринадиган корпоратив муносабатлар, аслида, бевосита корпоратив мулкдан фойдаланиш, уни бошқариш мақсадидан келиб чиқади.

Таъкидлаш лозимки, юридик шахс сифатида ташкил этилган корпорациянинг фаолияти ва ушбу асосда вужудга келган муносабатлар ўз мазмун-моҳияти билан, авваламбор, аниқ мулкий йўналишга эга бўлади. Айни ана шу холат корпоратив муносабатларни ташкилий муносабатларнинг бир кўриниши, деб тавсифлашга асос бўлади.

3 §. Шахсий номулкий муносабатлар–фуқаролик хукуқининг предмети сифатида

Мулкий муносабатлар билан бир қаторда, улар билан боғлик бўлган ҳамда боғлик бўлмаган икки туркумдан иборат шахсий номулкий муносабатлар ҳам фуқаролик хукуқининг предмети хисобланади.

Мулк билан боғлик бўлган шахсий номулкий муносабатлар жумласига интеллектуал ижод натижалари (фан, адабийт ва санъят асарлари, ихтиро, саноат намуналари, ЭҲМ учун дастурлар ва х.к.)ларни, шунингдек, товарлар, ишлар, хизматлар ҳамда уларнинг эгаларини хусусийлаштириши

(инидивидуаллаштириш)га асос бўладиган воситалар (фирма номини, товарлар, хизматлар ва ишлар белгилари)ни яратиш ва асосан, улардан фойдаланиш бўйича вужудга келадиган муносабатлар киради.

Ижтимоий муносабатларнинг ушбу гурухига хос бўлган асосий хусусияти улар обьектларининг номоддий табиатида намоён бўлади. Мазкур обьектлар ўзларида ғояларни, фикрларни, қиёфаларни, рамзларни ифода этиб, моддий шаклларда гавдаланади. Шундай бўлишига қарамай, улар ўз яратувчиларидан ажралмайдилар. Айни ана шунда номулкий муносабатларнинг мулкий муносабатлар билан ўзаро алоқаси яққол кўзга ташланади. Лекин номулкий муносабатлар ҳеч бир ҳолатда ўзларининг асосий жиҳатини, яъни, номулкий табиати (моҳияти) ни йўқотмайди. Зеро, мазкур муносабатлар товар алмашуви жараёнини бошидан кечирмасдан ҳам, моддий шаклдаги мулк кўринишига эга бўлмаган холда мавжуддир. Чунки фан, адабиёт ва санъат асарига ёки ихтирога муаллифлик унинг товар сифатида муомалага киритилишидан қатъи назар вужудга келади. Номулкий муносабатлар жамият ижтимоий ҳаётида муҳим роль йўнайди ва бунда улар номоддий обьектларнинг яратувчиларини ёки намояндадарини оммавий тарзда давлат томонидан «муаллифлар» ёхуд «ушбу обьект эгалари» деб эътироф этилишига ва улар манфаатларнинг ҳар қандай тажовуздан ҳимоя қилинишига асосланади. Шунинг учун номулкий муносабатлар мутлак ҳаракатга эга бўлади.

Бундан ташқари, ушбу муносабатларнинг мулкий табиати доимо номоддий обьектлардан келиб чиқиши сабабли, уларнинг мавжудлигига бевосита боғлиқ бўлади. Айни вактда, уларнинг мулкий табиатга эга бўлиши, номоддий муносабатларни фуқаролик ҳуқуқий жиҳатдан тартибга солиши имкониятини яратади.

Мазкур муносабатлар алохидаги ҳуқуқий расмийлаштиришни талаб килади. Бу номоддий бойликлар яратувчилари (эгалар)нинг ашёвий ҳуқуқка яқин бўлган ҳуқуқ эгаси, деб тан олиш билан амалга оширилади. Ушбу ҳуқуқлар муаллифлик ва патент ҳуқуки, шунингдек, саноат мулки институти ҳуқуқи билан тартибга солинади.

Фуқаролик ҳуқуки предмети жумласига инсоннинг ўзидан ажратиб бўлмайдиган ҳуқуқ ва эркинликлари ҳамда бошқа номоддий бойликларни ҳимоя қилиш ҳам киради. Буларга инсоннинг ҳаёти ва соғлиги, унинг обрў-эътибори, кадр-киммати, шаъни, шахсий ва оиласвий сири, номга бўлган ҳуқуқ, шахсий ҳаёти дахлсизлиги ва ҳоказоларни мисол қилиб келтириш мумкин. Таъкидлаш лозимки, тилга олинган бу номоддий бойликлар фақат шахсий, номулкий мазмуй-моҳиятдагина мавжуд бўлиб, ҳеч қачон товар муомаласи (алмашуви) обьекти сифатида ҳаракат қила олмайдилар. Зеро, улар ҳар бир инсон, шахс билан чамбарчас боғлиқ, ундан ажралмайди, бошқа шахсларга берилмайди.

Фуқаролик ҳуқуки номоддий бойликларнинг эгалари гегишмели бўлган ҳуқуқлари ва манфаатларини суд орқали ҳимоя қилиш, бузилган

хукуқиарини тиклаш, егказилган маънавий зарарни мулкий коплаш каби иноситалар билан муҳофаза қиласди. Бироқ, ҳимоянинг фуқаролик-хукукий воситалари ёрдамида бундай муносабатлар (ёхуд номоддий бойликлар)нинг муҳофазаланиши ҳам уларнинг тамомила фуқаролик хукуки билан тартибга солинишидан далолат бермайди.

Шу маънода, баъзи хукуқшунос олимларнинг фикрларига мурожаат қиласдиган бўлсак, бунга ишонч хосил қилишимиз мумкин. Масалан, таисиқли хукуқшунос, цивилист олим О.С.Иоффенинг таъкидлашича, мулкий муносабатлар билан боғлиқ бўлмаган номулкий муносабатлар фуқаролик хукуки билан фақат муҳофаза қилинади ва ҳимояланади, лекин тартибга солинмайди. Ўз навбатида, ушбу фикр танқид остига олинган бўлиб, унга хусусан ҳимоя (муҳофаза) хукукини тартибга солишнинг шакларидан бири ҳисобланishi, шунингдек, бундай ажралмас хукуқ эгаси уни тасарруф қилиш имкониятларидан ҳам фойдалана олиши мумкинлиги кўрсатиб ўтилган. Бунга кўра, номоддий обьектларни ҳимоялаш хукуки фуқаролик хукуклари жумласига кирувчи, фуқаролик хукуки тартибга солиш механизмининг бир элементи ҳисобланади.

Ушбу талқинга асосланган ҳолда амалдаги фуқаролик қонунчилиги номоддий муносабатлар ва мулкий муносабатлар билан боғлиқ бўлмаган шахсий муносабатлар фуқаролик қонун хужжатлари билан тартибга солинишини белгилаб беради. Бинобарин, номоддий муносабатлар тўғридан-тўғри фуқаролик хукукининг предмети сифатида эътироф этилади.

4 §. Ташкилий муносабатлар – фуқаролик хукукининг предмети сифатида

Бозор иқтисодиётiga асосланған янги фуқаролик-хукукий муносабатлардан бири ташкилий-хукукий муносабат ҳисобланади. Бинобарин, тоталитар тузум даврида, асосан, маъмурӣ тусда бўлган ҳамда фақат давлатнинг маъмурӣ-буйруқбозлик бошқарувига асосланган иқтисодий муносабатларни хукукий тартибга солиш бугунги кундаги бозор иқтисодиёти қонуниятларига асосланиши ташкилий-хукукий муносабатларни фуқаролик хукуки предмети таркибиға кириши учун замин яратди. Зоро, хукукни кўллаш амалиётида юзага келаётган ва мамлакат иқтисодий ривожланишида алоҳида ўринга эга бўлган йирик корхоналар, корпорациялар ва концернлар фаолиятини бошқарув, бунда давлат бошқарувининг татбиқ этилмаслиги, акциядорлик жамиятлари фаолиятидаги бошқарув хукукий жиҳатдан қайси хукуқ соҳаси нормалари билан тартибга солиниши масаласини аниқлаш ҳамда бундай бошқарув соҳасида вужудга келадиган муносабатлар хукуқ соҳаларидан қайси бирининг предмети таркибиға киришини белгилаб олиш давлатнинг истиқболидаги стратегик аҳамиятга эга масалалардан бири ҳисобланади.

Замонавий ҳукуқшунослиқда кенг қўлланилаётган “корпоратив бошқарув”, “корпоратив муносабатлар” ва уларнинг барчаси учун умумий бўлган “ташкилий-ҳукукий муносабатлар”нинг алоҳида умумий қоидаларга бирлаштирилиши, уларнинг ҳукуқшунослиқдаги ўрнини белгилаш ва ҳукукий тартибга солиш қонуниятларини ишлаб чикиш милий ҳукуқшунослик олдидаги концептуал вазифалардан бири саналади. Бунда ҳукуқшунослик соҳаларида бугунги кунда амал килиб келаётган “ташкилий-ҳукукий муносабатлар”ни тартибга солиш механизmlарини таҳлил қилган ҳолда, мазкур муносабатларнинг тизимини белгилаш ва туркумлаш алоҳида долзарблик касб этади. Шу нуқтаи назардан ўзига хос комплекс тусга эга бўлган “ташкилий-ҳукукий муносабатлар”нинг алоҳида ва энг йирик кисми бўлган фуқаролик ташкилий-ҳукукий муносабатларнинг хусусиятларини, уларни ҳукукий тартибга солишдаги усул ва воситаларни, механизmlарни ишлаб чикиш цивилистикадаги доктринал аҳамиятга молик муаммодир.

Таъкидлаш ўринлики, фуқаролик ташкилий-ҳукукий муносабатлар мамлакатимиз ҳукукий тизимида нисбатан яқин вақтлардан бошлаб қўлланиб келинмоқда. Гарчи фуқаролик ташкилий-ҳукукий муносабатлар сиркяррали ва соҳага оид кўп функцияли масала бўлса-да, фуқаролик ҳукуки фанида у тадқиқотларнинг объекти сифатида шу кунга қадар ўрганилмаган. Буни фуқаролик ташкилий-ҳукукий муносабатларнинг ҳукукий табиити ва фуқаролик ҳукукий муносабатлар тизимида тутган ўрни бўйича асослантирилган илмий концепциянинг ҳалигача ишлаб чиқилмаганлиги билан боғлаш мумкин. Шу билан бирга, фуқаролик ҳукукий муносабатларни тартибга солишнинг амалдаги механизми ташкилий-ҳукукий муносабатларни деярли хисобга олмайди. У асосан мулкий ва қисман шахсий муносабатларга қаратилган. Шу сабабли, у самарали ва кенг қамровли эмас.

Ўз навбатида, фуқаролик ташкилий-ҳукукий муносабатларнинг турлари ҳақида ҳам қарама-қарши нуқтаи назарлар мавжудлнгини айтиб ўтиш лозим.

Фуқаролик ташкилий-ҳукукий муносабатларни бузганлик учун жавобгарлик масалалари ҳам тадқиқотчиларнинг эътиборидан четда қолиб келмоқда. Фуқаролик ташкилий-ҳукукий муносабатларни қўллаш амалиёти билан боғлиқ бўлган қатор муаммолар ҳам бор. Ушбу муаммоларнинг ҳукукий асослари конунларда етарли даражада ўз ифодасини топмаган. Умуман олганда, аҳолининг ҳукукий онги ва ҳукукий маданиятида фуқаролик ташкилий-ҳукукий муносабатлар тўғрисида тасаввурларни вужудга келтириш жараёни ўз ҳолига ташлаб қўйилган.

Шу билан бирга, фуқаролик ташкилий-ҳукукий муносабатларни тизимлаштириш орқали, ушбу муносабатларни ҳукукий тартибга солишни такомиллаштириш, ташкилий-ҳукукий муносабатларни тартибга солишга қаратилган фуқаролик-ҳукукий шартномаларнинг ўзига хос жиҳатларини

аниқлаш, фуқаролик ҳуқуқи субъектларининг вужудга келиши ва бекор бўлишидаги ташкилий муносабатларнинг ҳуқуқий асосларини мукаммаллаштириш ҳам бугунги фуқаролик ҳуқуқи фани олдидағи долзарб вазифалардан бири саналади. Бунда Ўзбекистонда амалга оширилаётган демократик ислоҳотлар ва иқтисодиётни либераллаштиришни янада чукурлаштиришда тадбиркорлик фаолиятининг янги ташкилий-ҳуқуқий шакллари ва тузилмаларини вужудга келтиришга оид ташкилий муносабатларни ҳамда корпоратив бошқарув соҳасидаги ташкилий муносабатларни ҳуқуқий тартибга солиш ва норматив-ҳуқуқий базасини ривожлантириш алоҳида ўрин тутади.

Ҳозирги кунда фуқаролик ҳуқуқининг предмети сифатида ўзини намоён этадиган ташкилий муносабатларнинг ҳуқуқий табиатини тушунтиришга ҳаракат қиласиган турли хил фикр ва мулоҳазалар кўплаб учрайди. 1940 йилдаёк, М.М. Агарков ўзининг собик шўро фуқаролик ҳуқуқининг предмети ва тизими тўғрисидаги тадқиқотида маъмурий буйруқбозлик давридаги маъмурий ҳуқуқ фани ташкилий муносабатларни тартибга солишини кўрсатиб ўтади ва улар шўро давлатининг ташкилий муносабатлар фаолиятидан келиб чиқади дейди¹, шунингдек, улар муйян фаолиятни бошқариш усули хисобланмайдиган ижтимоий муносабатларнинг мустақил доирасидан иборат бўлади деб кўрсатилиди. Ўз навбатида, С.Н. Братусь фуқаролик ҳуқуқининг предмети ҳақидаги умумий таълимотлар доирасида ҳуқуқий бошқарув соҳасига кирувчи мулкий муносабатлар тушунчаси муаммосини кўриб чиқади ва ҳукукнинг мазкур соҳаси доирасида ташкилий муносабатларнинг мустақиллиги ҳақидаги масалани ўртага ташлайди. Бу билан олим мулкий муносабатларни ташкилий муносабатлардан аниқ ажратиб қўяди.²

- С.Н. Братусъининг фикрича, асосий масала фуқаролик-ҳуқуқий ва маъмурий-ҳуқуқий нормалар ўртасидаги боғлиқликни мулкий муносабатлар билан бирлаштиришда эмас, балки уларни тўғри баҳолашдадир. С.С. Алексеев кўриб чиқилаётган масалани бошқача нұктай назардан ҳал этади. Мулкий муносабатларни ажратиб кўрсатиш объектнинг белгиси бўйича амалга оширилади, ташкилий муносабатлар эса, мазмун ва моҳиятига кўра ажратилади, деб кўрсатади. Муаллиф «моддий неъматлар объекти хисобланган ташкилий муносабатларнинг бу гурухи мулкий муносабатлар, деб аталиши лозим ва бу фуқаролик ҳуқуқи соҳасига киради» деган хulosага келади.³

Фуқаролик ҳуқуқининг предметида юридик тенглик тамойили фуқаролик ҳуқуқи муносабатлари иштирокчиларининг ҳуқуқий ҳолатини эътироф этади. Улар бир-бирига нисбатан маъмурий қарамлик

¹ Агарков М.М. Предмет и система советского гражданского права// Советское государство и право. 1940. № 8-9. -С.54.

² Братусь С.Н. Предмет и система советского гражданского права. М., 1963. -С.42-47.

³ Алексеев С.С. Предмет советского социалистического гражданского права. Свердловск, 1959. -С.72.

муносабатида бўлмасдан, балки ўзаро тенг хукуклилик алоқаларини ўрнагадилар, бир хил имконият яратувчи умумий фуқаролик – хукукий нормалар асосида ҳаракат қиласадилар.

Ташкилий муносабатларни фуқаролик хукуки фанининг мустақил предмети сифатида кўриб чикиш асосчиси ҳақли равишда О.А. Красавчиков хисобланади.

О.А. Красавчиков бу масалага кирк йил аввал ўз эътиборини қаратган ўди. Муаллиф фуқаролик–хукукий муносабатларнинг тўрт гурухга ажратади. Унинг фикрича, фуқаролик хукуки предметининг таркибига қўйидаги хукукий муносабатлар киради;

1) назарда тутилганлик–мулкий муносабат ўрнатиш ёки ривожлантирувчи (масалан, автотранспорт корхоналарининг маҳсус битимлари, навигация бўйича битимлар ва ҳоказолар) муносабатлар;

2) ваколат берувчи, бир шахснинг бошқа шахс номидан муайян хатти-ҳаракатларни амалга ошириши учун ваколатловчи (масалан, ишончномани бериш ва қайтариб олиш) муносабатлар;

3) назорат этувчи, фуқаролик–хукукий муносабатнинг бир субъектига бошқасини назорат қилишига имкон берувчи (масалан, буюртмачи назоратчи, лойиҳалаш ташкилотларни муаллифлик назорати ва ҳоказолар) муносабатлар;

4) ахборот-маълумот олиш бўйича муносабатлар, унга кўра томонлар муайян ахборотни алмашишга мажбурдирлар (масалан, сотувчи харидорни сотилган мулкка учинчи шахснинг хукуки борлиги ҳақида огохлантириши ва ҳоказо). Бундан ташқари, муаллиф мулкий муносабатлар ҳамон ишлаб чиқариш воситалари ёки маҳсулотлари билан боғлиқ экан бевосита йўналтирилган инсонлар хатти-ҳаракатини бошқарувчи меъёрларгина мулкий муносабатларга таалуқли бўлади, холос, дейди. Бу фикрга кўшилиб бўлмайди, чунки фуқаролик хукуки, маълумки, ўз таркибига кўплаб меъёрларни олади ва булар мулкий мазмунга эга бўлган хатти-ҳаракат билан алоқадор бошқа фуқаролик–хукукий меъёрлар восигасида шундай йўналишга эга бўлмайди. Бу дегани, муносабатлар, бевосита шулар билан тартибга солинадиган, гарчи мулкий муносабатлар билан алоқадор бўлса-да, унинг учун ўзига хос хизмат вазифасини ўтайди, уларнинг ўзи эса мулкий эмас, балки ташкилий муносабатдир. Бундан ташқари, биз ўйлаймизки, муаллифнинг шу гарика мулоҳазаси туфайли кўпгина бошқа фуқаролик–хукукий меъёрларни, масалан, субъектлар хукуки ҳақидаги мулоҳазани ҳам тан олишга тўғри келади. У мулкий муносабатнинг ўзинигина эмас, балки унинг муҳим белгиларидан бирини ифода этади.

Шундай килиб, натижада фуқаролик–хукукий ташкилий муносабатлар юзага келади. О.А. Красавчиков бу ташкилий муносабатлар ўз ҳажми жиҳатидан мулкий муносабатлардан камлик қилмайди, деб таъриф беради.

Кейинчалик, Н.Д. Егоров ташкилий муносабатларни О.А. Красавчиков назарда тутган маънода эмас, балки уйғунлаштирувчи муносабатлар дейиши майқул кўради ва товар ишлаб чиқариш шароитида товар шаклини олувчи муайян сарф-харажат билан ташкилий фаолиятнинг боғликлигини кўрсатади.¹ Шунга кўра, уйғунлаштиришнинг киймат муносабатлари улар томонидан мулкий муносабатларни тури сифатида қаралади. Бирок, муаллиф бизнинг назаримизда, ҳукукий бошқаришининг «бўйлама ёндош» ва «тик» сатҳида ётувчи муносабатларини аралаштиради, бу улар чиқарган хулосаларни шубҳа остига кўяди.

Шу билан бирга, О.А. Красавчиковнинг фикрини кескин танқид остига олиш билан бирга, куйидаги жиҳатларга алоҳида эътибор қаратишни истаймиз. Умуман, ҳар кандай ижтимоий муносабатлар, шу жумладан мулкий муносабатлар ҳам муайян даражада ташкилийлиги, шаклланиш босқичи билан тавсифланади. Уларни ташкил этувчи унсурлар (элементлар) истисно қилинса кифоя, мулкий муносабатларнинг ўзи ҳам барҳам топади. Навбатдаги қонунчилик доирасида давлат ҳукукий меъёрлар ёрдамида мулкий муносабатларнинг турлича ташкиллаштириши мумкин. Пудратчи буюртмачига ишнинг яроқлийлиги ва тааллуклийлигига ҳавф солувчи вазиятдан огоҳ этиш масъулиятини юқлаши ҳам юкламаслиги ҳам мумкин. Аммо бундай мажбурият бўлмаганда буюртмачининг мулкий муносабатига катта зарар етиши мумкин. Шундай қилиб, О.А. Красавчиковнинг хатоси мулкий муносабатларни алоҳида фуқаролик-ҳукукий муносабат деб эълон қилишида кўринади.

Кўриб чиқилаётган масала бўйича бизнинг нуқтаи назаримиз, аслида, фуқаролик ҳукуки фани учун янгилик хисобланмайди, чунки ўз вактида мазкур муаммони О.С.Иоффе қисман тушунтириб ўтган.² Бундан ташқари, бу нуқтаи назарга фуқаролик ҳукуки соҳасидаги бир қатор бошка тадқиқотчилар ҳам кўшиладилар. Лекин шу билан бир вактда, О.А.Красавчиковнинг тарафдорлари ҳам бор. Шунингдек, юқоридагилар билан бир қаторда, мазкур муаммо бўйича қарашлар ривожида келишувчилик ҳолати ҳам мавжуд. Улар бундай ташкилий муносабатлар концепциясига қаердадир кўшиладилар, қаердадир кўшилмайдилар. Агар амалдаги фуқаролик қонунчилигига эътибор берилса, ташкилий-ҳукукий муносабатларнинг ҳажми сезиларли ошганлигини кўриш мумкин. Бундан ташқари, ўқув адабиётларида, кейинги пайтларда «корпорациянинг хусусий мулкини бошқариш бўйича корпоратив муносабатлар»га алоҳида ургу берилмокда. Булар мулкий хусусияти билан ажralиб туради ва ташкилий муносабатлар устунроқ бўлган корпоратив муносабатларга қарама-карши кўйилади, шунингдек, баъзи нотижора, ташкилотлар

¹ Егоров Н.Д. Гражданское-правовое регулирование общественных отношений: единство и дифференциация. -Л., 1988. 11-12 с.

² Иоффе О.С. Развитие цивилистической мысли в -Л., 1975. 95-96 с.

жимоат ва диний ташкилотлар, юридик шахслар уюшмаси ва бошқаларга хам.

Маълумки, ҳар қандай ишлаб чиқариш, шунингдек, бевосита ҳўжалик филологияни юритиш жараёнини амалга ошириш учун ушбу жараёнга ҳонгирлик кўриш, ташкилий-хукуқий жихатдан тайёргарлик кўриш лозим бўлади. Бундай ташкилий ишларни бажармасдан, ҳал этмасдан туриб, кейинги жараёнга киришиш мумкин эмас. Одатда, ҳўжалик юритувчи субъектларнинг дастлабки ва кейинги катор ташкилий тусдаги муносабатлари давлат бошқарув идоралари билан бўладиган алоқаларга (бир тарафнинг иккинчи тарафга маъмурий бўйсуниш) асосланганни боис, маъмурий ҳукуқ нормалари билан тартибга солинади. Бироқ, маъмурий бўйсунишга асосланган бундай ташкилий тусдаги муносабатлар жамиятизизда мавжуд бўлган ва вужудга келадиган ташкилий муносабатларнинг барчасини қамраб олмайди. Фуқаролик кодексининг 2-моддаси 6-қисмida бир тарафнинг иккинчи тарафга маъмурий бўйсунишига асосланган мулкий муносабатларга, шу жумладан солик, молиявий, маъмурий ва бошқа муносабатларга нисбатан фуқаролик қонун хужжатлари кўлланилмайди, қонун хужжатларида назарда тутилган ҳоллар бундан мустасно, деб белгилаб кўйилган.

Демак, ҳаёт такозоси туфайли юзага келадиган ва қонун хужжатларида назарда тутилмайдиган ҳоллар мавжудки, бундан келиб чиқадиган муносабатлар субъектларнинг ташаббусига, тенглигига, хоҳиш-иродаларининг эркинлигига асосланади.

Ҳозирги вақтда фуқаролик ҳукуқининг предмети мулкий ва шахсий номулкий муносабатлар билангина боғлиқ эмаслиги тўғрисида бир қатор фикрлар айтилмоқда. Жумладан, проф. О.Оқюлов фуқаролик ҳукуқининг предмети таркибиға ташкилий ҳукуқий муносабатлар ҳам киради деган фикрни илгари суради. Ушбу фикрнинг исботини у юридик шахслар ташкил этиш жараёнидаги кўради. Унинг кўрсатишича, фуқаролик ҳукуқи томонидан тартибга солинадиган муносабатларни анъянавий развишда факат мулкий ва шахсий номулкий турларга ажратиш ҳар доим ҳам тўғри эмас. Баъзан субъектлар ўртасида, шундай муносабатлар ҳам вужудга келадики, улар ўз моҳиятига кўра, на мулкий, на шахсий - номулкий бўлиб хисобланмайди. Фуқаролик ҳукуқий муносабат иштирокчиларини муайян тузилмалар тузиш бўйича ташкилий муносабатларга киришиши ҳақида (юридик шахслар ташкил этиш, юридик шахслар иттифоқларини ташкил этиш, биргаликдаги нотижорат ҳамкорлик тўғрисида) бормоқда. Тўғри, Е.Суханов улардан баъзи бирларини мулкий муносабатларнинг ўзига хос кўриниши бўлган корпоратив муносабатлар, деб ҳисоблайди. Бироқ, бу мазкур муносабатлар моҳиятини аниқ ва тўлиқ ифода этмайди.¹

¹Оқюлов О.О.Современные концепции о предмете гражданского права и проблемы либерализации системы права. Материалы международного симпозиума. Традиционное право Узбекистана и Японии: проблемы совершенствования законодательства -Т:, 2002. -С. 48

Академик Х.Рахмонкулов бу фикрга қўшилибгина қолмасдан, уни янада давом эттиради ва чукурлаштиради.¹ Унинг фикрича, бир тарафни иккинчи тарафга маъмурий бўйсунишига асосланмаган тарафларнинг тенглик тамойилига асосланган ташкилий мулкий муносабатлар, фукаролик хукуки билан тартибга солинади ва бундай ташкилий муносабатлар жумласига қўйидагилар хам киради:

-юридик шахснинг хукукий мақомини белгиловчи уставини ишлаб чикиш, қабул қилиш ва тасдиқлаш;

-таъсис шартномасини тузиш ва уни давлат рўйхатидан ўтказиш, шунингдек, бошқа ташкилий-хукукий тузилмалар ташкил этиш ва уларни юридик расмийлаштириш (турли хўжалик бирлашмалари, ширкатлари ва уларнинг ваколатхоналари, филиаллари шаклидаги юридик шахсларни ташкил қилиш);

-қайтадан ташкил этиш билан боғлиқ муносабатлар (юридик шахсни қўшиб юбориш, қўшиб олиш, бўлиш, ажратиб чиқариш, ўзгартириш ва х.к.);

-биргаликдаги фаолияг тўғрисидаги шартномани тузиш (оддий ширкат шартномаси);

-дастлабки шартномаларни тузиш (бунда шартнома шартларига мувофиқ келгусида мол-мулк бериш, ишлар бажариш, хизматлар кўрсатиш бўйича дастлабки шартнома асосида келгусида асосий шартнома тузиш ҳақида келишиб олинади);

-узоқ муддатли хўжалик алоқаларини ўрнатиш учун тузиладиган шартнома;

-мажбурий тартибда тузиладиган шартномалар асосида вужудга келадиган муносабатлар (муайян муддатлар мобайнинда шартнома лойихаларини тузиш ва унинг шартлари ҳақида келишиб олиш);

-шартнома тузиш олдидан вужудга келиши мумкин бўлган низоларни ҳал қилиш ва ҳоказо.

Ташкилий-хукукий муносабатлар икки хил тоифадаги, яъни, ички ва ташкилий муносабатларни бажаришга қаратилиди. Ташкилий-хукукий муносабатлар иккисининг ишлаб чикишни ташкил этиш ва хўжалик фаолиятининг турли соҳаларида мулкий алоқаларини ўрнатишни ташкил қилишини амалга ошириш билан боғлиқ. Ички вазифаларни ташкилотлар, хўжалик жамиятлари, ширкатларнинг хукукий ҳолати (уларнинг уставлари, таъсис шартномалари) билан белгиланади, ташкилий-хукукий вазифалар фукаролик хукукий нормалари билан тартибга солинади.

Бозор иккисодиёти шароитида мулкий муносабатлар шартнома ёрдамида вужудга келади ва шаклланади. Мулкий муносабатлар соҳасидаги шартнома фукаролик хукукининг асосий институтларидан

¹ Рахмонкулов Х.Р. Фукаролик хукукининг предмети, методи ва тамойиллари. -Т:, 2003. -Б. 25.

иборат. Шартнома, биринчи галда, мулкий муносабатларнинг вужудга келиши учун асос сифатида хизмат қиласди. Шунинг билан бирга, иқтисодиётни эркинлаштириш, иқтисодий муносабатлар соҳасида ҳакиқий киймаг конунийларини жорий қилиниши шароитида у мулкий муносабатларни тартибга солиш ва уларни ташкил қилиш вазифаларини бажаради.

Фуқаролик ҳуқуқи фани мутахассислари томонидан «Хўжалик ҳуқуқи»ни ҳуқукнинг алоҳида соҳаси сифатида тан олиш ҳакидаги таклифларга каршилик кўрсатилган даврда О.А.Красавчиков мулкий шартномалар билан бир қаторда ташкилий-хукукий шартномалар мавжудлиги ҳакида фикр билдирган эди.¹ Ушбу ташкилий муносабатларнинг борлиги ва улар фуқаролик ҳуқукининг предмети сифатида тан олиниши кераклиги ҳакида таклиф киритилган эди.² Шу билан бирга, ушбу ташкилий муносабатлар режали хўжаликнинг ажralmas белгиларидан иборат, деб карапланган эди.

Режалаштиришга асосланган тузумдан воз кечиш қиймат конунийларидаги бозор муносабатлари шароитида фойдаланиш, мулкий муносабатларнинг эквивалент ва ҳақ эвазига амалга оширилиши, шартноманинг эркинлиги ва унинг тарафларининг тенглиги, улар томонидан ўз ҳукукий ҳолатларига амал қилган ҳолатда мулкий муносабатларни мустақил равища ташкил қилиш учун шарт-шароит яратади. Бундай ташкилий фаолият жараёнида, асл маънода, мулкий муносабатлар ўрнатилмайди, балки уларни шакллантириш амалга оширилади ва у орқали муносабатлар иштироқчилари ўртасида ўзаро алоқалар ўрнатилади.

Ташкилий-хукукий муносабатлар нисбатан мустақил ҳисобланади. Чунки улар кўпчилик ҳолларда мулкий муносабатларни ўрнатиш учун шарт-шароитлар яратади. Ташкилий-хукукий муносабатларда иқтисодий мустақил ва юридик жиҳатдан бир-бирига бўйсунмаган тарафлар катнашади. Шунинг учун ҳам уларнинг ўзаро муносабатлари фуқаролик ҳуқуки билан тартибга солинадиган тенглик тамойили асосида ўрнатилади.³

Ташкилий-хукукий муносабатлар бевосита мулкий муносабатлар билан боғлиқ бўлганилиги сабабли, унинг бир элементи сифатида нисбатан мустақил ҳисобланади. Шунинг учун ҳам ташкилий-хукукий муносабатлар фуқаролик ҳуқукининг предмети таркибидан ҳакли равища жой олиши лозим.

¹ Красавчиков О.А. Гражданские организационно-правовые отношения. Советское государство и право. М., 1966. №10., -С. 55-56.

² Советское гражданское право Учебник Т.1 Под ред. Проф.Красавчикова О.А. Высшая школа, -М.: 1968. -С. 8.

³ Рахмонкулов Х.Р. Ўша асар. 25-28 б.

5 §. Корпоратив муносабатлар фуқаролик–хуқуқининг предмети сифатида

Ўзбекистон Республикасида бозор муносабатлари юзага келиши ва иктиносидий ислоҳотларни янада ривожланиши билан ҳуқуқшунослар ва иктиносидилар ўз эътиборларини корпорацияларнинг моҳиятини хамда унинг иштирокчилари ўртасида юзага келадиган муносабатларни тадқиқ қилишга қаратдилар. Корпорация атамаси, хорижий давлатлар қонунчилигидан фарқли равишда, Ўзбекистон Республикаси қонунчилигига хос эмас. Континентал ва англосаксон ҳуқуқ тизимида «корпорация» ибораси турли хилдаги мазмунга эга бўлган маъноларни билдиради.

Корпорация иштирокчисининг ҳуқукларига унинг бошқарувида иштирок этиш, корпорацияга доир барча маълумотлардан хабардор бўлиш, қўлга киритилган даромаднинг бир кисмига эгалик қилиш хамда корпорация тугатилаётганда ўз улушига эга бўлиш ҳуқуки киради.

Фуқаролик ҳуқуқининг етакчи мутахассислари ўртасида корпорациялар ва уларнинг ҳуқуқий табиити тўғрисида турли хил фикр ва мулоҳазалар мавжуд. Собиқ шўро юридик адабиётларида янги иктиносидий сиёсат (НЕП) даврида ва ҳозирги кунда корпоратив ҳуқуқ деб аталаётган ҳуқуқий муаммолар ўрганилган. Уларга бағишилаб, В.Ю.Вольф, М.Н.Израэлит, П.А.Рудневлар ўз тадқиқотларини олиб боришиган.¹ Е.Н.Гендзехадзе ва Ш.Д.Чиквашвилиниң тадқиқотларида эса, туар-жой кооперациялари муаммолари таҳлил қилинган.² Гарчи уларда нотижорат ташкилотлар тўғрисида сўз юритилмаса-да, юридик жиҳатдан қатнашчиларнинг корпоратив ҳуқуқи табиатан тижорат ташкилоти аъзоларининг ҳуқуқига ўхшаб кетади.

Ҳуқуқшунос олимлар корпорация қатнашчиларининг ҳуқуки тўлалигича мажбурият муносабатлари ёки улардан айримлари корпоратив муносабатлар, дея мунозара қиласидилар. Шунингдек, қатнашчиларнинг барча ҳуқуқлари корпоратив муносабатлар, деган фикрлар ҳам мавжуд бўлган.

Кооператив ягона корпорация ҳисобланган собиқ шўро давлатида корпоратив муносабатлар ҳуқуқий муносабатларнинг кўриниши сифатида умуман тан олинмаган. Улар колхоз ҳуқуқий муносабатлари доирасида ёки жамоатчилик ташкилотлари ўртасида вужудга келадиган ҳуқукий муносабатлар доирасида ўрганилган.

¹ Вольф В.Ю. Основы учения о товариществах и акционерных обществах. М., 1927; Израэлит М.Н. Акционерные общества. М.: Экономическая жизнь, 1927; Руднев П.А. Анализ прав и обязанностей акционеров. М.: Н.К.Ю. РСФСР, 1927.

² Гендзехадзе Е.Н. Жилищно-строительные кооперативы в городе и селе. -М.: Изд-во Московского университета, 1976; Чиквашвили Ш.Д. Личные и имущественные правоотношения в жилищных кооперативах. -М.: Юридическая литература, 1973.

Мамлакатимизда мустакиллик шарофати билан кооперативларнинг равнақ топиши ҳамда бошқа корпорацияларнинг вужудга келиши натижасида корпоратив муносабатларнинг юридик табиатини ўрганишига хукукшунос олимларимиз, жумладан, Х.Р.Рахмонкулов, С.С.Гуломовлар ўз эътиборларини қаратса бошладилар.¹ Корпоратив хукукни нисбатан торрок маънода ташкил этиш ҳам мавжуд АҚШ, Канада ва инглиз тилида сўзлашувчи бошқа мамлакатларда корпоратив хукуқ асосан акционерлик хукуқи, яъни устав капитали акцияларга бўлинган корхона – акциядорлик жамиятлари ичидаги вужудга келадиган муносабатларни тартибга солувчи хатти - ҳаракат қоидалари тизими ҳисобланади.

Ҳақиқатан ҳам ушбу мамлакатларда йирик акциядорлик жамиятлари капиталларни бирлаштирувчи асосий корпорациялар бўлиб ҳисобланади. Юксак технологияларга асосланган ишлаб чиқаришни ташкил этиш шароитларида ушбу корпорациялар хўжалик юритишнинг самарали шакли эканлигини исбот қилди. Одатда, АҚШда давлат корхоналари камдан-кам ҳолларда ташкил этилган. Ширкатлар эса индивидуал (якка тартибдаги) мулк шакли ҳисобланган. Ҳозирги вақтда ҳам ривожланган мамлакатларда давлат секторида жами ёлланма мутахасисларнинг 10% ишлайди, холос². Умуман олганда, давлат корхоналари деярли фойда-даромад олмасдан фаолият кўрсатади. Бундай корхоналар одатда мудофаа - ҳарбий саноат корхоналари, кўприклар, дамбалар, канализация тизимлари курилиши, ахлат-чиқинди тўплаш, оммавий кутубхоналар ва социал тузилмалар кўринишида мавжуд. Бирок, хусусийлаштириш жараёни ушбу соҳаларга ҳам кириб бормоқда. Давлат бошқаруви билан боғлиқ тармоқлар бўлган соҳаларда давлат тузилмалари ўрнига хусусий фирмалар ташкил этилмоқда (масалан, почта хизматлари кўрсатиш, шаҳар жамоат транспорти, кутубхоналар, ахлат-чиқинди тўплаш ва.х.).

Тараққий этиб бораётган бозор иқтисодиёти шароитидаги товар алмашувининг табиий ривожи, ўз навбатида, мулкий муносабатларнинг ҳам мураккаблашиб боришига ва, оқибатда, уларнинг янги кўринишларининг амалиётга кириб келишига сабаб бўлади. Бундай муносабатлар категорига корпорацияларнинг хусусий мулкини бошқариш бўйича вужудга келадиган муносабатларни кўрсатиш мумкин. Улар, одатда, мулкий муомалада доимий ва профессионал фаолият кўрсатиш учун ташкил қўлинган хўжалик жамиятлари ва ширкатлари, шунингдек, ишлаб чиқариш кооперативларини бошқариш жараённида юзага келади. Иштирокчилари томонидан максус тузилган ушбу ташкил олар ўзи-ўзини бошқарни ҳамда каттий белгиланган аъзолик тамойиллари асосида фаолият юритиб, улар ўртасидаги муносабатлар, асосан, мулкий тусда бўлиши билан изоҳланади.

¹ Рахманкулов Х.Р., С.С.Гуламов. Корпоративное право. -Т., ТГЮИ. 2004.

² Кашинина Т. Корпоративное право. – М.: Издательская группа “НОРМА-ИНФРА”, 1999. -С. 60.

Мулкий муносабатларнинг бундай кўринишининг юридик шакли корпоратив хукукий муносабатлар бўлиб ҳисобланади

Биринчидан, корпоратив муносабатлар хукуқ нормалари томонидан тартибга солинган хукукий муносабатлардир.

Иккинчидан, бу – фуқаролик хукукий муносабатлардир.

Бундан ташқари, улар фуқаролик қонунчилиги нормалари билан тартибга солиниб, кўплаб цивилист олимлар томонидан фуқаролик-хукукий муносабатларининг алоҳида кўриниши сифатида тан олинган. Бундай муносабатлар, айрим эркинликларнинг чекланишига қарамай, фуқаролик хукуқининг тамойилларига асосланниб, ўз мулкига эга бўлган, эркин ва мустақил бўлган алоҳида субъектлар (юридик шахслар – корпорациялар ва уларнинг қатнашчилари) ўртасида вужудга келади.

Корпоратив муносабатлар кўпинча ташкилий-хукукий муносабат сифатида тавсифланади. Умумий қоидага кўра, ташкилий-хукукий муносабатлар маъмурӣ хукуқ предметининг таркибиға кирувчи муносабатлар туркумига киради. Лекин кўйидаги сифатларга жавоб бера оладиган ташкилий муносабатлар фуқаролик хукукий муносабатлар бўла олади:

1. Мулкий жиҳатдан мустақил ва юридик тенг бўлган субъектлар ўртасида фуқаролик хукуки ўрнатилади.

2. Тартибга солиш усули “хукмонлик, бўйсуниш” эмас, балки томонларнинг тенг хукуклилигидир.

3. Муносабат иштирокчилари ўзларига тегишли хукукларнинг иккинчи томондан мажбуран амалга ошириш учун судга мурожаат қиласидар (бинобарин юридик жиҳатдан субъектлар тенг бўлиб, улардан бири иккинчисига нисбатан давлат ҳокимиияти ваколатига эга эмас).¹

Корпоратив муносабатлар шундай жиҳатларга эга бўлгани учун ҳам, фуқаролик хукуки нормалари томонидан тартибга солинадиган ташкилий-хукукий муносабатлар жумласига тегишли бўлиши лозим. Кўплаб хукукшунос олимлар корпоратив муносабатларни фуқаролик хукукий муносабат сифатида тан олган холда, уларнинг фуқаролик хукукий муносабатларнинг қайси гурухига мансуб эканлиги тўғрисида баҳс-мунозара олиб бормоқдалар.

Бу борада учта нуқтаи назарни кўрсатиб ўтиш мумкин. С.Н.Братусь кооператив ва жамоат ташкилотларига аъзолик хукуки шахсий мулкка таалукли, шунинг учун бегоналаштирилмайди, токи улар мазкур корпорациянинг аъзоси экан, уларни бундай ташкилот аъзолигидан ажратиб бўлмайди, деб ҳисоблайди. Бунга жавобан, Е.Н.Гендзехадзе

¹ Гражданское право: Учебник. Т. 1 / Отв. ред. Е.А. Суханов. -С.35; Степанов П.В. Корпоративные отношения в коммерческих организациях как составная часть предмета гражданского права: Дисс.канд юрид. наук. М.: МГУ им. М.В. Ломоносова, 1999. - С. 35.

ташкилот хукуқларига хукукий ваколат ва мажбуриятларни топшириш мумкинлиги хусусида ўз фикрларини баён қиласы.¹

Фуқаролик хукуки томонидан муҳофаза килинувчи ёки тартибга солинган шахсий номулкий муносабатларни мулк билан боғлиқ бўлган ва мулк билан боғлиқ бўлмаган икки гурухга бўлиш мумкин. Уларнинг ҳар иккиси ҳам иктисодий кийматга эга эмас ва уларни шахсдан ажратиб бўлмайди. Одатда, якка тартибдаги маблағга тенглаштирилган ва интеллектуал фаолият натижаларини муҳофаза килувчи соҳа мулкий муносабатлар билан боғлиқ бўлган шахсий муносабатлар сирасига киради. Бундай хукукий муносабатлар доирасида мавжуд бўлган имтиёз хукуқлари ўз табиатига кўра мутлакадир, яъни уларнинг субъектига мажбуриятга эга шахсларнинг номаълум доираси қарши туради. Аъзолик хукукий муносабатларини юкорида эътироф этилганлар билан таққослаб бўлмайди, чунки:

бириңчидан, мажбуриятга эга бўлган шахслар харакати аъзолик муносабатларининг обьекти (қоидага кўра мажбурий субъект ваколатга эга бўлган масъул шахс ёки унинг катнашчилари эмас, балки корпорация)дир;

иккинчидан, ваколатга эга бўлган субъектта қарши мажбуриятга эга шахсларнинг маълум доираси қарши туради, демак, бу муносабатлар мутлақ хусусиятга эмас, балки нисбий хусусиятга эгадир, бинобарин, улар мулкий хукукий муносабатлардан ҳам фарқ қиласы.

Мулкий муносабатлар билан боғлиқ бўлмаган шахсий номулкий муносабатлар моддий бўлмаган турли манфаатлар борасида юзага келган бўлиб, уларни инсон шахсиятидан ажратиб бўлмайди (ҳаёти, соглиги, гурури, шаъни ва ҳ.к.). Табиийки, корпоратив муносабатларни бу тоифага киритиб бўлмайди, чунки корпорация аъзоларининг хукуки катнашчи шахсияти билан боғлиқ эмас ва бир-бирига бегонадир.

Баъзи бир олимлар корпоратив муносабатларнинг шахсий номулкийлигини эътироф этсалар да, шунга қарамай, уларни номулкий муносабатларга таалукли, деб хисоблайдилар. Бундай нуктай назар тарафдорларидан бирининг эътироф этишича, аъзолик хукукий муносабатларининг обьекти бошқача эмас, айни номулкий манфаатdir. Бирок, бу анчагина баҳс талаб масала. Масалан, О.С.Иоффенинг ёзишича, мулкий муносабатларнинг буюмлар билан боғлиқлигига қарамай, одамлар харакати обьектнинг хукукий харакатидир. Шундай савол туғилади: харакати обьект саналган хукукий муносабатларни мулкий муносабатлар деб санаш мумкинми? Кўплаб мажбурият муносабатлари (топшириқ, ҳисоб-китоб муносабатлари ва ҳ.к.) нинг мулкий табиатида обьект саналувчи харакатлар шубҳа туғдирмайди. Масалан, аъзолик

¹ Братусь С.Н. Ук.соч. -С. 74; Гендзехадзе Е.Н. Указ. соч. -С. 57.

хукукий муносабатларининг обьектининг харакатлари юридик шахс мулкиниң ҳолати тўғрисида ахборот олишдан иборатдир. Корпорация қатнашчисининг бундай ахборот олиш учун хукуки бевосита унинг дивиденд олиш хукуки билан боғликдир. Хўш шундай экан, нима учун қатнашчининг мулкий манфаатларини қондиришга йўналтирилган харакатлар номулкий хусусиятга эга бўлиши керак?

Ундан ташқари, корпорация қатнашчилари (корпоратив муносабат субъектлари)нинг мажбуриятлари ўз улушига қандайдир мулкий улуш кўшиддан иборатдир. Улуш кўшган қатнашчининг харакати ёки хукукий муносабат обьектига қўшилган улушни тан олишимиздан қатъий назар, ҳеч ким мазкур обьектининг аъзолик хукукий муносабатларини инкор эта олмайди.

Аввалига (корпорация янги тузилаётган давр назарда тутилмоқда), гарчи оқибатда хадя қилиш ёки мерос қолдириш шартномаси бўйича, яъни, қатнашиш хукуки бегараз кўлга киритилса-да, қатнашиш хукуки мулкий улуш кўшиш асосида юзага келади.

Юридик шахс тушунчаси тўғрисида моҳиятан турли назариялар мавжуд бўлиб, уларни шартли равишда икки гурухга бўлиш мумкин: уйдирма назарияси ва “юридик шахснинг аниқ назарияси”. Фикримизча, юридик шахс сунъий яратилган, мулкий ажратилган қандайдир фикциядир. Унинг мулкка нисбатан (алоҳида) харакатлари номулкий хусусиятга эга бўлиши мумкин эмас. Юридик шахс унинг таъсисчилари томонидан мулкни айлантиришда қатнашиш учун тузилади, агар сўз тижорат ташкилоти ҳақида юритилса, у ҳолда даромад олиш учун тузилади. Табиийки, қатнашчининг хукуки корпорация мулкини тақсимлаш муносабатларида уларнинг мулкий эҳтиёжларини қондириш учун зарур. Масалан, АҚШда акциядорлар ўзлари ташкил қилган корпорацияга доир талайгина хукукларга эга бўлганлари ҳолда, баъзан тўғридан-тўғри “корпорацияларда мулкий хукукка эга шахслар (proprietary interests)” дея номланади.¹ В.Б.Ельяшевичнинг ёзиича, Рим хукукида иттифоқ аъзосининг ваколати унинг мулкига нисбатан кайситир жиҳатдан мулкдорнинг хукукига ўхшаб кетади, бироқ иттифоқдош ташкилотларда улар чекланган ва “иттифоқ мақсадига мувофиқ” шаклан ўзгаргандар.² Шунга қарамай, биз бундай хукукий муносабатларнинг мулкий хусусияти хусусида сўз юритишими мумкин, чунки улар умумий мақсадни кўзлайди ва унга эришиш учун восита бўлиб хизмат қиласи.

Бу борада айрим эътиrozлар ҳам мавжуд: нотижорат корпоратив ташкилотларнинг қатнашчилари даромадга эга бўлиш мақсадини

¹ Сырдоева О.Н. Тенденции развития акционерного права США: Дисс. канд. юрид. наук. М.: МГУ им. М.В. Ломоносова, 1995. -С. 73

² Ельяшевич В. Б. Указ. соч. - С. 397.

кўзламай иштирок этади. Албатта, улар белгилаган юридик шахс мулкий айланмада факатгина ташкилотни тузишда кўзланган мақсадга эришиш зарур бўлгани учунгина иштирок этади. Бироқ, агар ташкилот аъзолари юридик шахсни тузган эканлар, демак, уларнинг номулкий эҳтиёжларини кондириш учун улардан қандайдир мулк ва мулкий айланмада иштирок этиши талаб килинади. Юридик шахснинг мулкини бошқариш ва назорат килишни амалга ошириш учун қатнашчилар хукуқий муносабатларнинг аъзолик (корпоратив) доирасидаги айрим хукукларга эга бўлишлари зарур.

Бундан ташқари, агар бундай ташкилот аъзолари масалан, маънавий эҳтиёжларини кондириш учун ўз кучларини бирлаштирасалар, у ҳолда, улар ўртасида нафакат фуқаролик хукуқий муносабатлари, балки, умуман хукуқий нормалар томонидан тартибга солинмайдиган бошқача муносабатлар ҳам вужудга келади. Тъбири жоиз бўлса, айтиш мумкинки, уларга номулкийлик ҳолат хосдир. Масалан, диний ташкилот аъзолари ва динни тартибга солувчи нормалар ўртасида юзага келган муносабатларда ўша шахслар бутунлай бошқа мақомга эга бўлади.

Корпорация бошқарувида факатгина уни бошқариш учунгина қатнашиш мумкин эмас. Агар кимдир ўзининг бошқарувчилик кобилиятини намоён кильмоқчи бўлса, у мёҳнат ёки фуқаролик хукуқий шартномасини тузиб, бошқарувчи бўлиб ишлаши мумкин.

Хўжалик ширкатида, масалан, тўлиқ иштирокчи хукукига эга шахс корпоратив хукуқка эга бўлиб, ширкат ичидаги бошқарув (ички муносабатлар)да иштирок этиши мумкин, ўзининг тадбиркорлик кобилиятларини намоён этиши учун эса – ширкатдаги ишларни олиб бориш ҳамда ундан ташқари (ташки муносабатлар) даги ишларда ҳам иштирок этиш хукукига эгадир. Бироқ, ҳатто ширкатда ҳам факат бошқарув учунгина эмас, балки даромад олиш учун иштирок этадилар.

Корпоратив хукуқий муносабатларнинг мулкий муносабат эканлигини эътироф этиш учун куйидагиларга эътиборимизни қаратамиз.

Биринчидан, аъзолик хукуқий муносабатлари обьекти мулкий хусусиятга эгадир. Қатнашчининг корпоратив хукукларини корпорация мулки (бошқарув хукуки ва ахборот олиш хукуки)га нисбатан намоён килиши қатнашчи ҳаракатларининг унинг фаолиятига таъсир кўрсатувчи ҳаракатлар ва мулкнинг тақдири билан боғлиkdir. Шунингдек, мазкур обьект ва корпорация қатнашчилари ҳаракатига уларнинг мулкка нисбатан муносабатларидаги сўнги ёки жорий мулкий бадални киритиш билан боғлиқ мажбуриятларини ижро этишни ҳам санаб ўтиш мумкин. Бошқача қилиб айтганда, обьект қатнашчининг ҳаракатини ва корпорациянинг мулкий муносабатини ифодалайди. П.В.Степанов корпоратив муносабатлар обьектини ташкилотнинг ички фаолиятини

намоён қилишини аниқлайды.¹ Унинг бундай аниқлашини маъқуллаган ҳолда айтиш мумкини, корпорация мулкига нисбатан айни фаолиятни объект сифатида эътироф этиш мумкин. Шунингдек, мажбурият субъектларининг фаол ҳаракати ҳам мулкий хусусиятга эга бўлган хукукий муносабатлар объекти хисобланади. Корпоратив ва мажбурият муносабатлари ҳам ўз табиатига кўра қиёсийдир.

Мажбуриятга кўра, садта, қарздор ўз мажбуриятини бажаргач, талаб қилиш хукукини қўяди. Корпоратив муносабатларда эса мутлақо бунга қарама-карши ҳолат намоён бўлади: қатнашчининг улуш кўшиш бўйича зиммасидаги мажбуриятларини бажаришдан бошқа мажбуриятларни ҳам бажариши қатнашчи ва корпорациянинг келажакда тугатилишини ифодаламайди. Яъни, корпорация қатнашчига унинг фаолияти бўйича бир маротаба ахборот берса, у ҳолда, қатнашчи (маълум шартларга риоя қилиб) корпоратив муносабатлар мавжуд бўлган ҳамма вақт ахборот бериши зарур. Бу эса яна бир хусусиятни ифодалайди: мажбурият муносабатларидан фарқли ўларок, корпоратив муносабатлар ҳаракатининг муддатини камдан-кам ҳолатларда аниқ белгилаш мумкин. Бундай муносабатлар корпорация мавжуд даврда, гарчи унинг ҳатто бир нафар қатнашчиси қолган бўлса ҳам, сакланиб қолади.

Шундай қилиб, қатнашчиларнинг корпорацияга аъзо бўлиш тўғрисидаги мақсадларига эришуви, яъни мажбурият хукукларини жорий этишлари мавжуд бўлган корпоратив хукукларга асосланган корпоратив муносабатлар доирасида бўлиши зарур. Бу борада шундай фикрлар ҳам илгари сурилдики, гёё уларга кўра “улуш сифатида ташкилотнинг устав жамғармасига киритилган буюмлар – мулклар, даромад сифатида қўлга киритилиб қатнашчилар ўргасида тақсимланиши керак бўлган пул маблағлари, корпоратив ташкилот қатнашчиларига тақдим этилган бошқа мулкий манфаатлар ва шунингдек, “тугатиш квотаси”, яъни, “корпоратив ташкилотнинг ички фаолияти” натижалари ҳам корпоратив муносабатлар объекти хисобланади.

Бундай фикрларни маъқуллаб бўлмайди, чунки:

а) устав жамғармасига киритиб бўлинган улуш корпорациянинг шахсий мулк хукукининг объекти саналади. Корпорация хукуки эса корпоратив муносабатлар объектидан улуш киритишни талаб қилишга ҳакли;

б) дивиденд ёки тугатиш квотаси сифатида олинган мулклар корпорация қатнашчининг мулкий ёки мажбурият хукукининг объекти хисобланади (масалан, банк ҳисобидаги пул маблағлари).

¹ Степанов П.В. Корпоративные отношения в коммерческих организациях как составная часть предмета гражданского права. -С. 79.

Фикримизча, буюмлар мутлак хусусиятга эга бўлган мулкий хукукий муносабатлар объекти саналади, яъни моддий манфаатдор бўлган аниқ шахслар номига мулкий муносабатларнинг харакати эмас, балки микдори расмийлаштирилади. Объектнинг табиати ва хусусиятлари унинг хукукий тартибини белгилайди. Факатгина мулкий хукукий муносабатлардагина буюмларни “машҳур шахс хукмига” ҳавола этиш мумкин. Шунингдек, бошқа шахсларнинг бу хукмонликни бузишига қодир бўлган ҳар қандай ҳатти-харакатлари таъқиқланади. Бунинг натижасида мулкий хукуқ барчага қарши йўналтирилган бўлиб қолади, шу маънода, у мутлақ хукукни ифодалайди. Бундай хукмонликни корпоратив хукукий муносабатлар объекти устидан ўрнатиб бўлмайди.

Иккинчидан, корпоратив муносабатлар субъект таркиби сифатида моҳиятан фарқ килиб, бунда доимий субъектлардан бири сифатида корпорация, иккинчиси эса корпорациянинг эркин шакллантирувчи катнашчилари сифатида ифодалайдилар.

Учинчидан, фуқаролик хукуки субъектларининг корпоратив муносабатларда иштирок этишидан мақсади – уларнинг мулкий манфаатларини қондиришдан иборатдир.

Тўртингчидан, аъзолик хукукий муносабатлари катнашчининг юридик шахс мулкига улуш киритиши натижасида юзага келади.

Дарҳақиқат, корпоратив муносабатларнинг мулкий хусусияти фойдасини кўзлаган ҳолда, айтиш мумкинки, ширкат ҳўжалигининг мулкига кўшилган улуш буюмдан иборат бўлиши ҳамда моддий кимматга эга бўлган бошқа хукукларга эга бўлиши мумкин. Интеллектуал мулк ёки “ноу-хau”лар улуш бўла олмайди, бироқ, улардан қандай ҳолатда мавжуд бўлса, шундай фойдаланиш мумкин.

Акциядорлик жамиятининг устав жамғармаси акцияларнинг маълум микдорига бўлинади. Ширкатнинг йиғма мулки қатнашчиларнинг мулкка кўшган улушкининг микдоридан келиб чиқсан ҳолда, шартли равища тақсимланади. Қатнашчилар қўшган улушкининг қиймати белгиланиб, улуш ёрдамида уларнинг ширкатга, жамиятга нисбатан “тахминий талаблари микдори”ни аниглаш мумкин.

Бешинчидан, корпоратив муносабатлар субъектларининг хукуклари ўз табиатига кўра мулкий саналади. Д.И.Мейер мулкий хукукка доир куйидаги жихатларни эътироф этади:¹

1. Ҳар қандай ижобий ва салбий харакат ҳукукнинг мазмунини ташкил этади.
2. Хукуқ мазмунини ташкил этувчи ҳаракатнинг содир этилиши бу хукукни амалга оширишга имкон беради.
3. Корпоратив хукуклар гаров предмети бўла олади.
4. Бундай хукуқ мажбурий тартибда амалга оширилиши мумкин.

¹ Мейер Д.И. Русское гражданское право: В 2 ч. Ч. 1. М.: “Статут”, 1997. -С. 223 - 224

Олтингчидан, мулкий хукуқ билан номулкий хукуқни муҳофазалаш усулини таққослаш мумкин. Фуқаролик хукуқий муносабатларининг мулкий мазмунини ифодаловчи мулкий хукуқ бузилганда, одатда, хукуқбузар зиммасига ваколатли субъектга етказган мулкий зиённи қоплаш мажбурияти юкландади. Бу шу билан боғлиқки, етказилган зиён каби мулкий хукуқни шулли (нархи белгиланган) кўринишида ҳам баҳолаш мумкин. Шахсий номулкий муносабатларнинг бузилиши эса, одатда, ваколатли субъектга қандайдир зиён етказилиши билан боғлиқ эмас. Гарчи бундай хукуқнинг бузилиши ваколатли субъектга салмоқли зиён келтирса-да, иқтисодий нуктаи назардан унинг “яратилиши”га ҳеч қандай асос йўқ.

Етказилган зиённи мунтазам равишда қоплаш мумкин бўлмаганидек, бундай хукуқларни ҳам, кўпинча, тикилаш мумкин бўлмайди. Шунинг учун, етказилган зиённи қоплаш мақсадида тўланган товоң пул, қайсиdir даражада вазиятни бир қадар “юмшатиш” учун хизмат қиласа-да, бироқ, у шахсий номулкий муносабатларни мулкий мунисабатларга айлантира олмайди. Бир сўз билан айтганда, корпоратив хукуқ бузилишида етказилган зиённи бой берилган даромад ёки аниқланган зарарнинг нархидаги пул кўринишида баҳолаш мумкин.

Фикримизча, бундай ҳолатда нафақат акциядорнинг бошқарувда иштирок этишдаги корпоратив хукуқи бузилади, балки айни шу акциядорнинг кўлга киритиши мумкин бўлган даромади кўлдан кетиб, унга моддий зиён етказилади. Турган гапки, бу ерда нафақат акциялар эмиссияси проспектининг рўйхатдан ўтказилиши, балки акциядорнинг бошқарув хукуқининг ҳам бузилиши унинг зиён кўришига олиб келади.

Корпоратив муносабатлар мулкий алоҳида, юридик тенг бўлган мустақил субъектлар ўртасида вужудга келиб, фуқаролик хукуқи томонидан тартибга солинади. Корпоратив муносабатларга хос бўлган япа бир хусусият мавжуд: катнашчилар юридик шахс эркининг, яни ўз контрагентлари эркининг шаклланишига таъсир кўрсата оладилар. Ахир корпорация моҳияттан юридик фикция бўлса-да, у на тафаккурга, ва на эркка эга эмас. Табиийки, бу эркни кимдир корпорациянинг ичидан шакллантириши зарур (учинчи шахсларга нисбатан), бинобарин, у мустақил субъект сифатида фаолият кўрсата олиши лозим.

Хулоса килиб шуни айтиш мумкини, юридик шахслар ўртасида вужудга келган корпорацияга аъзолик асосида унинг катнашчилари билан курилган корпоратив муносабатлар фуқаролик муюмиласида мустақил субъектлар ўртасидаги мулкий алоҳида ва юридик тенг бўлган мулкий муносабатлардир. Бу муносабатлар корпорациянинг таъсис хужоатлари ва фуқаролик хукуқи нормалари томонидан тартибга солиниб, қатнашчиларнинг корпорациядаги аъзолик даври мобайнида мавжуд бўлади.

6 §. Фуқаролик ҳуқуқининг методи ва вазифалари

Ҳуқуқни тартибга солиш методи, маълумки, муайян ҳуқуқ соҳасининг предметини ташкил қилувчи ижтимоий муносабатларга таъсир кўрсатишга йўналтирилган ҳўқукий восита ва усулларнинг мажмуасидир. Бундай таъсир кўрсатишнинг самарали бўлиши ва бунда ижобий натижага эришиш учун қўлланиладиган воситалар тартибга солинадиган муносабатларнинг асл моҳиятига, уларнинг табииатига мувофиқ келиши мухим аҳамиятга эга. Бошқача айтгандা, ҳуқуқни тартибга солиш методининг мазмуни унинг предмети, табииатини белгилаб бериши лозим.

Фуқаролик ҳуқуқида бир-бирига бўйсунмайдиган мустакил субъектларнинг тенглиги, эркин хоҳиши-иродаси асосида шакланадиган ҳусусий (мулкий ва номулкий) муносабатлар ҳақида сўз борганилиги боис, унинг методи оммавий ҳуқуқ тизими доирасида фойдаланиладиган восита ва усуллардан фарқ қиласи. Агар оммавий ҳуқуқининг табииатига кўра, унда аксарият маъмурий тусдаги кўрсатма, фармойиш ва таъкиқ методлари амал қиласа, ҳусусий ҳуқуқ (фуқаролик ҳуқуки) учун эса, субъектларга ўз эҳтиёжларини ва манфаатларини кондиришига хизмат қиласидиган ҳуқукий воситалардан мустакил фойдаланиш ҳамда ташаббус кўрсатиш имкониятларини яратувчи диспозитив (белгилаб берувчи) воситалар ва усуллар хосдир.

Ижтимоий муносабатларни тартибга солиш методининг соҳаси ҳусусий ҳуқуқка таалуклилигини, унинг муайян турдаги муносабатларга самарали таъсир кўрсатиш учун мувофиқлигини белгиловчи тўртга асосий белгилари мавжуд:

-тартибга солинадиган муносабатлар субъектлари (иштирокчилари) нинг ҳуқуқий ҳолати;

-субъектлар ўртасидаги ҳуқукий алоқалар (муносабатлар)нинг вужудга келиш ҳусусиятлари;

-низоларни ҳал этишининг ўзига хослиги;

-ҳуқуқбузарларга нисбатан қўлланиладиган мажбурлов таъсир чораларининг ҳусусиятлари.

Ҳусусий ҳуқуқни тартибга солишнинг ҳусусиятларини хисобга өлган холда, ушбу белгиларни фуқаролик ҳуқуки методида куйидагича талкин қилиш мумкин:

1. Фуқаролик ҳуқуқий муносабатлар иштирокчиларининг юридик жиҳатдан тенглигини тан олиш йўли билан уларнинг иктиносидий мустакиллиги ва бир-бирига қарам эмаслиги эътироф этилади. Фуқаролик ҳуқуқи методининг асосий тавсифини белгиловчи субъектларнинг юридик тенглиги уларнинг қонунга зид бўлмаган эркин хатти-харакатлари учун ҳуқуқий асос яратиш билан биргага, ҳар қандай маъмурий тусдаги мажбурлов, бошқа восита ва усулларга чек кўяди.

2. Умумий қоидага кўра, иштирокчиларнинг иқтисодий мустақиллиги ва бир-бирига қарам бўлмаслиги уларнинг ўзаро келишув, ўз эркларига мувофиқ ҳаракат қилишларига имкон беради. Щунинг учун фуқаролик муомаласи оқибатида субъектлар муомаласи уларнинг ўзаро муносабатларини тартибга солишида хукуқ ва мажбуриятлар вужудга келишига асос бўладиган воситалардан бири сифатидаги шартнома(келишув)дан фойдаланади.

3. Фуқаролар муомаласида тарафлар ўзаро алоқалари ва уларнинг мазмунини бевосита ўзлари белгилашларни таъминловчи диспозитив фуқаролик-хукуқий тусдаги нормаларга асосланади. Бу коида уларга қонун билан таъкидланмаган, мақсадга мувофиқ бўлган кенг кўламдаги ҳаракатларни ўз ҳоҳишлари бўйича амалга ошириш учун шарт-шароит яратади. Демак, диспозитив нормаларда белгиланган ҳолларга мувофиқ, тарафлар ўзаро келишиб, ҳаракат қилишлари ёки уларни қўллашдан воз кечишлари ва бошқа шартларни (қонунга зид бўлмаган) ўз хатти-ҳаракатлари учун асос қилиб олишлари мумкин.

4. Фуқаролик хукуқий муносабатлар иштирокчилари манфаатларини ҳимоя қилиш воситаларидан фойдаланиш ёхуд фойдаланмасликни ўз ҳоҳишларига кўра ҳал қилишида эркиндиirlар. Бу, ўз навбатида, уларнинг ўзаро алоқаларини ташаббус кўрсатиш орқали амалга ошишидан далолат беради. Бинобарин, субъектларга ташаббус кўрсатишга ва ўз муносабатларини ташкиллаштиришга интилиш бўлмас экан, яхши натижага эришиш қийин бўлади.

5. Иштирокчиларнинг бир-бирига қарам бўлмаслиги ва мустақиллиги, тенглиги улар ўтасидаги юзага келиши мумкин бўлган низоларни ташкилий-маъмурӣ, мулкий, шахсий ва бошқа жиҳатдан мустақил ҳамда бетараф орган томонидан ҳал этилишини тақозо этади. Бундай орган вазифасини умумий судлар, хўжалик судлари, холис судлар бажарадилар. Демак, фуқаролик хукукларини ҳимоя қилиш ва ҳал этишининг суд тартиби фуқаролик хукуқида қўлланиладиган усуслардан бири, деб ҳисобланади.

6. Хукуқбузларга нисбатан қўлланиладиган фуқаролик-хукуқий жавобгарлик, асосан, мулкий хусусиятда бўлади. Фуқаролик хукуки предметининг асосий қисмини ташкил этган мулкий, щунингдек, мулк билан боғлиқ бўлган номулкий муносабатлар, табиийки, фуқаролик-хукуқий чораларни, хусусан, фуқаролик-хукуқий жавобгарликининг ҳам мулкий (моддий) кўринишида бўлишини шарт қилиб кўяди. Бошқача қилиб айтганда, мулкий зарар кўрган тараф ушбу заарнинг ўрнини мулк билан ёки унга тенг бўлган қийматда пул билан қоплашни талаб қилишга ҳақли. Таяқидлаш жоизки, фуқаролик хукуқида ҳатто маънавий зарар ҳам пул (мулкий) шаклида ундирилиши назарда тутилган.

Ягона хукуқ тизимининг таркибий қисми соҳаси сифатида фуқаролик хукуки ўзига тааллукли вазифаларни амалга оширади. Ушбу ўзига хос вазифалар фуқаролик хукукининг тизимдаги ўрнини белгилашда аҳамият

касб этади. Чунки ҳар қайси ҳуқук соҳаси бажарадиган вазифалар ўзининг табиати ва мазмунига кўра фарқ қиласди.

Шу нуткай-назардан қараганда, фуқаролик ҳуқуқида тартибга соловчи ва муҳофазаловчи вазифалар асосий ўрин тутади. Зеро, фуқаролик ҳуқуқи, авваламбор, жамиятдаги иқтисодий муносабатларни тартибга солади. У ҳуқук бузилишларидан кўра, кўпроқ оддий мулкий муносабатларни шакллаштириш билан боғлиқ. Айни шунинг учун ҳам ушбу соҳа жуда оз миқдордаги таъкиловчи ва кенг доирадаги имкониятлар яратувчи нормаларни ўз ичига олади. Бунга асосланиб, мулкий муносабатлар иштирокчилари турли фуқаролик-ҳуқуқий воситалар ёрдамида ўз фаолиятларини мустақил, хеч бир тайзиксиз амалга оширадилар. Демак, фуқаролик ҳуқуқининг тартибга соловчи вазифаси субъектларнинг эркин тарзда ўз фаолиятларини ўzlари, ташаббус асосида ташкил қилишларига, ўzlари тартибга солишларига имконият яратишдан иборат. Ушбу вазифанинг ана шундай мақсадли йўналиши ва мазмуни, айтиш мумкинки, фуқаролик ҳуқуқининг предмети таркибида кирувчи муносабатларнинг хусусий табиатидан келиб чиқади. Бу унинг оммавий ҳуқукнинг қатъий белгиланган тусдаги тартибга соловчи вазифаларидан фарқини кўрсатади.

Фуқаролик ҳуқуқининг муҳофаза қилувчи вазифаси, биринчи навбатда, фуқаролик муомаласи иштирокчиларининг мулкий манфаатларини ҳимоя қилишга қаратилган бўлиб, бузилган ҳуқукларни тиклаш ёки етказилган зарар ўрнини қоплаш йўллари билан амалга оширилади. Ушбу вазифанинг мақсади ҳам мулкий, яъни товар-пул муносабатларнинг бевосита эквивалент – ҳақ эвазига амалга оширилиши билан белгиланади

Муҳофаза қилувчи вазифаларнинг яна бир муҳим жиҳатларидан бири, унинг айни пайтда иштирокчиларни ножӯя ҳатти-харакатлардан ўzlарини тийишга, келгусида юз бериши мумкин бўлган ҳуқуқбузарликнинг олдини олишга хизмат қилувчи огоҳлантирувтарбиявий йўналишга эгалигидир. Унинг бу жиҳати, айниқса, шартномадан ташкири келиб чиқадиган мажбуриятларни, шунингдек, шахсий номулкий муносабатларни тартибга солишда якъол намоён бўлади.

7 §. Фуқаролик ҳуқуқининг тамойиллари

Ҳар қандай қонунчилик тизими ва ҳуқук соҳаси ўзига хос асосий коидалар ва муайян умумийлик замирида бирлаштирилган мезонлар асосида амал қиласди. Ҳуқук соҳаларидаги нормалар қанчалик кўп ва хилма-хил бўлмасин, уларнинг барчаси учун хос бўлган ҳамда битта ҳуқук соҳасига хослигини таъминлайдиган, ижтимоий тараққиёт мезон ва эҳтиёжларини ўзида ёрқин мужассамлаштирадиган асослар муайян вазифани бажаради ва ҳуқук соҳаси қонунчилигини, қолаверса, шу ҳуқук тармоғининг ўзини ҳам бошқа соҳалардан ажralиб туришини

таъминлайди. Шундай қоидалар, мезонлар ва асосларни ҳамда қонун нормаларини шакллантириш учун энг муҳим жиҳат бўлган асосий негизларнинг назарий ва амалий муаммоларини ўрганиш долзарб аҳамият касб этади.

Ўзбекистон Республикаси Президенти И.А.Каримов томонидан Ўзбекистоннинг иқтисодий ривожланиши ва бозор иқтисодиётига ўтишининг беш асосий тамойилининг ишлаб чиқилганлиги ва уларнинг мамлакатимизда изчиллик билан амалга оширилаётганлиги¹ туб ислоҳотларнинг мантиқий давомийлиги тўғрисидаги фикримизнинг далилидир. Республика Президенти 2010 йил 12 ноябрдаги “Мамлакатимизда демократик ислоҳотларни янада чуқурлаштириш ва фуқаролик жамиятини ривожлантариш концепцияси” хакидаги маъруzasида “...мавжуд қонунларимизнинг кўпчилигини уларни кўллаш амалиёти ва мамлакатимизда бозор муносабатлари ривожланишининг хозирги даврдаги янги реал ҳолатидан келиб чиқиб, жиддий қайта кўриб чиқиш зарур”,² деб алоҳида таъкидладилар. Назарий асослаб берилган концепция мамалакатимизда демократик ислоҳотларни янада чуқурлаштириш ва фуқаролик жамиятини ривожлантариш учун узоқ муддатли, аниқ ҳаракат дастурини ишлаб чиқиши ва амалга ошириш учун асос бўлиб хизмат қиласди.

Айни шу жиҳатдан, фуқаролик ҳуқуқи тамойиллари ҳам товар-пул муомаласининг ривожланишга хос бўлган, бозор муносабатларини ҳуқуқий тартибга солишга каратилган нормаларда ўз ифодасини топадиган асосий қоида ва негизлар сифатида белгиланди. Асосий негизлар-тамойилларнинг қиймати шу билан изоҳланадики, у фуқаролик қонун хужжатлари билан тартибга солинадиган мулкий ва номулкий муносабатларни энг самарали тарзда ривожлантаришга қодир бўлган демократик хилдаги яхлит тизим сифатида шакллантиради. Улар ўз навбатида, фуқаролик ҳуқуқий нормани баҳолаш мезони ҳам бўлиб хисобланади. Фуқаролик қонун хужжатларининг маъно-мазмуни мантиқнинг индукция методи ёрдамида ҳуқуқнинг асосий негизи - тамойилидан озиқланади, десак тўғри бўлади. Асосий негиз-тамойиллар фуқаролик қонун хужжатларига янги сифат баҳш этади. Энг аввало шуни таъкидлаш жоизки, Ўзбекистон Республикаси Фуқаролик кодексининг 1-моддасига кўра, фуқаролик қонун хужжатлари улар томонидан тартибга солинадиган муносабатлар иштироқчиларининг тенглигини эътироф этишга, мулкнинг дахлсизлигига, шартномалар эркинлигига, хусусий ишларга ўзбошимчалик билан аралашишга йўл кўйилмаслигига, фуқаролик ҳуқуқлари тўсқинликсиз амалга оширилишини, бузилган

¹ Каримов И.А. Ўзбекистоннинг ўз истикодол ва тараққиёт йули Т.1.-Тошкент. “Ўзбекистон”, 1996 - Б 36-85.

² Каримов И.А.Мамлакатимизда демократик ислоҳотларни янада чуқурлаштириш ва фуқаролик жамиятини ривожлантариши концепцияси.Т.19.-Тошкент, “Ўзбекистон”, 2011.-Б 102.

хукуқлар тикланишини, уларнинг суд орқали ҳимоя қилинишини таъминлаш зарурлигига асосланади.

Дарҳақиқат, “асосий негизлар-тамойиллар” категориясини фуқаролик хукуқий муносабатларнинг моҳиятидан ўзгача ҳол англашилмаса қонун ҳужжатларининг умумий негизлари ва мазмуни категориясидан фарқлаш лозим. Энг муҳими, фуқаролик хукуқи асосий негиз-тамойиллари тӯғридан-тӯғри қўллаш кучига эга. Қонун ҳужжатларининг умумий негизлари ва мазмуни диспозитивлик маънога эга.

Айни пайтда, мазкур Кодекснинг нормаларида, масалан, 5, 9 ва шунга ўхшаш қатор моддаларида фуқаролик хукуқининг бошқа тамойиллари ҳам мустаҳкамланиб кўйилган. Албагта, бу ўринда асосий негизлар ва тамойилларни бир-бирига қарама-қарши кўйиш тӯғри бўлмайди. Конун чиқарувчининг асосий негизлар орқали фуқаролик хукуқи нормалари тизимини мустаҳкамлашида муайян маъно мавжуд. Зеро, бу билан фуқаролик қонун ижодкорлиги ва фуқаролик қонун нормаларини қўллаш амалиёти учун ўзига хос дастурул амал белгилаб кўйилади. Бироқ, амалда фуқаролик хукуқи назариясида ҳам, суд амалиётида ҳам ва хукуқ ижодкорлигига ҳам бу ҳолат чукур англаб етилемади ва мушоҳада қилинмади. Ҳолбуки, асосий негизлардан тўлақонли фойдаланиш фуқаролик хукуқий нормаларнинг самарадорлигини бенихоя кучайтирган бўлур эди.

Бинобарин, фуқаролик хукуқи маҳсус тамойилларининг фуқаролик муносабатларни тартибга солищдаги роли тобора ортиб бораётганлигидан далолат беради. Бироқ, кўп ўринларда тамойилларга нисбатан асосий эмас, балки кўшимча-субсидиар юридик восита сифатида қарашиб амалиёти ҳам мавжуд бўлганлиги сабабли, уни ҳар томонлама илмий тадқиқ этиш, ўрганишни тақозо этмоқда. Аслида эса, тамойиллар ва муносабатларни бевосига тартибга солувчи нормалар тенг кучли-паритет, ёхуд тамойилларнинг нисбий маънода устуворлиги асосига курилган бўлиши лозим. Чунки, моҳиятан олганда, тамойиллар ҳар қандай хукуқий муносабатда тартибга солувчи кучга эга бўлиши керак. Шу боис асосий негиз-тамойиллар ижтимоий ҳаётдан узилган мавхум тушунчалар бўлмасдан хукуқ шаклининг тамал тоши, бошқача айтганда, пойдеворидир. Бинобарин, цивилистика фани олдида турган муҳим вазифа фуқаролик хукуқи тамойилларининг ролини хукуқ ижодкорлиги ва хукуқни қўллаш амалиётида янада кучайтириш объектив заруриятдир.

Хукуқий тамойиллар деганда, қонуни мустаҳкамланганлиги туфайли умуммажбурий тусга эга бўлган, хукуқнинг мазмун-моҳиятини ифода этувчи бош ва асосий қоидалар (негизлар) тушунилади. Бундай қоидалар нафакат бир бутун ягона хукуқий тизимга ёки хукуқ соҳасига, балки шунингдек, соҳа ости, институтлар ва ҳатто субинститутлар (ёрдамчи институтлар)га ҳам хосдир.

Хуқукий тамойиллар, шунингдек, соҳавий тамойиллар аҳамиятини икки жиҳатдан баҳолаш мумкин. Биринчидан, улар хуқукий тартибга солиш мазмунининг моҳиятини, ижтимоий йўналишини ҳамда соҳага тааллукли хусусиятларини акс эттиrsa, иккинчи томондан, конунчиликдаги нуқсонларни аникланганда ва хуқукий нормаларни ўхшашлик бўйича кўллагандা, албатта, хисобга олинини назарда тутади.

Фуқаролик-хуқукий тартибга солишнинг тамойиллари қаторига куйидагилар киради:

1. **Хусусий ишларга бошқаларнинг ўзбошимчалик билан аралашувига йўл қўйилмаслик.** Бу тамойил фуқаролик хуқукининг хусусий хуқук сифатида мавқеини тавсифлаб, биринчи навбатда, оммавий ҳокимият ва унинг органларини назарда тутади. Бундан кўзланган мақсад – ҳокимият органлари ва, умуман, бирон-бир кишининг, фуқароларнинг хусусий ишларига, шунингдек, уларнинг мулкий муносабатлар иштирокчилари сифатида амалга оширадиган ҳўжалик фаолиятига, факат конунда назарда тутилган ҳоллардагина аралашибига йўл қўйилишини таъминлашдан иборат.

Шахсий-номуликий муносабатлар доирасида ушбу тамойил фуқаролар шахсий иши ва ҳаётининг дахлсизлиги тўғрисидаги коидаларда ўз ифодасини топган (Ўзбекистон Республикаси Конституциясининг 25-27 моддалари).

Мазкур тамойил талаблари Фуқаролик кодексининг 12-моддаси («Давлат органининг ёки фуқароларнинг ўзини-ўзи бошқариш органлари хужжатини ҳакиқий эмас деб топиш»), 15-моддаси («Давлат органлари ва фуқароларнинг ўзини-ўзи бошқариш органлари томонидан етказилган зарарни тўлаш») ва бошқа моддалари орқали амалга оширилади.

2. **Юридик тенглик** тамойили фуқаролик хуқуки муносабати иштирокчиларининг хуқукий ҳолати (макоми) ни эътироф этади. Улар бир-бирига нисбатан маъмурий-бўйруқбозлик, қарамлик муносабатида бўлмасдан, балки ўзаро тенг хуқуқлилик алоқаларини ўрнатадилар, барчалари учун бир хил имкониятлар яратувчи умумий фуқаролик хуқуки нормалари асосида ҳаракат қиласидар. Айни пайтда, мазкур тамойил товар алмашувини мулкий муносабатлар жараённида субъектларнинг тенглигини юридик жиҳатдан таъминлади. Таъқидлаш жоизки, қонунда назарда тутилган айрим ҳолларда юридик тенглик тамойилида қисман чекинишига ҳам йўл қўйилади. Хусусан, фуқаролик конунчилиги доимий тадбиркорлик фаолияти сифатида (профессионал) ҳўжалик юритувчи субъектлар учун бир мунча қатъий талаблар ўрнатилиши ва, аксинча, истеъмолчи фуқароларга имтиёзлар берилиши мумкин (ФК, 358-модда).

3. **Мулкнинг дахлсизлиги** тамойили фуқаролик хуқукининг асосий тамойилларидан бири хисобланиб, Ўзбекистон Республикаси Конституциясининг 36 ва 53-моддаларида ўз аксини топган. Хусусий

хукукда ҳам, оммавий хукуқда ҳам ушбу тамойил шахснинг ўзига қарашли мол-мулкка ўз хошиши билан ва ўз манфаатларини кўзлаб эгалик килиш, ундан фойдаланиш ва уни тасарруф этиши, шунингдек, мулк хукукини ким томондан бўлмасин, ҳар қандай бузишни бартараф этишини талаб қилиш имкониятларининг таъминланганлигини англатади. «Ҳар бир шахс мулкдор бўлишга ҳакилиги» Ўзбекистон Республикаси (Конституциясининг 36-моддаси), «Хусусий мулк бошқа мулк шакллари каби дахлсиз ва давлат ҳимоясидадир. Мулкдор факат қонунда назарда туғилган ҳолларда ва тартибдагина мулкидан маҳрум этилиши мумкин» (Ўзбекистон Республикаси Конституциясининг 53-моддаси) деган қоидалар буни яққол исботлаб турибди. Бундан ташқари мулкнинг дахлсизлиги ҳакидаги конституцион коида бегона шахснинг мулкини асоссиз ўзлаштиришга, мулк хукукини қонунга зид равищда бекор қилишга ва мол-мулкни ўзбошимчалик билан эгаллаб олишга чек қўяди. Таъкидлари лозимки, ушбу тамойил, шунингдек, фуқаролик қонун ҳужжатларида, хусусан, Фуқаролик кодексининг 1, 164, 166, 199, 202, 203-ва бошқа қатор моддаларида тўлиқ ўз ифодасини топган. Масалан, ФК 166-моддасида мулкнинг дахлсизлиги, унинг қонун билан муҳофаза қилиниши, мулкдорга қарши турган барча субъектларнинг мулк хукукини бузишдан ўзларини саклашлари тўғрисидаги нормалар белгиланган.

4. Шартнома эркинлиги тамоили. Ушбу тамойил ҳам мулкий муомала ривожи учун асосий ва муҳим аҳамиятга эга. Фуқаролик кодексининг 1 ва 354-моддаларида «шартноманинг эркинлиги», «шартнома тузишга мажбур қилишга йўл кўйилмаслиги», «қонун ҳужжатларида назарда туғилмаган шартномани тузиш мумкинлиги», «шартнома шартлари тарафларнинг хошиши билан белгиланиши» каби бир қатор қоидалар эътироф этилган. Фуқаролик хукуки субъектлари шартнома тузишда эркиндиrlар (ФК нинг 354-м., 1-к.). Айни пайтда, мазкур тамоилнинг амал қилинишида баъзи истиснолар бўлиши мумкин. Фуқаролик кодексида, хусусан, кредит ташкилотининг мижоз таклифи билан банк омонати ёки банк ҳисоб вараги шартномасини тузиш ҳақидаги таклифини рад этишга ҳақли эмаслиги назарда тутилган (759-м., 3-к. ва 3-4к.). Бундан ташқари, айрим ҳолларда, шартноманинг баъзи шартларининг мазмуни қонун билан белгиланган бўлиши мумкин. Лекин умумий қоидага кўра, шартнома шартлари факат тарафларнинг келишувига биноан белгиланади.

5. Диспозитивлик тамоили деб, фуқаролик хукуки субъектларнинг мустақил, ўз хошилари ва манфаатларига мувофиқ бўлган хатти-ҳаракат турларини танлашлари ва амалга оширишларига айтилади. Фуқаролик муомаласи иштирокчилари аксарият ҳолларда фуқаролик хукукий муносабатларга кўринишни ёки кўринмасликни, карши тараф (контрагент)дан муйян мажбуриятларни бажаришни талаб қилиш ёки қиласликни, ўз хукуқ ва манфаатларини ҳимоя қилиш мақсадида судга

мурожаат этиш ёки мурожаат этмасликни ва у каби хукуқларни амалга ошириши ёки оширмасликни мустақил ҳал қиласидар. Бирок, бунда уларнинг ўзларига тегишли бўлган фуқаролик хукуқларни амалга оширишдан воз кечиши бу хукуқларнинг бекор қилинишига олиб келмайди (ФК 9-м. 2-к.). Танлашнинг бундай эркинлиги субъектларнинг ўз мақсадларида ташаббускорликни назарда тутади ва кўллаб-кунагитлади.

6. Фуқаролик хукуқларнинг тўсқинликсиз амалга оширилиши тамойилии фуқаролик муомаласида ҳалал берадиган ҳар қандай тўсиқларни бартараф этишини таъминлашга хизмат қиласи. Бу тамойилнинг конституцион ифодаси Ўзбекистон Республикаси Конституциясининг 53-моддасида, яъни, «истеъмолчиларнинг хукуки устунилигини ҳисобга олиб, иқтисодий фаолият, тадбиркорлик ва меҳнат қилиш эркинлигини давлат томондан кафолатланганилиги», шунингдек, Фуқаролик кодексининг биринчи моддаси З-қисмида эътироф этилган «товарлар, хизматлар ва молиявий маблағларнинг Ўзбекистон Республикасининг бутун ҳудудида эркин харакатда бўлиши» ҳақидаги нормаларида ифодаланган. Конун йўли билан мазкур тамойил бир қадар чекланиши мумкин. Фуқаролик хукуқларини тўсқинлизамалга ошириш тамойилии ФКнинг деярли барча моддаларида, хусусан, унинг асосий белгилари 9-моддасида батафсил баён этилган бўлиб, фуқаролик хукуки субъектларнинг ҳалол, оқилона ва адолат билан харакат қилишларида, жамиятнинг маънавий тамойиллари ва ахлоқий нормаларини хурмат қилишларида, иш одоби қоидаларига риоя этишларида муҳим роль ўйнайди.

7. Хукуқни сунистъемол килишини таъкидлаш тамойилига биноан, фуқаролик хукуқий муносабатлар интирокчилари ўзлари эга бўлган хукуқларидан маълум маънода чекланмаган тарзда фойдаланишлари истисно килинади. Ҳар қандай хукук борлик, жамият ва давлат хосиласи сифатида мавжуд экан, унинг мазмуни ҳам, амалга ошириш усууллари ва воситалари ҳам шунга боғлиқ ҳолда чегараланган бўлади. Аксинча, ҳеч қандай чегарага эга бўлмаган ёки қайсиdir жиҳатдан чекланмаган хукуқ охир-оқибатда ўзбошимчаликка, зулм-истибоддога олиб келишиб муқаррар. Шу маънода, фуқаролик қонунчилигида асослардан бирі сифатида қабул қилинган ушбу тамойилнинг амал қилинишини Фуқаролик кодексининг 172-моддасида якъол кўриш мумкин: «Мулкдорнинг ўз хукуқларини амалга ошириши бошқа шахсларнинг хукуқларини ва қонун билан кўрикланадиган манфаатларини бузмаслиги шарт». Ёки «мулкдор ўз хукуқини амалга оширганда фуқароларнинг соглигига ва атроф-муҳитга зарар етказишнинг олдини олиш чораларини кўришга мажбур» эканлиги ҳақидаги норма ҳам мазкур тамойилга асосланади (Ўзбекистон Республикаси Конституциясининг 54-моддаси ва ФК нинг 172-моддаси, 4-қисми). Бу ўринда шуни таъкидлаш жонзки, муқаррар бўлган зарурият туфайли қонунчиликда белгиланадиган бундай таъкикларни мулкдорнинг

хукукларини чеклаш, деб қарамаслик лозим. Ўхшаш чеклашлар ва таъқиқларни мажбурият хукукida ҳам учратиш мумкин. Хусусан, тадбиркорга оммавий шартноманинг тарафи сифатида уни тузишдан бош тортишига йўл кўймаслигини, унинг шартнома тузиш эркинлигини чеклаш, деб қараш мумкин. (ФК 358-моддаси). Лекин, ҳар кандай чеклашлар асосида муайян субъектларнинг хукукларини амалга ошириш натижасидан юкорироқ даражада бир бутун бўлган жамият манфаати ётади. Ушбу масала кизғин баҳсларга сабаб бўлишидан қатъий назар амалдаги қонунчилик уни ҳар жиҳатдан адолат тарозусига солиб ҳал этган, десак хато бўлмайди.

8. Фуқаролик хукукларини муҳофаза этиш ва уларни суд орқали химоя қилиш тамойили фуқаролик хукукий муносабатлар иштирокчиларининг ўз хукуқ ва манфаатларини химоя қилишини таъминлашлари учун асос бўлади. Фуқаролар ўзларининг хукуқ ва манфаатларини муҳофаза қилиш ва бузилган хукукларини тикилаш мақсадида судга мурожаат қилишлари (ФКнинг 10-моддаси) ёхуд ўзлари химоя қилишлари (ФКнинг 13-моддаси), шунингдек, етказилган зарар учун карши тараф (контрагент) га нисбатан мулкий тусдагиchorалар кўришни талаб қилишлари (ФКнинг 14-моддаси) ва шу каби бошқа харакатларни амалга оширишлари мумкин.

Умуман, ушбу тамойилга асосланган бир қатор усуллар (ФКнинг 11-моддаси) фуқаролик хукуки предметининг табиатига мувофиқ аксарият ҳолларда мулкий тусга эга бўлади. Уларни кўллашдан назарда тутилган пировард мақсад ҳам, одатда, бузилган хукукларни тикилаш ёки жабрланувчиларга етказилган зарар ўрнини мулкий қоплашга йўналтирилади.

8 §. Фуқаролик хукуки тизими

Фуқаролик хукуки маълум тартибда, муайян гурухларга, хукукий институтларга ва субинститутларга бўлинган хукукий нормалар йиғиндисидан иборат. Фуқаролик хукуки институтлари барчасининг йиғиндиси бир бўлиб, Ўзбекистон Республикаси фуқаролик хукуки тизимини ташкил этади. Республикаизда фуқаролик хукуки тизимига Ўзбекистон Республикаси Фуқаролик кодекси асос қилиб олинган.

Фуқаролик хукуки фани қуидагиларга бўлинади;

1. Умумий қоидалар. Бу бўлимда фуқаролик хукуки тушунчаси, предмети, тамойиллари, тизими, манбалари; фуқаролик хукукий муносабат, фуқаролик хукукининг субъектлари, фуқаролик хукукининг обьектлари; битимлар, вакиллик ва ишончнома, муддатлар, даъво муддатлари тўғрисидаги масалалар ўрганилади.

2. Мулк хукуки ва бошқа ашёйи хукуклар. Бу бўлимда мулк хукуки тўғрисидаги умумий қоидалар, мулк хукуки, хусусий мулк хукуки,

оммавий мулк ҳуқуқи, умумий мулк ҳуқуқи, хўжалик юритиши ва оператив бошқариш ҳуқуқи, мерос қилиб колдириладиган ер участкасига умрбод эгалик қилиш ҳуқуқи, ер участкасига доимий эгалик қилиш ва ундан фойдаланиш ҳуқуқи, сервитут ҳуқуқи ва мулк ҳуқуқини ҳимоя қилиш усувлари, мол-мулкни бошқа шахснинг қонунсиз эгалигидан талаб қилиб олиш, мулкдан фойдаланишда мулк эгасига қилинган тўскинилликларни бартараф этиш, мулкий ҳуқукни фуқаролик ҳуқуқ нормалари билан ҳимоя қилишининг бошқа усувлари тўғрисидаги таълимотлар ўрганилади.

3. Мажбурият ҳуқуқи. Бу бўлимда мажбуриятлар тўғрисидаги умумий қоидалар; мажбуриятларни вужудга келиши ва бекор бўлиши, мажбуриятларни бажариш, мажбуриятларни бажарилишини таъминлаш, мажбуриятда катнашувчи шахсларнинг ўзгариши, мажбуриятларни бузганик учун жавобгарлик; шартнома тўғрисидаги умумий қоидалар, шартнома тушунчаси, шартномаларни гаснифлаш, шартномаларнинг алоҳида турлари ўрганилади.

4. Интеллектуал фаолият натижаларига бўлган ҳуқуқ. Бу бўлимда фан, адабиёт ва санъат асарларини яратиш, ихтиrolар, фойдали моделлар, саноат намуналари, селекция ютуқларига бўлган ҳуқуқлар ва уларни яратиш туфайли вужудга келадиган муносабатларнинг ҳуқуқий тартибига солиниши каби масалалар, шунингдек, муаллифлик ҳуқуқи, турдош ҳуқуқлар ва саноат мулкига бўлган ҳуқуқлар билан боғлиқ бўлган муносабатлар ўрганилади.

5. Ворислик ҳуқуқи. Бу бўлимда ворислик тўғрисидаги умумий қоидалар; ворислик асослари, васият бўйича ворислик, қонун бўйича ворислик, мерос олувчиликнинг навбати, мерос таркиби, мероснинг очилиши, меросхўрлар, меросни эгалаш; васиятнома, васиятноманинг тузилиши, васиятномани бекор бўлиши ва ўзгarterишлиши, фуқароларнинг вафотидан сўнг мулкни бошқа шахсларга мерос бўлиб ўтиши билан боғлиқ ҳуқуқий муносабатларнинг тартибига солиниши ўрганилади.

6. Халқаро ҳусусий ҳуқуқ. Бу бўлимда халқаро ҳусусий ҳуқуқ нормаларини фуқаролик ҳуқуқий муносабатларга нисбатан тадбиқ этиш қоидалари ўрганилади.

9 §. Фуқаролик ҳуқуқининг ҳуқуқ тизимида туттган ўрни

Собиқ шўро ҳуқуқи тизимида сифатида шаклланган ва ривожланиб келган бир неча ўнлаб мустақил ҳуқуқий соҳаларни ўз ичига олган ҳуқуқий тизимнинг асосий жиҳати уни ташкил этувчи элементларнинг кўп турлилиги ва уларнинг умумий, анъанавий бўлган ҳусусий ҳамда оммавий ҳуқуқ тизимларига ажратилмаганлиги хос эди. Бундай ёндашувнинг афзалликлари қаторида ҳуқуқ билан тартибига солинадиган турли хил ижтимоий муносабатларнинг ўзига хос ҳусусиятларини юқори даражада хисобга олиш имкониятини, уларнинг бирма-бир тармоқланган

ҳолда белгиланганлигини кўрсатиш мумкин. Лекин, бу, ўз навбатида вужудга келган ушбу тизимнинг гоят катталашиб кетишига ва тартибга солища муайян қийинчиликларнинг юзага келишига, хукукий мажмуаларнинг алоҳида соҳаларини ажратиш заруратининг туғилишига олиб келди. Аксарият ҳолларда бу муаммолар ечимини ҳал қилишда бир неча хукукий соҳаларни режали иқтисодиётга мослаштириб бир-бирига кўшиш орқали янги мажмуалар яратишдан ахтариши.

Маълумки, ҳар қайси хукукий тизимнинг асосий вазифаси факат алоҳида хукуқ соҳалари ва улар доирасини ажратишдангина эмас, балки ижтимоий муносабатларни тартибга солища уларнинг ягона мажмуа сифатидаги умумий таъсирини таъминлашдан ҳам иборат. Шунинг учун хукуқ тизими, уни ташкил қилувчи элементларнинг ижтимоий-иқтисодий ва ташкилий хукукий омилларига таянган, ички мувофиқлиги билан тавсифланиши керак.

Илгариги хукукий тартибот у ёки бу даражада ана шу мақсадларга эришиди. Хукукий соҳалар тизимининг ўша даврдаги юкори қисмида конституциявий (давлат) хукуқ жой эгаллаган ўзига хос «пирамида» кўринишида шаклланди ва ривожланди. Мазкур пирамиданинг қуий қатламлари фуқаролик, жиноят, маъмурӣ, процессуал хукуқ соҳалари конституциявий хукуқга бўйсундирилди. Ўз навбатида, улардан бошқа хукукий соҳалар (масалан, фуқаролик хукуқидан оила хукуки, меҳнат хукуки; маъмурӣ хукуқдан молия, банк ва солиқ хукуки) ажралиб чиқди. Шундай қилиб, мазкур хукуқ тизими юкоридан қўйигача оммавий қоидалар билан тўйинтирилди. Моҳиятнан қараганда, жамият ва унинг аъзолари ҳәётининг барча жабҳаларига давлатнинг бундай йўсиндаги аралашувидан кўзланган мақсад, аввалимбор, давлат ҳамда жамият маңбаатларини устувор тарзда ҳимоя қилишга қаратилган эди. Бундай ёндошув, биринчидан, «давлатлаштирилган» иқтисодининг маъмурӣ режали ҳосиятига, иккинчидан, ўша давлатнинг ижтимоий ҳаётдаги тутган ҳал қилувчи мавқеига тўла мослаштирилган эди.

Мустақиллик йилларида мамлакатимизнинг иқтисодий ва ижтимоий тузумида амалга оширилган туб ислоҳотлар бу тизимни ўзгартириди. Натижада, янгидан шаклланган ҳозирги хукукий тизим асосининг хусусий хукукий негизлари тикланди. Бир сўз билан айтганда, эски тизим ўрнини хусусий хукукий ва оммавий хукукий ёндошувлар тенглигига асосланган янги хукуқ тизими эгаллади. Бу тизимда иккита ўзаро ҳаракат қилувчи, лекин бир-бирига қарам бўлмаган, кўпгина алоҳида хукукий соҳалар ва уларнинг гурухларини ўз ичига қамраб олган хусусий ҳамда оммавий хукуқ тизимлари вужудга келди. Таъкидлаш жоизки, ушбу хукуқ тизимини ташкил этувчи бу иккита мустақил хукукий тизимлар ҳозирда шаклланishi ва ривожланиш жарабёнини бошидан кечирмоқда. Шуниси аникки, янги хукуқ тизими мамлакатимизда амалга оширилаётган ислоҳотлар мазмун-моҳиятига, хукукий демократик давлат ва фуқаролик жамиятини

шакллантириш вазифалариға тұлық мос келади. Бу тизимнің яхлитлігі ва мувофиқтікінің элементларынан бир-бираға бүйсундириш орқалы эмас, аксинча, умумий хукукий тамойиллари, шунингдек, хукукий соҳаларни бир-бираидан ажратып учун хизмат килювчи мезонлари бирлигі асосида тәъминланади. Шак-шубхасиз, бундай ҳолаттің ижтимоий-иктисодий негизини шахс хукуклари ва эркинликларининг ҳамда бозор муносабатларининг устувор роли ташкил этади.

Хусусий хукуқ ёхуд хусусий хукуқтың тартибга солишининг асосида фуқаролик хукуқи туради. Шу билан унинг хукуқ тизимида хусусий, аввалимбор, мулкій муносабатларни тартибга солишига йұналтирилған асосий, таянч соҳа сифатидаги ўрни белгиланади. Зотан, фуқаролик хукуқининг умумий нормалари (меъсрары) ва тамойиллари, агарда маҳсус қонунчилікта тұғридан-тұғри күрсатма, чекловлар бўлмаса-да, хусусий хукуқ доирасига кирувчи барча муносабатларни тартибга солишида кўлланиши мумкин. Бу биринчи навбатда, оила хукуқига тааллуқли бўлиб, оила тўғрисидаги қонун хужжатлари билан тартибга солинмаган оила аъзолари ўртасидаги мулкій ва шахсий номулкій муносабатларга нисбатан фуқаролик қонун хужжатлари оиласидаги муносабатларнинг моҳиятига зид келмаган тақдирдагина кўлланилади (Ўзбекистон Республикаси Оила кодексининг 6- моддаси). Бундай ҳолатни бевосита меҳнат, экология, кишлоқ хўжалик хукуклари институтлари билан боғлиқ хусусий хукукий муносабатларнинг тартибга солиниши жараённанда ҳам кузатиш мумкин. Бирок, меҳнат хукуқининг ёхуд оила хукуқининг нормалари ҳеч бир шароитда фуқаролик-хукукий тартибга солиш доирасида тадбиқ этилмайди.

Ҳозирги пайтда фуқаролик хукуқининг ҳаракат доираси кенгайиб бормокда. Масалан, ердан, табият обьектларидан фойдаланыш ёки оила муносабатларини тартибга солиши, бошқарувчи билан уни ёллаган компания ўртасидаги ўзаро муносабатлар кўп ҳолларда фуқаролик хукуқи нормалари асосида амалга оширилмоқда. Бу эса, фуқаролик хукуқининг бозор муносабатларини шакллантирувчи самарали восита сифатидаги ижтимоий аҳамиятининг ошиб бораётганидан далолатdir.

Фуқаролик хукуқи хусусий хукуқ тизимида ва, умуман, кўплаб мулкій ва номулкій муносабатларнинг хукукий асосларини белгилашда марказий ҳамда ҳал қилувчи ўринни эгаллайди.

Назорат учун саволлар

1. Фуқаролик хукуқи тушунчасига таъриф беринг.
2. Фуқаролик хукуқининг методи қандай таърифланади?
3. Фуқаролик хукуқининг вазифалари нималардан иборат?
4. Фуқаролик хукуқининг қандай тамойиллари бор?
5. Фуқаролик хукуқида диспозитивлик деганда нимани тушунасиз?

6.Бузилган ҳуқуқнинг тикланиши, унинг суд тартибида ҳимоя қилиниши деганда нималарни тушунасиз?

7.Фуқаролик ҳуқуқларининг тўсқинликсиз • амалга оширилиши тамойилини тушунтириб беринг.

8. Ҳуқуқни сунистемол қилиш деганда нимани тушунасиз?

9. Мулкнинг дахлсизлиги тамойили нима?

10. Шартнома эркинлиги тамойилининг моҳиятини очиб беринг.

11. Қандай муносабатлар фуқаролик ҳуқуқининг предметини ташкил қиласди?

12. Фуқаролик ҳуқуқи фанининг предметига таъриф беринг?

13.Фуқаролик ҳуқуқи фанининг предмети тўгрисида қандай мулоҳазалар мавжуд?

14.Фуқаролик ҳуқуқи фанининг предметини қандай шахсий муносабатлар ташкил қиласди?

15.Мулк билан боғлик иомулкий муносабатларнинг хусусиятлари нималардан иборат?

16. Ташкилий–ҳуқукий муносабатларнинг моҳиятини тушунтириб беринг.

17. Корпоратив муносабатлар деб қандай муносабатларга айтилади?

18. Корпоратив муносабатларнинг қандай турларини биласиз?

19. Қайси ҳуқуқшунос олим биринчи бўлиб фуқаролик ташкилий–ҳуқукий – муносабатлар мавжудлигини асослаб берган?

20. Мулкий муносабатларнинг моҳиятини тушунтириб беринг.

II БОБ. ҲОЗИРГИ ЗАМОНДА АМАЛ ҚИЛУВЧИ АСОСИЙ ФУҚАРОЛИК-ХУҚУҚИЙ ТИЗИМЛАР

1 §. Фуқаролик - хуқуқий тизимлар тушунчаси

Фуқаролик-хуқуқий тизимлар ўз моҳиятига кўра, бир неча давлатларнинг бирлашмаси томонидан асосий қонуниятларни амалга ошириш ва ижтимоий муносабатларни фуқаролик хуқуқий тартибга солишни назарда тутади.¹ Ҳозирги кунда ҳеч бир мамлакат ва давлат фуқаролик хуқуқисиз ижтимоий муносабатларни самарали тартибга солмайди.

Бугунги кунда дунёда амал қилувчи учта асосий хуқуқ тизими мавжуд бўлиб, улар куйидагилардан иборат:

- қитъа хуқуқ тизими;
- умумий хуқуқ тизими;
- мусулмон хуқуқи тизими.

Ҳар қандай тизим каби фуқаролик-хуқуқий тизимлар ҳам муайян таркибий қисмлардан иборат. Фуқаролик-хуқуқий тизимни таркибий қисмларига хуқуқ манбалари, уларнинг таркиби, фуқаролик хуқукининг ички тузилиши, нормаларнинг қисмлари, бўлимлар, боблар, қуий соҳалар, институтлар бўйича тақсимишли, хуқуқни кўллаш амалиёти, хуқуққа ва унинг амалиётига нисбатан доктриналар киради.

Юқоридаги таркибий қисмлар мусулмон, қитъа (роман-герман) ва умумий (англо-америка) хуқуқ тизимларида яқол намоён бўлса, патриархал хуқуқ тизимида заиф тарзда акс этилган. Қитъа хуқуқ тизими асосан Европа мамлакатларини (Буюк Британиядан ташқари) қамраб олган, шунинг учун ҳам у қитъа хуқуқ тизими номини олган. Бундан ташқари бу тизимга Лотин Америкасининг кўпгина давлатлари, Корея, Хитой ва бошқа мамлакатлар ҳам киради.

Умумий хуқуқ тизими АҚШ, Буюк Британия, Канада, Австралия, Хиндистон, Янги Зеландия ва бошқа мамлакатларда қўлланилади.

Мусулмон хуқуқ тизими Яқин ва Ўрта Шарқ мамлакатлари – Эрон, Саудия Арабистони, Ливия, Иордания, Афғонистон, Малайзия ва бошқа давлатларда қўлланилади.²

Тропик Африка мамлакатларида, Арабистон ярим оролининг шарқий қисмидаги кўчманчи қабилаларида, Жануби-Шарқий Осиёнинг миллий озчилигини ташкил этувчи ҳалкларида патриархал ҳаёт тарзи сакланиб колганлиги сабабли патриархал хуқуқ тизими қўлланилади.

МДҲ мамлакатлари, шу жумладан, Ўзбекистон Республикаси хуқуқ тизими қитъа хуқуқ тизимига мансубдир.³

¹ Сергеев А.П., Толстой Ю.К. Гражданское право. –М., Проспект. 2002. –С. 75.

² Зокиров И.Б. Фуқаролик хуқуқи. –Т., ТДОИ. 2006. -Б. 35.

³ Зокиров И.Б. Ўша асар. –Б. 36.

Хозирги замонда барча фуқаролик ҳукуқи тизимлари ўргасида ўзаро якинлашув, бир-биридан андоза олиш, имплантация жараёни кечмоқда. Бу жараён, асосан, иктисодий, илмий-ижодий, маданий соҳалардаги фуқаролик-ҳукукий муносабатларни тартибга солувчи нормаларда яқол намоён бўлмоқда. Фуқаролик-ҳукукий муносабатларнинг айрим соҳалари бўйича Халқаро Конвенция ва давлатлараро битимлар мавжудлиги, Бутунжаҳон Савдо Ташкилоти, Европа иктисодий ҳамжамияти, Бутунжаҳон Интеллектуал мулк Ташкилоти, Халқаро тадбиркорлик палатаси ва бошка катор умумжаҳон, минтақавий ва давлатлараро тузилмаларнинг фаолияти бу соҳага ўзига хос туртки бермоқда, уни мақсадга мувофиқ тарзда йўналтирмоқда.¹

Биз кўйида қитъя, умумий ва мусулмон фуқаролик ҳукукий тизимлари хусусида тўхталамиз.

2 §. Қитъя ҳукуқ тизими

Қитъя ҳукуқ тизимининг тарихий илдизлари Рим ҳукукига бориб тақалади. Ҳукукшунос олимлар томонидан Рим ҳусусий ҳукуки нормаларини такомиллаштириш асосида қитъя давлатларида миллий фуқаролик ҳукуки тизимлари вужудга келди.

Қитъя ҳукуқ тизимига ҳукуқни оммавий ва ҳусусий ҳукуқ соҳаларига ажратиш хосdir.² Оммавий ҳукуқ сиёсий ҳокимиятни ташкил этиш ва амалга оширишни тартибга солади, у жамият манфаатларини ифодалайди. Ҳусусий ҳукуқ – цивил ҳукуки (фуқаролик ҳукуки) алоҳида кишилар, ҳусусий шахслар манфаатларига хизмат киласди. Бу шахслар фуқаролик-ҳукукий муносабатларида тенг ҳукуқга эгадирлар ва уларнинг ҳеч бири алоҳида имтиёзларга эга эмас.

Қитъя ҳукуқ тизимида ҳам ягоналик, бир хиллик мавжуд эмас. Унда икки асосий йўналиш – Германия ва Франция фуқаролик қонунчилиги фарқланади.

Роман-герман ҳукукий тизими бу Рим ҳукукий меросидан фойдаланган ҳолда ташкил этилган ва тузилманинг умумийлиги, ҳукуқ манбалари ҳамда юридик тушунчаларнинг ўҳшашлиги билан бирлашган ҳукукий тизимлар мажмуидир.

Роман-герман ҳукуқ тизими бой ва сермазмун юридик тарихга эгадир. У XII-XVI асрларда Юстинианнинг Кодекси негизида кўпчилик Европа мамлакатлари учун умумий бўлган ҳукукшунослик фани яратилган Италия, Франция ва Германия университетларида Рим ҳукукини ўрганиш асосида шаклланган.

Европа давлатлари ўз фуқаролик қонунчилигини шакллантирганда, ушбу давлатларнинг ё униси ёки буниисидан андоза олганлар. Фуқаролик

¹ Зокиров И.Б. Ўша асар. –Б. 65-66.

² Гражданское право. Том 1. Учебник. /Под ред. А.П.Сергеева, Ю.К. Толстого. -М., 2002. -С.80.

хукуқининг Роман гурухи асосида 1804 - йилда қабул қилинган Франция фуқаролик кодекси (Наполеон фуқаролик кодекси), Герман гурухи асосида эса 1896 - йилда қабул қилинган Германия фуқаролик тузуклари ётади.

Франция фуқаролик кодекси институциявий, деб номланади (у Юстиниан кодификациясининг бир қисми бўлган Рим хукуки бўйича оддий дарслекнинг институцияларидан ўзлаштирилган).¹ Институциявий тизим фуқаролик - хукуқий нормаларини кўйидаги гурухларга бўлади:

- шахслар;
- ашёлар ва ашёвий хукуклар;
- даъволар ва ушбу даъволар бўйича мажбуриятлар.

Кейинчалик бу тизимнинг такомиллашуви натижасида ундан процессуал нормалар ажратиб чиқарилиб, соф моддий хукук нормалари қолди, умумий қоидалар ва бошқа бўлимлар билан бойитилди.

Фуқаролик хукуқи тизимининг Герман йўналиши “Герман гурухи кодекси” деб аталади, чунки у Юстиниан кодификациясининг Дигест (кодекс)ларига асосланади. Унинг моҳияти шундаки, хусусий хукук нормалари аввал бошданоқ моддий ва процессуал хукуқ нормаларига бўлинади ҳамда процессуал хукуқ нормалари алоҳида ҳолда мавжуд бўлади. Айни вактда, барча моддий хукуқ нормалари фуқаролик хукукнинг ҳамма институтларига тааллуқли бўлган нормалар (Умумий қисм) билан алоҳида институтларга – ашёвий хукуклар, мажбуриятлар, оила ва мерос хукукларига оид нормалар (маҳсус қисм)га бўлинган. Фойдаланишга қулийлиги ҳамда юридик техника нуқтаи назаридан олганда, пандект тизими институционал тизимдан афзалроқдир. Бундай қулийлик умумий ва маҳсус қисмларга бўлинишда ҳам яққол намоён бўлади (институционал тизимда эса умумий қоидалар ҳар бир институт бўйича қайта-қайта тақорланиши мумкин). Бироқ, узоқ даврлик тараққиёт давомида бу тизимлар ўртасида яқинлашув жараёни содир бўлганини ва ҳозир булар мустақил тизим сифатида хусусиятини йўқотганлигини бугунги кунда эътироф этиш мумкин. Европа мамлакатлари ўртасида фаол ҳамкорлик кучайган шарт-шароитларда пандект ва институцион йўналишлари ягона қитъя хукуқ тизимининг таркибий қисмларига айланади.

Қитъя хукуки тизими манбалари ҳакида сўз кетганда, уни муайян хукуқий таълимотлар (доктриналар), энг аввали, Рим хукуки таъсири остида ривожланганини қайд этиш лозим.

Демак, қитъя хукуқ тизимида асосий манба қонунлар ҳисобланади ва улар ичida фуқаролик кодекси марказий ўринни эгаллайди. Фуқаролик кодексий ва қонуниларнинг нормалари умумийликдан хусусийликка, мавхумликдан аниқликка йўналтирилади. Алоҳида қонунлар фуқаролик кодексига бўйсундирилган ҳолда яратилади ва қўлланади.

¹ Зокиров И.Б. Ўша асар. -Б. 66.

Роман-герман ҳукуқининг асосий манбаи сифатида қонуннинг муҳим аҳамиятини белгилаб берган ҳолат ҳукуқи кодекслаштириш имкониятини ва зарурлигини келтириб чиқарган. Ҳукук кодекс тузиш йўли билан тизимга айлантирилади, унга бамисоли муайян тамойиллар синдирилганидик таассурот қолдиради.

Кодекс тузиш ҳукуққа аниқлик бахш этган, унинг амалда қўлланилишини анча енгиллаштирган, Европада шаклланган ҳукукий норма ва, умуман, ҳукукни тушунишининг маҳтикий тутгалланилиши бўлган. Кодекс тузиш яхлит ходиса сифатида роман-ҳукуқ тизими шаклланишини яқунлаган.

Китъа ҳукуки тизимида одат ҳукуки манба сифатида жуда кам аҳамиятга эга. Ҳукукий тартибга солищда асосий таянч маркази қонун хисобланади. Моҳиятан олганда, одатлар амалдаги позитив ҳукукни тўлдирувчи иш муомаласи одатлари кўрнишида намоён бўлади.¹

Маълумки, китъа ҳукуки тизимида прецедент ҳукуки мавжуд эмас. Тўғри, баъзи мамлакатларда суд амалиёти ҳукуқ манбаи сифатида эътироф этилса ҳам, бу факат тор доирада, қонун билан тартибга солинмаган ёхуд тўлиқ тартибга солинмаган муносабатларга нисбатангина қўлланилади. Айни вакъта ҳукукдаги камчиликларни қонунчилик ёрдамида бартараф этишнинг аниқ йўллари мавжуд, бу эса камчиликларни амалиёт орқали бартараф этишга зарурат колдирмайди.

Китъа ҳукуки тизимида шахслар тўғрисидаги нормалар икки ҳисмга бўлинади:

- жисмоний шахслар тўғрисида;
- юридик шахслар тўғрисида.

Жисмоний шахсларнинг ҳукуқ лаёкати уларнинг ҳукуқ ва бурчларга эга бўлиш лаёкати, муомала лаёкати, кобилияти сифатида таърифланади. Ҳукук лаёкати барча учун тенг бўлиб, унинг мазмуни позитив ҳукуқ билан белгилаб кўйилган. Инсоннинг соғлиги ва ёшига қараб, муомала лаёкатининг ҳажми позитив ҳукуқ билан белгиланади.²

Китъа ҳукуқида юридик шахслар ҳакида батафсил ишлаб чиқилган таълимот мавжуд. Юридик шахс ўзига хос мавхумлаштирилган категория бўлиб, юридик шахсларнинг эҳтимол тутилган, мумкин бўлган барча турларини қамраб олади. Юридик шахсларнинг моҳияти ва белгиларига, шунингдек, уларни таснифлаш – туркумлашга алоҳида аҳамият берилади. Ушбу турлар рўйхати катъий тизимга солинган. Юридик шахсларни вужудга келиши, қайта ташкил этилиши ва тугатишнинг барчаси учун умумий бўлган қондалари белгилаб кўйилган. Юридик шахсларнинг вужудга келиши, ўзгариши ва бекор бўлиши норматив – мурожаат тартибида амалга оширилади ва давлат рўйхатидан ўтказилади. Тижорат юридик шахслари умумий (универсал) ҳукуқ лаёкатига эга. Нотижорат

¹ Гражданское право. Том 1. Учебник. Под ред. А.П.Сергеева, Ю.К. Толстого. -М., 2002. -С.82.

² Там же.

юридик шахслар учун маҳсус ҳуқук лаёқати белгиланган. Барча юридик шахслар уюшмалар ва муассасаларга бўлинади. Уюшмалар турли жамият ва ширкатларга – тўлик ширкат (байзи мамлакатларда тўлик ширкат юридик шахс хисобланмайди), коммандит ширкати, масъулияти чекланган жамият, акциядорлик жамиятларига бўлинади. Ширкатларнинг (жамиятларнинг) турларга бўлиниши асосида уларнинг иштирокчиларини корпорация мажбуриятлари учун жавобгарлик даражаси асосий мезон бўлиб хисобланади. Тўлик ширкатда барча иштирокчилар ўзларининг барча мол-мулклари билан солидар жавоб берадилар. Коммандит ширкатда эса, бир хил иштирокчилар (коммандитчилар) устав фондига кўшган улушлари хажмида, бошқалар, яъни тўлик аъзолар ўзларининг барча мол-мулклари билан солидар жавоб берадилар. Ширкат аъзоларидан фаркли равишда, жамият аъзоларининг жавобгарлиги уларнинг устав фондларига киритилган улушлар билан чекланади. Маъсулияти чекланган жамият билан акциядорлик жамиятлари ўртасидаги фарқ уларнинг иштирокчиларига улушлар (хиссалар, пайлар) ёки кимматбаҳо қозоғ сифатидаги акциялар тегишли бўлишида намоён бўлади. Корпорациялар ташкил этишда қитъя конунчилиги бошланғич устав капитали хажми ва шакллантириш гартибига нисбатан жуда қаттиқ талаблар кўяди.

Муассасаларда эса муассис ўз мол-мулкидан муассаса учун алоҳида ажратиб, биринкириб кўяди, муассаса маъмурияти муассаса мақсадларини амалга оширишда ушибу мол-мулкни бошқаради. Одатда, муассаса унинг мол-мулкининг мулқдори, аъзолари ва бошқарувчилари бўлмаган шахсларнинг манфаатлари учун фаолият юритади. Бу шахслар дестинаторлар деб аталади. Давлат газнаси (фиск), давлат корхоналари ва бошқа муассасалар, диний ташкилотлар ва хайрия жамғармалари (фондлари) муассаса кўринишида намоён бўлади.¹

Ашёвий ҳуқуқлар. Қитъя ҳуқук тизимида ашёвий ҳуқуқлар туркуми мавжуд. Ашёвий ҳуқуқлар шахснинг ўз ашёларига бўлган ҳуқуқларга (булар жумласига мулк ҳуқуқи ҳам киради) ва шахснинг ўзгалар ашёларига бўлган ҳуқуқларига (булар жумласига сервитутлар, эмфитетвзис, гаров, куриш ҳуқуқи ва шу кабилар киради) бўлинади. Ўзгалар ашёларига бўлган ҳуқуқлар бегонанинг мол-мулкига бўлган таъсирининг усуслари, ҳажмлари, куввати ва бошқа жихатлари бўйича фарқланади. Ўзгалар ашёларига бўлган ҳуқуқлар мулқдорга бурчлар юклагани сабабли ашёвий ҳуқуқлар доираси қатъий белгилаб кўйилган (*numenis clausus*). Бу эса рўйхатдан ташқари ўзбошимчалик билан ашёвий ҳуқуқлар вужудга келмаслигини билдиради. Ҳар қандай ҳолда ҳам ашёвий ҳуқук мазмуни позитив ҳуқук билан белгиланади.

¹ Ўзқирот И.Б. Ўша асар, --Б. 69.

Ашёвий хукуқларнинг алоҳида турлари билан бирга эгаллаш шахсни ашё билан боғланганлиги фактик ҳолати (шахсни ашё устидан хукмронлиги) эканлигига катта эътибор қаратилади. Китъа хукуки доирасида эгаллаш махсус эгалик қилишини таъминлаш даъволари билан химоя қилинади, муайян мезонларга жавоб берадиган эгалик қилиш бузилганда, хукуқбузарни айбидан қатъи назар бундай даъволарни қўллаш мумкин.

Табиийки, мулк хукуки асосий ашёвий хукуқ бўлиб ҳисобланади. Ашёвий хукуқ нормаларининг асосий кисми унга бағишиланган. Ҳар бир мамлакатда мулк хукуқининг мазмуни ўзига хос бўлишига қарамасдан, уларнинг барчаси учун умумий бўлган жиҳатлар ҳам мавжуд.

Китъа хукуқ тизимида мулк хукуқини талқин этишда Рим анъаналарига ва, энг аввало, «бир ашёга нисбатан иккита тўлик мулк хукуки бўлиши мумкин эмас» деган асосий тамойилдан келиб чиқилади. Мулк хукуки ягона ва бўлинмасдир. Бўлинган ёки иккиласланган мулк бўлиши мумкин эмас. Мулк хукуқининг ушбу доирасига сифмайдиган ҳаётий вазиятларнинг ҳусусиятлари ё ўзгалар мулкига бўлган хукуқларда ёинки у ёки бу обьектга нисбатан, у ёки бу субъектнинг мулк хукуқининг ўзига хосликларини белгилаб қўйишда ифодаланиши мумкин. Гарчи кейинги вактларда қитъа хукуки томонидан англо-америка хукуқининг мутлақо қарама-карши тамойилларидан (масалан, траст ёки ишониб топширилган мулк) келиб чикувчи тузилишлар ўзлаштирилаётган бўлса ҳам, бироқ улар ўрнашиб колган анъаналарни бузмаган ҳолда, мослаштирилмоқда (масалан, ишониб топширилган мулк ўрнига ўзганинг мол-мулкини ишончли бошқариш белгиланган).

Китъа хукуқ тизими амал қилаётган тамойиллардан яна бири – бу мулк хукуқининг энг тўлақонлиги тамойилидир (*plena in re potestas*). Европа мамлакатларининг қонунчилигига мулк хукуқининг таркибий кисмлари (мулқдор ваколатлари – эгаллаш, тасарруф этиш, даромад олиш хукуки ва шу кабилар) турлича ифодаланилади, бაъзан эса, ҳатто гаройиб ваколат ҳам (масалан, мол-мулкни йўқ қилиб ташлаш хукуки) белгилаб қўйилган. Бироқ, айни вактда, ушбу ваколат билан мулк хукуки мазмуни чегараланмаслиги, бу ваколатлар «энг мутлақ тарзда», «мулқдорнинг хоҳишига кўра», «мустакил тарзда» амалга оширилиши белгилаб қўйилган. Худди шу билан мулк хукуқининг ўзига хослиги, унинг бошқа хукуқлардан фарқи, уни бошқа ашёвий ёхуд мажбурият хукуки билан таққослагандага мазмунан ҳар доим кенг ва мустакил эканлиги таъкидланади.¹

Ўзгалар мулкига бўлган хукуклар (*iura in re aliena*) ҳам ниҳоятда турлича ва хилма-хил, бироқ, бу хукуқлар таъсиридаги ашёнинг мулқдори мавжудлиги уларни ягона гуруҳга бирлаштириб туради.

¹ Гражданское право. Том 1. Учебник. /Под ред. А.П.Сергеева, Ю.К. Толстого. -М., 2002 - С.84

Умумий қоидага күра, мулкдор унинг ашёсига нисбатан таъсиrlарга тоқат қилиши лозим, бирок, сўнгги вақтларда шундай ашёвий хукуклар хам вужудга келмоқдаки, унинг асосида мулкдор у ёки бу фаол харакатларни содир этиши лозим. Мулкдорнинг қайси ваколатлари чекланганлигига қараб, ашёвий хукуқ эгаларига ўзгалар ашёсига нисбатан берилган имкониятлар бўйича, ашёвий хукуклар қуидаги турларга бўлинади:

- факат фойдаланиш хукуки;
- факат тасарруф этиш;
- эгаллаш ва фойдаланиш;

• эгаллаш, фойдаланиш ва чекланган доираларда тасарруф этиш ўртасидаги ҳар қандай хусусий хукукий муносабатларга мўлжалланган универсал конструкция бўлган мажбурият марказий ўринни эгаллади.

Мажбурият хукуки. Мажбурият хукуки шахслар ўртасидаги муносабатларни тартибга солишида мўлжалланган хукуқ нормалари тизимидан иборат. Мажбурият доирасида бир шахсга бошқа шахсдан (*iug in personal*) қандайдир хусусиятларни содир этиш (такдим этиш) ёки муайян ҳаракатларни содир этишдан сақланишини талаб қилиш хукуки тегишли бўлади. Мажбурият тарафлари бўлиб кредитор (галаб қилиш хукуқига эга бўлган шахс) ва қарздор (зиммасига бурч, мажбурият юклатилган шахс) хисобланади. Мажбурият предмети фуқаролик хукуқининг ҳар қандай обьекти бўла олади, мажбуриятнинг мазмуни тарафларнинг хукуқ ва мажбуриятларини ташкил этади. Бунда мажбурият мазмуни нафақат позитив хукукка, балки тарафларнинг эрки, иродасига ҳам боғлиқ бўлади.

Мажбурият хукуқининг ғоят қенг ривожланган умумий қисми мавжуд бўлиб, унда барча турдаги мажбуриятларга қўлланадиган нормалар мужассамланган. Мажбурият хукуқининг маҳсус қисми мажбуриятларнинг алоҳида турларига багишланади.

Мажбуриятлар, энг аввало, уларнинг келиб чиқиши асослари бўйича туркумланади. Мажбуриятлар вужудга келишининг бир қатор бош асослари фарқланади – шартнома, бир томонлама битим, зарар етказиш (деликт), топшириксиз бошқаларнинг ишларини юритиш, асоссиз бойиш ва қонун.¹

Шартнома икки ва ундан ортиқ шахсларнинг ўзаро хукуқ ҳамда мажбуриятларни белгиловчи келишуви сифатида тан олинади. Шартнома тузилгандан кейин катъий бажарилиши лозим (*recta sunt sertsonda*), унинг ижроси мажбурийлиги таъминланади.

Жабрланувчининг шахсга ёхуд мол-мулкига қандайдир муайян шартнома билан боғлиқ бўлмаган ҳолда зиён етказиш деликт хисобланади.

¹ Триждынское право. Том 1. Учебник. Под ред. А.П. Сергеева, Ю.К. Толстого. -М., 2002. -С.85.

Шартномани бузгани учун ва деликт учун жавобгарлик айбилилк тамойили асосида белгиланади, айни вақтда, зарар етказувчининг айбдорлиги презумпцияси белгилаб қўйилган. Бироқ, бу умумий тамойилдан истиснолар ҳам мавжуд.

Шартномалар, энг аввало, ижтимоий-иктисодий мазмуни бўйича турларга бўлинади: мол-мулкни мулк сифатида топшириш, фойдаланишга топширилган шартномалар, ишларни бажариш ва хизматлар қўрсатиш тўғрисидаги шартномалар ва ҳ.к. Шартнома ҳукуқида шартномаларнинг барча турлари учун қўлланиладиган умумий қоидалар ҳам мавжуд.

Деликтлар бош ва маҳсус деликтларга бўлинади. Бош деликт стандарт қоидаларга киритилган ҳар қандай зарарни қоплаш учун асос бўладиган умумий қоидалардан иборат. Маҳсус деликтлар зарарнинг алоҳида ҳусусияти (мулкий зарар, маънавий зарар, шахсга етказилган зарар, соғлиққа етказилган зарар), зарар етказиши манбаи (оширилган хаф манбаи), айби (айбли ёхуд айбсиз жавобгарлик), зарар етказувчининг шахси (масалан, ёлланма ҳодим, давлат хизматчisi) ва бошқа ҳолатлар бўйича ўз ҳусусиятига эга.

Мутлақ ҳукуқлар (интеллектуал мулк) инсон тафаккури, ижодий фаолият натижалари қатор ҳалқаро конвенциялар – муаллифлик ҳукуқига бағишлиган Берн ва Женева, Париж ва бошқа ҳалқаро конвенциялар асосида яратилган, ривожланган қонунчилиқда мустаҳкамлаб қўйилган. Шу сабабли ҳам, бу масалада қитъя ёки англо-америка ҳукуқ тизими билан боғлиқ ўзига хослик мавжуд эмас. Ҳар иккала тизимга кирувчи мамлакатлар қонунчилиги бир аср мобайнida юкорида қўрсатилган конвенциялар асосида бир хилдаги моделлар асосида таркиб топди.¹

Ушбу институтлар доирасида мавжуд бўлган тушунчалар ўртасидагина айrim жузъий фарқлар мавжуд. Қитъя ҳукуқ тизимида, одатда, муаллифлик ёки патент ҳукуқлари тушунчаларидан фойдаланилади, баъзан улар «мутлақ ҳукуқлар» номи билан умумлаштирилади. Англо-америка ҳукуқида эса (адабий) ва саноат мулки деган иборалар қўлланилади, интеллектуал мулк тушунчasi уларни бирлаштирувчи ибора хисобланади. Бундай талқин мулк тушунчasi доирасини кенгайтиришга мойил бўлган мавжуд доктринага мос келади. Шуни ҳам эътироф этиш ўринлики, бундай ибораларни қўллаши ҳалқаро конвенцияларга ҳам қитъя ҳукуқ тизимининг баъзи мамлакатларида, масалан, Францияда ҳам русм бўлган. Бироқ, бундай ҳолда ҳам «мулк» атамасидан шартли равишда фойдаланилади (бундай ҳукуқларнинг ҳимояси мутлақ эканлигини таъкидлаш маъносида).

Ворислик ҳукуқи. Мархум мол-мулкининг меросхўрларига ўтишини тартибга солувчи нормалар тизимига ворислик ҳукуқи дейилади. Ворислик –бу универсал ҳукуқий ворислик бўлиб, унинг доирасида мерос

¹ Гражданское право. Том 1. Учебник. /Под ред. А.П.Сергеева, Ю.К. Толстого. -М., 2002. -С.86.

қолдирувчидан ворисларга барча мол-мулклар, чунончи активи (хукуклари) ва пассиви (бурчлари) ҳам ўтади. Айни вактда, мол-мулкни мерос бўйича ўтказишнинг шундай шакли ҳам мавжудки, бунда, мол-мулкни олувчи мерос қолдирувчининг қарзлари учун жавобгарликдан озод бўлади (vasiyat mажбурияти ёхуд легат). Одатда, легат мерос қолдирувчига мажбуриятлари бўйича эмас, фақат хукуклари бўйича сингуляр (кисман) хукукий ворисликни билдиради.

Васият бўйича ва қонун бўйича ворислик фарқланади. Васият бўйича ворислиқда мерос васиятда кўрсатилган шахсларга ўтади. Васиятнома турли шаклларда тузилиши мумкин - мерос қолдирувчини ўз қўли билан ёзилган ёзма васиятнома, давлат мансабдор шахси (нотариус) хузурида тантанали равишда эълон қилган васиятнома. Гувоҳлар хузурида саклаш учун қонун бўйича ворислиқда меросхўрларнинг муайян навбати белгиланади, демак, мерос қолдирувчига якинроқ бўлган ворислар навбати мавжуд бўлганда, қолган меросхўрлар меросга чақирилмайди.¹.

3 §. Инглиз - америка хукуқ тизими

Инглиз - америка хукуқ тизими негизида умумий хукуқ (common lawe) ётади. Умумий хукуқ Буюк Британияда қироллик судлари фаолияти натижасида вужудга келиб, у қироллик судлари учун мажбурий бўлган. Судлар томонидан янги-янги қарорлар қабул қилиниши асосида оддий умумий хукуқнинг ривожланиши таъминланади, унинг ривожи тўхтагач эса, канцлер суди фаолияти натижасида таркиб тонган адолат хукуки (equity) ривожланди.²

Бундай дуализм Рим хусусий хукуки доирасидаги цивил ва претор хукуклари дуализмiga үхшайди. Кейинчалик умумий хукуқ ва адолат хукуки умумлашмасидан прецендент хукуки вужудга келади ва унга парламент томонидан қабул қилинадиган статут хукуки (statute law) кўшилади. Бироқ, прецендент хукуки статут хукуқига нисбатан мустақил ривожланишга эга бўлди ва ҳатто бутунлай статут хукуқининг ҳам кўлланиш тартибини белгилай бошлади. Худди шундай кўринишдаги инглиз хукуки Буюк Британия мустамлакалари – АҚШ, Канада, Австралия, Янги Зелландия, бошқа мамлакатларга ҳам ўтказилди ва модификациялаштирилди.

Инглиз хукуки АҚШда энг кўп ўзгаришларга дуч келди. Шу сабабли ҳам, у англо-америка хукуки тизими деган номни олди. Бу ўзгаришлар, энг аввало, АҚШнинг федератив тузилиши билан боғлиқ. АҚШ таркибига кирувчи штатлар фуқаролик қонунчилигини яратиш соҳасида катта мустақилликка эга бўлганлар ва ҳозир ҳам эгалар. Шу сабабли, штатларнинг қонун ижодкорлиги фаолиятини унификациялаш учун

¹ Ўрложданское право. Том 1. Учебник. /Под ред. А.П.Сергеева, Ю.К. Толстого. -М., 2002. -С.87.
Тим же.

федерация даражасида тўлақонли қонунлар қабул қилинган ёхуд тавсиявий намунавий кодификациялар яратилган. Бирок, АҚШ хуқуки ўз ҳусусиятларига эга бўлишига карамасдан, инглиз хуқуки билан ягона тизимни ташкил этади.

Хукук манбалари. Инглиз-америка тизимида манбаларнинг умумий доираси бир хил қонунлар, суд амалиёти, одатлар бўлса ҳам, уларнинг нисбати ўзгариб туради.¹

Гарчи кейинги вактларда қонунлар кўпроқ қабул қилинаётганига қарамасдан, улар инглиз-америка хукук тизимида қитъа хукук тизимидагиdek роль ўйнамайди. Инглиз-америка хукук тизимида кодекслар мавжуд эмас. Қонунлар фуқаролик хуқуқининг алоҳида институтлари – юридик шахслар, мулк хуқуки, олди-сотди ва шу кабиларга нисбатан қабул қилинган, лекин улар тизимга солинмаган. Фақат у ёки бу даражада тизимга солинган хужжатлар мавжуд. Бирок, барибир, улар фуқаролик хуқуқининг айрим институтларига тааллуқли, холос (масалан, АҚШнинг Намунавий Савдо кодекси).

Фуқаролик хуқуки мазмунини белгилашда прецедент хуқуки шаклида намоён бўладиган суд амалиёти ҳам қилувчи аҳамиятга эга. Прецедент хуқуки – юкори суд инстанциялари ҳам қилувчи қарорлари йиғиндисининг тизимлаштирилган доктринаси бўлиб, улар худди шунга ўхшашиб ишларда кўлланиши лозим. Шундай қилиб, прецедентлар хуқуқ манбайи бўлиб колади.

Бирок, илмий-техника тараққиёти бу борада ҳам ўз таъсирини ўтказмоқда. Ҳозирги вақтда, машина орқали ўқиладиган прецедентлар тўпламлари мавжуд бўлиб, бу эса улардан фойдаланишни анча енгиллаштириди.

Одатларга ҳам, айниқса, янги прецедентларни шакллантиришда етарли даражада катта эътибор берилади. Иш муомиласи одатларига келганда, шуни қайд этиш ўринлики, АҚШда уларнинг аҳамияти етарли даражада катта бўлиб, бунда улар ҳусусий ҳарактердаги тавсиявий хужжатлар асосини ташкил этади (шартнома хуқуки, агентлар, ишониб кўйилган мулк ва шу кабиларга бағишланган)лар ва улар алоҳида штатлар учун модел вазифасини ўтайди.

Инглиз-америка доктринаси прецедент хуқуқининг ҳам қилувчи таъсири остида ривожланмоқда. Агарда қитъа юристи учун амалиёт эҳтиёжларига унчалик зарурат бўлмаса ҳам, у минтақавий ва катъий тизимли нормалар яратиш омили ҳисобланади. Инглиз-америка тизими юристи эса, амалиётнинг ҳар бир сўқмоғидан боришига тайёр. Доктрина алоҳида прецедентларни умумлаштириш ўйли билан казуистик равишида ривожланади.

¹ Гражданское право. Том 1. Учебник. /Под ред. А.П.Сергеева, Ю.К. Толстого. -М., 2002. -С.88.

Шахслар. Инглиз-америка хукуқида ҳам шахсларга оид қоидалар жисмоний ва юридик шахсларга доир нормаларга бўлинади. Шахсларнинг хукуқ субъектлигини тартибга солиш позитив хукуқда унчалик аниқ эмас. Асосий эътибор хукуқ субъектлигини амалиётда эхтиёж сезилган таркибий кисмлари мазмунига қаратиласди.¹

Хукуқ лаёқати ва муомала лаёқатини фарқлаш амалга оширилмайди. Унинг ўрнига хукуқ субъектлигининг ягона тушунчаси (*legal capacity*) амал қиласди. Тўғри, амалиётда пассив ва актив муомала лаёқати мавжуд. Бошқача айтганда, хукуқий харакатларни мустақил содир этиш лаёқати сифатида талқин этилади. Хукуқ субъектлиги формал жиҳатдан тенг хисобланаб, умумий қоидага кўра, шахс туғилиши билан бошланиб, унинг ўлими билан тугайди. Инглиз-америка хукуқ тизимида шахсни бедарак йўқолган деб топиш ва ўлган деб эълон қилиш мустақил хукуқий институтлар сифатида мавжуд эмас.

Юридик шахсларга келганда, шуни таъкидлаш ўринлики, уларнинг моҳияти етарли ишланмаган. Универсал категориядаги юридик шахслар ўрнига юридик шахсларнинг икки асосий тури – ширкатлар (*partnerships*) ва компаниялар (Буюк Британияда) ёки корпорациялар (АҚШ ва Буюк Британияда оммавий корпорациялар) мавжуд. Ширкатларнинг бир неча тури мавжуд бўлиб, улар асосан бир-биридан ширкат маҳбуриятлари, қарзлари бўйича, шерикларнинг (иштирокчиларнинг) жавобгарлик белгилари бўйича фарқланади. Тўлиқ ширкатлар юридик шахс хисобланмайди. Ширкатларнинг турларидан бири – коммандит (*limited partnerships*) ширкат юридик шахс хисобланади.

Бироқ, юридик шахслар тўғрисидаги асосий нормалар компаниялар (корпорация)ларга оид хужжатларда ўз аксини топганини қайд этиш лозим. Китъя хукуқ тизимида бундай юридик шахсларнинг ўхшашлари – масбулияти чекланган жамият, акциядорлик жамиятлари хисобланади. Бироқ, компаниялар ҳам, корпорациялар ҳам уларнинг иштирокчиларига қандай хисса (улуш) ёки акциялар тегишили бўлишига қараб фарқланмайди. Улар ягона атама - shares билан алмаштириласди. Корпорацияларни ташкил этишда дастлабки устав капиталини шакллантиришга китъя хукуқ тизимидағи каби аҳамият берилмайди. Формал жиҳатдан ҳалига кадар юридик шахсларнинг хукуқий лаёқати умумийлиги эътироф этилмаган. Юридик шахсларнинг маҳсус хукуқ лаёқати тўғрисидаги нормалар (*ultra vires* доктринаси) ҳозирча бекор килинмаган, бироқ, амалиётда унинг аҳамиёти тобора пасайиб бормоқда. Инглиз-америка хукуқида мулкдор томонидан ташкил этиладиган муассаса каби юридик шахс тури мавжуд эмас. Корпорациялар (улар фойда, даромад олиш максадисиз ҳам ташкил ётилиши мумкин) ёхуд ишонилган мулкдорлар (мол-мулкни ишончли бошқарувчилар) унинг ўрнини босади.

¹ Риҷуҷидиско право. Гом 1. Учебник. Под ред. А.П. Сергеева, Ю.К. Толстого. -М., 2002. -С.89.

Мулк (property, ownership). Мулк – инглиз-америка хукукининг энг асосий, муҳим тушунчаларидан биридир. Шахсларнинг ашёга нисбатан муносабатларини гартибга солишга қаратилган нормалар тизими сифатида ашёвий хукуқ мавжуд эмас. «Ашёвий хукуқ» ўринини «мулк» категорияси эгаллади. Мулкдорнинг ўзининг ашёлари ва ўзганинг ашёсига нисбатан хукуқлари ҳам мулк хукуқи таркибига киради. Қитъа хукуқ тизими бўйича кўчмас мулк ҳам ўз ашёсига нисбатан бўлган хукуқ ҳисобланмайди, чунки ерни олий мулкдори бўлиб давлат ҳисобланади. Шу маънода олганда, ҳар қандай ер эгаси мулкдор эмас.¹

Инглиз-америка хукуқида мулкни талқин этишнинг асосий белгиси бўлинган (иккиланган) мулкни мавжудлигига йўл кўйиш ҳисобланади. «Бир ашёга - бир мулк хукуқи» тамойили бу ўринда амал қилмайди. Бунинг ўринига бир неча шахсларни бир ашёга нисбатан мулк хукуқи мазмуни ва миқдори иштирокчиларнинг келишуви (эрки, иродаси) орқали белгиланиш тамойили белгиланган. Қитъа хукуқида эса ашёвий хукуқлар турлари ва мазмуни объектив хукуқда қайд этиб кўйилган бўлиб, бу эса ҳар иккала хукуқ тизими ўртасидаги фарқни яққол кўрсатади.

Мулк хукукини бўлиш нафақат ҳолатда – маконда, балки вертикал ҳолатда – замонда ҳам йўл кўйилади. Масалан, бир мулкдор ер участкасини ижарага беришдан даромад олиш хукуқига эга бўлса, бошқаси ундан фойдаланишдан даромад олиш хукуқига эга. Қандайдир ашё бир мулкдорга умрбод берилиши, у вафот этгандан кейингина бошка мулкдорга берилиши мумкин, ҳар иккала ҳолатда ҳам ҳозирги ва келгуси мулкдорлар ўртасида тақсимланадиган мулк хукуқи тўғрисида гап боради. Демак, ушбу турлича мулк хукукининг мазмуни дастлабки мулкдор эрки ёки мулкдорлар келишуви бўйича белгиланади.

Мулк (property) тушунчаси жуда ҳам кенг маънода талқин этилади. Анъанавий хукуклардан ташқари унга баъзи талаб қилиш хукуклари (масалан, пенсиялар, нафақалар, алиментлар ва ш.к. бўлган хукуклар), мутлак хукуклар айникса, улар бегоналаштирилиши мумкин бўлса (интеллектуал мулк) ҳам киритилади. Бу ўринда фикрлар юритиш кўйидаги мантиқий ҳолатлар билан боғлиқ: агарда хукуқ бегоналаштирилиши мумкин бўлса, гарчи у ўзига хос ҳусусиятли бўлса ҳам, ашё ҳисобланади, демак, мулк объекти бўлиши мумкин.

Инглиз-америка хукуқ тизимидағи мулк талқини юкорида кўрсатилган ҳусусиятлари ишонилган мулкда (trust) яққол намоён бўлади. Ишонилган мулкнинг моҳияти шундан иборатки, траст муассиси – дастлабки мулкдор (setilor) ашёни ишонилган мулкдор (trustee) бошқарувига топширади. Ишончли бошқарувчи бу мулкдан фойдаланиш натижасида олинган ашёлар ёхуд даромадларни манфаат кўрувчига (beneficiary) топшириши лозим. Манфаат кўрувчи сифатида траст

¹ Гражданское право. Том 1. Учебник. /Под ред. А.П.Сергеева, Ю.К. Толстого. -М., 2002. -С.90.

муассиси ҳам учинчи шахслар (кенг маънодаги омма ҳам) бўлиши мумкин. Ишонилган мулкдор ҳам, манфаат кўрувчи ҳам мулкдорлар ҳисобланади, бироқ уларниң хукуклари ҳажман фарқ қиласди: ишонилган мулкдор ўзига топширилган мол-мулкни бошқаришни (фойдаланиш) амалга оширилса, манфаат кўрувчи даромад олишга ва ашёни қайтариб олишга бўлган хукукларга эгадир. Ҳар бир мулкдорнинг хукуклари ҳажми, траст қандай шартларда таъсис этилганига қараб (у конунда, шартномада ёхуд бир томонлама битимда белгилаб қўйилиши мумкин), ўзгариши мумкин. Масалан, ишонилган миқдорга манфаат кўрувчига даромаддан улуш ажратиш ёки ажратмаслик хукуки берилиши мумкин. Айни вактда, шундай ишонилган мулк бўлиши ҳам мумкини, унинг доирасида ҳар қандай вақтда бу хукукни туттиши ва ашёни ўзига қайтариб олиши мумкин. Бинобарин, трастнинг бундай “резина” конструкцияси турлича шаклларга киритилиши ва модификациялаштирилиши мумкин. Шу сабабли ҳам, уни энг кутилмаган вазиятларда – асоссиз бойиш ҳолларида, компания ва унинг директорлари, принципал ва агенти ўртасидаги ворислик ва шу каби муносабатларда кўллайдилар. Бироқ, унинг энг асосий тайинланиш вазифаси – ўз мол-мулкини бошқалар томонидан самарали бошқаришни таъминлаш ҳисобланади. Худди шу маънода ва шу сабабларга кўра ҳам ушбу конструкция бошқа хукукий тизимлар томонидан ҳам ўзлаштирилмоқда.

Инглиз-америка хукуки доирасида мол-мулкни эгаллаш шахсни ашё билан фактик, амалий боғлиқлик ҳолати сифатида талкин этилади, бироқ эгаллашни ҳимоя килишда маҳсус эгаллаш даъволари эмас, балки зарар етказишдан келиб чиқадиган (*traspase et puissance*) даъволар кўлланади. Бу эса мол-мулкни эгаллашни ҳимоя қилиш уни бузишда айбнинг борлиги ёки йўқлигига боғлиқлигидан далолот беради.

Ўзгалар мулкига бўлган хукукларга келганда эса, шуни қайд этиш лозимки, у мустакил категория сифатида мавжуд эмас. Бироқ, бу унинг амалиётда кўлланмаслигини англатмайди. Масалан, ашёвий хукуклар жумласига гаров хукуки ва сервитутларни киритиш мумкин.

Шартнома ва деликт хукуки. Инглиз-америка хукук тизимида шартнома (*contract*) ҳамда деликт (*tort*) мухим ва асосий тушунчалардан ҳисобланади. Ҳар қандай мажбуриятларга кўлланадиган мажбурият хукуқининг умумий қисми мавжуд эмас. Умумий қисм шунда ҳам легал кўринишда эмас, балки доктринал кўринишда фақат шартнома ва деликт хукукида мавжуд.¹

Мажбуриятнинг мавҳумлаштирилган (формаллаштирилган) тунунчаси ҳам мавжуд эмас. Асосий эътибор деликт ва шартномага қирагилган. Мажбуриятларнинг расмий таснифи ҳам йўқ. Мажбуриятларнинг вужудга келиш асослари бўлиб шартнома, квази

¹ Гражданское право. Том 1. Учебник. /Под ред. А.П.Сергеева, Ю.К. Толстого. -М., 2002. -С.91-92.

шартнома (шартномага ўхшаш) мажбуриятлар - асоссиз бойиш, ўзгалар манфаатини кўзлаб топшириқсиз ҳаракат қилиш ва деликт ҳисобланади.

Инглиз-америка хукуки бўйича шартнома – бу санкция билан таъминланган судга ҳимоя сўраб мурожаат қилиш имконияти назарда тутилган, тақдим этиш эвазига берилган ваъда ҳисобланади. Демак, шартнома муқобил талабларни қансатлантиришни (consideration) назарда тутади: талаб қилиш хукукини олиш учун кредитор олдин қарздорга у ёки бу ҳақда ваъда берган бўлиши лозим. Бундан, оферта (шартнома тузиш ҳақидаги таклиф) акцептланмагунча, тарафларни бир-бири билан боғламайди деган қоидиб чиқади (баъзи истисно ҳолатлардан ташқари). Оферта акцептланмагунча, уни эркин равишда чиқариб олиши мумкин. Китъа хукуқ тизимида эса бошқа ҳолатни кўрамиз: оферта юборган шахс, у ёки бу даражада, ушбу оферта билан боғлик. Муқобил ижроларнинг шартлиги ҳақсиз, текин тузиладиган шартномаларни мавжуд бўлишига тўсқинлик қиласди. Шу сабабли ҳам, «муҳр билан» деган алоҳида шартномалар (конструкциялар) тузилиб, муқобил ижро бўлмаган ҳолларда ҳам қарздорларга мажбурият юклаш имконини беради. Албатта, ўзаро тақдим этишлар (муқобил ижролар) факат тарафларнинг келишуви асосидагина амалга оширилиши мумкин, бироқ бунда келишув эмас, балки муқобил ижро мавжудлиги ҳал қилувчи аҳамиятга эга бўлади.

Шартнома хукуки амалиёт эҳтиёжларига жавоб тариқасида ривожланиб боради. Шартномаларни расман туркумлаш мавжуд эмас. Амалий эҳтиёжларга кўра вужудга келган шартномаларнинг алоҳида турлари алоҳида қонунлар (масалан, товарлар олди-сотдиси тўғрисидаги қонун) билан тартибга солинади, у ёки бу аниқ ва бир хил мезонлар ёрдамида уларни ажратиши мумкин эмас.

Шартномани бузганлик учун жавобгарлик зарар етказганлик тамоилиси асосида белгиланади: қарздор ўзи томонидан йўл кўйилган бузилиш учун айбидан қатъи назар, жавоб беради. Бу инглиз-америка хукуқидаги муҳим бир қоидадан келиб чиқадики, ушбу қоидага асосан қарздор кредиторга етказилган заарларни тўлиқ қоплаган ҳолда шартномадан ҳар қандай вактда воз кечиши мумкин.

Инглиз-америка хукуқида шартнома хукуқига асосий эътиборнинг қаратилганигини яна бир сабаби шуки, бу хукуқ тизимида муайян даражада ривожлантирилган битимлар ҳақидаги таълимотлар мавжуд эмас. Шу сабабли ҳам, унда битимлар тўғрисидаги нормалар шартнома хукуқида ифодаланган.

Деликт хукуки суд амалиёти томонидан ишлаб чиқилган маҳсус деликтлар йиғиндиси сифагида намоён бўлади. Бош деликт мавжуд эмас, факат унинг доктринал моделларигина мавжуд. Деликт дейилгандан, шахсга ёки мол-мулкка зарар етказиш тушунилади. Маҳсус деликтларнинг расмий таснифи ҳам мавжуд эмас.

Деликтларнинг қуидаги турлари фарқланади: шахсга хам, унинг мол-мулкига хам зарар етказишга таалукли бўлган бостириб кириш, тажковуз (trespass); муайян шахс ёхуд номуайян доирадаги шахсларни мол-мулқдан бемалол фойдаланишини бузадиган ашаддий зиёнкорлик (nuissance); ўзгалар бизнесига зиён етказиш мақсадида кўллайдиган бўхтон (libel la stander), фитна (conspiracy); бошқаларнинг ҳак-хукуклариға лоқайдлик билан муносабатда бўлганини ифодаловчи бепарволик (negligence) ва шу кабилар. Умумий қоидага кўра, ушбу деликтлар учун жавобгарлик зарар етказувчининг айби бўлган тақдирда рўй беради.

Ворислик хукуки. Бу хукуқ инглиз - америка хукуқ тизимида у қатор ўзига хос белгиларга эга. Инглиз-америка хукуқ тизими бўйича ворислик, ўз моҳиятига кўра, универсал хукукий ворислик ҳисобланмайди, чунки мерос қолдирувчининг барча хукук ва мажбуриятлари учинчи шахснинг ишонилган мулкига (trust) ўтади, ишонилган мулкдорнинг асосий вазифаси мерос қолдирувчининг (бевосита ифодаланаган ёки гахмин қилинган) эрки-иродасини бажариш ҳисобланади. Васият бўйича ворислика ехеситор ва конун бўйича ворислика administrator деб аталадиган бу ижрочининг вазифаси мерос қолдирувчининг карзларини тўлаш, қолган мол-мулкни меросхўрларга бериш, меросхўрлар манфаатини кўзлаб ҳаракат қилишидир. Меросхўрлар мол-мулкни карзларни тозаланган холда олганлари учун, улар мерос қолдирувчининг карзлари учун жавобгар эмаслар. Шундай қилиб, мерос билан легат ўргасида фарқ йўқ ва шу сабабли легат контрукцияси мавжуд эмас.

Инглиз-америка хукуқида конун бўйича ва васият бўйича ворислик фарқланади. Бироқ, васиятноманинг фақат бир шаклига йўл қўйилади: васиятнома ёзма бўлиши, мерос қолдирувчи томонидан имзоланиши ва энг камида икки гувоҳ ҳозирлигида тасдиқланган бўлиши шарт.¹

4 §. Мусулмон хукуқ тизими

Мусулмон хукуқ тизими Африка ва Осиёning баъзи мамлакатларида ўзининг хукмрон мавқенини сақлаб турибди. Бироқ, бу мусулмонликнинг илк даврида ёхуд ўрта асрларда амал қилган мусулмон хукуки ҳали хам ўша шакл ва мазмунда қатъий сакланниб қолди дегани эмас. Бошқа хукуқ тизимлари ва фан-техника тараққиёти мусулмон хукуқ тизимига хам ўз таъсирини ўтказган.

Агарда замонавий фан ва техника, янги обьектлар билан боғлиқ янги битимлар мусулмон хукуки нормалари, билан уйғунашган бўлса, мусулмон хукукининг илк даври нормалари одат хукуки билан биргаликда, оила, ворислик, мерос ва мулк хукукининг баъзи соҳаларида ўз таъсири даражасини сақлаб турибди, деб айтиш мумкин. Шахсий-диний тизим

¹ Гражданское право. Том I. Учебник. Под ред. А.П.Сергеева, Ю.К. Толстого. -М., 2002. -С.90.

мусулмон ҳуқуқи кўп мамлакатларда (Жазоир, Судан, Сомали, Кения, Камерун, Танзания, Ироқ, Иордания ва х.к), Европа ҳуқуқий тизимлари билан уйғунлашган холда, миллий-ҳуқуқий тизимлар хилма-хиллигини ташкил этган. Баъзи бир фукаролик-ҳуқуқий муносабагнинг бир вактнинг ўзида икки ва ундан ортиқ ҳуқук тизими нормалари билан тартибга солинишини кўриш мумкин. Бундай дуализм ва плюрализм (хилма-хиллик) амалиётда муваммоларни келтириб чиқариши табиий.¹

Мусулмон ҳуқуқи амал қилаётган мамлакатларда унинг таъсири турличадир. Масалан, Саудия Арабистони ҳамда Эронда у қатъий ва мутглақ таъсирга эга. Баъзи мамлакатларда, юқорида таъкидлаганимиздек, дуализм ва плюрализмга йўл қўйилади. Баъзи мамлакатларда (Сурия) мусулмон ҳуқуқи конунчиликнинг асосий манбай сифатида конституциявий асосга эга бўлса, бошқа мамлакатларда уни қўллаш шариат судлари тизими билан таъминланади (Ироқ, Малайзия, Иордания).

Мусулмон ҳуқуқи нормалари бир-биридан турли мазҳаблар бўйича бир оз фарқ қилиши мумкин. Энг йирик мазҳаблар: маликийлар (асосчиси - Малик ибн Анас), ҳанафийлар (асосчиси - Абу Ҳанифа), шафийлар (асосчиси - Аш Шофий), Ҳанбалийлар (асосчиси - Аҳмат ибн Ҳанбалий). Яқин Шарқ мамалатлари конунчилигида, юридик таълимотлар (доктриналар) ва фукаролик-ҳуқуқи муносабатлар соҳасида мусулмон ҳуқуқини қўллашда мусулмонларнинг шахсий макоми мавжуд бўлиб, у асосан оила-никоҳ ва ворислик муносабатларида қўлланилади. Ушбу доктрина XIX асрда мисрлик йирик олим ва давлат арбоби Муҳаммад Қадрий (1821 - 1888) томонидан ишлаб чиқилган ва Сурия, Марокаш, Ироқ, Тунис, Иордания конунларида ўз ифодасини топган. Ушбу доктринанинг қўлланиш доираси баъзи мамлакатларда оила - никоҳ, ворислик (мерос) масалаларидан ташқари ҳадя, вакф мулкидан фойдаланиш масалаларини ҳам қамраб олади. Ҳиндистонда мусулмон ҳуқуқи мусулмон жамоаси аъзоларига тегишли шахсий ҳуқук сифатида қаралади. Агарда араб мамлакатларида мусулмон ҳуқуқи давлат таъсири остида янгиланиб, модификациялаштирилган бўлса, Ҳиндистонда анъанавий мусулмон ҳуқуқи манбалари – Куръон, Сунна, Ижмоъ, Қиёс қўлланилади. Ҳиндистон Буюк Британия мустамлакаси бўлган даврда қабул қилинган “Мусулмонларнинг шахсий ҳуқуқлари тўғрисида”ги (1937 йил) ва “Мусулмонча никохларда ажralиш тўғрисида”ги қонуилар (1939 йил) амал қиласди.²

Мусулмон мамлакатларида фукаролик ҳуқуқининг манбалари ичida кодификациялаштирилган меъёрий ҳужжатлар марказий ўрин эгаллайди. Масалан, Миср ФК (1949 йилда) мусулмон ҳуқуқининг барча мазҳаблари мужассамланган. Ушбу ФК Ироқ, Эрон ФК мазмунига ҳам ўз таъсирини ўтказган.

¹ Зокиров И.Б. Фукаролик ҳуқуқи. -Т., ТДОИ. 2009. -Б. 82.

² Зокиров И.Б. Ўша аср. -Б. 83.

Ислом давлатлари конунчилиги ва хукукий доктриналари мулкчилик масалаларида инглиз-америка ёхуд китъа хукуқ тизимлари асосий институтларини ўзлаштирган. Айни вактда, соф мусулмон хукуки таъсири остида қолган муносабатлар ҳам мавжуд. Бу, асосан, мусулмонларининг шахсий мақоми ва вакф мулки билан боғлиқ. Вакф мулки диний-хайрия вазифаларини бажариб, ислом давлатлари социл-иктисодий ҳайтида жилдий роль ўйнамайди. Бирок, шундай бўлса-да, у мусулмон мулк хукукининг ўзига хослигини намоён қиласди.

Мусулмон-хукукий доктринасида мулкчилик муносабатларига кучайтирилган эътибор мавжуд, унга алоҳида гоявий-сиёсий тус берилади. Бу айникса, ерга нисбатан мулкчиликда яққол кўринади. Ислом мамлакатларида ер хўжасиз, эгасиз, қаровсиз колмаслигига эътибор қаратилади. Агарда ер муайян муддат (одатда, 5 йил) давомида ишланмаса, мулкдор ердан маҳрум этилиши мумкин. Мусулмон хукуқида ерга нисбатан давлат мулкчилиги устувор тарзда мустаҳкамлаб қўйилган, бу эса аграр муносабатларини тартибга солишда муҳим аҳамиятга эга. Гарчи ерга нисбатан хусусий мулкчиликнинг “муқаддас ва дахлсизлиги” рад этилса ҳам, умуман олганда, хусусий мулк асло инкор этилмайди, балки ўзининг мустаҳкам асосига эга. Бунда факат мулкдорнинг мутлак, ҳеч нарса билан чегараланмайдиган ваколатларигина инкор этилади, холос.

Кўпгина мусулмон мамлакатлари мустамлака даврини бошдан кечирган. Шу сабабли ҳам, мажбурият-хукукий муносабатларга умумий хукуқ ва китъа хукуки ўз таъсирини ўтказган. Мажбуриятнинг вужудга келиши асослари орасида шартнома марказий ўринин эгаллайди. Шартнома унинг тузувчи шахслар эрки-иродасининг мос келишуви натижасида вужудга келади, албатта, бироқ бундай эрк-ирода хукукий кўрсатмаларни бузмаслиги лозим. Шартнома, уни тузган шахслар учун конун бўлиб қолади. У тарафларнинг келишуви ёхуд қонунда назарда тутилган асослар бўйичагина ўзгартирилиши ёки бекор қилиниши мумкин (Жазоирнинг 1975 йилда қабул қиласган ФКнинг 59 ва 106-моддалари).

Эрон ФКда мажбурият хукукининг ўзига хосликлари ўз ифодасини топган. Ундаги шартномаларнинг туркумланиш мезони бўлиб шартноманинг тарафлар учун қай даражада мажбурийлиги ҳисобланади. ФКда шартномаларнинг қўйидаги турлари белгилаб қўйилган: чақириб олинимайдиган (фавқулодда ҳолатлардан ташқари ҳеч қайси тараф томонидан бекор қилиниши мумкин эмас), чақириб олинадиган (ҳар қайси тараф ўз хоҳишига кўра хоҳлаган вактда бекор қила олади, масалан, топшириқ, омонат), бекор қилиниши мумкин бўлган (бундай шартнома нафақат тарафлар хоҳишга кўра, учинчи шахслар ташабbusи билан ҳам бекор қилиниши мумкин), қатъий (тасодифий ташки омилларга ҳеч қандай

боглик эмас), шартли (китъа хукуқ тизимидағи шарти кечиктирилгандың ёки бекор бўлиш шарти билан тузилган битимларга ўхшаш) шартномалар.¹

Маълумки, китъа хукуқ тизимида хусусий ва оммавий хукуқ фарқланади, хусусий хукуқ дуализм мавжуд бўлган ва савдо хукуқларига бўлинади. Мусулмон хукуки амал қиласидаги мамлакатларда бундай бўлинниш сезилмайди. Тўгри, Миср қонунчилигида савдо, ширкат, денгиз кемаларини куриш пудрати, шунингдек, таъминловчи битимлар савдо қонунчилиги билан тартиби солиниши қўрсатилган.

Шартномаларни тузиш тартиби ҳам китъа хукуқ тизимида ўхшаш. Келишув қачон содир бўлгани бўйича “ҳозир бўлган шахслар” ўртасида шартнома (бунда тарафлар бевосита ва доимий мулоқотда бўладилар), “розиликни изхор қилиш” шартномалари (бунда акцепт “содир бўлгандан” шартнома тузилган ҳисобланади) ва “розиликни олиш” шартномалари (бунда акцепт офферентга очик-равшан етказилиши лозим), тузиш тартиби фарқланади (Жазоир ФКнинг 64 - 67 моддалари).

Тузилган шартномаларнинг ҳақиқийлик шарглари деярли ўхшашdir. Масалан, Жазоир ФКнинг 96-моддасига асосан оммавий тартиби ва хушхулк ахлоқка зид шартномалар ҳақиқий эмас. Шунингдек, шартнома предмети жисмоний жиҳатдан мумкин бўлмаган ҳаракатлар содир этилишини талаб этса, зўрлик алдаш, янгилишу таъсирида тузилган бўлса ҳам, шартнома ҳақиқий ҳисобланмайди. Баъзи мамалакатларда ушбу талаблар бевосита ФҚда эмас, балки жорий шартномага кўйилган талаблар (тарафларнинг ўз эрки-иродасига шартнома предметининг белгилаб кўйилганлиги ва шартнома асосининг қонунийлиги) ичida шартнома шаклига кўйиладиган талаблар мавжуд эмас. Шакл бўйича талаблар, масалан, нотариал гувоҳлантириш шартлиги битимларни кайд этиш тўгрисидаги қонунда турли ширкатлар тузиш, ҳадя, кўчмас мулклар бўйича битимлар учун белгилаб кўйилган (Қонуннинг 46-47-моддалари).

Шартномаларнинг предмети бўлиб, муомаладан чиқарилмаган ҳар қандай ашёлар, шу жумладан, шартнома тузилган вактда натура ҳолида мавжуд бўлмаган ашёлар ҳам, шунингдек, бошқа шахсларга ўтказиш мумкин бўлмаган хукуқлардан ташқари ҳар қандай хукуқлар бўлиши мумкин. Бироқ, келажакда олиниши кутилаётган мерос шартнома предмети бўла олмайди (Жазоир ФКнинг 92-моддаси).

Баъзи ҳолатларда мусулмон мамлакатлари ФҚлари шахсий хукуқий тизимларни белгилашда худудий хукуқ қоидалари таъсирини акс эттиради. Масалан, Эрон ФК (247-263-моддалари) шариат нормаларини ўзида мұжассамлашган ҳолда, предмети учинчи шахсларнинг мол-мұлки бўлган шартномаларни тузиш имкониятларини назарда тутади.

¹ Зокиров И.Б. Ўша асар. –Б. 84.

Фуқаролик қонунларида шартномаларни ижро этиш ва уларни ижро этмаслик оқибатлари, шунингдек, лозим даражада ижро этмаслик масалалари батафсили тартибга солинган.¹

Осиё ва Араб Шарки мамлакатларининг қитъа хукуқи тизимини қабул қилган хукуқ тизимларида мажбуриятларнинг натура шаклида бажарилиши шартлиги белгилаб кўйилган. Бу эса шартномаларни натура шаклида ижро этиш лозимлигини англатади.

Зарарларни ундириш - мажбуриятларни ижро этмаганлик ёхуд лозим даражада ижро этмаганлик учун вужудга келадиган оқибат ҳисобланади. Умумий қоида бўйича зарар нафақат мажбурият ижро этилмаганлиги сабабли етказилган муайян мулкий талофат, балки бой берилган фойдани ҳам ўз таркибига олади (Жозоир ФКнинг 182-моддаси, Эрон ФПКнинг 728-моддаси, Индонезия ФКнинг 1243-моддаси).

Кўпгина мусулмон мамлакатларида ворислик муносабатларини тартибга солиш кўпроқ мусулмон-хукукий доктринасига асосланади. Аҳолисининг катта кўпчилиги исломга эътиқод қиласидиган мамлакатларда мерос соҳасида хукуқ тизими дуализм мавжуд эмас. Ҳатто француз хукуки намунасадаги ФКлари амал қиласидиган (Сурғи, Ирек) ФКларида ҳам ворислик тартибга солинмаган. Ворислик хукуки мусулмон хукукининг энг муҳим институтларидан бири бўлиб, атрофлича ишлаб чиқилган, пухта мувофиқлаштирилган қатъий хукуқ нормалари тизимидан иборатdir. Айни вақтда, мусулмон мамлакатларидаги ворислик хукуки фақат анъанавий мусулмон хукуки нормалари билангина тартибга солинади, деб ўйлаш нотўғри бўлур эди. Баъзи мамлакатлар қонунларида мусулмон хукукининг анъанавий тамойилларидан сезиларли фарқ қиласидиган қатор қоидалар мавжуд. Масалан, Сурғида ва Покистонда неварааларнинг тақдим килиш хукуки бўйича мерос олиши тан олинади. Сурғида аёларнинг мерос олиши бўйича ҳиссалари кенгайтирилган.²

Мусулмон хукукида васият килиш эркинлиги чегараланади. Васият қилувчи қонун бўйича ворисларни мерос олишга чақириш навбатини ўзгартира олмайди ва хукуқ томонидан белгиланганига зид равишда ворисликнинг алоҳида тартибини яратса олмайди. Бундан ташқари, васият бўйича қонунга асосан ворислар доирасига кирмайдиган шахслар меросхўр бўлиб қолган тақдирда, уларга мол-мулкнинг фақат учдан биригина берилиши мумкин.

Мусулмон хукукида қонун бўйича ворисликда аёл ва эркакнинг мерос ҳажмларида тенглиги мавжуд эмас. Ворислик хукуки табиати бўйича, мерос мол-мулкига нисбатан эркак ва аёл сифатида тенг хукуқларга эга. Мерос чақирилиш навбатида эркак ва аёл тенг, бироқ аёл эркак улушининг ярмини олади, холос. Мархумнинг узоқ қариндош-

¹ Йокиров И.Б. Ўша асар. -Б. 85.

² Йокиров И.Б. Ўша асар. - Б. 86.

уругларини меросхўр сифатида навбатга чакирилишида ҳам эркак ва аёл тенг эмас.

Анъанавий мусулмон ҳукуқида вафот этган мусулмон шахснинг ворислари сифатида бошқа диндаги ёхуд ўтиқоддаги шахсларнинг чакирилишида ҳам қийинчиликлар мавжуд.

Конун бўйича ворислик ҳанафий мазҳабида куйидаги тоифаларга бўлинади.

Куръон бўйича муайян улушларда мерос оловчи ворислар:

- эр;
- хотин;
- бобоси ёхуд ота томонидан тўғри насаб чизиги бўйича бошқа эркак қариндош;
- онаси;
- бувиси ёхуд ота томонидан тўғри насаб чизиги бўйича бошқа аёл қариндош;
- қизи;
- ўғлиниң қизи бўлган набираси ёхуд ўғил тарафдан тўғри насл чизиги бўйича бошқа аёл қариндоши;
- туғишган синглиси;
- ота бир, она бошқа синглиси;
- ота бошқа, она бир ака-укаси;
- ота бошқа, она бир синглиси.

Агнат ворислари: оила бошлиғи қарамогида бўлган оила аъзолари, мерос қолдирувчининг ўғиллари ва қизлари, ўғил томондан набиралар, отаси, ака-укалари, ота томондан амакилари ва жиянлари, мерос қолдирувчининг туғишган ва ота бир она бошқа сингиллари.

Мерос қолдирувчининг узоқ қариндошлари жумлаёига агнат қариндош бўлган аёллар ва барча когнатлар, яъни биринчий тоифага кирмайдиган қон-қариндошлар кирадилар. Улар юкоридаги икки тоифа мавжуд бўлмаган тақдирдагина мерос оладилар.

Тоифалар навбат асосида меросга чакириладилар. Қатор ворислар васиятга қараб, Куръон бўйича ёки иккинчи тоифа ворислари сифатида меросга чакирилишлари мумкин. Ҳар бир тоифа доирасида ҳам муайян навбат мавжуд, навбат бошидаги ворисларнинг мерос олиши имкониятини бекор қиласиди.¹

Биринчи навбатдаги ворислар қўйидагиларда ҳисобланади:

Куръон бўйича ворислардан: мархумнинг хотини (эри), ота-онаси ва қизлари. Булар мажбурий ворислар бўлиб, меросдан четлатилиши мумкин эмас, истисно ҳоллардан ташқари; иккинчи тоифа ворисларига мархумнинг ўғиллари (ва қизлари - ўғиллари бўлмаган ҳолда) киради.

¹ Зокиров И.Б. Ўша асар. –Б. 87.

Ушбу тоифаларнинг бошқа ворислари мерос олишда қатнашмаслиги ҳам мумкин (масалан, ўғли ва отаси мавжуд бўлганда).

Куръон бўйича ворисларнинг улушлари (1/2, 1/4, 1/8, 1/6, 1/3, 2/3) мерос қолдирувчининг харажатлари ва қарзларини қоплаш билан боғлик тўловлар:

- 1) мерос қолдирувчини даволаш, дафн этиш билан боғлик харажатлар;
- 2) мерос мол-мулкни бошқариш бўйича хужжатларни расмийлаштириш харажатлари;
- 3) мерос қолдирувчининг вафотидан уч ойгача олдинги давр учун мерос қолдирувчининг ишчи - хизматларига тўланиши лозим бўлган иш хақи
- 4) васият ва васият мажбурияти бўйича улушлар.

Ханафий мазҳабига кўра, конун бўйича ва васият бўйича ворисликда мерос қолдирувчининг ўлимига қасдан ёки эҳтиётсизликдан сабаб бўлган меросхўрлар мерос олишдан четлаштирилиши мумкин.

Шиа мазҳабида, гарчи у ҳам Куръонга асосланса-да, мерос олиш ўз ҳусусиятларига эга. Биринчидан, унда аёлларга нисбатан хайриҳоҳлик даражаси юқори. Шиаларда агнат келиб чиқиши бўйича эркак кариндошларга бериладиган имтиёзлар йўқ. Мархумнинг ўғли ва кизи ворислик ҳуқуқига эга. Иккинчидан, шиаларда ворислар таснифи оддий бўлиб, унинг асосида марҳум билан кон-кариндошлик ва эр (хотинлик) муносабати ётади.

Барча ворислар учга бўлинади: биринчи навбатда эр-хотин, ота-она, фарзандлар ва уларнинг болалари туради; иккинчи навбатда бобоси, ота ва она аждоди бўйича бува-бувилари, aka-укалари, опа-сингиллар ҳамда уларнинг фарзандлари киради; учинчи навбатга мерос қолдирувчининг ота-она аждоди бўйича тоға - амаки, хола - аммалари ва уларнинг фарзандлари киради.

Мусулмон ҳуқуқида шартномаларга алоҳида эътибор берилади. Шартномалар ҳақ тўланадиган ва ҳақ тўланмайдиган, икки томонлама ва бир томонлама, муддатли ва муддатсиз турларга бўлинади. Мусулмон дунёсида ўзига хос бир томонлама шартномалар – аҳдлашувларнинг тарқалганилиги тез–тез учраб туради.

Мусулмон ҳуқуқига оид адабиётларда аксарият ҳолларда фикҳ илми фуқаровий-ҳуқукий муносабатларни ўз ичига олиб, уч китобдан, яъни укудот, ийқоот, аҳкомдан иборат деб кўрсатилади.

“Укудот” – араб тилидаги “ақд” (“битим”) сўзининг кўплиги бўлиб, бу китобда турли шартномалар, улардан келиб чиқадиган мажбуриятлар ва шартномалар изжросини таъминловчи шартлар ҳақида батафсил маълумот берилган.

“Ийқоот” – “ийқо” деган арабча сўзининг кўплиги бўлиб, луғавий маъноси бирон нарсанинг объектив равишда амалга ошишини билдиради.

Кўзда тутилган маъноси эса бир томоннинг талаби билан бўладиган бир томонлама битимдир. Ўзга шахсларнинг хоҳиш-иродаси бундай битимларнинг тузилишига таъсир этмайди.

“Аҳқомлар” – “хукм” сўзининг кўплиги бўлиб, унга мусулмонлар кундалик ҳаётида хамда жиноят, мерос, мажбуриятларида амал қилишлари лозим бўлган барча қонун ва қарорлар киради.

“Уқудот” битим, шартнома деган мазмунни билдиради. Шартномалар икки турга бўлинади:

- Лозим ақд;
- Жоиз ақд.

Лозим ақд икки томоннинг розилигисиз ўзгармайдиган, бузиш мумкин бўлмаган мажбуриятдир.

Жоиз ақд томонлардан ёлғиз бирининг ҳам розилиги билан ўзгarterиши, бекор қилиш мумкин бўлган мажбуриятдир (мисол учун васият, вакф).

Уқудот мажбуриятларига қўйидагилар киради: оила–никоҳ, савдосотик, қарз мажбуриятлари, орият ва вадиа, омонат, ижара, щериклик, музораба (икки шахс ўртасида муайян шартлар билан тузиладиган савдо битими), ваколат.

Мусулмон фуқаролик хукуқида шартномалар (олди-сотди шартномаси, айирбошлиш шартномаси, ижара шартномаси) муносабатларининг субъекти жисмоний шахслар ва юридик шахслар бўлиши мумкин эди. Ёш болаларнинг ҳаракати ҳомийлар томонидан тан олинса, қулларнинг ҳаракати эса уларнинг эгалари томонидан маъкулланса, қонуний бўлиши мумкин эди. Ақли заифлар фуқаролик хукуқий муносабатларининг субъекти хисобланмаган.

Шартнома муносабатларида вакилликка ҳам йўл қўйилган. Ёш болаларнинг, аёлларнинг, ақли заифларнинг қонуний вакиллари уларнинг оталари, акалари, тоғалари, эрлари, ҳомийлари бўлгандар.

Мусулмон хукуқида олди-сотди савдосига алоҳида эътибор қаратилган. Бунда бир катор ўзига хосликлар ҳам мавжуд. Масалан, ҳаридор товарни кўздан кечириб, сифатини текшириб олиш хукуқи билан бирга сотувчи ашёдаги камчиликларни, нуқсонларни очиқ айтиши лозим. Кўчмас мулк сотилганда туташ ёки қўшни уй-жой эгалари имтиёзга эга бўладилар. Мусулмон хукуқида сотилаётган товарга белгиланадиган нарх тўрт хил бўлиши мумкин:

1. Мусовама;
2. Вазия;
3. Муробаҳа;
4. Тавлия.

Мусовама савдосида молнинг олдинги баҳоси эътиборга олинмайди, ҳаридор сотувчи билан ўзаро тортишиб, келишув асосида баҳолаб олади.

Вазия - молни ўз қийматидан паст нархга сотишдир. Муробаҳа молни келиб тушиш нархи устига маълум бир фойда кўйиб сотишдир. Бунда кўйилган фойда аниқ айтилади.

Тавлия - молни келиб тушиш нархидা сотишдир.

Муробаҳа ва тавлия савдоларида олди-сотди соҳасида тажрибага эга бўлмаганлар малака ҳосил қиласи ва савдо йўллари билан танишади.

Фанда фикҳ мутахассислари мол устига кўйиладиган устама нарх ва фойда микдори тўғрисида бир хил фикрда эмаслар. Баъзилари уни чегаралнмаган деб ҳисобласалар ҳам, умумий фикрга кўра, баъзи ҳаридорларнинг ғурлигидан фойдаланиб, товарни сотилаётган қийматидан ошириб сотиш ёки сотувчининг соддалиги туфайли молни ўз қийматидан арzonга олиш (гайни фахиши), савдони бузиш ҳукуқини беради. Кундалик ҳарид молларда беш фоиз, чорва молларида гайни фахиши ҳисобланади (Манбалар: Раддул Мухтор, Шархи Илёс).

Маълумки, мусулмон ҳукуқида фоизлар эвазига қарз бериш - судхўрлик ҳукуқка хилоф ҳаракат ҳисобланади. Ҳозирги замон иктиносидёти тизимида тижорат банклари, пул-кредит муассасалари алоҳида ўрин эгаллайди. Унинг замирида эса пул маблағларидан ҳақ эвазига фойдаланиш ётади. Шу сабабли ҳам, мусулмон ҳукуки амал қилаётган мамлакатларда “Ислом банклари”нинг фаолият юритиш қоидалари одатдаги тижорат банкларидан фарқ қиласи.

Назорат учун саволлар

1. Қитъа ҳукуқ тизимида деликтлар неча турга бўлинади?
2. Қитъа ҳукуқ тизимининг асосий тамоилилари нималардан иборат?
3. Инглиз-америка ҳукуқида қонун бўйича ва васият бўйича ворислик қандай фарқланади?
4. Инглиз-америка ҳукуқининг энг асосий, муҳим тушунчалари нималардан иборат?
5. Инглиз-америка ҳукуки доирасида мол-мулкни эгаллаш қандай амалга оширилади?
6. Инглиз-америка ҳукукида шахслар тушунчасига қандай ёндошилади?
7. Мусулмон ҳукуқида сотилаётган товарга белгиланадиган нарх қандай бўлиши мумкин?
8. Мусулмон ҳукукида фикҳ тушунчалиги нимани англатади?
9. Мусулмон ҳукукида фоизлар эвазига қарз бериш қандай ҳаракат ҳисобланади?
10. Мусулмон мамлакатларида ворислик муносабатларини тартибга солиши қандай доктрина асосланади?

III БОБ. ФУҚАРОЛИК ҲУҚУҚИННИГ МАНБАЛАРИ

1 §. Фуқаролик ҳуқуқи манбалари тушунчаси ва турлари

Маълумки, ҳар бир соҳа муайян асосларга, қоида ва негизларга таянади. Ҳар бир муносабатни тартибга солишда шу муносабатлар учун умумий асосга айланган бирлаштирувчи тушунча ва ҳолатлар белгиловчи роль ўйнайди. Тегишили ижтимоий муносабатларни тартибга солишда энг муҳим бўлган ва шу соҳадаги деярли барча муносабатларга тааллукли бўлган коидалар фанда манбалар деб юритилади.

Шу маънода, ҳуқуқ манбалари деганда, умумий маънода ҳуқуқнинг ифода этилиш шакли тушунилади. Бунда ҳуқуқ турли воситалар ва давлат томонидан ишлаб чиқилган ёки қабул қилинган махсус усуслар орқали амалга оширилади. Ифода этилиш тушунчасини таҳлил этганда ҳуқуқни жамият ҳаётидаги турли ижтимоий муносабатларга қўллаш назарда тутилади. Масалан, товар айрбошлиш, ўзганинг мол-мулкидан вактинча фойдаланиши, турли хилдаги хизмат кўрсатиш ва шунга ўхшашиб муносабатларга нисбатан ҳуқуқнинг ифода этилиши давлат томонидан қабул қилинган махсус ҳужжатлар, яъни, воситалар орқали намоён бўлади.

Профессор И.Б.Зокировнинг фикрича, фуқаролик ҳуқуқнинг манбалари деганда, фуқаролик-ҳуқуқий муносабатларни тартибга соладиган норматив ҳужжатлар тушунилади.¹ Бунда фуқаролик-ҳуқуқий муносабатни тартибга солувчи норматив ҳужжат факат биргина ҳуқуқ соҳаси – фуқаролик ҳуқуқнинг манбаси бўлиши мумкин, деган тасаввур вужудга келмаслиги керак. Айни бир вактнинг ўзида фуқаролик ҳуқуқнинг манбаси ҳисобланган норматив ҳужжат, хўжалик ҳуқуқнинг, кишлоқ хўжалиги ҳуқуқнинг, молия ҳуқуқнинг, маъмурӣ ҳуқуқнинг ва бошқа ҳуқуқ соҳаларининг ҳам манбаси бўлиши мумкин.

Умуман олганда, ҳуқуқ назариясида ҳуқуқ манбаларига нисбатан бир қанча шартлар қўйилади, бу шартлар ва талаблар манбанинг айни ҳуқуқка тегишлийгини¹ ва ўйнинг бошқа соҳа манбаларидан ажратиб турилишига ёрдам беради. Бундай шартлар жумласига куйидагилар киради:

- ҳуқуқ манбаси норматив хусусиятга эга бўлиши керак;
- ҳуқуқ манбаси ўзининг номланиши ва таъсир кучи доирасида тегишили ваколатли давлат органи томонидан қабул қилинган ёки қиқарилган бўлиши лозим;
- ҳуқуқ манбалари ҳар доим тегишли тартиб ва қоида асосида қабул қилиниши даркор;
- ҳуқуқ манбаси тегишли равища рўйхатта олинниши ва муайян шартлар асосида эълон қилиниши лозим.

¹ Зокиров И. Ўзбекистон Республикасининг Фуқаролик ҳуқуқи. -Т.: ТДЮИ. 1996. -Б. 15.

Хукук манбанини ташкил этган халқнинг эрки давлат эрки бўлиб, у маълум шаклда қонунлар ва бошқа норматив хужжатларда ифодаланади.

Хукук манбалари тўғрисида сўз юритилгандা, биринчи навбатда, қонун устида тўхталиш лозим. Ўзбекистон Республикасида қонунлар Олий Мажлис – ўқомиятнинг қонун чиқарувчи олий органи томонидан қабул қилинади ва улар қонунлар барча учун мажбурий бўлган норматив хужжатлардир.

Фуқаролик хукуқининг манбалари хукуқнинг бошқа соҳалари манбаларидан бир қатор хусусиятлари билан фарқ килади. Бу хусусиятлар фуқаролик хукуқи манбалари тартибга соладиган хукуқий муносабатларнинг моҳиятидан келиб чиқади. Маълумки, фуқаролик-хукуқий муносабатлар одатдаги, кундалик нормал ижтимоий муносабатлардир.

Фуқаролик-хукуқий муносабатларнинг “одатдаги” муносабатлиги шу билан белгиланадики, бу муносабатлар ҳар доим содир бўлади ва қишиларда бу муносабатларнинг амалга оширилиши одатдаги жараён каби тасаввур хосил қилади. Масалан, ҳар куни дўкондан нон сотиб олингандан, деярли, барча фуқаро – ҳаридор нонни муайян суммани тўлаган ҳолда, яъни сотувчи билан келишиб сотиб олиши мумкинлигини билади. Бу ҳол бир неча асрлардан бери одат тусига айланган. Мантиқан олиб қараганда, бундай муносабатлар жуда кўплаб топилади ва уларда одат анъаналарга айланган ҳолатлар кузатилади. Айни ана шу ҳолатлар фуқаролик қонун хужжатлари томонидан тартибга солинади. Шу билан бирга, одат қишилар учун янгилик бўлмаган ва содир бўлиши файри табиий туюлмаган воқеликдир. Бу муносабатларнинг шу зайлда амалга оширилиши қишиларда ажабланиш ҳиссини вужудга келтирмаслиги лозим. Одатдаги муносабатларни тартибга солувчи қонун хужжатлари ҳар доим мавжуд анъаналардан келиб чиқиб белгиланиши керак.

Фуқаролик-хукуқий муносабатларнинг кундалик муносабатлар сифатида талқин этилишининг асосий сабаби, уларнинг ҳар куни амалга оширилиши бўлиб ҳисобланади. Агар фуқаролик-хукуқий муносабатларнинг «одатдалиги» бевосита муносабатларни амалга оширилиши тартиби ва жараёни билан боғлиқ бўлса, “кундаликлиги” хусусияти бу муносабатларнинг ҳаётий зарурият ва эҳтиёжлар билан боғлиқ равишда ҳар куни содир этилиши билан боғлиқ бўлади. Бундай муносабатлар жумласига: чакана олди-сотди шартномалари ва ҳак эвазига хизмат кўрсатиш шартномаларини кўрсатиш мумкин.

Хукуқий муносабатлар орасида фақатгина фуқаролик-хукуқий муносабатлар “нормал” муносабатлардир. Яъни, фуқаролик-хукуқий муносабатлар бир-бирга бўйсуниш тамойилига асосланмаган, эрк-ирода ва хошишга таянган, мажбурлаш ва тайзикдан холи бўлган ҳолда вужудга келадиган муносабатлардир. Фуқаролик хукуқининг манбалари ҳам айни

ўзи тартибга соладиган муносабатларнинг шу хусусиятларидан келиб чикиб белгиланади.

Умумий қоидага кўра, фуқаролик ҳукукий муносабат деб, шахслар ўртасида бўладиган ва фуқаролик ҳукукий нормалар билан тартибга солинадиган муносабатларга айтилади. Фуқаролик ҳукукий муносабатларни тартибга солувчи нормалар ҳам бу муносабатларни тартибга солишда вужудга келаётган муносабатнинг мазмунига таянади.

Фуқаролик ҳукуки манбаларининг яна бир хусусияти, уларда императив меъёрларга қараганда диспозитив меъёрларнинг кенгрок кўлланилишидир. Адабиётларда таъкидланишича, ҳукукий тартибга солиш усулига қараб, ҳукуқ нормаларини императив ва диспозитив нормалар гурухларига бўлиш мумкин. Императив нормалар қатъий амр хусусиятига эга хатти-харакат субъектига белгиланган харакат моделидан четга чиқишини ман этади, масалан, кўпгина маъмурий-ҳукукий нормалар шундай мазмундадир.

Диспозитив нормалар, императив нормалардан фарқли ўлароқ, муносабат қатнашчиларига ўз хатти-харакатлари варианtlарини, субъектив ҳукуқ ва мажбуриятлар ҳажми тўғрисида келишиб олиш имконини ўзида ифодалайди. Диспозитив нормалар кўпроқ фуқаролик-ҳукукий муносабатларда учрайди.

Профессор Й.Б.Зокиров эса, фуқаролик ҳукуқида императив меъёрларга қараганда диспозитив меъёрларнинг кенгрок кўлланилиши бу – фуқаролик ҳукукининг ҳукукий муносабатларни тартибга солиш услуби деб, тўғри фикр билдиради. Бунда “конун” сўзи фақат Олий Мажлис томонидан қабул қилинган норматив ҳужжатнигина билдиrmай, балки ҳукукнинг бошқа нормаларини ҳам кўзда тутиб, улар ўзининг таъсир кучига қараб, императив ва диспозитив нормаларга бўлинади. Императив нормалар деб, маълум бир ҳукукий муносабатда қатнашувчиларнинг эрклари билан ўзгартирилиши мумкин бўлмаган, қатъий хусусиятли бўлган, қатъий буйруқ тарзидағи нормаларга айтилади. Императив нормаларга мисол қилиб ФКнинг 23-моддаси, 3-бандидаги “Фуқароларнинг ҳукуқ лаёқатидан ёки муомала лаёқатидан тўла ёки қисман воз кечиши ва ҳукуқ лаёқати ёки муомала лаёқатини чеклашга қаратилган бошқа битимлар ўз-ўзидан ҳақиқий эмасдир”, - деб айтилган нормани кўрсатиш мумкин.

Диспозитив нормалар деб, тарафларнинг ўз ихтиёrlари билан тўлдирилиши мумкин бўлган ва шартномаларда ҳукукий муносабатлар иштирокчиларининг ўзаро келишуви бўйича тартибга солиниши мумкинлиги кўрсатилган нормаларга айтилади. Масалан, ФКнинг 223-моддаси, 1-бандида улушли мулкдаги мол-мулк иштирокчилар ўртасида уларнинг келишуvigiga мувофиқ тақсимланиши мумкин, деб ёзилган. Демак, бу ҳукукий норманинг мазмунига кўра, умумий мулк иштирокчилари

ўзига тегишли бўлган ўлушини, ўзларининг келишувига мувофик, тақсимлашлари мумкин экан.

Фуқаролик ҳукукий манбаларда диспозитив меъёрлар кўп учрайди. Бу меъёрларнинг фуқаролик ҳукукида кенгрок қўлланилишига сабаб фуқаролик ҳукукида иштирокчиларга кенг имтиёз ва эркинликлар берилганлигидадир. Зоро, ФКнинг биринчи моддасида таъкидланганидек, фуқаролик қонун хужжатлари улар томонидан тартибга солинадиган иштирокчиларининг тенглигини эътироф этишга, мулкнинг дахлсизлигига, шартноманинг эркинлигига, хусусий ишларга бирон-бир кишининг ўзбошимчалик билан аралashiшига йўл қўйилмаслигига, фуқаролик ҳукукларини тўсқинликсиз амалга оширилишини, бузилган ҳукуклар тикланишини, уларнинг суд орқали химоя килинишини таъминлаш зарурлигига асосланади.

Ушбу модданинг талабларидан келиб чиқиб, шундай хulosага келиш мумкинки, фуқаролик ҳукукининг манбалари юқорида белгиланган талабларга амал қилган ҳолда қабул қилиниши лозим. Яъни ҳар қандай фуқаролик қонун хужжатлари шу муносабаг иштирокчиларининг тенглигини эътироф этиши, мулкнинг дахлсизлиги, шартномаларнинг эркинлиги ва ҳакозоларга амал қилган ҳолда чиқарилиши керак. Бу талабларга зид ҳолда қабул қилинган қонун хужжати ҳақиқий эмас, деб топилиши ва тегишли тартибда бекор килиниши зарур.

Юқорида айтганимиздек, фуқаролик ҳукукининг манбалари деганда, фуқаролик-ҳукукий муносабатларни тартибга соладиган норматив хужжатлар тушунилади.

Ҳукуқ манбанини ташкил этган ҳалқнинг эрки давлат эрки бўлиб, маълум шаклда қонунлар ва бошқа норматив хужжатларда ифодаланади.

Ўзбекистон Республикаси Конституциясининг 7-моддасида: “Ҳалқ давлат ҳокимиятининг бирдан-бир манбаидир”, деб белгиланган.

Ўзбекистон Республикасининг асосий қонуни – Конституция барча қонунчилик учун, жумладан, фуқаролик қонунчилиги учун ҳам раҳбар манба хисобланади. Конституция нормалари у ёки бу муносабатни умумий ҳолда, конституциявий даражада нормалайди, фуқаролик ҳукукига доир қонунлар эса, уни тўлдиради, аниқлаштиради. Мамлакатимизнинг Асосий қонунида ҳукукининг, шу жумладан, фуқаролик ҳукукининг асосий тамоиллари мустаҳкамланган. Асосий қонумизнинг 18, 27, 36, 42, 53, 54-моддалари бевосита фуқаролик-ҳукукий муносабатларни тартибга солишга қаратилган. Масалан, Конституциянинг 18-моддасида тенг ҳукуклилик тўғрисида, 27-моддасида инсон шаъни, қадр-қимматнинг кадрланиши тўғрисида сўз боради, 36-моддада эса, ҳар бир кишининг мулкдор бўлиши ҳукуки мустаҳкамлаб қўйилган. Ворислик ҳукуки қонун билан кафолатланиши таъкидланган 42-моддада бўлса ижод эркинлиги ўз ифодасини топган. Конституциянинг 53-моддасида “бозор муносабатлари”

ўз аксини топган. Ушбу моддадаги қўйидаги ҳолатларни алоҳида кўрсатиш мумкин:

- Ўзбекистон иқтисодиётининг негизини хилма-хил шаклдаги мулк ташкил этиши;
- истеъмолчилар ҳукуқларининг устуворлиги;
- иқтисодий фаолият, тадбиркорлик фаолияти билан шуғулланиш ва меҳнат қилиш эркинлиги;
- барча мулк шаклларининг тенглиги ва ҳуқукий жиҳатдан баббаравар муҳофаза этилиши;
- хусусий мулкнинг бошқа мулк шакллари каби дахлсизлиги ва давлат муҳофазасида эканлиги;
- мулкдор факат конунда назарда тутилган ҳолларда ва тартибдагина мулкидан маҳрум этилиши мумкинлиги каби қоидалар.

Бу ҳолатлар, кейинчалик, мос равищда Ўзбекистон Республикасининг жорий конун ва конуности ҳужжатларида ўз аксини топди. Конституциянинг 54-моддасида эса, мулк ҳукуқининг мазмуни бевосита ўз ифодасини топган. Бунга мувофиқ мулкдор ўзига тегишли мол-мулкни ўз хоҳишига кўра эгаллаш, фойдаланиш, тасарруф қилишга ҳақли. Айни пайтда, мулкдор ҳукуқининг чегаралари ҳам Конституцияда белгилаб берилган. Яъни мол-мулкдан фойдаланиш экологик мухитга зарар етказмаслиги, фуқаролар, юридик шахслар ва давлатнинг қонун билан кўрикландиган ҳукуқ ва манфаатларига путур етказмаслиги лозим.

Ўзбекистон Республикаси Конституциянинг қабул қилиниши давлатимизда янги ижтимоий ва иқтисодий муносабатларнинг пайдо бўлишига пойдевор бўлмокда. Энг муҳими, Конституцияда фуқаролик ҳукуқининг асосий иштирокчиси ҳисобланган инсон ва унинг манфаатлари олий қадрият эканлиги қайд этилган.

Ўзбекистон Республикасининг Фуқаролик кодекси ҳам конституциявий тамоилларга асосланган ҳолда, бозор иқтисодиёти шароитига мос келадиган механизмларни яратишга қаратилган бўлиб, у фуқаролик-ҳукуқий муносабатларни тартибга солиша алоҳида ўринни эгаллади.

Президент И.А.Каримов таъкидланганидек, “Қабул қилинадиган қонунлар ва қонунчиликка оид ҳужжатлар ўзаро боғланган бўлиши ва ижтимоий йўналтирилган яхлит бозор механизмининг ҳукуқий тизимини жадаллик билан яратишга кўмаклашиш керак”.¹

Бозор муносабатларининг бутун тизимини бирлаштиришга ва унинг ички үйғулигини таъминлашга хизмат қиласиган, фуқаролик-ҳукуқий муносабатларни тартибга соладиган, бозор иқтисодиёти муносабатлари талабларига қаратилган кодификациялаширилган қонун бу – фуқаролик кодексидир.

¹ Каримов И.А. Ўзбекистон бозор муносабатларига ўтишнинг ўзига хос йўли. -Т.: “Ўзбекистон”. 1993.-Б. 70.

Амалдаги Фуқаролик кодекси шахсларнинг мулкий хукуклари билан боғлиқ бўлган масалаларни янгича ҳал қилди. Унда:

– хилма-хил фуқаролик хукукий битимлар тузишида кенг эркинлик ва имкониятлар берилганилиги;

– фуқароларнинг тадбиркорлик фаолияти билан шуғулланишини тартибга солиниши;

– фуқароларнинг хукуқ лаёқати кенгайтирилганлиги, улар ёлланма меҳнатдан фойдаланиши, хусусий мулкка, жумладан, хусусий корхоналарга эга бўлиши, мулк шаклларининг тенглиги ва унинг химояси кафолатланганлиги;

– фуқаролик-хукукий муносабат субъекти бўлган юридик шахсларга (ташкилотларга) ўз фаолиятларини амалга оширишда, хўжалик ишларини юритишида кенг имкониятлар берилганилигини таъкидлаб ўтиш жоиз.

Ўзбекистон Республикасининг жорий қонунлари ҳам фуқаролик хукукининг манбаи ҳисобланади. Уларга Мулкчилик тўғрисидаги, Ижара тўғрисидаги, Тадбиркорлик фаолияти эркинлигининг кафолатлари тўғрисидаги, Қимматли қозозлар ва фонд биржалари тўғрисидаги, Жамоат фонdlари, Хўжалик ширкатлари, Гаров тўғрисидаги, Лизинг тўғрисидаги, Оилавий тадбиркорлик тўғрисидаги, Хусусий корхона тўғрисидаги ва бошқа қонунлар киради.

Ўзбекистон Республикаси Конституциясининг 76-моддасида “Ўзбекистон Республикасининг Олий Мажлиси олий давлат вакиллик органи бўлиб, қонун чиқарувчи ҳокимиётни амалга оширади”, деб “кўрсатилган. Шунга кўра, Ўзбекистон Республикаси Олий Мажлиси томонидан қабул қилинган ва фуқаролик хукукий хусусиятига эга бўлган қонун хужжатлари фуқаролик хукукининг манбани ташкил этади.

Ўзбекистон Республикаси Конституциясининг 94-моддасида “Ўзбекистон Республикасининг Президенти Конституцияга ва қонунларга асосланиб ҳамда уларни ижро этиш юзасидан республиканинг бутун худудида мажбурий кучга эга бўлган фармонлар, карорлар ва фармойишлар чиқаради”, деб белгиланган. Президент томонидан чиқариладиган мазкур мөтъерий хужжатлар қонун ости хужжатлари деб юритилади. Президент фармонлари турмушда, ҳаётда, ҳалқ хўжалигида, иқтисодиётда, ишлаб чиқаришда кечкитириб бўлмайдиган муносабатларни тартибга солиш ва мустаҳкамлаш эҳтиёжидан келиб чиқади. Уларнинг аксарияти фуқаролик-хукукий муносабатларни тартибга solaётганлиги учун фуқаролик хукукининг манбаи бўлиб ҳисобланади.

Ўзбекистон Республикаси Конституциясининг 98-моддасида “Вазирлар Маҳкамаси амалдаги қонунларга мувофиқ Ўзбекистон Республикаси худудидаги барча органлар, корхоналар, муассасалар, ташкилотлар, мансабдор шахслар ва фуқаролар томонидан бажарилиши мажбурий бўлган қарорлар ва фармойишлар чиқаради”, деб кўрсатилган. Шунга биноан, Вазирлар Маҳкамаси иқтисодиёт, ижтимоий ва маънавий

соҳанинг самарали фаолиятига раҳбарликни, конунлар, Олий Мажлиснинг бошқа қарорлари ва Президентнинг фармонлари, қарорлари ва фармойишлари ижросини тъминлаш юзасидан қарор ва фармойишлар чиқаради.

Республика вазирлеклари, давлат кўмиталари, идоралари ўз низомлари асосида чиқарган тегишли норматив хужжатлари ҳам фуқаролик хуқуқи манбалари ҳисобланади.

Вилоят, туман ва шаҳар ҳокимлеклари ўзига берилган ваколатлар доирасида тегишли худуддаги барча корхоналар, муассасалар, ташкилотлар, бирлашмалар, шунингдек, мансабдор шахслар ва фуқаролар томонидан бажарилиши зарур бўлган фуқаролик-хуқуқий хусусиятга эга бўлган қарорлар қабул қиласидар. Бундай қарорлар ҳам фуқаролик хуқуқининг манбалари ҳисобланади.

Фуқаролик конун хужжатларида тегишли нормалар бўлмаган тақдирда, бу муносабатларни тартибга солишда маҳаллий одат ва анъаналар қўлланилади (ФКнинг б-моддаси).

Тадбиркорлик фаолиятининг бирор-бир соҳасида вужудга келган ва кенг қўлланиладиган хулк-автор қоидаси, бирор-бир хужжатда ёзилган-ёзилмаганидан катъи назар, иш муомаласи одати ҳисобланади.

Фуқаролик конун хужжатларида тегишли нормалар бўлмаган тақдирда, бу конун хужжатлари билан тартибга солицайдиган муносабатларга нисбатан маҳаллий одат ва анъаналар қўлланилади. Бироқ, қўлланиладиган иш одатлари, маҳаллий одатлар ва анъаналар конун хужжатлари нормаларига, шартнома шартлари мазмунига зид бўлмаслиги керак (ФКнинг б-моддаси).

Фуқаролик қонун хужжатларини тўғри шарҳлаш ва тадбиқ этиш учун суд тажрибаси муҳим аҳамиятга эга бўлса ҳам, аммо у хуқук манбаи бўлиб ҳисобланмайди. Фуқаролик иши бўйича суд томонидан чиқарилган қарор факат мазкур иш учунгина мажбурийдир. Ўзбекистон Республикасининг “Судлар тўғрисида”ги¹ Қонунининг 17-моддасида “Олий суд Пленуми суд амалиётини умумлаштириш материалларини қўриб чиқади ва қонун хужжатларини қўллаш масалалари бўйича тушунтиришлар беради”, деб белгилантган. Бунга биноан, Олий суд Пленумининг суд ишларини қўрища қонунларни қўллаш масалалари юзасидан судларга раҳбарий тушунтиришлари, фуқаролик хуқуқининг манбалари бўлмаса ҳам, барча судлар учун мажбурий ҳисобланади ва судлар томонидан оғишмай ижро этилиши шарт.

Ўзбекистон Республикаси “Судлар тўғрисида”ги Қонунининг 42-моддаси мазмунига кўра, Ўзбекистон Республикаси Олий хўжалик суди хўжалик судлов соҳасида суд ҳокимиятининг энг юқори органи бўлиб, у

¹ Ўзбекистон Республикасининг “Судлар тутгисида”ги 14.12.2000 й. 162-II-сонли Қонуни.

қабул қылған хужжатлар қатый ва Ўзбекистон Республикасининг барча худудида бажарилиши мажбурийдир.

Олий хўжалик суди Пленуми мажлисида дастурий кўрсатмалар қабул қилинади. Шуни айтиш керакки, Ўзбекистон Республикасининг “Судлар тўғрисида”ги Конунининг 11-моддасида “Ўзбекистон Республикаси Конституциясига мувофиқ, Ўзбекистон Республикаси Олий суди ва Олий хўжалик суди Ўзбекистон Республикаси Олий Мажлисида қонунчилик ташаббуси хукуқига эга” деб кўрсатилган.¹

2 §. Фуқаролик қонунларининг вақт, худуд ва шахслар бўйича амалда бўлиши

Фуқаролик қонунларининг амалда бўлиш вақти дейилганда, мазкур хужжатларнинг қонуний кучга кириши пайтидан токи хукуқий кучини йўқотиш пайтига қадар бўлган давр назарда тутиласди.

Норматив-хукукий хужжатлар тўғрисидаги 2000 йил 14 декабрда қабул қилинган Ўзбекистон Республикасининг Конуни ва Ўзбекистон Республикаси Олий Мажлисининг қарорлари, шунингдек, давлат ҳокимияти маҳаллий органларининг қарорлари, агар хужжатларнинг ўзида кечроқ муддат кўрсатилган бўлмаса, улар расмий эълон қилинган кундан эътиборан кучга киради.

Ўзбекистон Республикаси Вазирлар Маҳкамаси қарорлари ва фармойишларини эълон қилиш ҳамда амалга киритиш тартиби Ўзбекистон Республикаси Вазирлар Маҳкамаси томонидан белгиланади. Жумладан, норматив хусусиятга эга бўлган қарорлarda уларнинг амалга кириш вақти кўрсатилади, агар кўрсатилмаса, қарорлар қабул қилиниб, матбуотда эълон қилинган пайтидан кучга киради. Ўзбекистон Республикаси Конституциясининг 83-моддаси, 2-қисмига мувофиқ, қонунларни ва бошқа норматив хужжатларни қўллашнинг зарур шарти уларнинг матбуотда эълон қилинганилиги хисобланади. Эълон қилинганилик дейилганда, қонун ёки норматив хужжат матни ёки асосий мазмуни расмий манбаларда, матбуотда нашр этилганилиги, оммавий ахборот воситалари, шу жумладан, радио, телевидение орқали маълум қилинганилиги ёки хизмат тартибида ижрочиларга маҳсус етказилганилиги тушунилади.

Умумий қоидага кўра, фуқаролик конун хужжатлари орқага қайтиш кучига эга эмас.² Фуқаролик қонунлари, шу жумладан, Фуқаролик кодекси ҳам, умумий қоида бўйича, факат келажак учунгина амал қилиб, орқага қайтиш кучига эга эмас, яъни улар янги қонуннинг амалга киритилиш вақтига қадар вужудга келган хукуқий муносабатларга тадбиқ этилмайди (ФКнинг 4-моддаси, 1-банди).

¹ Уни Конун.

² Иппонов Е.В. Гражданское право. Учебник. М., «Книжный мир». 2001. -С. 19.

Қонуннинг орқага қайтиш кучига эга бўлиши, яъни, мазкур қонун амалга киритилган кунга қадар вужудга келган хукуқий муносабатларга ҳам тадбик этилишига шу қонуннинг ўзида ёки бошқа қонунларда тўғридан-тўғри назарда тутилган ҳоллардагина йўл қўйилади (ФКнинг 4-моддаси, 2-банди). Масалан, Ўзбекистон Республикаси Олий Маҳлисининг 1996 йил 29 августдаги “Ўзбекистон Республикаси Фуқаролик кодексини амалга киритиш тартиби тўғрисида”ги карорининг 6-бандида келтирилишича, кодекс 187-моддасининг қоидалари мулкка эгалик қилиш 1997 йилнинг 1 марта га қадар бошланган ва кодекс амалга киритилаётган вактда давом этаётган ҳолларга ҳам тадбик этилади. Фуқаролик қонунлари амалга киритилгунинг қадар вужудга келган муносабатлар бўйича бу қонун хужжати у амалга киритилганидан кейин вужудга келган хукуқ ва бурчларга нисбатан қўлланилади, факат тузилган шартнома бўйича томонларнинг муносабатлари бундан мустасно.

Фуқаролик хукуқий хусусиятли норматив хужжатлар то улар бекор килингунicha ёки янги хужжатлар билан алмаштирилгунicha амалда бўлади.

Фуқаролик қонунлари муайян ҳудудга тааллуклидир. Ўзбекистон Республикасининг норматив хужжатлари Ўзбекистон ҳудудида амалда бўлади. Ўзбекистон қонун хужжатларида ва бошқа норматив хужжатларда муайян қоидаларнинг маълум вилоят, шаҳар ёки туман ҳудудидагина тадбик қилиниши тўғрисида кўрсатмалар бўлиши мумкин.

Фуқаролик қонунларининг шахсларга нисбатан тадбик этилиши дейилганда, унинг барча шахслар, жумладан, фуқаролар (Ўзбекистон Республикаси фуқаролари, бошқа давлатларнинг фуқаролари, фуқаролиги бўлмаган шахслар) ва юридик шахслар (маҳаллий, хорижий, қўшма юридик шахслар)га нисбатан бир хилда қўлланиши тушунилади. Конун хужжатларида назарда тутилган ҳоллар бундан мустасно.

Фуқаролик қонун хужжатлари умумий қоида бўйича барча учун умуммажбурий ҳисобланади. Лекин муайян соҳани тартибга солишига қаратилган қонун хужжатлари фақат шу соҳа вакилларига тааллукли бўлади. Масалан, “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Қонун акциядорлик жамияти ва унинг акциядорларига, “Ноширлик фаолияти тўғрисида”ги Қонун нашриётлар ва уларнинг фаолиятини тартибга солишида қўлланилади. Муайян соҳани тартибга солувчи қонун хужжати шу соҳа вакиллари бўлмаган шахсларга нисбатан тадбик этилмайди.

3 §. Фуқаролик хукукида қонун аналогияси ва хукуқ аналогияси

Фуқаролик қонунлари ижтимоий ҳаёт муносабатларида кун сайин вужудга келаётган муносабатларни тўла ўз ичига олган қоидаларни бера олмайди. Турмушда фуқаролик хукуқи нормалари билан назарда

тутилмаган янги муносабатлар хам пайдо бўлиши мумкин. Шу сабабли, фуқаролик хуқуқида аналогия (киёслаш, ўхшатиш)га йўл кўйилади.

Ўзбекистон Республикаси ФКинг 5-моддасига биноан фуқаролик хуқуқий муносабатлари қонун хужжатлари ёки тарафларнинг келишуви билан тўғридан-тўғри тартибга солинмаган ҳолларда фуқаролик қонун хужжатларининг ўхшаш муносабатларни тартибга солувчи нормаси кўлланилади (қонун ўхшашлиги). Агар қонун ўхшашлигидан фойдаланиш мумкин бўлмаса, тарафларнинг хуқуқ ва бурчлари фуқаролик қонун хужжатларининг умумий негизлари, оқиллик ва адолат галабларига амал килган ҳолда, белгиланади.

Юқорида кўрсатилган нормага биноан, ўхшатиш икки турга бўлинади:
биринчиси – қонун бўйича киёслаш,
иккинчиси – хуқуқ бўйича киёслаш.

Ўхшаш муносабатларни тартибга соладиган қонунни тадбиқ этишга қонун аналогияси дейилса, низоли муносабатни қонунларнинг умумий асослари ва маъносига таяниб ҳал қилишга хуқуқ аналогияси деб аталади.

Аналогия тўғрисидаги қонунларни тадбиқ этишда қўйидагиларни назарда тутиш лозим:

биринчиidan, юқорида кўрсатилган қонунларга факат мазкур масала юзасидан тегишли қонун ва фармойишлар бўлмаган ҳолдагина асосланиб ишни ҳал қилиш мумкинлиги;

иккинчиidan, бундай аналогия тарикасида суд қарори факат низо учун кучда бўлиши;

учинчиidan, суд қонунларнинг умумий негизлари ва мазмунигагина ҳавола қилмай, балки қарорни ифодалашда қайси қонуннинг умумий асосларига таяниб, ўз қарорини чиқарганинги кўрсатиши лозимлиги.

Фуқаролик хукуқларини чеклайдиган ва жавобгарлик белгилайдиган нормаларни ўхшашлик асосида кўллашга йўл қўйилмайди.

4 §. Фуқаролик-хукуқий нормаларни шарҳлаш ва уларнинг турлари

Фуқаролик-хукуқий нормаларни тадбиқ этиш ва шарҳлаш тўғрисида тўхталиб шуни айтиш керакки, хукуқий нормаларни тадбиқ этиш деганда, аник фуқаролик-хукуқий муносабатларни тегишли хуқуқ нормасига мувофиқлаштириши ва бу муносабат юзасидан мажбурий кучга эга бўлган қарор қабул қилиниши тушунилади. Хуқуқ нормалари уларни тадбиқ этишга ваколатли бўлган давлат органлари томонидан, жумладан, суд, прокуратура, хўжалик суди ва бошқа органлар, шунингдек, баъзи ҳолларда жамоат ташкилотлари томонидан кўлланилади.

Хуқуқ нормаларини тадбиқ этиш тушунчасидан уларга риоя қилиш тушунчаси фарқ қилади. Хуқуқ нормасини юқорида айтилганидек, факат муайян ваколатли органларгина тадбиқ этишлари мумкин бўлса, хукуқий нормаларга риоя қилишга ҳар бир шахс (фуқаро ва ташкилот) мажбурдир.

Хукуқ нормасининг тўғри қўлланилиши унинг ҳозирги вақтда амалда бўлиш-бўлмаслигини, яъни, унинг бекор қилинган-қилинмаганлигини ёхуд ўзгаририлган-ўзгаририлмаганлигини, унинг канчалик мажбурий бўлиш-бўлмаслигини ва ҳақиқий матнини аниқлаш имкониятини беради. Хукуқ нормасини тегишли фуқаролик хукуқий муносабатга тадбиқ этиш учун унинг аниқ мазмунини, маъносини ва аҳамиятини белгилаш зарур. Хукуқ нормаси маъносини белгилаш ва тушунтиришга қонунни шарҳлаш дейилади.

Фуқаролик хукуки нормаларини шарҳлаш шархловчи субъектлар, шарҳлаш усуллари, шунингдек, ҳажмига караб бўлинади.

И.Б.Зокировнинг таъкидлашича, нормани шархловчи субъектлар хукуқ нормаларига расмий ва норасмий шарҳ берувчиларга бўлинади.¹ Расмий шарҳ ваколатли бўлган ҳокимият органлари томонидан берилеб, маълум даражада мажбурий кучга эга бўлади. Бундай шарҳ Олий Мажлис томонидан берилади. Улар Республика доирасида барча фуқаролар ва ташкилотлар учун мажбурий ҳисобланади. Шунингдек, ҳалқ депутатлари маҳаллий Кенгашлари томонидан бериладиган шархлар ҳам расмий ва айни пайтда мажбурий ҳисобланади.

Расмий шархнинг турларидан бири суд шархидир. Маълум бир ишни ҳал килишда суд томонидан берилган шарҳ чиқарилган қарорнинг қонуний кучга кирганидан сўнг мазкур иш бўйича мажбурий ҳисобланади. Аммо келажакда шунга ўхаша бошқа ишни ҳал килишда, бошқа судлар, жумладан, шу суднинг ўзи ҳам аввалги ишнинг ҳал қилинишига караб масалани еча олмайди. Чунки, умумий ҳосиятда бўлган баъзи шархлар Олий суд Пленуми томонидан берилади. “Судлар тўғрисида”ги² Қонунда кўрсатилишича, Олий суд Пленуми суд амалиётини умумлаштириш материалларини кўриб чиқади ва қонун ҳужжатларини қўллаш масалалари бўйича тушунтиришлар беради. Шу тартибда қабул қилинадиган қарорлар судларда ишларнинг бир хилда кўрилишини таъминлашга қаратилганилиги сабабли, судлар учун мажбурийдир.

Норасмий шарҳ деб, мажбурий кучга эга бўлмаган шархга, масалан, илмий асарларда, дарслкларда, маъruzаларда бериладиган шархларга айтилади. Бундай шархлар юридик кучга эга бўлмаса ҳам қонуннинг маъносини аниқлашга ёрдам беради. Улар имловий, мантикий, тизимли ва тарихий шархлашга бўлинади.

Имловий шархлашда имло қоидаларидан фойдаланиб, қонунда ишлатилган айрим сўзлар, жумлалар, ифодаларнинг маъносини аниқлаш йўли билан хукукий нормаларнинг мазмуни белгиланади. Масалан, ФКнинг 30-моддасида “Руҳий касаллиги ёки ақли заифлиги оқибатида ўз

¹ Зокиров И. Б. Ўша асар. -Б.68

² Узбекистон Республикасининг “Судлар тўғрисида”ти Қонуни “Ўзбекистон Республикаси қонун ҳужжатлари туплами”, 2007 йил, 29-30-сон, 296-модда.

ҳаракатларининг аҳамиятини тушуна олмайдиган ёки уларни бошқара олмайдиган фукароларни суд қонун хужжатларида белгилаб қўйилган тартибда муомалага лаёқатсиз деб топиши мумкин” дейилади. Бу ерда қонун чиқарувчи “ёки” сўзини ишлатиши натижасида фукарони муомалага лаёқатсиз деб топиш учун иккита асосдан биттаси, яъни ўз ҳаракатларининг аҳамиятини тушуна олмаслик ёки уларни бошқара олмасликнинг мавжуд бўлиши етарли эканлигини ифодалайди.

Мантикий шарҳлашда конунда ишлатилган ифодалар, тушунчалар бир-бирни билан йўчи, узвий, мантикий боғланганлиги аниқланаб, ҳукукий норманинг мазмуни белгиланади. Масалан, ФКнинг ушбу 30-моддасида “Руҳий касаллиги ёки акли заифлиги оқибатида ўз ҳаракатларининг аҳамиятини тушуна олмайдиган ёки уларни бошқара олмайдиган фукарони суд қонун хужжатларида белгилаб қўйилган тартибда муомалага лаёқатсиз деб топиши мумкин” деб айтилган. Демак, вояга етган фуқаро руҳий касал бўлса ҳам, то суд томонидан “муомалага лаёқатсиз”, деб ҳисоблагунига қалар муомалага лаёқатли, деб фараз қилинади.

Тизимли шарҳлашда ҳуқуқ нормасининг мазмуни унинг ҳукук тизимида эгаллаган ўрнини белгилаш, уни бошқа ҳукукий нормалар билан таккослаш йўли билан аниқланади. Масалан, 1963 йилда қабул қилинган ФКнинг 321-моддасида ижарага олуви томонидан мулкка заарар келтирилиши ва етказилган заарнинг копланиши хусусида боради. Бу ерда, заарар етказилиши шартнома бўйича олинган мажбуриятни бузини билан боғлиқ бўлгани учун, низо ФКнинг 479-моддаси билан эмас, 321-моддаси билан ҳал қилинади.

Тарихий шарҳлашда ҳуқуқ нормаси қандай тарихий вазиятларда қабул қилинганлигини белгилаш йўли билан аниқланади. Шарҳлаш ўзининг ҳажми бўйича туб маънодаги шарҳда қонуннинг маъноси унинг ифодаланиши, яъни ёзилиши шаклига айнан тўғри келиши керак. Чекланган шарҳда қонуннинг маъноси унинг ифодаланишига қараганда бирмунча торроқ кўринади. Кенгайтирилган шарҳда қонуннинг мазмуни унинг туб таҳририга қараганда бирмунча кенгроқ тушунилади. Масалан, ФКнинг 115-моддасида: “Битимнинг қонун талаб қиласидан шаклига риоя қилмаслик қонунда тўғридан-тўғри кўрсатилган ҳолдагина унинг ҳақиқий эмаслигига сабаб бўлади”, деб ёзилган. Бунда “қонун” сўзи факат Олий Мажлис томонидан қабул қилинган норматив хужжатнигина билдирамай, балки ҳукукнинг бошқа нормаларини, ўзининг таъсир кучига қараб, императив ва диспозитив нормаларга бўлади.

Назорат учун саволлар

1. Ҳуқуқ нормаларини шарҳлаш қандай турларга бўлинади?
2. Императив нормаларга мисол келтиринг.
3. Диспозитив нормалар деганда қандай нормалар тушинилади?

4. Мантикий шархлашга таъриф беринг.
5. Ҳукук ва конун аналогияси нима?
6. Расмий шарҳ деганда нимани тушунасиз?
7. Норасмий шархга мисол келтиринг.
8. Диспозитив нормаларга таъриф беринг?
9. Императив нормалар деганда нима тушунилади?
10. Тизимли шархлари нима?

IV БОБ. ФУҚАРОЛИК ХУҚУҚ ВА БУРЧЛАРИНИНГ ВУЖУДГА КЕЛИШИ

1 §. Фуқаролик хукукий муносабат тушунчаси

Фуқаролик-хукукий муносабат деб хуқуқ субъектлари ўртасида бўладиган ва фуқаролик-хукукий нормалар билан тартибга солинадиган ижтимоий муносабатга айтилади. Шахслар ўртасида тузиладиган олдисотди, маҳсулот етказиб бериш, бирор-бир ишни бажариш, хизмат кўрсатиш, ижара, карз тўғрисидаги шартномалар фуқаролик-хукукий муносабатлар жумласига киради.

Фуқаролик-хукукий муносабат ижтимоий муносабат сифатида, энг аввало, шахслар, кишилар ўртасидаги муносабат бўлганлиги учун унда қатнашувчиларнинг эрки-иродасидан вужудга келади. Фуқаролик-хукукий муносабатда ифодаланган шахсларнинг эрклари, турли-туман манфаатлари давлатнинг фуқаролик-хукукий нормаларида (қонунларда) ўз ифодасини топади.

Шахслар ўртасида бўладиган фуқаролик-хукукий муносабатлар, қонун билан тартибга солинадиган нормал муносабатлар бўлганлиги туфайли, улар ихтиёрий равишда амалга оширилиши лозим. Аммо баъзи ҳолларда хукукий муносабат юзасидан олинган мажбуриятлар ихтиёрий равишда амалга оширилмаганлигида давлат томонидан белгиланган мажбурий ижро чоралари кўлланилади.

Фуқаролик-хукукий муносабатга хос баъзи хусусиятлар ҳам мавжуд. Жумладан, фуқаролик-хукукий муносабатда қатнашувчи шахслар бу муносабатларда ўзларига хос мулка, аникроғи, муайян мулкий мустакилликка эга ҳолда қатнашадилар. Фуқаролик-хукукий муносабатда қатнашувчи шахслар бир-бирларига нисбатан тенг хукуқли шахслар хисобланади. Фуқаролик-хукукий муносабатда қатнашувчи шахсларнинг хукуқлари бузилган тақдирда, бу хукуқлар, одатда, даъво кўзғатиши ўйли билан судлар томонидан қилинади.¹

Бошқа хукукий муносабатлар сингари фуқаролик-хукукий муносабатлар ҳам учта мустакил элементдан: хукукий муносабат субъектлари, обьектлари ва мазмунидан иборатdir.

Бунда, фуқаролик-хукукий муносабат субъектлари бўлиб, ушбу хукукий муносабатда қатнашувчи шахслар – фуқаролар ва ташкилотлар (яъни, юридик шахс хукуқига эга бўлган корхоналар) хисобланади. Давлат ҳам фуқаролик хукукий муносабат субъекти бўлиши мумкин.

Фуқаролик-хукукий муносабатда қатнашувчи шахслар фуқаролик хуқуқ лаёкатига, яъни фуқаролик хукуқлари ва бурчларига эга бўлиш лаёқатига молик бўлишлари лозим.

¹ Зокиров И. Б. Фуқаролик хукуки Т., ТДЮИ. 2006.-б.71.

Фуқаролик-хукукий муносабатнинг мазмунини шу муносабатда катнашувчи шахсларнинг субъектив хукуклари ва бурчлари ташкил этади.

Баъзи муаллифлар фуқаролик-хукукий муносабатнинг мазмунини бундай муносабат қатнашчиларининг ўз субъектив хукук ва мажбуриятларига мувофиқ амалга оширадиган ўзаро ҳаракатлари ташкил этади, субъектив хукуклар ва бурчлар эса, хукукий муносабатнинг хукукий шаклидир, деб хисоблайдилар.¹

Субъектив хукук дейилганда, муайян хукукий муносабатда катнашувчи шахсга тегишли хукук тушунилади. Субъектив хукуклар объектив хукук нормалари, яъни, давлат томонидан белгиланган умумий коидалар асосида вужудга келади ва уларга мувофиқ равишда амалга оширилади. Фуқаролик-хукукий муносабат иштирокчиларининг хукуклари, одатда, объектив хукук (давлат томонидан ўрнатиладиган ва белгилаб қўйиладиган хукуклар) нормаларидан келиб чиқади. Ушбу хукукка нисбатан “субъектив” сўзи кўлланилишининг асосий сабаби, фуқаролик-хукукий муносабат иштирокчисининг ушбу хукуқнинг соҳиби бўлиш ҳамда уни амалга оширишдаги хоҳиш-иродасининг бирлашиш аҳамиятига эгалигидир. Чунки субъектив хукук соҳиби ўзининг бу хукукларини ўз хоҳишига кўра амалга ошириши ёки умуман амалга ошираслиги, ёхуд ушбу хукуклардан воз кечиши мумкин.

Субъектив хукуклар ўз эгасига қонун билан йўл қўйилган доираларда ўз хоҳиши ва ихтиёри билан ҳаракат қилиш имкониятини беради. Бошқача қилиб айтганда, субъектив хукуқ субъектга ўз эркини амалга ошириш ва ўз мағфаатларини қондириш имкониятини берадиган муносабатларни вужудга келтиради. Субъектив хукуқ иккинчи томондан, хукукка эга бўлган шахснинг бошқа шахслардан ўз хукуқнинг бузилмаслигини талаб қилиш имкониятини назарда тутади. Масалан, мулк эгасининг субъектив хукуки, бир томондан, ўз мулкини эгаллаш, ундан фойдаланиш ва уни тасарруф этиш билан бөглиқ хукукларни назарда тутса, иккинчи томондан, у субъектив хукуқ эгаси сифатида ўз хукукларининг бузилмаслигини ҳар кимдан талаб қила олади. Субъектив хукуклар, ўз ҳаракатларига кўра, мулкий ёхуд шахсий номулкий бўлиши мумкин.

Ўзбекистон Республикасида субъектив хукуклар кафолатланган хукуклардир. Давлат бу хукукларнинг амалга оширилишини таъминлайдиган моддий шароитларни яратади.

Хукукий муносабатларнинг мазмунини юқорида кўрсатилганидек, хукуклар билан бир каторда мажбуриятлар ҳам ташкил этади. Мажбуриятнинг моҳияти шундаки, бунда хукукий тартибининг талаби бўйича уни ўз зиммасига олган шахс маълум ҳаракатларни қилишга ёки ҳаракатларни қилишдан сакланишга мажбурдир.

¹ Гражданское право. Учебник. Ч.1. -М.: «Проспект». 2000. -С. 78-79.

Ҳар кандай мажбурият карздор шахснинг, яъни, зиммасида мажбурият бўлган шахснинг эркини маълум даражада чеклайди, уни ҳуқук эгасининг манфаатлари билан боғлади. Масалан, сотувчи сотилган мулкни харидорга шартномага мувофиқ равишда топширишга мажбур. Яъни, бирордан ашё сотигб олган шахс бу ашёнинг ўзига топширилиши учун лозим бўлган барча ҳаракатлар қилинишини талаб этишга ҳақлидир, сотувчи эса-ашёни топшириш билан боғлик ҳаракатларни қилишга мажбурдир.

Шахсдан муайян ҳаракат қилишни талаб этадиган мажбуриятлар ижобий (позитив) мажбуриятлар, муайян ҳаракатларни қилишдан сақланишини талаб этадиганлари эса – салбий (негатив) мажбуриятлар, деб аталади.

Субъектив ҳуқуқлар ва мажбуриятлар ягона ҳукукий муносабатнинг элементи бўлиб, ўзаро боғлангандир. Бирорда субъектив ҳуқуқнинг бўлиши, бошқа бирорда, албатта, бу ҳукукка яраша мажбурият бўлишини билдиради ва, аксинча, ҳар кандай мажбурият ўз қаршисида уни бажаришни талаб қилишга ҳақли шахснинг бўлишини билдиради. Жумладан, мулқдор ўзига қарашли мулқдан фойдаланиш ҳукуқига эга бўлгани учун у бошқа фуқаролардан бу ҳукуқдан фойдаланишда тўсқинлик кильмаслигини талаб қила олади. Қарздор маълум бир ҳаракатни бажаришга мажбур бўлса, кредитор бу ҳаракатнинг бажарилишини талаб қилишга ҳақлидир.

Фуқаролик-ҳукукий муносабатнинг обьекти деб, фуқаролик ҳукукий муносабатда қатнашувчи шахсларнинг субъектив ҳуқуқлари ва мажбуриятлари нимага қаратилган бўлса, шунга айтилади. Булар – ашёлар, мол-мулклар, пуллар ва қимматли коғозлар, ишлар ва хизматлар, интеллектуал фаолият натижалари, шахсий номулкий ҳуқуқлардир.

Фуқаролик-ҳукукий муносабатларнинг обьектлари сифатида кўрилган ашёлар фуқаролик ҳукуқида муҳим аҳамиятга эга.

Ишлар ва хизматлар фуқаролар ҳамда юридик шахсларга кўрсатиладиган ҳукукий муносабатларнинг обьектлари бўлиб хисобланади.

Масалан, олди-сотди шартномаси бўйича сотувчи ашёни топширишга қаратилган ҳаракатни қиласи, пуррат шартномаси бўйича, кийим тикиш ательеси мижознинг буюртмаси бўйича кийим тикишга қаратилган ҳаракатни қилишга ва ўзи бажарган иш натижасини топширишга мажбурдир.

Интеллектуал фаолият натижалари, жумладан, фан ёки санъат асрлари, ихтиrolар, саноат намуналари, муаллифлик ҳамда саноат мулки ҳукуки нормаси билан тартибга солинадиган ва кўрикланадиган ҳукукий муносабатларнинг обьектлари дилар.

Мулкий ҳусусиятга эга бўлмаган шахсий ҳуқуқлар ФКнинг 100-моддасида кўрсатилган бўлиб, улар шахснинг номи, шаъни, қадр-қиммати,

ииччанлик обрўси ва бошқа шахсларнинг мулкий хусусиятда бўлмаган манфаатларини таъминлашга қаратилган хукукӣ муносабатларнинг обьекти сифагида кўрилади. Амалдаги фуқаролик-хукукӣ хусусиятдаги қонунларимизда фуқаролик-хукукӣ муносабат обьектларини ташкил этадиган мулкий ва шахсий-номулкий хукуклар доираси бирмунча кенгайтирилган.

2 §. Фуқаролик-хукукӣ муносабатларнинг турлари

Фуқаролик хукуки нормалари билан тартибга солинадиган ижтимоий муносабатларнинг хусусиятлари инобатга олинган ҳолда, фуқаролик-хукукӣ муносабатларнинг алоҳида турлари бўйича таснифланади.

1. Мулкий ва мулкий бўлмаган шахсий ҳукукӣ муносабатлар. Мулкий муносабатлар деганда, муайян иктисадий мазмунга эга бўлган ижтимоий муносабатлар, масалан, мулк юзасидан белгиланадиган, мулкни сотиш, ижарага қўйиш ва бошқача шаклда қўлдан-кўлга ўtkазиш, умуман мулкий муомала билан боғлиқ хукукӣ муносабатлар тушинилади.

Мулкий бўлмаган шахсий ҳукукӣ муносабатлар шахс (фуқаролар ва юридик шахслар)нинг ўзи билан бевосита боғлиқ бўлган, ўз соҳибидан бегоналаштирилиши ва бирорвга ўtkазилиши мумкин бўлмаган шахсий хукуклар, жумладан, шахснинг муаллифлик номи, қадр-киммати ва бошқа шахсий манфаатлари билан боғлиқ бўлган хукуклардан иборат.

2. Мутлак ва нисбий хукукӣ муносабатлар. Мутлак хукукӣ муносабатларда субъектив хукуқ эгалари ўз хукукларининг бузилмаслигини ҳар кимдан ва ҳаммадан талаб қила оладилар. Мутлак хукуклар номаълум ҳар бир кимса томонидан бузилиши мумкин бўлгани сабабли, ҳар кимдан кўрикланади. Уларга мулк, муаллифлик хукуклари, шахсий хукуқ кабилар киради.

Нисбий хукукӣ муносабатда эса, фақат бир шахс (ёки шахслар)гина хукуқ ёки мажбурият олади. Нисбий хукуклар зиммасида мажбурият олган маълум шахс (ёки шахслар)га нисбатангина кучда бўлади. Шартномага асосланган барча хукуклар нисбий хукуклар жумласидандир. Нисбий хукукларга асосланган талабларнинг амалга оширилиши, мажбуриятларнинг бажарилиши, қарзга олинган пулнинг тўланишини ўз зиммасига, шартнома асосида, мажбурият олган шахсдангина талаб килиш мумкин бўлади.

3. Мулкий хукукӣ ва мажбурият муносабатлари. Мулкий хукукӣ муносабатлар, мутлак хукукӣ муносабат бўлиб, мулкий хусусиятга эга ҳамда ашёни эгаллаш, ундан фойдаланиш ва уни тасарруф этишга қаратилади. Мулкий-хукукӣ муносабатларда хукуқ эгаси бўлган шахслар бошқа шахсларнинг ижобий ҳаракатларига муҳтоҷ бўлмай, ўз хукукларини ўzlари бевосита амалга ошириш имкониятига эга бўладилар.

Мажбурият муносабатлари нисбий муносабатдан иборат бўлиб, мулкий хукукий муносабатлар билан боғлик бўлса ҳам, ҳамма вакт ҳам моддий нарса (ашё) билан боғлик бўлмаслиги мумкин. Бундай муносабатлар, одатда фуқаролик муюмаласи натижасида вужудга келади. Жумладан, улар муайян ишларни бажариш, хизмат кўрсатилиши ёки етказилган зарарни тўлатилишига қаратилиши мумкин. Барча шартномалар, бирорвага зарар етказиш, мулкни асоссиз олиш ёки тежаш билан боғлик муносабатлар мажбурият муносабатлари хисобланади.

4. Ташкилий-хукукий муносабатлар. Ташкилий-хукукий муносабатлар мулкий ва шахсий номулкий муносабатлардан фарқли ўлароқ, нимага нисбатан қаратилган бўлиши билан, ўзига хос хусусиятларга эга. Улар бевосита мулкий ва шахсий номулкий муносабат иштирокчилари ўрнатишни ташкил қилиш вазифасини бажаради. Ташкилий-хукукий муносабатлар ўз мақсадига мувофиқ баъзи холларда муайян иктиносий-хукукий тузилмаларни ташкил этишга қаратилади.

Ташкилий-хукукий муносабатлар нисбатан мустақил хисобланади. Чунки улар кўпчилик холларда мулкий муносабатларни ўрнатиш учун шарт-шароитлар яратади. Ташкилий-хукукий муносабатларда иктиносий мустақил ва юридик жиҳатдан бир-бирига бўйсунмаган тарафлар қатнашади. Шунинг учун ҳам уларнинг ўзаро муносабатлари фуқаролик хукуки билан тартибга солинадиган тенглик тамойили асосида ўрнатилади.¹

5. Оддий ва мураккаб хукукий муносабатлар. Хукук ва мажбуриятларнинг тақсимланишига кўра, хукукий муносабатлар оддий ва мураккаб муносабатларга бўлинади. Кўпчилик фуқаролик хукукий муносабатлар мураккаб хукукий муносабатлар хисобланади, чунки унда иштирок этувчиларнинг ҳар бирида хукук ва мажбурият бўлади. Оддий хукукий муносабатларда унда иштирок этувчиларнинг бирида факат хукук, иккинчисида эса факат мажбурият бўлади (масалан, карз шартномаси).

3 §. Фуқаролик хукуқлари ва бурчларининг вужудга келиш асослари. Юридик фактлар

Мамлакатимизда амалга оширилаётган ижтимоий-иктиносий ислоҳотлар фуқаролик хукукий муносабатларнинг янгича мазмун ва моҳиятга эга бўлиши ҳамда ушбу муносабатлар иштирокчиларнинг хукук ва мажбуриятлари вужудга келиши асослари доирасини кенгайтириб юборди, янгилangan қонунчилик тизимининг ишлаб чикилиши эса иктиносий

¹ Рахмонкулов Х.Р. Фуқаролик хукуқининг предмети, методи ва тамойиллари.-Т.: ТДСИ, 2003. - Б 25-28.

муносабатлар субъектларининг хукуклари ва қонуний манфаатлари хамда кафолатларини белгилашда алоҳида аҳамият касб этди.

Таъкидлаш лозимки, собиқ Иттифоқ давридаги фуқаролик хукуқ ва бурчларнинг вужудга келиши асосларига нисбатан бир ёқлама ёндашув хамда давлатнинг иқтисодий муомаладаги ҳукмронлиги шароитида мавжуд · бўлган чеклашлар ва тўсиқларнинг бартараф этилганлиги фуқаролик хукуқ ва бурчларнинг вужудга келиши асослари, шунингдек, фуқаролик хукуқидаги юридик фактларнинг янгича мазмун-моҳиятини белгилаб берди. Эндиликда, юридик фактлар тушунчаси ва турларини янгилangan фуқаролик қонунчилиги ва иқтисодий қонуниятлар замирида таҳлил этишини тақозо этмоқдаки, бу ҳолат, аввало шартнома эркинлиги тамойилининг бозор иқтисодиётидаги фуқаролик муомаласининг энг муҳим коидаси эканлигидан келиб чиқади. Бинобарин, юридик фактларнинг бир тури ҳисобланган шартнома ва битимлар асосида фуқаролик хукуқ ва бурчларнинг вужудга келиши аввалги қонунчиликдан фарқли равиша факат қонунда белгиланганлик ҳолати билан чекланмайди. Зоро, Ўзбекистон Республикаси Фуқаролик кодекси 8-моддаси, 2-қисмига кўра, фуқаролик хукуқ ва бурчлари қонунда назарда тутилган шартномалар ва бошқа битимлар билан бирга, қонунда назарда тутилмаган бўлса-да, унга зид булмаган шартнома ва битимлардан вужудга келиши белгиландики, эндиликда, у ёки бу шартноманинг қонунда белгиланган ёки белгиланмаганлиги унинг ҳақиқий эмас деб топилиши асоси сифатида баҳоланмаслигини таъминлайди.

Хукуқ назариясида юридик фактлар деганда, хукуқ нормаларини хукукий оқибатлар вужудга келиши билан боғлайдиган ҳаётий ҳолатлар тушунилиши қабул қилинган¹. Бунда хукуқ нормаси ва хукукий муносабат шундай боғланганки, юридик факт хукукий нормани ҳаракатга келтирувчи ва юридик оқибатни юзага келтирувчи куч ёки омил ҳисобланади

Маълумки, юридик фактлар деганда, фуқаролик хукукий муносабатларни белгилаш, ўзгартириш ва бекор қилишга қаратилган ҳолатлар тушунилади. Юридик фактлар ҳар доим хукукий оқибат туғдириши билан кишиларнинг одатдаги ҳаракатларидан фарқ қиласи. Шахслар томонидан амалга ошириладиган ҳар қандай ҳаракатлар ҳам юридик факт ҳисобланмаслигини ҳисобга олсак, юридик факт содир этилиши доимо хукукий муносабат вужудга келишини таъминлашини англаб олишимиз мумкин. Шу маънода, ҳар қандай хукукий муносабат асосида муайян юридик факт ётади, деган хуносага келиш мумкин.

Ижтимоий-иқтисодий ҳаётда ёки табиатда содир этиладиган турли ҳаракатлар ва ҳодисалар юридик факт сифатида баҳоланиши муҳим аҳамият касб этади. Масалан, сув тошқини ёки ёнғин юридик факт

¹ Теория государства и права: Курс лекций / Под ред. М. Н. Марченко. — М.: Зерцало, ТЕИС, 1996. 397 с; Курцев Н.П., Горюнова Е.Н. Правовая природа юридических фактов // Юрист, 2003, № 10.

сифатида баҳоланиши учун биринчи навбатда сұғурта шартномаси тузилиши лозим, акс ҳолда бу ходисалар юридик факт ҳисобланмайды.

Шу билан бирга, ҳаракатнинг юридик факт ҳисобланиши ҳам, унинг ҳуқук йўл қўйган ёки ҳуқук йўл қўймаганидан қатъи назар, эътироф этилади ва, фақатгина бунда, унинг ҳуқуқий оқибат туғдириши, яъни фуқаролик ҳуқуқий муносабатни белгилаш, ўзgartириш ёки бекор килиш ҳолати эътиборга олинади. Масалан, фуқаронинг ҳаёти ва соглигига зарар етказиш юридик факт ҳисобланади, бинобарин, мазкур ҳуқук йўл қўймаган ҳаракат оқибати – деликт муносабати вужудга келади ва зарар етказган шахс зиммасига зарарни қоплаш мажбурияти юкланди.

Таъкидлаш лозимки, ҳозирги кунда фуқаролик қонунчилигига юридик факт тушунчасига таъриф берилмайди. ФҚда эса “юридик факт” ибораси фақатгина битта ўринда (ФҚнинг 850-моддасида) эслатилади, холос. Фуқаролик ҳуқуки фани эса “юридик факт” атамасидан кенг фойдаланади ҳамда деярли ҳар бир фуқаролик ҳуқуқий институтида юридик фактларнинг ўёки бу турига тўхталиб ўтади.

Фуқаролик ҳуқуки нормалари ўз-ўзидан фуқаролик ҳуқуқий муносабатларни вужудга келтирмайди. Фуқаролик-ҳуқуқий муносабатларнинг вужудга келиши, ўзгариши ёки бекор бўлиши маълум ҳолатлар билан белгиланади. Бинобарин, ҳуқуқий муносабатларни белгилаш, ўзgartириш ва бекор қилишга қаратилган ҳолатлар юридик фактлар деб юритилади.

Фуқаролик-ҳуқуқий муносабатлар вужудга келиши учун ҳуқуқий нормаларда тўғридан-тўғри назарда тутилган, шунингдек, назарда тутилмаган бўлса-да, фуқаролик қонунларининг умумий асослари ва мазмунига мувофиқ келадиган муайян ҳолатлар мавжуд бўлиши керак.

Фуқаролик-ҳуқуқий муносабатларни вужудга келтирадиган, ўзgartирадиган ва бекор қиласидиган асослар сифатида кўрилган юридик фактлар турлича бўлиб, субъектлар эрки-иродаси мазмунига кўра, улар икки гурухга бўлинади:

1. Ҳодисалар.
2. Ҳаракатлар.

ФҚнинг 8-моддаси, 1-қисмида кўрсатилишича фуқаролик ҳуқуқлари ва бурчлари қонун ҳужжатларида назарда тутилган асослардан, шунингдек, фуқаролар ҳамда юридик шахсларнинг гарчи қонун ҳужжатларида назарда тутилган бўлмаса-да, лекин фуқаролик қонун ҳужжатларининг умумий негизлари ва мазмунига кўра фуқаролик ҳуқук ҳамда бурчларини келтириб чиқарадиган ҳаракатлардан вужудга келади.

Фуқаролик кодексининг 8-моддаси, 2-қисмида фуқаролик ҳуқуқлари ва бурчларининг вужудга келиш асослари кўрсатилган.

Улар куйидагилардан иборат:

1. Конунда назарда тутилган шартномалар ва бошқа битимлардан, шунингдек, гарчи конунда назарда тутилмаган бўлса-да, унга зид бўлмаган шартнома ва бошқа битимлар;

2. Конунда фуқаролик хуқуқ ва бурчлари вужудга келишининг асоси сифатида назарда тутилган давлаг органларининг ёки фуқароларнинг ўзини-ўзи бошқариш органлари хужжатлари;

3. Суднинг фуқаролик хукуклари ва мажбуриятларини белгилаган қарорлари;

4. Конун йўл қўйган асосларда мол-мулк олиш натижаси;

5. Фан, адабиёт, санъат асарларини яратиш, ихтиrolар ва бошқа интеллектуал фаолият натижаси;

6. Бошқа шахсга зарар етказиш натижаси;

7. Асоссиз бойиб кетиш натижаси;

8. Фуқаролар ва юридик шахсларнинг бошқа ҳаракатлари натижаси;

9. Конун хужжатлари фуқаролик-хукукий оқибатларнинг келиб чиқиши билан боғлайдиган ҳодисалар натижаси.

Давлат рўйхатидан ўтказилиши шарт бўлган мол-мулк бўлган хукуклар, агар қонунда бошқача тартиб назарда тутилган бўлмаса, унга бўлган хукуклар тегишли рўйхатдан ўтказилган пайтдан бошлаб вужудга келади.

Ҳодисалар, воқеалар, яъни кишиларнинг эркидан ташқари содир бўладиган фактлар (масалан? ўлим, туғилиш ва шунга ўхшашлар) фақат конунда назарда тутилган ҳоллардагина фуқаролик хукуки ва мажбуриятларини вужудга келтиради. Масалан, фуқаро вафот этган тақдирда унинг меросхўрлари ворислик хукуки тўғрисидаги нормалар асосида мерос олиш хукукига, мархумнинг қарзи бўлса, олган мерос мулки қиймати хажмидан шу қарзни тўлашга мажбур бўладилар. Табиий оғатлар, ёнгин юз берган тақдирда, суғурта органлари жабрланган шахс зарарини суғурта ҳақидаги хукукий нормаларга асосан тўлашга мажбур бўладилар (агар аввалдан суғурта шартномаси тузилган бўлса).

Ҳаракатлар фуқаролик хукукий муносабатларда қатнашувчи шахс (ёки шахслар)нинг эрки бўйича килинадиган юридик фактлар ҳисобланади. Ҳар қандай ҳаракат ҳам юридик факт ҳисобланмайди, фақатгина муайян хукукий оқибат туғдирадиган ҳаракатгина юридик факт сифатида эътироф этилади. Улар, ўз навбатида, икки турга: хукуқ йўл қўйган ва хукуқ йўл қўймаган ҳаракатларга бўлинади.

Хукуқ йўл қўйган ҳаракатлар конун билан ман этилмаган ҳаракатлардан иборат. Бундай ҳаракатлар фуқаролар ва юридик шахсларнинг фуқаролик хукуклари ёки бурчларини белгилаш, ўзгартириш ёки бекор қилишга каратилган ҳаракатлар бўлиб, муайян хукукий оқибатни туғдиришга каратилади.

Хукуқ йўл қўймаган ҳаракатларга бирорга зарар етказиш ва асоссиз бойиб кетиш ҳолатлари (ФКнинг 8-моддаси, 2-қисми, 6-7-бандлар) киради.

Қонун йўл қўйган асосларда мол-мулк олиш натижасида ҳам фуқаролик ҳуқуқ ва мажбуриятлари вужудга келади. Давлат рўйхатидан ўтказилиши лозим бўлган мол-мулкка нисбатан ҳукуклар, агар қонунда бошқача тартиб белгилаб қўйилмаган бўлса, тегишли тартибда рўйхатдан ўтказилган пайтдан бошлаб вужудга келади.

4 §. Фуқаролик ҳукукларининг амалга ошириш тартиби

Фуқаролик ҳукукларини амалга ошириш ва бурчларни бажариш вақтида фуқаролар ва ташкилотлар давлатимизда бозор иқтисодиётини шакллантириш шароитида қонунларга ва норматив ҳуқукий хужжатларга нисбатан чукур хурмат хиссини тарбиялаш алоҳида аҳамиятга эгадир.¹

Фуқаролик ҳукукларини амалга ошириш тартиби амалдаги ФКнинг 9-моддасида кўрсатилган. Унга мувофиқ фуқаролар ва юридик шахслар фуқаролик ҳукукларини ўз эрклари билан, ўз манфаатларини кўзлаб кўлга киритадилар ҳамда амалга оширадилар. Улар ўзларига тегишли фуқаролик ҳукукларини, шу жумладан, бу ҳукукларни ҳимоя қилиш ҳуқукини ҳам ўз хошишларига қараб тасарруф этадилар. Бунда улар, ҳатто ўзларига тегишли ҳукукларни амалга оширишдан воз кечишга ҳам ҳақлидиirlар ва бу ҳолат, қонуни назарда тутилган ҳоллардан ташқари (масалан, меросдан воз кечиш,) ҳукукларнинг бекор қилинишига олиб келмайди.

Фуқаролик ҳукукларини амалга ошириш бошқа шахсларнинг ҳукукларини ҳамда қонун билан муҳофаза қилинадиган манфаатларини бузмаслиги шарт. Конун фуқаролик ҳуқуки муносабат иштирокчиларининг инсофли, оқилона ва адолат билан ҳаракат қилишини назарда тутади.

Фуқаролар ва юридик шахслар ўз ҳукукларини амалга оширишда жамиятнинг маънавий тамойиллари, аҳлоқий нормаларини хурмат қилишлари, тадбиркорлар эса иш юритиш одоби қоидаларига риоя қилишлари шарт. Улар ўз ҳукукларини амалга ошириш жараёнида бошқаларга зарар етказмасликлари, ўз ҳукукларини сунистельмол қилмасликлари, шунингдек, улардан қонун хужжатларига зид равища фойдаланмасликлари лозим.

Фуқаролар ва юридик шахслар ўз ҳукукларини амалга оширишда ушбу шартларга риоя этмасалар, суд уларга тегишли ҳукукини ҳимоя қилишини рад этиши мумкин. Субъектив фуқаролик ҳуқукини амалга ошириш зиммасида мажбурият бўлган шахсни муайян ҳатти-ҳаракатни қилишга (агар ўз бурчини ихтиёрий равища бажармаса) мажбур қилиш ўйли билан кафолатланади.

¹ Каримов И.А. Ўзбекистон бозор муносабатларига ўтишнинг ўзига хос йўли. -Т.: "Ўзбекистон", 1993. – Б.72.

5 §. Фуқаролик хукуқларининг ҳимоя қилиниши

Ўзбекистон Республикасида демократик хукукий давлат барпо этиш ва фуқаролик жамиятини шаклантириш, инсон хукуқ ва эркинликларини таъминлаш ва бу хукукларни ҳимоя қилишининг самарали механизмини яратиш мухим вазифа ҳисобланади. Мазкур мухим стратегик вазифаларни бажариш, кўп жиҳатдан, жамиятда ижтимоий муносабатлар субъектларининг хукукларини ҳимоя қилиш усули ва воситаларининг мукаммаллигига боғлиқ. Бугунги кунда инсоннинг мулкий, шахсий, сиёсий, ижтимоий-иктисодий хукукларини ҳимоя қилиш усул ва воситаларининг анчагина мукаммаллашган тизими мавжуд. Бирок, хукукларни ҳимоя қилиш усуллари ва воситалари барча хукуқ соҳалари йўналишларида ҳам мукаммал тизимга эга, деб айтиш мумкин эмас.

Фуқаролик хукукларини ҳимоя қилиш усуллари ФКнинг 11-моддасида мустаҳкамлаб кўйилган.

Улар кўйидагилардан иборат:

- Хукукни тан олиш (масалан, асарнинг бирор томонидан ўзлаштирилиб нашр этилгани тўғрисида низо бўлгани ҳолда, шу асарга нисбатан муаллифликни тан олиш);
- Хукуқ бузилишидан олдинги ҳолатни тиклаш ва хукукни бузадиган ёки унинг бузилиши хавфини туғдирадиган харакатларнинг олдини олиш (масалан, мулк эгаси ўзининг мулкидан фойдаланиш хукукининг ҳар қандай равишда бузилишини бартараф этиш ва келгусида мулкдан фойдаланишда ҳалакит бермаслик мажбуриятини бузувчи шахсга юклаш);
- Битимни ҳақиқий эмас деб топиш ва унинг ҳақиқий эмаслиги оқибатларини қўллаш;
- Давлат органининг ёки фуқароларнинг ўзини-ӯзи бошқариш органининг ҳужжатини ҳақиқий эмас деб топиш;
- Шахснинг ўз хукукларини ўзи ҳимоя қилиши;
- Бурчни аслича бажаришга мажбур қилиш (масалан, сотилган ашё сотовучи томонидан ихтиёрий равиша топширилмаганида, унинг олувчисига мажбурий тарзда олиб бериш);
- Зарарни тўлаш;
- Жарима ундириш;
- Маънавий зиённи қоплаш;
- Хукукий муносабатни бекор қилиш ёки ўзгартириш;
- Давлат органининг ёки фуқароларнинг ўзини-ӯзи бошқариш органининг қонунга зид ҳужжатини суд томонидан кўллаб-кўлламаслик;
- Қонунда назарда тутилган бошқача усуллар.

Фуқаролик хукукларини ҳимоя қилиш тартиби ҳам умумий ва маҳсус тартибига бўлинади.

Фуқаролик хукуқларини химоя қилишнинг умумий тартиби суд ва хўжалик суди орқали химоя қилишдан, шунингдек, фуқарони ўз хукуқларини ўзи химоя этишдан иборат бўлади. ФКнинг 10-моддасига биноан бузилган хукуқларни фуқаролик хукуқларини процессуал қонунларда ёки шартномада белгилаб қўйилганидек, ишлар қайси судловга тааллуқли бўлишига қараб, суд, хўжалик суди ёки холислар суди томонидан химоя килинади.

Қонунда назарда тутилган ҳоллардагина фуқаролик хукуқлари маъмурий тартибда химоя қилинади. Маъмурий тартибда қабул килинган карор устидан судга шикоят килиш мумкин (ФКнинг 10-моддаси 2-банди).

Шахснинг ўзи томонидан ҳам фуқаролик хукуқларини химоя қилишга йўл қўйилади. Бироқ, бунда химоя маълум шартлар асосида амалга оширилмоғи лозим. Улар ФКнинг 13-моддасида назарда тутилган. Унга кўра шахснинг ўзи томонидан фуқаролик хукуқларини химоя қилиш усулилари хукуқни бузиш даражаси билан баравар бўлиши ҳамда хукуқни бузишга йўл қўйиш учун зарур ҳаракатлар доирасидан чиқиб кетмаслиги лозим.

Айрим тадқиқотчиларнинг фикрича, хукуқий демократик давлат шаклланиб боргани сари фуқароларнинг хукуқий онги ва хукукий мадданияти ҳам ошиб боради. Бундай шароитда фуқаролик хукуқларини хукуқ эгаси томонидан ўзини ўзи химоя қилиш усулини қўллаш доираси ҳам кенгайиб бориши лозим. Ўзини ўзи химоя қилиш усулининг кенг қўлланилиши эса, хукуқни химоя қилишда хукуқни муҳофаза қилувчи идоралар ва суд томонидан аралашув заруриятини муайян жиҳатдан камайтиради. Бироқ, ўзини ўзи химоя қилиш усули муайян хукуқий асосга эга бўлиши лозим. Ушбу хукуқий асосларда ўзини ўзи химоя қилишни қўллаш ҳолатлари, шартлари, доираси, қўлланиладиган химоя воситалари, уни сунистеъмол қилиш оқибатлари батафсил тартибга солинмоғи лозим. Тўғри, Фуқаролик кодексида ўзини ўзи химоя қилиш усули тўғрисида маҳсус модда мавжуд. Бироқ, олимлар фикрича, бунинг ўзи етарли эмас. Шу сабабли ҳам, Фуқаролик кодексининг умумий қисмига ўзини ўзи химоя қилиш усули тўғрисида маҳсус параграф киритиш мақсадга мувофиқ бўлар эди.¹

Фуқаролик хукуқларини химоя қилишнинг маҳсус тартибида факат конун ёки бошқа норматив хужжатларда маҳсус кўрсатма бўлган тақдирдагина қўлланилиши мумкин. Химоя қилишнинг маҳсус тартиби куйидагичадир: фуқаролик хукуқларини химоя қилиш қонунлар билан белгилangan ҳолларда ва тартибда касаба ўюшма ташкилотлари томонидан ҳам амалга оширилади.

Фуқаро ва ташкилотларнинг шаъни ва қадр-қимматини химоя қилиш суд тартибida амалга оширилади. Баъзи ҳолларда, агар фуқаронинг

¹ Акромхолжасва З.С. Интеллектуал мулк хукуқини фуқаролик-хукуқий химоя қилишни тақомиллаштириш муваммолари. Номзодлик диссертацияси. –Т., 2008. –Б.12.

шаънига доғ туширадиган ва қадр-кимматини пастга урадиган маълумотлар шахснинг турар жой ёки иши жойида биринчи марта содир этилган бўлса, жабрланган шахснинг хукуки турар жой ёки ишхонасида ҳимоя қилиниши мумкин.

Назорат учун саволлар

1. Фуқаролик хукукларини амалга ошириш тартиби қайси меъёрий хужжатда кўрсатилган?
2. Фуқаролик хукукларини ҳимоя қилиш усулларига нималар киради?
3. Юридик фактлар нималигини тушунириб беринг.
4. Ноконуний ҳаракатларга мисол келтиринг.
5. Фуқаролик-хукукий муносабатларни санаб беринг.
6. Хукуқни тан олиш тушунчасига таъриф беринг.
7. Битимни ҳакиқий эмас деб топиш ва унинг ҳакиқий эмаслиги оқибатларини кўллашнинг можиятини очиб беринг.
8. Бурчни аслича (натура) бажаришга мажбур қилиш нима?
9. Шахснинг ўз хукукларини ўзи ҳимоя қилишига изоҳ беринг.
10. Хукукий муносабатни бекор қилиш ёки ўзгартириш нималарда намоён бўлади?

В БОБ. ФУҚАРОЛАР – ФУҚАРОЛИК ҲУҚУҚИНИНГ СУБЪЕКТИ СИФАТИДА

1 §. Фуқаролик ҳуқук лаёқати тушунчаси

Ҳуқук субъектларини тавсифлайдиган асосий ҳуқукий хусусиятлар ҳуқук ва муомала лаёқатларидан иборат. Фуқаролик ҳуқук ва бурчларига эга бўлиш лаёқати (ҳуқук лаёқати) генг равишда эътироф этилади (ФКнинг 17-моддаси). Ҳар бир шахс фуқаролик ҳуқук ва бурчларига эга бўлиш лаёқатига молик бўлмай туриб, фуқаролик ҳуқуқининг субъекти бўла олмайди. Бу коида, одатда, юридик шахсларга тааллукли бўлса-да, жисмоний шахслар учун аҳамиятли хисобланади.

Давлат ҳаётнинг моддий шароитларига қараб фуқароларнинг ҳуқук лаёқати, яъни муайян ҳуқук ва бурчларга эга бўлиш лаёқатини белгилайди. Ҳуқук лаёқатининг хусусияти ва мазмуни жамиятдаги ишлаб чиқариш муносабатларидан келиб чиқади.

Фуқаролик ҳуқук лаёқати фуқароларга ўзларининг моддий ва маданий эҳтиёжларини қондириш мақсадида хилма-хил ҳуқукий муносабатларга киришишнинг юридик имкониятини беради.

Ўзбекистон Республикаси Конституциясининг 18-моддасида айтилганидек, Ўзбекистон Республикасидаги барча фуқаролар бир хил ҳуқук ва эркинликларга эга бўлиб, жинси, ирқи, миллати, тили, дини, ижтимоий келиб чиқиши, эътиоди, шахси ва ижтимоий мавқеидан қатъи назар қонун олдидага тенгдирлар. Ушбу коидага асосланган ҳолда, фуқаролик ҳуқуқида фуқаролар ҳуқук лаёқатида тенг хисобланадилар. Яъни, барча фуқароларга бир хилдаги ҳуқук ва бурчлар белгиланади.

Ўзбекистон Республикаси фуқаролари ҳуқук лаёқатининг мазмуни Конституциянинг “Инсон ва фуқароларнинг асосий ҳуқуқлари, эркинликлари ва бурчлари” деб номланган иккинчи бўлимидаги қатор моддаларда кенг таърифланган ва мустаҳкамланган. Уларда фуқароларнинг мол-мулкка эга бўлиши, мерос олиши, мерос қолдириши, касб ва турар-жой танлаш, фан, адабиёт, санъат асарлари яратиш, тадбиркорлик фаолияти билан ва, умуман, қонунда таъкидланмаган ҳар қандай фаолият билан шуғулланиш, шунингдек, бошқа кенг мулкий ва шахсий номулкий ҳуқуқларга эга бўлишлари мумкинлиги айтилган ва асосий қонун даражасида мустаҳкамланган.

Ўзбекистон Республикасида фуқароларнинг фуқаролик ҳуқуки лаёқати мазмуни ФКнинг 18-моддасида мустаҳкамлаб қўйилган. Унга мувофиқ, фуқаролар:

- мулк ҳуқуки асосида мол-мулкка эга бўлишлари;
- мулкни мерос қилиб олишлари ва васият қилиб қолдиришлари;
- банкда жамғармаларга эга бўлишлари;

- тадбиркорлик, дәхқон (фермер) хўжалиги билан ҳамда конунда таъқиқлаб қўйилмаган бошқа фаолият билан шугулланишлари;
 - ёлланма мөннатдан фойдаланишлари, ўзлари мустақил равишда ёки бошқа фуқаролар ва юридик шахслар билан биргаликда юридик шахслар ташикли этишлари;
 - конунга зид бўлмаган ҳар қандай битимлар тузишлари ва мажбуриятларда қатнишишлари;
 - бошқа шахслар томонидан етказилган заарнинг тўланишини талаб килишлари;
 - маҳсулот турини ва яша什 жойини танлашилари;
 - фан, адабиёт ва санъат асарларининг, ихтиороларнинг, конун билан кўрикланадиган бошқа интеллектуал фаолият натижаларининг муаллифи хукуқига эга бўлишлари;
 - бошқа мулкий ва шахсий хукукларга эга бўлишлари мумкин.
- Конунда белгиланган ҳоллар ва тартибдан ташқари, ҳеч кимнинг хукуқ ва муомала лаёқати чекланиши мумкин эмас. Фукаронинг хукуқ ва муомала лаёқатидан тўла ёки қисман воз кечиши ҳакидаги, шунингдек, ўз хукуқ ва муомала лаёқатини чеклашга қаратилган битимлар ўз-ўзидан ҳақиқий эмас деб хисобланади (конун йўл қўйган ҳоллардан ташқари) (ФКнинг 23-моддаси). Ўзбекистон Республикаси Жиноят кодексининг 43-моддаси айрим фуқаролик хукукларидан, жумладан: хизмат бўйича чеклаш, мол-мulkни мусодара қилиш, муайян хукуқдан маҳрум қилишни кўзда тутади. Жиноят конунида хукуқдан маҳрум қилиш вактинча чора сифатида кўзда тутилади.
- Ўзбекистон Республикаси Жиноят кодексининг 45-моддасида кўрсатилганидек, муайян хукуқдан маҳрум қилиш бир йилдан беш йилгача муддатга тайинланиши мумкин. Бу муддат ўтгач, фуқаро яна ўзи маҳрум қилинган ўша хукуқни конуний асосларда кўлга киритиши мумкин бўлади.

2 §. Хукуқ лаёқатининг бошланиши ва тамом бўлиши

Хукуқ лаёқати киши тугилганидан то ўлимигача ундан ажралмайди, у билан бирга бўлади. Янги тугилган чакалоқ ҳам ҳар хил хукукларга, жумладан, яша什 хукуки, овқатланиш хукуки, эркин бўлиш хукуки каби қатор табиий хукукларга, шу жумладан, ота-оналардан тарбия олиш ва бошқа хукукларга эга. Ақли заиф ва руҳи хасталар ҳам хукуқ субъекти бўлиб хисобланади. Улар, хусусан, даволаниш, пенсия олиш ва бошқа хукукларга эга. Уларнинг мулкий хукуклари тўлиқ ҳажмда сақланади.

Киши тугилиши билан, унинг хаёти бошланганидек, тугилиши билан хукуқ субъекти сифатида яшами ҳам бошланади. Кишининг түғйилиш факти мухим юридик аҳамиятга эга бўлганлиги туфайли, боланинг тугилиши фуқаролик ҳолати далолатномаларини ёзиш бўлимида (ФХДЁ) давлат рўйхатидан ўтказилади. Рўйхатдан ўтказилмаслик тугилган

боланинг ҳуқуқига таъсир этмайди, фақат унинг ҳуқуқларини рӯёбга чиқариш учун зарур ҳаракатларни амалга оширишда қийинчилик туғдидари.

Кишининг ҳуқуқ лаёқати субъекти бўлиб яшаши факат унинг туғилиши билан бошланса ҳам, қонун баъзи ҳолларда ҳамманинг, яъни ҳали туғилмаган боланинг – келгусидаги ҳуқуқ субъектининг манфаатларини ҳам эътиборга олади ва кўриклияди. Масалан, қонунга асосан мерос қолдирувчи вафот этган, яъни қонун белгиланган тартибда мерос очилганидан сўнг туғилган болалари ҳам ворис бўла оладилар (ФКнинг 1118-моддаси). Уй-жой кодексида кўрсатилганидек, фуқароларга уй-жой берилганида турар-жой ҳажмини белгилашда оиласда ҳомиладор аёлларнинг бўлиши ҳам хисобга олинади.

Ҳуқуқ лаёқати киши, яъни ҳуқуқ субъекти вафот этиши билан тамом бўлади. Ўлган кишининг то ўлимига қадар ихтиёрида бўлган ҳуқуқ ва зиммасидаги мажбуриятларнинг бир кисми (мулкий, шахсий ҳуқуқ ва мажбуриятлари) бекор бўлади, шу билан бирга, баъзи мулкий ҳуқуқлар ворисларга ўтади. Ўлим қатор ҳукукий оқибатлар түғдирадиган фактдир. Шунинг учун ўлим ҳам туғилиш сингари фуқаролик ҳолати далолатномаларини ёзиш бўлимида (ФХДЁ) да, оила қонунчилигига мувофиқ, қайд этилади.

Нормал тартибда гувоҳлантирилган ўлим ҳолларидан ташкари, қонунда фуқарони бедарак йўқолган деб топиш ва вафот этган деб эълон килиш институти ҳам мавжуд.

3 §. Фуқароларнинг муомала лаёқати

Муомала лаёқати тушунчаси ҳуқуқ субъектлари тушунчаси билан чамбарчас боғлиқ. Зеро, муомала лаёқати ҳуқуқ субъектларининг субъект сифатида намоён бўлишида асосий роль ўйновчи вазифани ўтайди. Ўз ўрнида фуқароларнинг муомала лаёқати уларнинг фуқаролик ҳукуки субъекти сифатида ҳаракат қилиб ўзлари учун ҳуқуқ ва мажбуриятларни олиширида муҳим ўрин тутувчи элемент хисобланади

Муомала лаёқати фуқароларнинг ўз ҳаракатлари билан фуқаролик ҳуқуқларини олиш, амалга ошириш, ўзлари учун фуқаролик бурчларини вужудга келтириш ва уларни бажариш лаёқатидир (ФКнинг 22-моддаси).

Муомала лаёқати тушунчаси хусусида турли фикрлар мавжуд. Н.Ашуронинг фикрича, муомала лаёқатига эга бўлиш, бу-турли хил юридик ҳаракатларни шахсан амалга ошириш қобилиятига эга бўлиш: шартномалар тузиш, ишончномалар бериш, шунингдек, келтирилган мулкий заарлар, шартнома ва бошқа мажбуриятлар юзасидан жавобгар бўлишдир¹.

¹ Ашурова Н. Вояга стмагалларининг фуқаролик ҳукукий муносабатда иштироки. Ю.ф.н. дисс... -- Тошкент. 2008. -Б.46.

Л.Г.Кузнецова ва Я.Н.Шевченколар муомала лаёқатининг мазмунига ўз хукукларидан фойдаланиш лаёқати ҳамда ўз ҳаракатлари билан уларни бекор килиш лаёқатини ҳам киритишадилар. Шунингдек, улар муомала лаёқати мазмунини ташкил қиласидиган унсурларни таҳлил қилиб, куйидаги хуносага келадилар:

-ўз ҳаракатлари билан хукукларга эгалик килиш ва мажбуриятларни вужудга келтириш (хукукка эгалик қилиш) лаёқати;¹

-ўз ҳатти-ҳаракатлари билан ўзида мавжуд бўлган хукукларни амалга ошириш ва мажбуриятларни ижро қилиш лаёқати(амалга ошириш хукукига лаёқатлилик);

-ўз ҳатти-ҳаракати билан ўзига тегишли бўлган хукукларни тасарруф қилиш лаёқати;

-фуқаролик хукукбузарликларга йўл қўйилган тақдирда жавобгар бўлиш лаёқати.

О.С.Иоффенинг фикрича, муомала лаёқати бу – энг аввало, ўз хукуқ ва мажбуриятларини амалга ошириш лаёқатидир. Лекин бу билан муомала лаёқатининг мазмуни чекланмайди. Муомала лаёқатининг мазмуни, шунингдек, шахснинг ўз ҳатти-ҳаракатлари билан хукуқ ва мажбуриятларни вужудга келтириш лаёқатини ўз ичига олади. Бундан ташқари, муомала лаёқатининг мазмунида шахснинг рухсат этилмаган ҳаракатларни амалга оширишлари натижасида жавобгар бўлиш лаёқатлари ҳам мавжуд. Шундай қилиб, муомала лаёқати бу – фуқаролик хукуқ ва мажбуриятларга мустақил равишда эгалик қилиш, амалга ошириш ва жавобгар бўлиш лаёқатидир.²

Демак, юкоридагилардан келиб чиқадиган бўлсак, муомала лаёқати бу шахснинг ўз аклий англаш имкониятидан келиб чиқиб, актив ёки пассив ҳаракатлари орқали хукуқ ва мажбуриятларни қўлга киритиши тушунилади.

Муомала лаёқатини юридик ҳаракатлар қилиш, яъни қонун бўйича маълум хукукий оқибатлар қилиш лаёқати, деб ҳам таърифлаш мумкин (масалан, шартномалар тузиш, етказилган зарарни тўлаш ва хоказолар).

Муомала лаёқатининг хукуқ лаёқатидан фарки шуки, барча фуқаролар ҳам муомала лаёқатига эга бўлавермайдилар. Муомала лаёқатига эга бўлишнинг шарти шундан иборатки, муомала лаёқатига эга бўлган фуқаролар ақли расолик билан ўз ҳаракатларининг оқибатларини тушуниб ҳаракат қиласидилар. Маълумки, янги тугилган бола тўлиқ хукуқ лаёқатига эга бўлса ҳам, ўз ҳаракатлари билан биронта хукуқ ва мажбурият олмайди. Онгли ҳаракатлар қилиш лаёқати факат маълум ёшга етгандан кейингина бошланади. Бинобарин, фуқаролик муомала лаёқатининг фуқаро тўла хажмда вояга етиш билан вужудга келишини кўрсатади. Вояга етиш 18 ёшга тўлиш билан бошланади. Бу ёшга етиш билан киши

¹ Кузнецова Л.Г. Шевченко Я.Н. Гражданского-правовое положение несовершеннолетних. М.: Юридическая литература. 1968. -Б.17.

² Иоффе О.С. Советское гражданское право. Курс лекций. -Ленинград: ЛГУ. 1958. -С.82.

фуқаролик хукукий муносабатларда, жумладан, мулкий муносабатларда тұла катнашувчигина бўлиб қолмай, балки сиёсий хуқуқлар билан бирга бошқа фуқаролик хукуклари ва мажбуриятларини ҳам олади.

Қонун вояға етиш ёшини белгилаш билан бир қаторда, вояға етгунга қадар қонуний асосда никоҳдан ўтган фуқаро никоҳдан ўтган вактдан эътиборан тұла ҳажмда муомала лаёқатига эга бўлишини белгилайди (ФКнинг 22-моддаси).

Вояға етган фуқаролар тенг даражада муомалага лаёқатли хисобланадилар. Фуқароларнинг муомала лаёқати фақат конунда назарда тутилган ҳолларда ва тартибдагина чекланиши мумкин. Фуқаронинг муомала лаёқатини чеклашга қаратилган битимлар ўз-ўзидан хакиқий эмас (ФКнинг 23-моддаси).

Тұла муомала лаёқати юқорида кўрсатилганидек, ўн саккиз ёшга етган фуқароларга берилгани сабабли, бу ёшга тұлмаган шахсларнинг хукукий ҳолатини белгилашыда улар иккига бўлинниб. Янын ўн түрт ёшгача бўлган вояға етмаган ва ўн түрт ёшдан ўн саккиз ёшгача бўлган вояға етмаган шахслар муомала лаёқати ўзига хослиги билан ажralиб туради.

Ўн түрт ёшгача бўлган вояға етмаганлар (кичик ёшдан болалар) тұла равишда муомалага лаёқатсиз хисобланадилар.

Олти ёшдан ўн түрт ёшгача бўлган болалар:

1. Майда маиший битимлар;
2. Текин маңфаат кўришга қаратилган, нотариал гувохлангириш ёки давлат рўйхатидан ўтказицни талаб қилмайдиган битимлар;
3. Конуний вакил ёки унинг розилиги билан учинчи шахс томонидан майян мақсад ёки эркин тасарруф этиш учун берилган маблағларни тасарруф этиш борасидаги битимларни амалга оширишга ҳаклидиirlар (ФКнинг 29-моддаси).

Кичик ёшдан болалар мустакил туда оладиган майда маиший битим деганда, бола ёки унинг оила аъзоларининг одатдаги, ҳар кунги эхтиёжини қондиришга қаратилган ва юқори бўлмаган баҳодаги битим тушунилади. Битимнинг майда маиший битим эканлигини белгиловчи икки шарт мавжуд бўлиши талаб этилади. Биринчиси, одатдаги, ҳар кунги эхтиёжларни қондиришга қаратилганлиги ва, иккинчиси, юқори бўлмаган баҳода бўлиши талаб этилади.

Ўн түрт ёшгача бўлган вояға етмаганлар учун битимларни уларнинг номидан ота-оналари, фарзандликка олувчилар ёки васийлари тузадилар.

Бирорга етказилган заарлари учун ҳам кичик ёшдан болалар жавобгар бўлмайдилар. Улар учун ота-оналари ёки бошқа назоратчилари жавобгардир. Ўн түрт ёшгача бўлган вояға етмаганларнинг банкларга омонат кўйиш ва уларни тасарруф қилиш хуқуқлари конун билан белгиланади.

Ўн түрт ёшдан ўн саккиз ёшгача бўлган вояға етмаганлар (ўсмиirlар) қисман муомалага лаёқатли бўлиб, қонуний вакиллари (ота-оналари,

фарзандликка олувчилари ёки ҳомийлари)нинг розилиги бўлган тақдирда ўз ҳаракатлари билан хукуқ ва мажбуриятлар олишлари мумкин.

Ўсмирлар битимларни ота-оналари, фарзандликка олувчилар ёки ҳомийларининг розилиги билан тузадилар. Аммо улар мустакил равишда ўзларининг иш ҳақлари ёки стипендияларини тасарруф қилишга, ўз асарлари, ихтиrolарига бўлган муаллифлик ҳамда ихтирочилик хукукларини, ўз кашfiётларига бўлган хукукларини амалга оширишга, кредит муассасаларига маблағлар қўйиш ва уларни тасарруф этишга, шунингдек, майда маиший битимларни тузишга ҳақлидирлар. Улар 16 ёшдан кооперативларга аъзо бўлиб киришлари мумкин.

Етарли асослар мавжуд бўлганида, суд қонуний вакиллари ёхуд васийлик ва ҳомийлик органининг илтимосномасига кўра, ўсмирнинг ўз иш ҳақи ёки стипендиясини мустакил тасарруф қилиш хукукини чеклаши ёки бу хукуқдан маҳрум этиши мумкин (ФКнинг 27-моддаси 8-банди).

Ўсмирлар бошқа шахсларга етказилган заарлари учун ФК билан белгиланган тартибда жавобгар бўладилар.

Рухий касаллар ва акли заифлар тўла ҳажмда муомалага лаёқатсиз ҳисобланадилар. Онгли ҳаракатлар қилиш ва ўз ҳаракатларининг юридик оқибатларини ҳисобга олиш лаёқати (муомала лаёқати)га, рухий касаллиги ёки акли заифлиги сабабли эга бўлмаган фуқаро – муомала лаёқатига эга эмас, деб танилиши мумкин. Ҳар қандай рухий касаллик ёки акли заифликий фуқарони онгли ҳаракатлар қилиш ва фуқаролик муомаласида қатнашиш лаёқатидан маҳрум килмайди. Рухий ҳолат бузилиши фактининг ўзигина кишини муомалага лаёқатсиз деб топишга асос бўлмайди. ФКда кўрсатилишича, рухий касаллиги ёки акли заифлиги сабабли ўз ҳаракатларининг аҳамиятини тушуна олмайдиган ёки уларни идора қила олмайдиган фуқаро суд томонидан муомалага лаёқатсиз, деб топилиши мумкин, шу муносабат билан унга нисбатан васийлик белгиланади (ФКнинг 30-моддаси). Таъкидлаш жоизки, юкоридаги асосларга кўра, фуқарони муомалага лаёқатсиз деб топиш учун фуқаро 18 ёшга тўлган бўлиши зарур.

Рухий касални ёки акли заиф кишини суд томонидан тайинланган психиаторларнинг иштироки билан бўладиган маҳсус комиссия томонидан кўриб чиқиши текшириш ва унинг натижалари ҳақида далолатнома тувиш суд томонидан муомалага лаёқатсиз деб топиш ҳақида ҳал қилув қарорни чиқариш учун асос бўлади. Муомалага лаёқатсиз деб топилган фуқаро номидан битимларни васийлари тузадилар.

Фуқаронинг муомалага лаёқатсиз деб топилишига сабаб бўлган асослар бекор бўлса, суд уни муомалага лаёқатли деб топади ва белгиланган васийликни бекор қиласди (ФКнинг 30-моддаси). Конун байзи ҳолларда вояга етган фуқароларнинг муомала лаёқатини чеклаш ҳолларини назарда тутади, жумладан, ФКнинг 31-моддасида кўрсатилишича, спиртли ичимликларни ёки гиёхвандлик воситаларини

истеъмол қилиш натижасида ўз оиласини оғигр моддий аҳволга солиб қўйётган фуқаронинг муомалага лаёқати ФПКда белгиланган тартибда суд томонидан чеклаб қўйлиши мумкин. Лекин у, майда маиший битимларни истисно килганда, битимларни ҳомийнинг розилигисиз тасарруф эта олмайди.

Агар фуқаро спиртли ичимлик ёки наркотик моддаларни истеъмол қилишини ташласа, суд унинг муомалага лаёқати чекланганлигини бекор қиласди. Суд қарори билан унга нисбатан белгиланган ҳомийлик ҳам бекор қилинади.

4 §. Васийлик ва ҳомийлик

Муомалага лаёқатсиз фуқаро шахсини, унинг қонуний хуқуқ ва манфаатларини химоя қилиш учун, шунингдек, қонунда назарда тутилган ҳолларда мулкий хуқуқларни химоя қилиш учун васийлик ва ҳомийлик белгиланади.

Васийлик шундан иборатки, бунда муомалага лаёқатсиз шахс – ўн тўрт ёшга тўлмаган фуқаролар, руҳий касал ва ақли заифлар номидан васий харакат қиласди ҳамда ўзининг харакатлари билан васийликка олинган шахс учун хуқуқ ва мажбуриятлар туғдиради.

Ҳомийликда ҳомийлар қисман муомала лаёқатига эга бўлган шахслар (ўн тўрт ёшдан ўн саккиз ёшгacha бўлган фуқаролар)га ўз хукуқларини амалга ошириш, мажбуриятларни бажаришда ёрдам кўрсатадилар, шунингдек, уларни учинчи шахсни баъзан бўлиши мумкин бўлган ёмон ниятдаги харакатларидан саклаб қоладилар. Ҳомийлик баъзи ҳолларда жисмоний камчиликлари бўлган, масалан кўзи ожис (кўрлик), майбилик сабабли ўз хукуқларини ўзлари амалга ошира олмайдиган ва химоя қила олмайдиган тўла муомала лаёқатига эга бўлган шахсларга нисбатан ҳам белгиланади. Бундай шахсларга нисбатан ҳомийликнинг вазифаси улар учун хукуқлар олиш ёки уларни амалга ошириш билан боғлик турли харакатларни бажаришдан иборат.

Боланинг ота-онаси олти ойдан ортиқ муддатда бўлмаган ҳолларда, агар боланинг манфатлари учун зарур бўлса, уларга нисбатан ҳам васийлик ва ҳомийлик белгиланади.

Маҳаллий органлар васийлик ва ҳомийлик органлари бўла олади. Улар вояга етмаганларга нисбатан васийлик харакатларини амалга оширишни ёш болаларга нисбатан - халқ таълими бўлимларига, руҳий касал ва ақли заифларга нисбатан – соғлиқни саклаш бўлимларига, васийликка олинувчиларнинг бошқа тоифаларига нисбатан эса –ижтимоий таъминот бўлимларига юклайдилар. Кишлек жойларида васийлик ва ҳомийлик фуқаролик йигинлари кенгаши томонидан белгиланади.

Ўзбекистон Республикасидан ташқарида яшайдиган, ота-онасининг карамоғидан маҳрум бўлган Ўзбекистон Республикасининг вояга етмаган

фуқароларга ва соғлиғи туғайли ўз хукуқини мустақил равищда амалга ошира олмайдиган, ўз мажбуриятларини бажара олмайдиган, Ўзбекистон Республикасининг вояға етмаган фуқаролариға васийлик ва ҳомийлик фаолиятини амалга ошириш Ўзбекистон Республикасининг консулдик идоралари зиммасига юкландади.

Агар васийликка олинувчининг мулки у турган жойда бўлмаса, иккиси: бири унинг ўзига нисбатан, иккинчиси васийликка олингандан шахснинг мулкига нисбатан тайинланиши мумкин.

Ота-оналар васийлик ва ҳомийлик вазифаларига алоҳида тайинланмай, қонун бўйича бажарадилар. Ота-оналари бўлмаган тақдирда ёки улар амалда бу вазифани бирорта сабаб, масалан, қамоқда ёки шифохонада бўлиши туғайли бажара олмасалар ёки ота-оналиқ хукуқидан маҳрум бўлган бўлсалар васийлик ва ҳомийлик органлари васий ва ҳомийни, биринчи навбатда, васийликка олинувчига ёки ҳомий тайинланадиган яқин шахслардан тайинлайдилар.

Муомалага лаёқатсиз ёки муомала лаёқати чекланган шахслар, суд томонидан ота-оналиқ хукуқларидан маҳрум қилинганлар ёки ота-оналиқ хукуки чекланганлар собиқ фарзандликка олувчиларнинг фарзандликка олганлиги Оила кодексининг 169-моддасига мувофиқ бекор қилинган шахслар (яъни ўз зиммаларида мажбуриятларни бажаришдан бўйин товлаётган ёки уларни лозим даражада бажармаётган, ота-оналиқ хукуқини сущистеммол килаётган, фарзандликка олинганларга нисбатан шафқатсизлик билан муомалада бўлаётган, муттасил ичқиликбозлиқ ёки гиёхвандликка мубтало бўлган шахслар) қонун билан зиммаларига юклангандан мажбуриятларни лозим даражада бажармаганларни ёки ўз хукукларини сущистеммол қилганларни учун васийлик (ҳомийлик) вазифаларидан четлатилган шахслар, руҳий ёки наркологик муассасаларда рўйхатда турганлар, қасдан содир этган жинояти учун илгари хукм қилинган шахслар васий ва ҳомий килиб тайинланиши мумкин эмас

Васий ва ҳомийнинг асосий вазифаси васийликка олинувчининг шахси ва мулки юзасидан ғамхўрлик қилишдан, васийликка олинувчининг манфаатларини кўриклишдан иборат. Бинобарин, васийликка олувчи ўзига ишочилган мулкдан ўзи учун ҳеч қандай фойда олмаслиги лозим. У васийликка олинган шахсни асрар ва унинг мулкини идора этиш харажатинигина ундиришга ҳақли. Умумий коида бўйича, васийлик ва ҳомийлик вазифалари бепул бажарилади. Васий ва ҳомий ўз васийлиги ёки ҳомийлигига шахсни таъминлаш учун мажбур эмас. Васий ва ҳомийнинг ўз васийлиги ёки ҳомийлигидаги шахснинг таъминоти учун қилган харажатлари қонун хужжатларида белгиланган тартибда ушбу шахснинг маблағи хисобидан копланади, бу маблаг етарли бўлмаган тақдирда эса, унинг таъминоти учун васийлик ва ҳомийлик органлари нафака тайинлаши мумкин.

Васий васийликка олинган шахс томонидан битимлар тузишга ҳақли, лекин васийликка олинувчининг мулкий ахволига ёмон таъсир этадиган битимлар тузишида васийлик органларининг розиликлари билан иш килиши лозим. Нотариал гувоҳлантиришни талаб қиладиган шартномалар тузиш, васийликка олинган шахсга қарашли мулкий ҳукуқлардан воз кечиш, мулкни таҳсизлаш ва шу каби ҳаракатлар учун васийлик органларининг розилиги зарур. Ёш болаларга қарашли иморатларни сотиш учун васийлик органларидан маҳсус рухсат олиниши керак.

Васий васийликка олинган шахснинг ўзи билан ва унинг номидан ўзининг яқин кишилари билан битимлар тузса олмайди, чунки бунда васийликка олинувчининг манфаатларига зарар келтириб, ўзига яқин кишиларнинг манфаатларига устунлик бериш ҳавфи бор.

Васийлик вояга етмаганларнинг тарбияланишлари, соғликлари ҳақида гамхўрлик қилишга ва улар билан бирга туришга мажбур. Руҳий касалларнинг васийлари эса, уларни даволаш ва соғликларига мувофиқ шароитда асраш тадбирларини таъминлашлари лозим.

Ҳомийлар гамхўрлик қилиш учун ўзларига ишонилган шахсларга, уларнинг ҳукуқ ва мажбуриятларини амалга оширишларида ёрдам кўрсатадилар, уларни учинчи шахсларнинг ёмон нияти ҳаракатларидан сакладилар. Битим тузиш учун васийлик ва ҳомийлик органларининг розиликлари талаб қилинмаган ҳолларда, битимлар тузишга розилик бера оладилар.

Васийлар ва ҳомийлар ўз химояларидаги шахсларнинг ҳукуқ ва манфаатларини ҳар қандай шахслар билан муносабатларда, шу жумладан, судларда ҳам маҳсус ваколатларсиз химоя қила оладилар (ФКнинг 32-моддаси).

Васийлик ва ҳомийлик билан боғлиқ бўлган муносабатларга оид асосий қоидалар Оила кодекси ҳамда васийлик ва ҳомийлик органлари тўғрисидаги Низом билан тартибга солинади.

5 §. Хусусий тадбиркор фуқароларнинг ҳукуқий мақоми

Тадбиркорлик фаолияти субъектлари белгиланган тартибда рўйхатдан ўтган ҳамда тадбиркорлик фаолиятини амалга ошираётган юридик ва жисмоний шахслар ҳисобланади.

Давлат ҳокимиюти ва бошқарув органлари (қонун ҳужжатларида назарда тутилган ҳоллар бундан мустасно), уларнинг мансабдор шахслари, шунингдек, тадбиркорлик фаолияти билан шуғулланиши қонун ҳужжатларида ман этилган бошқа шахслар тадбиркорлик фаолиятининг субъектлари бўлиши мумкин эмас.¹

¹ Ўзбекистон Республикасининг "Тадбиркорлик фаолияти эркинлигининг кафолатлари „түргисида"ги Қонуни. "Ўзбекистон Республикаси қонун ҳужжатлари туплами", 2012 йил, 18-сон, 201-модда.

Умумий қоида бўйича, фуқаролар 18 ёшга тўлиб, тўлик муомала лаёкатига эга бўлгач, хусусий тадбиркорлик билан шуғулланишга ҳақли. Бироқ, ФКнинг 28-моддасига асосан 16 ёшга тўлган вояга етмаган шахс меҳнат шартномаси бўйича ишлаётган бўлса, ёки ота-онаси, фарзандликка олувчилари ёхуд ҳомийсининг розилигига биноан тадбиркорлик фаолияти билан шуғулланаётган бўлса, у тўла муомалага лаёкатли, деб эълон килиниши мумкин.

Вояга етмаган шахсни тўла муомалага лаёкатли деб эълон қилиш (эмансипация) ота-онанинг, фарзандликка олувчиларнинг ёки ҳомийсининг розилиги билан васийлик ва ҳомийлик органининг карорига мувофик ёхуд, бундай розилик бўлмаган тақдирда, суднинг қарори билан амалга оширилади. Ота-она, фарзандликка олувчилар ва ҳомий эмансиляция килинган вояга етмаганнинг мажбуриятлари бўйича, хусусан, у етказган зарар оқибатида келиб чиккан мажбуриятлар бўйича, тадбиркорлик фаолияти билан боғлиқ мажбуриятлар бўйича жавобгар бўлмайдилар. Эмансиляция қилинган вояга етмаган тадбиркорга нисбатан ФКнинг 27-моддасининг 1-2-банди кўлланилмайди.

Хусусий тадбиркорлик билан шуғулланмоқчи бўлган фуқаро туман (шахар) ҳокимлигига, зарур ҳужжатларни тақдим этган ҳолда, ариза билан мурожаат килади. Агар тадбиркор маҳсус рухсатнома талаб этиладиган фаолият тури билан шуғулланиш истагини билдиrsa, тегишли органларнинг хulosасини ҳам тақдим этиши лозим. Юридик шахс бўлмасдан ўз фаолиятини амалга оширувчи хусусий тадбиркор сифатида рўйхатдан ўтказилган жисмоний шахсга унинг давлат рўйхатидан ўтказилганлиги тўғрисида гувоҳнома берилади ва тегишли ҳудудий солиқ органида қайд этилади. Шу пайтдан бошлаб фуқаро тадбиркорлик фаолияти билан шуғулланишга ҳақли. Унинг фаолиятига нисбатан ФКнинг тижорат ташкилотлари бўлган юридик шахслар фаолиятини тартибга солувчи қоидлари кўлланиллади. Якка тартибдаги тадбиркор ўз номидан тадбиркорлик фаолияти билан шуғулланади, хукуқлар ва мажбуриятларга эга бўлади ҳамда уларни амалга оширади.

Давлат рўйхатидан ўтмасдан турib хусусий тадбиркорлик билан шуғулланганлик учун қонунларда тегишли жавобгарлик белгиланган.

Якка тадбиркор кредиторларнинг, агар у тадбиркорлик фаолиятини амалга ошириш билан боғлиқ бўлган талабларни қаноатлантиришга қодир бўлмаса, белгиланган тартибда банкрот деб топилиши мумкин. Якка тадбиркорни банкрот деб топиш расм-русларини амалга ошириш жараённida унинг тадбиркорлик фаолиятини амалга ошириш билан боғлиқ бўлмаган мажбуриятлари бўйича кредиторлари ҳам ўз талабларини қўйишга ҳақли. Мазкур кредиторларнинг ушбу тартибда қўйилган талаблари якка тадбиркор банкрот деб топилганидан кейин ҳам ўз кучини сақлаб қолади (ФКнинг 26-моддаси).

Хусусий тадбиркорга берилган гувоҳнома муддати тамом бўлганида, конунга номувоғиқ фаолият юритганда, жумладан, рухсат олиш асосида шуғулланиш лозим бўлган фаолият билан рухсатсиз шуғулланганда, хусусий тадбиркорлик ҳуқуқи бекор бўлади. Хусусий тадбиркор ўз хоҳишига кўра гувоҳномада кўрсатилган муддатдан олдин ҳам тадбиркорлик фаолиятини тўхтатишга ҳакли.

Бугунги кунда якка тадбиркор фуқаро ҳам мустақил, юридик шахс тузиб, фаолият юритиши ҳам конунда мустаҳкамланди.

6 §. Фуқароларнинг туар жойи

Фуқаронинг доимий туар жойи фуқаролик ҳуқуқи учун муайян аҳамиятга эгадир. Фуқаронинг доимий ёки асосан яшаб турган жойи унинг яшаш жойи хисобланади, деб кўрсатилади. Ўн тўрт ёшга тўлган вояга етмаганлар (кичик ёшдаги болалар)нинг ёки васийликда бўлган фуқароларнинг қонуний вакиллари, ста-оналари, фарзандликка олувларни ёки васийлари яшайдиган жой вояга етмаганлар ёки васийликда бўлган фуқароларнинг яшаш жойи хисобланади (ФКнинг 21-моддаси).

Ҳ.Р.Рахмонкуловнинг таъкидлашича, фуқаронинг доимий туар жойи деб, унинг давр тақозоси билан, турли узрли сабабларга кўра, жамоатчилик томонидан тан олинган, расмий равишда ўрнашиб олган, уйжой қилиб турган жойига айтилади. Фуқаронинг асосан, яъни кўпроқ яшаб турган жойи деб, унинг доимий яшаш жойида эмас, балки бошқа жойларга нисбатан кўпроқ яшаган, бошқа жойларда қанчча вақт давомида яшаб турган бўлишидан қатъий назар, у турли сабабларга кўра, масалан меҳнат вазифасини бажариши туфайли, маълум бўлган бошқа жойда яшаб турган жойи айтилади¹.

Баъзи олимлар туар жой шахснинг туар жойга бўлган эҳтиёжини қондириш мақсадида доимий яшаш учун ваколатли давлат органи томонидан расмийлаштириш тартибида фойдаланиш мумкин бўлган курилишни тушуниш керак, деб хисоблайдилар².

Туар жой танлаш ҳуқуқи мумалага лаёкатли фуқаронинг ўзи томонидан белгиланади. Туар жой танлаш ҳуқуқи фақат қонунда назарда тутилган ҳоллар ва тартибдагина, масалан, озодликдан маҳрум қилиниши ҳолларида махсус ижозат олиш йўли билан, жойлашиш мумкин бўлган худудларда чекланиши мумкин.

Одатда, фуқаро яшаш учун қаерда рўйхатдан ўтган бўлса, шу жой унинг туар жойи хисобланади. Фуқаронинг туар жойи конунга мувоғиқ

¹ Рахмонкулов Ҳ.Р. Ўзбекистон Республикаси Фуқаролик кодексининг биринчи кисмига умумий тавсиф шаҳирхалар. Т.: Иқтисодиёт ва ҳуқук дунёси. 1997.-116 б.

² Липцкоф С.Н., Лисинченко Т.Н., Фельдман А.М. Жилищное и жилищно-строительное инженерное -Киев.: 1975.-111 с.

кўп ҳолларда хукукий аҳамиятга эга. Жумладан, фуқаролик даъволари билан, коидага кўра жавобгарнинг турар жойи худудидаги судга мурожаат қилинади. Аммо бაъзи даъволар, масалан, алимент ундириш, зарарни тўлатиш тўғрисидаги даъволар даъвогарнинг турар жойидаги судга билдирилиши мумкин. Мажбуриятларнинг кўп қисми каrzдорнинг турар жойида, пул мажбуриятлари эса кредитор турган жойда ижро этилади. Мерос қолдирган шахснинг охирги доимий турар жойи бўйича мерос очилади ва хоказо.

Турар жой билан боғлик хукукий муносабатлар асосан Ўзбекистон Республикасининг Уй-жой кодекси орқали тартибга солинади:

7 §. Фуқарони бедарак йўқолган деб топиши ёки вафот этган деб эълон қилиш

Фуқаронинг хукук лаёкати унинг ўлими натижасида батамом тугайди. Аммо хукукий муносабатдан келиб чиқадиган ноаникликларни бартараф этиш учун шу хукукий муносабагларнинг иштирокчиларидан бири бўлган фуқаро айrim сабабларга кўра доимий яшаш жойидан узоқ муддатга кетиб қолганда, унинг ҳақиқий яшаш жойини аниқлаш имконияти бўлмаса, бундай ҳолларда бедарак йўқолган, деб топилиши мумкин.

Фуқаролик хукукида, умуман хукуқнинг бошқа соҳаларида ҳам бедарак йўқолган деб топиш институти катта амалий аҳамиятга эга. Бу институт бедарак йўқолган фуқаронинг қариндошлари ва бошқа маиғаатдор шахсларнинг шахсий ва мулкий хукуқлари таъминланишини кафолатлайди.

Турмушида шундай воқеалар ҳам бўладики, баъзан бир фуқаро ўзининг доимий яшаш жойига узоқ муддат келмай кўяди. У ўзининг қаерда турганлиги тўғрисида биронта маълумот ҳам юбормайди. Унинг қаерда яшаётганини ёки қаерга кетганини аниқлашга қаратилган барча ҳаракатлар бехуда кетади. Унинг тирик ёки ўликлигини аниқлаш мумкин бўлмайди. Бундай ҳолларда ҳам хукукий муносабат қатнашчиси бўлган фуқаронинг анча вақт йўқолиб кетиши, унинг хукукий муносабатдаги тақдирига таъсир қиласлиги керак. Одатда, бундай фуқаронинг доимий яшаб турадиган жойида қандайдир мулклари қолади. Бу шахс бирор-бир мажбуриятда қарздор ёки кредитор бўлиши мумкин. У шунингдек, хукуқ ва мажбуриятнинг эгаси бўлгани учун бошқа кишиларнинг шахси билан бевосита боғлиқ бўлиши, жумладан, никоҳда бўлиши, ота-оналик хукуқ ва мажбуриятига эга бўлиши ҳам мумкин. Фуқаронинг узоқ вақт доимий турар жойига қайтиб кела олмасдан бедарак йўқолиб кетиши кўп вақтга чўзилиб кетмаслиги керак. Чунки давлат фуқаролик хукуки муносабатининг бундай бекарорлигига бефарқ қарай олмайди. Бедарак йўқолган фуқаронинг яқин кишиларининг, кредиторларининг, давлатнинг

ва ниҳоят ўзининг шахсий манфаатлари, бундай ноаниқлик ва бекарорликларнинг тугатилишини талаб этади.

Башарти бедарак йўқолган фукаро ўлган бўлса, унинг бирор-бир хукукий муносабатда бўлиши тўғрисида гап ҳам бўлиши мумкин эмас. Бинобарин, унга тегишли бўлган хукуқ ва бурчлар бошкапарга ўтиши керак. Манфаатдор шахслар эса, унинг ворисларига нисбатан ўзларининг тегишли эътиroz ва даъволарини билдириш имкониятига эга бўлишлари мумкин.

Фукаролик кодекси 33-моддасининг биринчи қисмида бедарак йўқолган деб топиш тўғрисида умумий қоида берилади. Унга асосан, агар фукаронинг қаердалиги ҳакида унинг яшаш жойида бир йил давомида маълумотлар бўлмаса, манфаатдор шахсларнинг аризасига мувофиқ, суд бу фукарони бедарак йўқолган деб топиши мумкин. Фукарони бедарак йўқолган деб топиш унинг фукаролик хукукларини бекор қилмайди. Аксинча, бедарак йўқолган деб топилган фукаролик хукукларини химоя қилиш учун зарур чоралар амалга оширилиши талаб қилинади.

Бедарак йўқолган деб топилган фукаронинг мол-мулкини доимий суратда бошқариб туриш зарур бўлса, бу мол-мулк суднинг қарорига мувофиқ васийлик ва ҳомийлик органи томонидан белгиланадиган ва ушбу орган билан тузиладиган ишончли бошқарув тўғрисидаги шартнома (ФКнинг 49-боби) асосида иш олиб борадиган шахсга топширилади. Бу мол-мулкдан бедарак йўқолган шахс қонунга мувофиқ бокиши керак бўлган фукароларга таъминот берилади, унинг соликлар ва бошқа мажбуриятлар бўйича қарзлари тўланади (ФКнинг 34-моддаси).

Манфаатдор шахсларнинг аризалари бўйича васийлик ва ҳомийлик қилувчи орган бедарак йўқолган фукаронинг мулкини химоя қилиш учун, шунингдек, унинг мулкини идора этиш учун, унинг қаерда эканлиги тўғрисидаги охирги маълумот олинган кундан эътиборан бир йил ўтишини кутмасданоқ, мулкка бошқарувчи тайинлаши мумкин.

Фукарони бедарак йўқолган деб топиш бошқа хукукий оқибатларни ҳам келтириб чиқариши мумкин. Масалан, фукарони бедарак йўқолган деб топиш топширик шартномасининг бекор бўлишига асос бўлади. Агар фукаро жиноят қилган ёхуд алиментларни ундириш иши бўйича қидирувдан яшириниб юрган бўлса, бундай ҳолларда у бедарак йўқолган деб топилмайди.

Бедарак йўқолган деб топилган фукаро қайтиб келган ёки унинг турар жойи аникланган такдирда, суд унинг бедарак йўқолган деб топиш ҳакидаги қарорни бекор қиласди. Суднинг қарори асосида фукаронинг мол-мулкини бошқариш бекор қилинади (ФКнинг 35-моддаси).

Фукарони вафот этган деб эълон қилиш тўғрисидаги асосий қоида ФКнинг 36-моддасида берилган. Бу қоидада айтилишича, “агар фукаронинг қаерда турганлиги ҳакида унинг яшаш жойида уч йил мобайнида маълумот бўлмаса, башарти у ўлим хавф солиб турган ёки

муайян баҳтсиз ҳодисадан ҳалок бўлган деб тахмин қилиш учун асос бўладиган вазиятларда бедарак йўқолган бўлиб, унинг каердалиги ҳакида олти ой мобайнида маълумотлар бўлмаса, манфаатдор шахсларнинг аризасига мувофиқ, суд уни вафот этган деб эълон қилиши мумкин.

Ҳарбий харакатлар муносабати билан бедарак йўқолган ҳарбий хизматчи ёки бошқа фуқаро ҳарбий харакатлар тамом бўлган кундан эътиборан камида икки йил ўтганидан кейин суд томонидан вафот этган деб эълон қилиниши мумкин”.

Фуқаро вафот этган деб эълон қилинганда унинг ҳукукий муносабатлари тугайди, мулкига нисбатан мерос очилади, шахсий мажбуриятлари тамом бўлади ва ҳоказо.

Башарти вафот этган деб эълон қилинган фуқаро тирик бўлса, унинг барча ҳукукий муносабатлари амалда давом этаверади. Вафот этган деб эълон қилинган фуқаро кайтиб келган тақдирда ёки унинг қаерда турғанлиги маълум бўлган тақдирда, уни вафот этган деб эълон қилиш ҳакидаги қарор суд томонидан бекор қилинади.

Фуқарони вафот этган деб эълон қилиш ҳакидаги қарор бекор қилинганидан кейин у ҳар қандай шахсдан бу шахсга бепул ўтиб колган мавжуд мол-мулкини ўзига қайтариб беришни уч йил (ФКнинг 150-моддаси талабига кўра) мобайнида суд орқали галаб қилишга ҳакли.

Агар вафот этган деб эълон қилинган фуқаронинг мол-мулки, унинг ворислари томонидан учинчи шахсларга сотилган бўлиб, бу шахслар харид пулинни фуқаро кайтиб келган пайтгача тўламаган бўлсалар, бу ҳолда, тўланмаган суммани талаб қилиш ҳукуки қайтиб келган фуқарога ўтади.

Вафот этган деб эълон қилинган фуқаронинг мол-мулкини ҳақ тўлашни назарда тутадиган битимлар асосида олган шахсларнинг мол-мулкини вафот этган деб эълон қилинган фуқаронинг тириклигини била туриб, сотиб олганликлари исботланса, улар фуқарога бу мол-мулкини қайтариб беришлари шарт. Бундай мол-мулкини асли ҳолида қайтариб беришнинг имкони бўлмаса, унинг киймати тўланади.

Агар вафот этган деб эълон қилинган шахснинг мол-мулки мерос ҳукуки бўйича давлатга ўтган ва сотиб юборилган бўлса, фуқарони вафот этган деб эълон қилиш ҳакидаги қарор бекор қилинганидан кейин, унга мол-мулкини сотишдан тушган пул қайтариб берилади (ФКнинг 37-моддаси).

8 §. Фуқаролик ҳолати ҳужжатларини қайд этиш

ФКнинг 38-моддасига мувофиқ, қуйидаги фуқаролик ҳолати ҳужжатлари давлат томонидан қайд этилиши керак:

- Туғилиш;
- Ўлим;
- Никоҳ тузилганлиги;

- Никоҳдан ажралиш.

Фуқаролик ҳолати хужжатларини қайд этиш фуқаролик ҳолати хужжатларини ёзиш органлари томонидан фуқаролик хужжатларини қайд этиш дафтариға тегиши ёзувларни киритиш ҳамда шу ёзувлар асосида фуқароларга гувоҳномалар бериш йўли билан амалга оширилади.

Фуқаронинг шахсий ҳаётдаги ҳамда жамиятдаги хукукий ҳолати (фуқаролик ҳолати, унинг фуқаролик хукуқи ва оила хукукининг субъекти сифатида танилиши учун аҳамиятли ҳисобланган юкоридаги фактлар давлатнинг тегиши органлари томонидан қайд қилинади.

Фуқаролик ҳолати далолатномаларининг рўйхатга олиш шаҳар ва туман марказларида, фуқаролик ҳолати далолатномаларини ёзиш (ФҲДЁ) бўлими томонидан; фуқароларнинг ўзини-ўзи бошқариш органлари котиблари томонидан олиб борилади.

Фуқаронинг туғилиш фактини рўйхатга олиш мазкур фуқарога нисбатан фуқаролик хукуқ лаёқатини вужудга келганилигини ва боланинг маълум ота-онадан туғилганилигини белгилаш учун зарур. Фуқаронинг фақат маълум ёшта тўлгандан сўнг муомала лаёқатига эга бўлганилиги сабабли, туғилиш фактини олиш мазкур фуқарога ФҲДЁ бўлими фуқаролик муомала лаёқатининг вужудга келганилигини белгилаш учун ҳам аҳамиятлидир. Боланинг туғилиши тўғрисидаги ариза ФҲДЁ органига бир ойлик муддат ичидан боланинг ота-онаси ёки улардан бири томонидан, алоҳида ҳолларда эса, кўшилари, кариндошлари, тиббиёт муассасалари маъмурияти, ички ишлар ёки васийлик ва ҳомийлик органлари томонидан берилиши мумкин. Туғилиш тўғрисидаги ариза бола ўлик туғилган тақдирда ҳам берилиши шарт. Ўлик туғилган бола туғилишдан кейин 24 соат ичидан ФҲДЁ идорасида қайд этилиши керак.

Никоҳни қайд этиш муҳим давлат аҳамиятига эга бўлган хужжат ҳисобланади. Оила қонунчилигида белгиланишича фақат ФҲДЁ идораларида қайд этилган никоҳгина эр ва хотин учун муайян хукуқ ҳамда мажбуриятларни вужудга келтиради. Никоҳ никоҳланувчиларнинг тураржойлари бўйича, Ўзбекистон Республикаси Оила қонунчилигига риоя килиниб, рўйхатдан ўтказилади.

Никоҳдан ажралиш эр-хотиннинг розилиги бўйича ёки суднинг никоҳни бекор қилиш тўғрисидаги ҳал қиласув қарори асосида қайд этилади. Эр ва хотиннинг ажралишлари ФҲДЁ идораларида қайд этилгандан кейингина тан олинади ва улар ўртасида эр ва хотинликка оид хукуқ ҳамда мажбуриятлар бекор бўлади.

Фуқаронинг вафот этганлиги ёки вафот этган деб эълон қилинганлигини қайд этиш ҳам муҳим аҳамиятга эга. Фуқаронинг ўлим факти қайд этилиши хукуқ лаёқатини бекор қиласади. Шу муносабат билан вафот этганинг хукуқ ва мажбуриятлари тамом бўлади. Унинг мулкига нисбатан мерос очилади. Фуқаронинг вафот этганлиги тўғрисидаги маълумот ўлим факти тўғрисидаги тиббиёт гувоҳномаси билан уч кундан

кечикитирилмай ФХДЁ идорасига билдирилиши ва шу муддат ичида ўлим факти қайд этилиши шарт. Ўлдирилган, шунингдек, ўзини-ўзи ўлдириган ёки баҳтсиз ходисадан ўлган ёки мурда топилган пайтдан бошлаб 24 соат ичида ўлим сабаби тўғрисида тиббийт муассасаси томонидан берилган гувохномага мувофиқ ФХДЁ органида қайд этилади. Ўлим факти тўғрисидаги аризалар ва марҳумнинг яқин кишилари ёки туарр-жой идораси томонидан, зўрлик билан ўлдирилиши, ўзини ўзи ўлдириши ёки баҳтсизлик ходисасидан ўлиш ҳолларидаги тегишли маълумотлар тергов органлари ёхуд милиция томонидан берилиши лозим.

Фарзандликка олиш факти бу тўғрида шаҳар (туман) ҳокимлиги томонидан чиқарилган карорга биноан рўйхатдан ўтказилади. Фарзандликка олинувчининг насаби ва ота исми сифатида фарзандликка олувчининг насаби ва исми кўрсатилишида ёки фарзандликка олувчи эр ва хотин боланинг ота-оналари сифатида ёзилишида боланинг туғилиши тўғрисида ёзилган маълумотларга тегишлича ўзгартиришлар киритилади. Фарзандликка олишининг бекор килиниши ҳам шаҳар (туман) ҳокимлеклари қарори билан расмийлаштирилади ва ФХДЁ идорасида қайд этилади.

Фуқаролар фамилия ва исм ҳамда ота исмини ўзгартириш тўғрисида 16 ёшга тўлғанларидан сўнг, ФХДЁ идораларига мурожаат қилишлари мумкин. Фуқаронинг иши терговда ёки у судланган бўлса, шунингдек, давлат ҳокимияти идоралари норозилик билдира, ФХДЁ идораларида насаб ва исмларнинг ўзгартирилишига йўл кўйилмайди ва бу масала суд томонидан ҳал этилади.

Оталикни белгилаш никоҳда бўлмаган ота-онадан туғилган болага оталикни белгилаш ота ва онаси (агар отаси вояга етмаган бўлса, унда унинг ота-онаси ёки қонуний вакили) томонидан берилган биргаликдаги ариза асосида ФХДЁ органида амалга оширилади. Оталикни белгилашда ота-онанинг шахсан иштироки талаб этилади. 10 ёшга тўлған болага нисбатан оталик унинг розилиги билан белгиланади.

ФХДЁ органи оталикни белгилаш ҳақидаги ариза асосида туғилганлик ҳақидаги далолатнома ёзувига тегишли ўзгартиришлар киритади.

Агар оталик белгиланган шахс никоҳ тузган бўлса, у ҳолда ФХДЁ органи никоҳ тузилганлиги ва болаларининг туғилганилиги ҳақидаги далолатнома ёзувларига тегишли ўзгартиришлар киритади, шунингдек, оталикнинг белгиланганлиги ҳақида маълумотнома беради.

Фуқаролик ҳолатлари хужжатлари ёзувларини бекор килиш ва тиклаш ФХДЁ идоралари томонидан манбаатдор шахслар ўртасида низо бўлса ёки фуқаролик ҳолати хужжатларидаги ёзувларда жиддий тафовутлар бўлса, суд қарорига асосан амалга оширалади. Ушбу фактларнинг давлат, жамият ва фуқаролар ҳаётидаги ахамиятидан келиб чиқиб, ФХДЁ органлари архивларида улар тузилган кундан бошлаб, 75 йил

мобайнида сакланади. Бу муддат тугагач, ушбу далолатнома ёзувлари дафтарлари тегишли шаҳар, вилоят ва республика ФХДЁ архивларига топширилади.

Фуқаронинг туғилиши, никоҳга кириши, никоҳнинг бекор килиниши, фарзандликка олиниши, фамилияси, отаси исмининг ўзгартирилиши, фуқаронинг ўлими фактларини қайд этиш Ўзбекистон Республикаси Оила кодексига риоя қилган холда Ўзбекистон Республикаси шаҳар ва туман хокимларлари фуқаролик ҳолатлари далолатномаларини ёзиш бўлимларида ёхуд ҳамда ўзини ўзи бошқариш идораларида, фуқаролик ҳолати далолатномаларини қайд этиш қоидаларига мувофиқ, расмийлаштирилади.

Назорат учун саволлар

1. Хукуқ лаёқатига таъриф беринг.
2. Муомала лаёқати деганда нимани тушунасиз?
3. Васийлик кимларга нисбатан белгиланади?
4. Кимлар васий ёки ҳомий этиб тайинланиши мумкин эмас?
5. Кайси фуқаролик ҳолати хужжатлари давлат томонидан қайд этилади?
6. Фуқарони бедарак йўқолган деб топиш қандай хукукий оқибатларни келтириб чиқариши мумкин?
7. Фарзандликка олиш қандай амалга оширилади?
8. Фуқарони бедарак йўқолган деб топиш қандай оқибатларни келтириб чиқаради?
9. Қайси фуқаролик ҳолати хужжатлари давлат томонидан қайд этилиши керак?
10. Фуқаро вафот этган деб эълон қилинганда нималар вужудга келади?

VI БОБ. ЮРИДИК ШАХСЛАР – ФУҚАРОЛИК ҲУҚУҚИННИНГ СУБЪЕКТИ СИФАТИДА

1 §. Фуқаролик ҳуқуқида юридик шахс тушунчаси ва белгилари

Тарихий манбаларнинг гувоҳлик беришича, азалдан мулкий муносабатларда жисмоний шахслар билан бир қаторда маълум даражадаги мулк маблағига эга бўлган айрим бирлашмалар ҳам иштирок этганлар. Бундан XXV аср олдин Рим давлатида хусусий корпорациялар мавжуд бўлиб, улар диний мақсаддаги уюшмалар (*sodalitates, collegia sodalicia*), моҳир дурадгорлар уюшмаси (*faborrum, pistorum*)дан иборат эди.

Рим юристларидан бири – Гайнинг гувоҳлик беришича, XII жадвал конунлари диний мақсаддаги уюшмаларга ўzlari учун конунга хилоф бўлмаган ҳолда низом яратишлари учун ҳуқук берганлар. Рим республикаси даврида кўплаб корпорациялар, жумладан: (*collegia apparitorum*), яъни, магистрлар хизматчилири корпорацияси, турли ўзаро ёрдам кўрсатувчи бирлашмалар, шунингдек, (*coollegia funeratucia*) дафн этиш маросимини ўтказиш билан шуғулланувчи корпорациялар ҳамда (*collegia publicanorum*) Римнинг сиёсий ва хўжалик ҳаётида муҳим ўрин тутган, давлат билан шартнома тузиб, давлат сармояси хисобидан давлат именияларида унинг учун йирик курилиш ишларини олиб борувчи тадбиркорлар бирлашмаси ва бошқалар мавжуд бўлган. Уларнинг кўпчилиги тамойилиат даврида юридик шахс сифатида эътироф этилган.

Фуқаролик ҳуқуқининг мустақил субъектлари сифатида фуқаролик-ҳуқуқий муносабатларда қатнашиш ва шу муносабат билан муайян ҳуқук ва мажбуриятларга эга бўлиш лаёкати нафакат фуқароларга, балки юридик шахсларга ҳам берилади.

Ўзбекистон Республикасида юридик шахслар фаолиятини тартиба солувчи қонунларнинг бутун бир туркуми вужудга келтирилган. Сиёсий партиялар, Оммавий ахборот қоситалари, Банклар ва банк фаолияти, Нотариат, Маъсулияти чекланган ва кўшимча маъсулиятли жамиятлар, Хўжалик ширкатлари, Хусусий корхоналар, Акциядорлик жамиятлари ва акциядорларнинг ҳуқуқтарини ҳимоя қилиш, Виждан эркинлиги ва диний ташкилотлар, Нодавлат нотижорат ташкилотлар, Жамоат фонdlари, Биржа ва биржа фаолияти, Микрокредит ташкилотлари, Риэлторлик фаолияти тўғрисидаги қонунлар шулар жумласидандир. Уларнинг ҳар бирида турли хўжалик юритиши шаклига эга бўлган у ёки бу юридик шахсларга ўзига хос таърифлар, тушунчалар берилган.

Амалдаги Фуқаролик кодекси уларнинг барчасини умумлаштириб, куйидагича таъриф беради:

Ўз мулкида, хўжалик юритишида ёки оператив бошқарувида алоҳида мол-мулкка эга бўлган ҳам ўз мажбуриятлари юзасидан ушбу мол-мулк билан жавоб берадиган, ўз номидан мулкий ва шахсий номулкий

хукукларга эга бўла оладиган ва уларни амалга ошира оладиган, мажбуриятларни бажара оладиган, судда даъвогар ва жавобгар бўла оладиган ташкилот юридик шахс ҳисобланади (ФКнинг 39-моддаси).

Юқорида берилган таърифга кўра, ҳар қандай ташкилот эмас, балки муайян талабларга жавоб берадиган ташкилотларгина юридик шахс бўла олади.

Юридик шахслар:

- ташкилий бирлик;
- мулкий мустақиллик;
- мустақил мулкий жавобгарлик;
- фуқаролик муомаласида ўз номидан ҳаракат қилиш белгиларига эга бўлиши керак.

Ташкилий бирлик – бу юридик шахснинг хукуқ субъекти сифатида ташкил бўлганлигини, муайян хукуқ ва мажбуриятларга эга бўлишини билдиради.

Юридик шахснинг ташкилий жиҳатдан тузилишини кўрсатадиган Устави ёки низоми бўлиши керак. Баъзи давлат муассасалари ва давлат бюджетида бўлган бошқа давлат ташкилотлари, шунингдек, қонунда назарда тутилган ҳолларда, бошқа ташкилотлар ҳам алоҳида низомга эга бўлмай, мазкур турдаги ташкилотлар ҳақидаги умумий низом асосида иш олиш борицлари мумкин.

Юридик шахсларнинг айрим филиаллари (хўжалик бўлимлари, участкалари, агентликлари) маълум гизимга эга бўлган, муайян тарзда ташкил этилган бўлса ҳам, улар бутун бир ташкилот (корхона муассасаси) ишининг бир қисми нигина бажарувчи ташкилотлар бўлгани боис, юридик шахс бўла олмайди. Масалан, Мирзо Улугбек номидаги Ўзбекистон Миллий университетининг юридик факультети муайян шаклда ташкил топиб, иш олиб бориш тартиби, кафедра аъзолари ўртасидаги ўзаро муносабатлар, факультет деканининг ваколатлари белгиланган бўлса ҳам, юридик шахс ҳисобланмайди.

Мулкий мустақиллик – фуқаролик хукукининг субъекти бўлиши учун юридик шахс ҳисобланган ҳар қандай ташкилотнинг ўзига хос мулки бўлиши, ҳар қайси давлат ташкилотининг ўзига бириктирилган мулки бўлишини тақазо қиласи. Бошқача айтганда, юридик шахслар мустақил баланс ёки сметага эга бўлишлари керак (ФКнинг 39-моддаси, 2-банди).

Юридик шахсларнинг мол-мулки уларнинг уставига мувофиқ вужудга келтирилади. Устав фонди таъсисчиларнинг кўшган пул маблағлари, кўчмас мол-мулклари, аъзолик бадалларидан, тадбиркорлик фаолиятидан топилган даромадларидан, фуқароларнинг ихтиёрий хайрия маблағларидан, акцияларидан тушган девидендерлардан ва қонунда ман этилмаган ўзга манбалардан ташкил топади. Сиёсий партияларни молиялашириш Ўзбекистон Республикасининг 2009-йил 28-августдаги Конун билан амалга оширилмоқда.

Давлат ташкилотлари давлаттга қарашли мулкка нисбатан тўла хўжалик юритиш ёки оператив бошқариш хукуқигагина эгадирлар. Жамоа хўжаликлари, бошқа кооператив ва жамоат ташкилотлари, уларнинг бирлашмалари ўзларига мулк хукуки асосида тегишили бўлган мулкни эгаллади. Алоҳида мулкка эга бўлмаган ёки мустақил равишда бошқара олмайдиган ва шу сабабли бошқа шахслар билан хўжалик муносабатларида бўла олмайдиган ташкилотлар фуқаролик хукукининг субъекти бўлиб ҳисобланмайди.

Мустақил мулкий жавобгарлик – юридик шахс ҳисобланган ташкилот ўз мажбуриятлари юзасидан ўзига тегишили бўлган (давлат ташкилоти эса, ўзига биринчириб кўйилган) мулки билан жавоб беради. Юридик шахс ҳисобланган давлат ташкилотларининг мажбуриятлари юзасидан давлат жавобгар бўлмайди, бу ташкилотлар ҳам давлат ташкилотлари мажбуриятлари юзасидан жавобгар бўлмайдилар. Давлат бюджетида турдиган ташкилотларининг қарзини қоплаш, маблаг бериш шартлари ва тартиби Ўзбекистон Республикаси қонунлари билан белгиланади.

Юридик шахснинг юкори органи ўзига қарашли юридик шахс ҳисобланган ташкилотларининг қарзлари юзасидан жавобгар бўлмайди. Аммо юридик шахснинг юкори органи ўзига бўйсунадиган ташкилотнинг қарзлари учун қонунда ёки низомда назарда тутилган ҳолларда жавобгар бўлиши мумкин. Кўйи ташкилотлар ҳам ўзларининг юкори ташкилотлари мажбуриятлари юзасидан жавобгар бўлмайдилар. Юридик шахслар ўз мажбуриятлари бўйича ўзларига қарашли бутун мол-мулки билан жавоб беради. Давлат корхонасининг мол-мулки етарли бўлмаганида давлат унинг мажбуриятлари бўйича субсидиар жавобгар бўлади.

Юридик шахснинг банкротлиги унинг мулқдори ёки таъсисчининг гайриконуний ҳаракатлари туфайли вужудга келган бўлса, юридик шахснинг мол-мулки етарли бўлмагандан, унинг мулқдори (ёки муассиси) зиммасига субсидиар жавобгарлик юклатилиши мумкин.

Фуқаролик муомаласида ўз номидан ҳаракат килиш - юридик шахс ҳисобланган ташкилот ўз номидан хукукий муносабатларда қатнашиб, турли битимлар тузা олиши, мулкий ва мулкий хусусиятда бўлмаган хукукларга эга бўла олиши ва мажбуриятларни вужудга келтира олиши демакдир. Юридик шахс судда, хўжалик судида мустақил равишда даъвогар ва жавобгар бўла олади.

Ҳар бир юридик шахс ўз фирма номига эга бўлиши талаб этилади. Фирма номи юридик шахснинг ташкилий-хукукий шаклини билдиради. Масалан, “Наргиза” савдо-ишлаб чиқариш жамоа корхонаси. Бу ерда “Наргиза” корхонанинг номи, яъни, корхонанинг маҳсулот ва хизматлари “Наргиза” ёрлиғи остида чиқарилади. “Савдо-ишлаб чиқариш” корхона фаолиятининг хусусиятини, жамоа корхонаси корхонанинг жамоа мулкчилигига асосланганлигини билдиради.

Шунингдек, юридик шахслар расмий номга, яъни давлат томонидан берилган номга эга бўлишлари ҳам мумкин. Юридик шахсларга расмий номни Ўзбекистон Республикаси Президенти ёки хукумати беради. Масалан, Ўзбекистон Республикаси Президентининг 2013 йил 28 июндаги Фармонига кўра, Тошкент Давлат юридик институти мақоми ўзгартирилиб, унга Тошкент Давлат юридик университети номи берилди.

2 §.Юридик шахслар тўғрисидаги назариялар

Юридик шахс институтини такомиллаштириш ўта муҳим ва жуда қийин масалалардан бири бўлиб, уни чукур илмий тадқиқотларсиз ҳал этиб бўлмайди. Тарихдан маълумки, юридик шахсларни такомиллаштириш масаласи юридик шахс тушунчаси вужудга келган даврлардан бошлаб олиб борилган бўлиб, XIX асрда бир қатор фундаментал назариялар яратилган. Ушбу назариялар ҳозирги замон қивилистика фанида ҳам ривожлантирилмоқда.

Юридик шахсларнинг замирида қандай маъно ётганилигини аниқлаш учун юридик шахслар тўғрисидаги турли назарияларни икки гурухга ажратиш лозим.

Ушбу назарияларнинг биринчи гурухига машхур тарихий мактабнинг асосчиси **Фридрих Карл фон Савиньянинг** ишини келтириш мумкин. Унинг концепцияси юридик шахс назарияларининг биринчиларидан бири бўлиб, у «**Ўйдирма назарияси**» номини олди. Савиньянинг фикрича, хуқуқ субъекти хусусиятларига фақатгина инсон эгалик қиласи. Аммо қонун чиқарувчи амалий мақсадда тан оладики, юридик шахслар асосида инсон шахсияти ётади, дея инсонни юридик шахснинг тимсолига айлантиради. Шундай йўл билан қонун чиқарувчи юридик ўйдирмани ишга солади, яъни ўйлаб чиқарилган хуқуқ субъектини яратади.¹

Алоиз фон Бринц томонидан таклиф этилган «**Мақсадга йўналтирилганлик**» назариясининг ўйдирма назарияси билан умумий томонлари шундаки, у ҳам юридик шахс хусусиятларига эга бўлган реал субъектнинг мавжудлигини инкор этади. Юридик шахс институтининг асосий мақсади фақатгина мулкни бошқариш бўлар экан, юридик шахс мақсадга йўналтирилганликдан бошқа нарса эмас.²

Юридик шахс назариясининг иккичи гурухи юридик шахснинг хақиқатда мавжудлигини асослаш тезисидан келиб чиқади. Асосий тезис **Карл Георг фон Безелер** томонидан илгари сурилган бўлиб, у «**Мавжудлик назарияси**» деб аталади ва ўйдирма назариясига умуман қарама-қарши назария ҳисобланади. У хуқуқ субъекти сифатида нафақат алоҳида шахслар, балки ижтимоий организмлар ҳам иштирок этиши

¹ Сергеев А.П., Толстой Ю.К. Гражданское право. –М., Проспект. 2002. –С. 147.

² Там же.

мумкинлигини эътироф этди. Ушбу назариянинг бошқача номи «Ижтимоий организмлар назарияси»дир.¹

Мавжудлик назариясининг давоми француз цивилисти Р.Саллейл ишларида мужассамланди. У Безелер ва Гиркенинг қарашларига асосан юридик шахсларнинг биологиялашувидан озод килишга эришиді жаңа натижада Р.Саллейлининг «Реалистик назарияси» тұлық ва чуқуррок ишланған реалистик йұналишдаги концепцияга айланды. Жамият унинг аъзолари каби реал хисобланған инсонлар жамоаси, бирлашмаларининг ўзаро муносабати эвазига мавжуд бўлади. Бундай бирлашмаларнинг мақсади унинг аъзолари хошишларидан келиб чиқади. Қонун сохта юридик бирлашмаларни ташкил этмайди, балки фақатгина шахслар бирлашмасини хукукнинг мустақил субъектлари сифатида тан олади.²

Рудольф фон Иерингнинг «Кизикини назарияси» ҳам юридик шахс назариялари ичилда алохуда гурухни ташкил этади. Иерингнинг тажминига кўра, юридик шахс ҳақиқий-табиий хукуқ субъекти сифатида мавжуд эмас. Бу юридик уйдирмадан бошқа нарса эмас. Хукуқ бу – қонуний химоя бўлса, қонун чиқарувчи инсонлар гурухига хукукий химоя бераяти, уларнинг жамиятда бир бутун сифатида иштирок этишига рухсат бераяти. Лекин бу Иерингнинг фикрича, хукукнинг янги субъекти пайдо бўлганини англатмайди.³

Собиқ шўро юридик илми юридик шахсларни ўрганишга жиддий эътибор берди. 40-50-йилларда ушбу институтга бағишланған кўплаб илмий тадқиқотлар пайдо бўлди. Бу даврда цивилист олимлар ўз эътиборларини кўпроқ давлатга тегишли юридик шахсларни ўрганишга қаратдилар.

Бу даврга келиб, асосан, учта давлат юридик шахсларини изохловчи назария яратилди.

Академик А.Веникдитов томонидан «Жамоа назарияси» таклиф этилди. Ушбу назарияга кўра давлат юридик шахсларининг хукуқ субъекти сифатида ишчи ва хизматчилар корхона жамоаси (коллективи) ва бошқа ҳалқ жамоалари (коллективлари) эътироф этилиши мумкин.

«Давлат назарияси» С.И.Аскнази томонидан ишлаб чиқилди. Ушбу назарияга асосан ҳар бир давлат корхонаси ортида унинг мол-мулки эгаси – давлат туради. Унга кўра юридик шахснинг инсоний асосини ушбу корхонанинг меҳнат жамоаси дейиш мумкин эмас. Давлат юридик шахси бу ҳўжалик муносабатларининг маъзум участкасида ҳаракат қилувчи давлатнинг ўзидир.

«Директор назарияси» Ю.К.Толтой томонидан таклиф этилган ва унинг ишларида тўла ўрганилган. Ушбу назарияга биноан юридик шахснинг асосий мақсади фуқаролик хукукий муносабатларида иштирок

¹ Сергеев А.П., Толстой Ю.К. Ук.соч..147-148 с.

² Сергеев А.П., Толстой Ю.К. Ук.соч. 148-149 с.

³ Сергеев А.П., Толстой Ю.К. Ук.соч. 148-149 с.

этиш имкониятига эга бўлишdir. Фақат директорга фуқаролик хукуқий муносабатларида корхона номидан иштирок этиш ваколати берилган. Шунинг учун, айни у, давлат юридик шахснинг юридик ташувчиши хисобланади.

Бундан ташқари Д.М.Генкин ва Б.Б.Черепахин томонидан таклиф этилган юридик шахсларнинг «Социал реаллик назарияси», О.А.Красавчиковнинг «Социал алоқалар назарияси», А.А.Пушкин ва Б.И.Пугинскийлар илгари сурган «Ташкилот назарияси» каби назариялар ўша давр учун жуда муҳим аҳамиятга эга бўлган.

Бир вактнинг ўзида юридик шахслар тўғрисида жуда кўп илмий назарияларнинг мавжуд бўлиши юридик шахс институтининг жуда мураккаб хукуқий табиатга эга эканлигидан далолат беради.

Иқтисодиёт ривожланишининг турли босқичларида биринчи навбатда юридик шахслар тўғрисидаги назарияларнинг хусусиятлари илгари сурилди. Бу эса, ўз навбатида, юридик шахс институти ривожланишининг эволюциясига туртки бўлди.

3 §. Юридик шахснинг хукуқ лаёқати ва муомала лаёқати

Юридик шахс ўз фаолиятида, ўзининг таъсис ҳужжатларида назарда тутилган мақсадларга мувофиқ, фуқаролик хукуқ лаёқатига эга бўлади. Ташкилотлар билан фуқаролар ўртасидаги хукуқ лаёқатларининг ҳажмида фарқ бўлиши мутлақо табиийдир. Ташкилотлар фуқароларга нисбатан белгиланган бирмунча хукуқ ва маҳбуриятларга эга бўла олмайдилар, фақат ўз уставлари ёки низомларида кўрсатилиган фаолият билангина шуғуллана оладилар.

Юридик шахснинг маҳсус хукуқ лаёқати унинг устави, низоми ёки қонун ҳужжатлари билан белгиланади (ФКнинг 41-моддаси, З-банди).

Юридик шахс хисобланган ташкилот ёки корхона қатнашадиган муносабатларнинг доираси унинг ташкил қилинин мақсадлари билан ҳамда амалга оширилиши лозим бўлган ишларнинг ўзига хос хусусиятлари билан белгиланади. Юридик шахс ўзи қатнашадиган муносабатларга караб, муйян хукуқ ва маҳбуриятларга эга бўлади. Шундай килиб, юридик шахснинг хукуқ лаёқати, унга маҳсус юклangan вазифалар билан белгиланади (маҳсус хукуқ лаёқати тамойили). Юридик шахс қонун ҳужжатларида белгилаб қўйилган айрим фаолият турлари билан фақат маҳсус рухсатнома (лицензия) асосидагина шуғулланиши мумкин. Масалан, нефть, нефть маҳсулотлари ва газ қазиб чиқариш, уларни кайта ишлаш ва сотиши фаолияти.

Фуқаролик хукуқида фуқароларга нисбатан хукуқ лаёқатининг тенглик тамойили ўрнатилиган, фуқаролик хукуқ лаёқатининг мазмуни

¹ Сергеев А.П., Толстой Ю.К. Ук.соч. -С. 151.

ҳамма фуқаролар учун қонун билан тенг ҳажмда белгиланган бўлса, юридик шахсларнинг хукуқ лаёқати ундан фарқланаби, уларнинг ҳар қайси тури учун ҳар хил бўлади. У барча юридик шахслар учун бирорта умумий ҳажмда олдин эмас, балки аниқ юридик шахснинг пайдо бўлишида, унинг иш мақсадларига қараб, қонун, устав ёки низомларида белгиланади.

Юридик шахсларнинг муомала лаёқати ҳам фуқаролик муомала лаёқатидан фарқ киласди. Агар фуқароларда хукуқ лаёқатидан фарқ қилиб, муомала лаёқати муайян ёшга етгач вужудга келса, муомала лаёқати юридик шахсларда хукуқ лаёқати билан бир вақтда ташкил топади. Шу билан бирга, фуқаролик муомала лаёқатидан фарқ қилиб, юридик шахсларнинг муомала лаёқатини чеклаш ва уни муомалага лаёқатсиз деб топиш мумкин эмас.

Юридик шахс ўз устави ёки низоми асосида ҳаракат қиласди. Юридик шахснинг хукуқ лаёқати, унинг устави ёки низоми тасдиқланган пайтдан бошлаб ёхуд тегишли ваколатли идора ушбу юридик шахсни ташкил этиш ҳақидаги қарор чиқаргандан кейин вужудга келади. Юридик шахс давлат рўйхатидан ўтказилгандан бошлаб ташкил этилган хисобланади (ФКнинг 44-моддаси, 4-банди).

Умумий қоида бўйича, юридик шахснинг таъсис ҳужжатлари қонун талаблари даражасида бўлса, уни уч иш кунида давлат рўйхатидан ўтказиш лозим. Айрим юридик шахсларни ташкил қилиши ва давлат рўйхатидан ўтказиш қонун билан таъқиқ қилинади. Масалан, Конституциявий тузумни зўрлик билан ўзgartиришни мақсад қилиб кўювчи, республиканинг суверенитети, яхлитлиги ва хавфсизлигига, фуқароларнинг конституциявий хукуқ ва эркинликларига қарши чиқувчи, урушни, ижтимоий, миллий, ирқий ва диний адватни тарғиб қилувчи, халқнинг соғлиги ва маънавиятига тажовуз қилувчи, шунингдек, ҳарбийлаштирилган бирлашмаларнинг, миллий ва диний руҳдаги сиёсий партиялар ҳамда жамоат бирлашмаларининг маҳфий жамият ва уюшмаларнинг тузилиши ва фаолияти таъқиқланади.

Юридик шахснинг устави ёки у ҳақидаги низом шундай ҳужжатки, у бунда унинг фаолияти учун юридик аҳамиятга эга бўлган қоидалар мустаҳкамланади. Уставда қўйидаги:

- Юридик шахснинг номи, жойлашган жойи, почта манзили;
- Юридик шахснинг ташкилий-хукукий шакли;
- Мақсади ва фаолият соҳалари;
- Устав фондининг микдори, вақти, шакллантириш тартиби;
- Устав фондини кўпайтириш ва камайтириш;
- Фойдани тақсимлаш ва заарларни қоплаш;
- Фаолият устидан назорат қилиш;
- Мехнат муносабатлари;
- Ҳужжатларни саклаш ва ахборот тақдим этиш тартиби;

- Юридик шахсни кайта ташкил этиши ва тугатиш тартиби;
- Конунда назарда тутилган бошқа маълумотлар кўрсатилади.

Баъзи ҳолларда, юридик шахсни ташкил этишда, мазкур турдаги юридик шахсларнинг ташкилий тузилиши ва фаолиятга доир барча умумий қоидаларни назарда тутган намунавий уставларнинг бўлиши юридик шахс уставини тузиш вазифасини енгиллаштиради. Бундай намунавий уставларга фермер хўжалигининг намунавий уставини қишлоқ хўжалиги кооперативи (ширкат хўжалиги)нинг намунавий уставини мисол килиб кўрсатиш мумкин.

Юридик шахснинг органлари ҳам бўлади. Юридик шахс қонун, устав ёки низом бўйича белгиланган ваколатлар доирасида ҳаракат қилувчи ўз органлари орқали фуқаролик ҳукуклари ва бурчларига эга бўлади.

Юридик шахсларнинг муомала лаёқати, яъни ўз ҳаракатлари билан фуқаролик ҳукуклари ва бурчларини олиш лаёқати, юкорида кўрсатилганидек, уларнинг органлари орқали амалга оширилади. Юридик шахсларнинг органлари қонун, устав ёки низомга мувофиқ равища юридик шахснинг эрк-иродасини ифодалайди ва юридик шахс номидан фаолият олиб боради.

Юридик шахсларнинг органлари якка бошчиликка асосланаб, у директор, раис, бошқарувчи ёки коллегиал бошқарув, вакиллар мажлиси, умумий мажлис (ёки йиғилиш) тартибида бошқарадиган орган бўлиши мумкин.

Давлат ташкилотлари ҳисобланган юридик шахсларнинг органлари, қоида бўйича, якка бошчилик асосида белгиланади. Шу билан бирга якка бошчилик асосида ҳаракат қилувчи органлар ишлаб чиқаришга оид мухим масалаларни ҳал қилишда жамоат ташкилотлари ва меҳнат жамоалари фикри билан ҳам ҳисоблашадилар.

Кооператив ва жамоат ташкилотлари ҳисобланган юридик шахсларнинг органлари иккى турга: якка бошчиликка асосланган (масалан, бошқарув раиси) ёки коллегиал тартибида бошқаришга асосланган (масалан, аъзоларнинг умумий мажлиси, бошқаруви) бўлиши мумкин.

4 §. Юридик шахсларнинг вужудга келиш ва бекор бўлиш тартиби

Фуқаролик ҳукуки фани юридик шахсларни рўйхатдан ўтказиш жараёнида, давлат органлари иштирокининг хусусиятидан қатъий назар, аънанавий равища юридик шахсларни қуидаги усуllibарда вужудга келиши мумкинligини кўрсатади:

1. Буйруқ орқали. Бундай усул билан давлат ташкилотлари ҳисобланган юридик шахслар ташкил топади.

2. Мурожаат килиш усули. Бунда муассислар томонидан тузиладиган юридик шахсларнинг вужудга келиши имконияти қонун томонидан олдиндан белгилаб қўйилмаган бўлади.

3. Рухсат олиш усули. Бундай усулда ташкил топадиган юридик шахсларнинг вужудга келиш имкониятлари қонунларда олдиндан белгилаб кўйилади. Бинобарин, уларнинг ташкил бўлиш-бўлмаслиги, мақсадга мувофиқлиги текширилмайди, балки таъсис хужжатларининг қонунга мувофиқлиги текширилади, холос. Юридик шахс таъсис шартномаси иштирокчилар томонидан тузилади, устави (низоми) эса тасдиқланади.

Таъсис хужжатларида юридик шахсларнинг таркиби ва ваколатлари ҳамда бошқа зарурий маълумотлар бўлиши керак.

Таъсис шартномасида:

- Юридик шахснинг номи, жойлашган жойи, почта манзили;
- Юридик шахслар ва фуқароларнинг якка тадбиркор сифатида давлат рўйхатидан ўтганлиги тўғрисида маълумотлар;
- Максади ва фаолият соҳалари;
- Юридик шахснинг ҳуқуқий мақоми;
- Таъсисчиларнинг ҳуқук ва мажбуриятлари;
- Юридик шахснинг устав фондини шакллантириш тартиби;
- Устав фондини кўпайтириш ва камайтириш;
- Фойдани тақсимлаш ва заарларни қоплаш тартиби;
- Юридик шахсни бошкарув органлари;
- Юридик шахснинг хужжатларини саклаш;
- Юридик шахсни қайта ташкил этиш ва тугатиш тартиби;
- Қонунда назарда тутилган бошқа маълумотлар белгиланади.

Юридик шахс мурожаат қилиш ва рухсат олиш усувлари орқали ташкил топганда, албатта, уни ташкил қилувчилар ташаббускор гурух бўлади. Бу гурух фуқаролар (жисмоний шахслар)дан ҳам, юридик шахслардан ҳам иборат бўлиши мумкин. Улар муассислар ёки таъсисчилар деб аталади. Таъсисчилар орасида давлат ҳам унинг органлари бўлиши мумкин. Муассислар кўп ҳолларда юридик шахснинг мол-мулкини вужудга келтиришга ўз улушини қўшади. Бу улушлар асосида кўп ҳолларда устав фонди ташкил топади.

Фуқаролик конун хужжатлари “таъсисчи” ва “муассис” атамаларининг тушунчаси ҳамда улар ўртасидаги фарқли жиҳатларни белгиламайди. Кўпчилик ҳолларда (айникса, кейинги пайтда “таъсисчи” атамаси ҳуқук нормаларида деярли кўлланилмаяпти. Юридик шахсни ташкил этаётган шахс (ёки шахслар) ҳуқук нормаларида муассис (ёки муассислар) атамаси билан номланмокда. Бу холат эса ўз ўзидан кундалик ҳаётда ишлатилаётган “таъсисчи” ва “муассис” атамаларининг бир хилдаги маънога эгалигини ифодалайди.

Юридик шахс ўз фаолиятида кўзланган мақсад бўйича тижоратчи ва тижоратчи бўлмаган турларга бўлинади (ФКниңг 40-моддаси). Юридик шахсларнинг тижоратчи турлари муассисларнинг фойда олиш мақсадини кўзлаб тузилади. Нотижорат турларида муассислар фойда олиш мақсадини кўзламайдилар.

Қонун ҳужжатларига мувофиқ, тижоратчи юридик шахслар ҳам ва нотижорат юридик шахслар ҳам тадбиркорлик (фойда олишга қаратилган фаолият) фаолияти билан шугулланишлари мумкин, лекин бунда, тижорат юридик шахслардан фарқ қилиб, нотижорат юридик шахслар ўз тадбиркорлик фаолиятларидан олган фойдани фақат аъзоларининг эҳтиёжини қондириш ёки ўзга муштарак мақсадни амалга ошириш учун ишлатадилар. Олинган фойдани бошқа мақсадларда ишлатилишига йўл қўйилмайди. Шу муносабат билан, нотижорат юридик шахсларга нисбатан ФК “фойда олишни мақсад қилиб қўймаган” деган ибора эмас, балки, “фойда олишни ўз фаолиятининг асосий мақсади қилиб қўймаган” ибораси белгиланган. Бу эса, нотижорат ташкилоти тадбиркорлик билан шугулланиши муайян фойда кўриши мумкинлигини белгилайди. Фақатгина нотижорат юридик шахсларнинг асосий мақсади (ёрдамчи ёки бошқа мақсадлар бундан мустасно) фойда олиш бўлмайди, холос.

Юридик шахс бекор бўлганида, уларнинг тижорат турларида, юридик шахс ҳамма кредиторлар билан ҳисоб-китоб қилгандан кейин мол-мулки муассислар ўртасида таксимлаб олинади. Нотижорат хусусиятга эга юридик шахсларда эса қолган мол-мулкка нисбатан муассислар хақ-хукуққа эга бўлмайдилар. Юридик шахсларнинг давлат рўйхатидан ўтиш маълумотлари, шунингдек, ўзига хос номи давлат реестрига киритилади.

Юридик шахсларни рўйхатдан ўтказиши ташкил этишининг мақсадга мувофиқ эмаслиги ҳақидаги асос билан уни рўйхатдан ўтказишини рад этиш фақат юридик шахсларнинг мурожаат этиш усули билан ташкил килиш тартибида қўлланилади. Давлат рўйхатидан ўтказиш рад этилганда судга шикоят билан мурожаат қилиш мумкин. Юридик шахслар давлат рўйхатидан ўтган пайтидан бошлаб тузилган ҳисобланади. Юридик шахсни қайта тузиш бу ҳақдаги тегишли қарор билан амалга оширилади. қарорда муассисларни шартномага қўшилиш ва шартномадан чиқиши тартиби кабилар қўрсатилади. Одатда, тижоратчи юридик шахсларнинг уставлари қонунда белгиланган тартибда туман ҳокимликларида давлат рўйхатига олинадилар. Жамоат бирлашмалари мақомига эга бўлган юридик шахслар, шунингдек, йирик қўшма корхоналар, давлат томонидан ташкил этилган юридик шахслар низомлари маҳсус ваколатни давлат органлари томонидан (Вазирлар Маҳкамаси, Адлия вазирлиги) тасдиқланади. Республикаиз ҳозирги бозор иқтисодиётига босқичмабосқич ўтиш даврида юридик шахслар, кўпинча, қайта ташкил этиш йўли билан бекор бўлади. Қайта ташкил этиш йўли билан турли шаклларда, жумладан, ФКнинг 49-моддасида таъкидланишича, юридик шахсни қайта ташкил этиш:

- қўшиб юбориш,
- қўшиб олиш,
- бўлиш,
- ажратиб чиқариш,

- ўзгартириш шаклларида амалга оширилиши мумкин.

Юридик шахс бирлашганида икки ёки бир неча ташкилот узининг мустақил равишада иш олиб боришини бекор килади ва ягона ташкилотга бирлашади, уларнинг хукуқ ва мажбуриятлари янгидан вужудга келган юридик шахсга ўтади.

Юридик шахс бўлингандага ўз фаолиятини бекор килади ва унинг негизида икки ёки бир неча юридик шахс пайдо бўлади ҳамда аввалгисининг хукуқ ва мажбуриятлари янгидан вужудга келган юридик шахсларга ўтади.

Юридик шахснинг қўшилишида унинг хукуқ ва мажбуриятлари уни қўшиб олаётган юридик шахсга ўтади ҳамда қўшилган юридик шахс ўзининг мустақил равишада фаолият юритишини тўхтатади. Ажралини шаклида эса фаолият юритаётган юридик шахс таркибидан мустақил ташкилот ажралиб чиқади ва ўз холича юридик шахс хукуқини олади.

Кооператив жамоат ташкилотларининг бирлашишига, бўлинишига аъзоларнинг умумий мажлислари (йигилишилари) ва вакиллари мажлиси (йигилиш)нинг қарори асосидагина йўл қўйилади.

Юридик шахсларнинг қайта ташкил қилиш тартиби Ўзбекистон Республикаси конунлари ёки кооператив ва жамоат ташкилотлари уставлари билан белгиланади.

Юридик шахслар қайта ташкил этилганида универсал хукукий ворислик тартибida бошқа шахсга ўтмасдан бекор қилинишига олиб келади.

Фуқаролик кодексининг 53-моддасида юридик шахсларни тугатишни асослари кўйидагича белгиланган:

1. Юридик шахс муассисларининг ёки таъсис хужжатлари билан тугатишга ваколат берилган юридик шахс органининг қарорига мувофиқ;

2. Юридик шахснинг амал қилиш муддати тугаси;

3. Юридик шахсни ташкил этишдан кўзланган мақсадга эришилганлиги муносабати билан;

4. Юридик шахсни ташкил қилиш чоғида қонун хужжатлари бузилишига йўл қўйилганлиги сабабли, агар бу бузилишларни бартараф этиб бўлмаса, суд юридик шахсни рўйхагдан ўтказишни ҳақиқий эмас деб топганида;

5. Юридик шахс фаолияти рухсатномасиз (лицензиясиз) амалга оширилганда;

6. Қонун билан тақиқлаб қўйилган фаолият амалга оширилган тақдиরда;

7. ФКда назарда тутилган бошқа ҳолларда, суднинг қарорига мувофиқ тугатилади;

8. ФКнинг 57-моддасида айтилганидек, юридик шахснинг банкрот деб хисобланиши, унинг тугатилишига олиб келади.

5 §. Юридик шахсларнинг турлари

Юридик шахсларни турлари жамиятда мавжуд бўлган мулк шаклларига бевосита боғлиқдир. Маълумки, Ўзбекистон Республикасида мулк хусусий мулк ва оммавий мулк шаклларида бўлиб, юридик шахслар ҳам, ўз навбатида, давлатга тегишли ва хусусий (нодавлат) юридик шахсларга бўлинади..

ФКнинг 40-моддасида айтилганидек, фойда олишни ўз фаолиятини мақсади қилиб олган (тижоратчи ташкилот) ёки фойда олишни ана шундай мақсад қилиб олмаган ташкилот (тижоратчи бўлмаган ташкилот) юридик шахс бўлиши мумкин.

Тижоратчи бўлган юридик шахслар жумласига хусусий корхоналар, хўжалик ширкатлари ва хўжалик жамиятлари, ишлаб чиқариш кооперативлари ҳамда унитар корхоналар киради.

Тижоратчи бўлмаган юридик шахслар жумласига жамоаг бирлашмалари, жамоат фондлари ва мулқдор томонидан молиявий таъминлаб туриладиган муассасалар киради.

Тижоратчи бўлмаган ташкилотлар ўз уставида белгиланган мақсадларга мос келадиган доираларда тадбиркорлик фаолиятлари билан ҳам шуғулана олади. Нодавлат нотижорат ташкилотларнинг давлат ва жамият ҳәтидаги аҳамиятидан келиб чиқиб, 1999 йил 14 апрелда Ўзбекистон Республикасининг Нодавлат нотижорат ташкилотлар тўғрисидаги Конуни қабул килинди ва амалга киритилди.¹

ФКнинг 77-моддасига кўра юридик шахслар ўзларининг фаолиятларини мувофиқлаштириш, шунингдек, муштарак манфаатларини ифода этиш ҳамда ҳимоя этиш мақсадида уюшмалар (иттифок) шаклида бирлашмалар тузишлари мумкин. Уюшма юридик шахс ҳисобланыб, унинг аъзолари ўз мустақилликларини ва юридик шахс хукукларини саклаб коладилар. Уюшма ўз аъзоларининг мажбуриятлари бўйича уюшманинг таъсис хужжатларида назарда тутилган миқдорда ва тартибда субсидиар жавобгар бўлади.

Фуқароларнинг ўзини-ўзи бошқариш органлари ҳам юридик шахс сифатида фуқаролик-хукукий муносабатларнинг катнашчилари (ФКнинг 78-моддаси).

Умуман, юридик шахслар ўз фаолиятларида Фуқаролик кодекси нормаларига, соҳа қонунларига, шунингдек, уставларига ва бошқа таъсис хужжатларига асосланган ҳолда иш олиб борадилар.

¹ Ўзбекистон Республикаси Олий Мажлиси Ахборотномаси. 1999, N 5, 115-модда.

6 §. Юридик шахсларнинг филиаллари ва ваколатхоналари

Юридик шахсларнинг ваколатхоналари ва филиаллари уларнинг алоҳида таркибий бўлинмаси бўлиб, уларнинг фаолият соҳасини ва иқтисодий манфаатларини кенгайтиришга хизмат қиласи.

Юридик шахслар ўз манфаатларини амалга ошириш ва ҳимоя қилиш учун шароит яратиш мақсадида ўзи жойлашган ердан ташкарида ўзига қарашли бўлган ваколатхона ва филиалларни очади.

Юридик ва жисмоний шахслар ўз вазифаларини амалга ошириш ва ахолига яқиндан хизмат кўрсатиш максадларида ўз филиаллари (бўлимлари, идоралари, агентликлари) ни ташкил этишлари мумкин.¹

Филиал юридик шахснинг у турган ердан ташкарида жойлашган ҳамда унинг барча вазифаларини ёки вазифаларининг бир қисмини, шу жумладан, ваколатхона вазифаларини бажарадиган алоҳида бўлинмасидир (ФКнинг 47-моддаси, 2-банди).

Агар қонун ҳужжатларида бошқача тартиб белгиланмаган бўлса, филиал юридик шахснинг таркибий қисми бўлиб, мустақил юридик шахс хисобланмайди ва муайян бир жойда юридик шахснинг вазифаларини бошқаришга хизмат кўрсатиш мақсадида тузилади.

Филиаллар ўзларига берилган ваколатлар доирасида баъзи юридик ҳаракатларни қилишлари мумкин. Аммо бундай ҳаракатлар натижасида олинган мажбуриятлар юзасидан юридик шахс мулкий жавобгар бўлади.

Ваколатхона юридик шахснинг у турган ердан ташкарида жойлашган, юридик шахс манфаатларини ифодалайдиган ва уларни ҳимоя киладиган алоҳида бўлинмасидир. Қонунда бошқача тартиб белгиланмаган бўлса, ваколатхона ва филиаллар юридик шахс хисобланмайди. Улар ўзларини ташкил этган юридик шахс томонидан мол-мулк билан таъминланадилар ҳамда у тасдиқлаган низом асосида иш олиб борадилар. Ваколатхона ва филиалларнинг раҳбарлари юридик шахс томонидан тайинланади ҳамда унинг ишончномаси асосида иш олиб боради (ФКнинг 47-моддаси).

Филиаллар ва ваколатхоналар юридик шахс томонидан очилади, унинг алоҳида қисмларидан бўлиб хисобланади, юридик шахс томонидан берилган ваколатларни унинг номидан амалга оширади. Уларнинг мажбуриятлари бўйича юридик шахс жавобгар бўлади.²

Ваколатхона ва филиаллар уларни ташкил этган юридик шахснинг таъсис ҳужжатларидан кўрсатилган бўлиши керак.

Ваколатхоналар фуқаролик муомаласида улар ташкил этувчи юридик шахс номидан иш кўради, яъни унинг манфаатларини ифода йайди ва ҳимоя қиласи. Хусусан, ваколатхоналар алоҳида шартномалар тузиши,

¹ Зокиров И.Б. Фуқаролик ҳукуки. –Т., ТДЮИ, 2006. -Б.133.

² Рахмонкулов Ҳ.Р. Фуқаролик ҳукуки муаммолари. –Т., ТДЮИ. 2010. -Б. 184.

уларнинг ижрессини назорат этиши, ўз ташкилотига оид тижорат ва ихтимоий хусусиятга эга реклама билан шугууланиши мумкин.

Филиаллар фаолиятининг предмети ва соҳаси анча кенгрок улар юридик шахс манфаатларини ифодалаш билан бирга, барча вазифаларини ёки вазифаларининг бир қисмини, шу жумладан, ваколатхона вазифаларини бажаради. Юридик шахс шугулланётган ишлаб чиқариш ва хўжалик фаолиятини олиб бориш ҳукуки фақат филиалга берилади.

7 §. Юридик шахсларнинг товар белгилари, хизмат кўрсатиш белгилари ва товар келиб чиқсан жой номларига бўлган ҳукук

Ўзбекистон Республикасида товарлар ишлаб чиқарадиган, хизматлар кўрсатадиган ва хўжалик-тижорат фаолияти билан шугулланадиган ҳамда фуқаролик муомаласида қатнашадиган ҳар бир юридик шахс ўзига хос товар белгиси ва хизмат кўрсатиш белгисига эга бўлади. Бу белгилар бир юридик шахснинг товарлари ва хизматларини бошқа юридик шахсларнинг турдош товарлари ва хизматларидан фарқлаш учун хизмат киладиган белгилардир.

Товар белгилари тарихи жуда узок ўтмишга бориб тақалади. Айрим тадқиқотчиларнинг фикрича, минг йиллар олдин ишлаб чиқарилаётган ашёлар, товарлар ёки ҳайвонларга турли маҳсус белгилар қўйилиб, улар ушбу ашёларнинг кимга тегишилигини ёки ким ишлаб чиқарганини кўрсатиб турган. Бундай белгилар қадимги Хитой, Юнонистон, Миср ва Римда мавжуд бўлган.¹

Товар белгиси сифатида тасвиirlар, сўзлар, муайян шакл тарзидағи белгилар ва бошқа белгилар ёки уларнинг исталган бир рангдаги ёки турли рангдаги жамлама ифодаси товар белгилари сифатида рўйхатдан ўтказилади.

Товар белгисини рўйхатдан ўтказиш тўғрисидаги талабнома юридик ёки жисмоний шахслар томонидан шахсан ёки патент идорасида рўйхатга олинган патент вакили орқали берилиши мумкин.

Жамоат манфаатларига, инсонийлик ва аҳлоқ қоидаларига зид бўлган белгилар товар белгиси ёки товар белгисининг қисми сифатида рўйхатдан ўтказилишига йўл қўйилмайди.

Товар белгисининг эгаси ушбу белгидан фойдаланишда ва уни тасарруф этишада, шу жумладан, ундан ўзга шахслар фойдаланишига рұхсат бериш ёки таъкилаб қўйишда мутлақ ҳуқуқка эгадир.

Товар белгисидан қонунга зид равишида фойдаланган юридик ва жисмоний шахслар Ўзбекистон Республикасининг қонунларига мувофиқ жавобгар бўладилар.

¹ Судариков С.А.Право интеллектуальной собственности. –М., Проспект. 2010. 226-227 с.

Ўзбекистон Республикасининг юридик шахслари товар белгиларини бошка давлатларда рўйхатдан ўтказиш ёки халқаро миқёсда рўйхатдан ўтказиш хукуқига эга.

Чет эл юридик шахслари халқаро шартномаларга ёки ўзаро ҳамкорлик асосида товар белгилари ва хизмат кўрсатиш белгилари тўғрисидаги Ўзбекистон Республикаси қонунида назарда тутилган хукуклардан Ўзбекистон Республикасининг юридик шахслари билан баб-баравар фойдаланадилар.

Агар Ўзбекистон Республикасининг халқаро шартномаларида Ўзбекистон Республикаси товар белгилари ва хизмат кўрсатиш белгилари тўғрисидаги қонундан фарқ килувчи ўзгача қоидалар белгиланган бўлса, халқаро шартнома қоидалари кўлланилади.

Товар белгилари ва хизмат кўрсатиш белгилари тўғрисидаги қонуннинг кўлланилиши билан боғлиқ низолар тегишли судлар томонидан, Ўзбекистон Республикасининг процессуал қонунларида белгиланган тартибда, кўриб чиқилади.

Ҳар бир мамлакат, минтақа, маълум бир худуд ўз иклими, ҳавоси, тупроқ таркиби, ўсимлик ва хайвонот дунёси ва бошка табиий шароитлари билан ўзига хосдир. Баъзан бу ўзига хослик ўша худуд доирасида ишлаб чиқариладиган товарлар, бажариладиган ишлар, кўрсатиладиган хизматни ўзига хос алоҳида сифат белгиларига эга бўлишини таъминлайди. Бошка жойдаги айни ўшандай ишлаб чиқилган товарлар, бажариладиган ишлар ёки кўрсатиладиган хизматлар ўшандай сифатга, белгиларга эга бўлмайди. Бинобарин, маълум географик худуднинг табиий шароитлари ёки бошка омиллар (асосан ўша жойда яшовчиларнинг касби-кори малакаси, маҳорати) билан узвий боғлиқ равишда тайёрланган товарлар бошка жойда тайёрланган айни шундай товарларга нисбатан харидоргир, юқори сифатли, алоҳида хусусияти, рақобатбардошли ҳисобланади. Бозорда ушбу товар тайёрланган жойнинг номи товарни маълум сифати, хусусиятга эга эканлиги ҳакида ўзига хос сертификат ҳисобланади. Масалан, «Боржоми», «Ессентуки», «Тошкент» минерал сувлари, Учқора майизи, Ургут тамакиси, Янгиқўргон анжири, Кува анори, ва ҳ.к. Баъзан товар тайёрланган жойнинг табиий шарт-шароитлари эмас, балки ўша жойда яшовчи аҳолининг маълум бир касб-хунарга, маҳсулот тайёрлашга бўлган алоҳида маҳорати, малакаси ушбу товарнинг сифатини белгилашда алоҳида муҳим омил бўлиши ҳам мумкин, масалан, Чуст пичоги, Самарқанд нони, Хива гилами ва ҳ.к.

Товар чиқарилган (тайёрланган) жой номи сифатида мамлакат номи ишлатилиши (Бразилия кофеси, Эрон гилами, Грузия чойи), аҳоли пункти ёки минтақавий худуд номи (Тошкент суви, Чуст пичоги) умуман қандайдир географик обьект номи (масалан, Тянь-Шань суви) кўлланилиши мумкин. Бундай мақсадларда ўша географик обьект тарихий номи ишлатилиши мумкин. Бунда энг асосийси ўша жойда инилаб

чиқарилган товарни юкори сифати, алохида белгиларга эга эканлиги ва худди шу ҳолат товарлар бозорида, харидорлар орасида маълум аҳамиятга эга эканлигидир.

Товарларни келиб чиқсан жой номи Ўзбекистон Республикаси Патент идораси рўйхатидан ўтказилади. Бунда асос бўлиб ФК 1108-моддасининг иккинчи кисмида белгиланган талабларга ишлаб чиқариладиган товарнинг жавоб бериши ва айни ўшандай товар ишлаб чиқарувчининг ўша худуд доирасида фаолият юритиши ҳисобланади.

Товар ишлаб чиқарилган жой номидан фойдаланиш ҳукуки гувоҳномаси 10 йил муддатта берилади, бу муддат тугагач узайтирилиши мумкин.

Товар келиб чиқсан жой номини товарда, унинг идиши ҳамда ўровида, пешлавҳаларда, расмий бланкаларда, рекламада, босма нашрларда ва товарни фуқаролик муомаласига киритиш билан боғлик бошқа ҳужжатларда ишлатиш товар келиб чиқсан жой номидан фойдаланиш деб ҳисобланади.

Лицензия шартномаси асосида товар келиб чиқсан жой номидан фойдаланиш ҳукукини бошқа шахсга беришга, бундай ҳукуқдан бошқа шахслар фойдасига воз кечиш тўғрисида битимлар тузишга ва товар келиб чиқсан жой номидан фойдаланиш ҳукукини беришга йўл қўйилмайди.

Товар келиб чиқсан жой номидан фойдаланиш ҳукуки тўғрисидаги гувоҳномаси бўлмаган шахсларнинг товар келиб чиқсан жойнинг рўйхатдан ўтказилган номидан фойдаланишига, ҳатто башарти бунда товар келиб чиқсан жойнинг ҳақиқий номи кўрсатилган ёки ном таржима қилиб ёхуд "кўринишдаги", "турдаги", "усулдаги" ва шунга ўхаш сўзларни кўшиб кўпланилган тақдирда ҳам, шунингдек, ҳар қандай товар келиб чиқсан жой номи ва товарнинг алохидати хусусиятлари хусусида истеъмолчими чалғитиши мумкин бўлган ўхаш белгилардан фойдаланишга йўл қўйилмайди.¹

Дунёнинг деярли барча давлатларида товарларни чиқарилган жойлар номларидан гайриконуний фойдаланиш, бу жойлар номлари ҳакида нотўғри ёки ёлғон маълумот бериш гирром ракобатнинг кўринишларидан ҳисобланади ва тегишли жавобгарлик чоралари (зарарларни тўлтиш, худудига олиб келишни таъқиқлаш, хатга олиш, товарларни йўқ қилиб ташлаш ва х.к.) кўлланилади. Ўзбекистон Республикасининг "Ракобат тўғрисида"ги Қонунининг 13-моддасига асосан юридик шахснинг интеллектуал фаолияти натижаларидан ва уларга тенгглаштирилган индивидуаллаштириш воситаларидан, товарни индивидуаллаштириш

¹ Ўзбекистон Республикасининг "Товар белгилари, хизмат кўрсатилиши белгилари ва товар келиб чиқсан жой номлари тўғрисида"ги Қонуни. "Ўзбекистон Республикаси қонун ҳужжатлари тўплами", 2007 йил, 37-38-сон, 379-модда

носиталаридан қонунга хилоф равишида фойдаланған ҳолда товарни реализация қилиш, товарнинг хусусияти, ишлаб чиқариш усули ва жойи, истеъмол хоссалари, нархи, сифати, ишлаб чиқарувчининг (бажарувчининг) кафолат мажбуриятлари хусусида истеъмолчиларни чалғитищ; хўжалик юритувчи субъект (ракобатчи) томонидан ишлаб чиқарилаётган товарни унинг ташки безатилишини, номини, тамғаланишини, товар белгисини ва юридик шахсни индивидуаллаштиришнинг бошқа воситасини такорлаш, реклама материалларидан, товарнинг фирмаси ўрови ва шаклидан нусха кўчириш орқали қалбакилаштириш инсофсиз ракобат хисобланади ва таъкиқланади.¹

Назорат учун саволлар

1. Юридик шахс деганда нимани тушунасиз?
2. Юридик шахсларнинг қандай белгиларини биласиз?
3. Юридик шахс қандай усулларда вужудга келади?
4. Юридик шахснинг маҳсус хукуқ лаёкати деганда нимани тушунасиз?
5. Юридик шахс қачон банкрот деб эълон қилинади?
6. Товар чиқарилган жой номидан фойдаланиш хукуки неча йилга берилади?
7. Товар келиб чиқсан жой номи қайси идора томонидан рўйхатга олинади?
8. Ваколатхона деб нимага айтилади?
9. Товар белгиси сифатида нималардан фойдаланиш мумкин?
10. Юридик шахснинг филиали қандай маънони билдиради?

¹ Узбекистон Республикасининг “Ракобат тўтрасида”ти Қонуни “Узбекистон Республикаси қонун хужожатлари туплами”, 2012. 1-сон, 5-модда.

VII БОБ. ТИЖОРАТЧИ ЮРИДИК ШАХСЛАР

1 §. Тижоратчи ташкилотлар тушунчаси ва турлари

Тижоратчи, яъни фойда олишни ўз фаолиятининг асосий мақсади килиб олган юридик шахслар хўжалик ширкати ва жамияти, ишлаб чиқариш коопретативи, унитар корхона ва қонунларда назарда тутилган бошқача шаклда тузилиши мумкин. (ФКнинг 40-моддаси 2-қисми).

Тижоратчи юридик шахснинг номида унинг ташкилий шакли, албатта, кўрсатилган бўлиши керак. Бу унинг котрагентлари учун муҳим аҳамиятга эга, чунки юридик шахснинг номидан ушбу юридик шахс фаолиятининг хусусиятлари, тадбиркорлик имконияти, хукуқий доираси, мажбурият юзасидан жавоб берса олиш имконияти маълум бўлиши мумкин.

Ушбу тижоратчи ташкилотлар мулкий муносабатларда тадбиркорликнинг кенг тарқалган ташкилий-хукукий шаклларидан хисобланади. Тадбиркорлар томонидан тузилган бундай шаклга ўхшашибирлашмалар китъя хукуқида компаниялар ёки фирмалар, англо-америка хукуқ тизимида эса корпорациялар деб номланади. Ўтмишда Ўзбекистонда бундай бирлашмалар ширкатлар шаклида бўлиб, улар асосан савдо, шунингдек, хунармандчилик билан шуғулланишган. Хусусий тадбиркорликка, тижоратга йўл кўйилмаган. Ушбу анъана хисобга олинган ҳолда, Фуқаролик кодексида тижоратчи ширкатлар ва жамиятларга нисбатан “хўжалик” деган атама сакланиб қолинган.

Ширкатлар ва жамиятлар ўз аъзоларининг ихтиёри билан, яъни улар томонидан тузилган шартномага асосан вужудга келган, умумий хукук лаёқатига эга бўган тижоратчи ташкилот хисобланади. ФКнинг 58-моддасида белгиланган асосий қоидага биноан хўжалик ширкатлари ва жамиятлари уларни тақшил килишда қатнашган муассасалар (иштирокчилари)нинг мол-мулкидан ажаратилган ва уларнинг хиссаларидан ташкил топган устав капиталига (фондига, мулкий жамғармасига) эга бўлган тижоратчи юридик шахс хисобланади. Улар муассасалар (иштирокчилар) кўшган хиссалари, шунингдек, сотиб олинган акциялари хисобига вужудга келган, ўз фаолиятини амалга ошириш натижасида қўлга киритилган ва сотиб олиган мол-мулкларига нисбатан яккаю-ягона мулк хукуқи субъекти хисобланади.

Хўжалик ширкатлари тўлиқ ширкат, коммандит ширкат шаклида, хўжалик жамиятлари эса маъсулияти чекланган жамият, қўшимча маъсулиятли жамият ёки акциядорлик жамият шаклида тузилиши мумкин.

2 §. Хўжалик ширкатлари–юридик шахс сифатида

Хўжалик ширкати – бу ширкат номидан ҳаракат қилувчи икки ёки ундан ортиқ шахснинг тадбиркорлик фаолиятини амалга ошириш учун тузилган, шартномавий юридик шахс мақомига эга бўлган бирлашмадир.

Хўжалик ширкатлари ва жамиятлари бозор муносабатлари шароитида тадбиркорлик фаолиятининг энг фаол иштирокчилари хисобланади. Улар тижоратчи ташкилотлар жумласига кириб, устав капиталлари, одатда, муассисларнинг қўшган хиссаларидан вужудга келган умумий мол-мулк ва маблағлари ёки иштирокчиларнинг акцияларидан иборат бўлади.

Хўжалик ширкатларининг мажбуриятлари учун иштирокчилар ўз мулклари билан солидар ва субсидиар тарзда жавобгар бўлишлари, унинг тадбиркорлик фаолиятида иштирокчиларнинг шахсан иштирок этиши (командитчилардан ташкари), таъсис ҳужжати таъсис шартномаси хисобланishi, хўжалик ширкатлariдан иштирокчилар чиқib кетадиган бўлса, тегишлича унинг таъсис ҳужжатига ўзgartiriши киритилиши унинг ўзига хос хусусиятларини ташкил этади.

Ўзбекистон Республикасининг “Хўжалик ширкатлари тўғрисида”ги¹ 2001-йил 6 декабрда қабул қилинган Қонуннинг З-моддасига мувофиқ, муассисларнинг (иштирокчиларнинг) улушларига (хиссаларига) бўлинган устав фондига (устав капиталига) эга бўлган тижорат ташкилоти хўжалик ширкати хисобланади. Бундай ширкатда муассислар (иштирокчилар) ёки улардан айримлари ширкат номидан тадбиркорлик фаолияти юритишида шахсан иштирок этадилар. Хўжалик ширкати, агар унинг таъсис шартномасида бошқача коида белгиланган бўлмаса, номуайян муддатга тузилади ва қонун ҳужжатлariда таъкидланмаган ҳар кандай турдаги фаолиятни амалга ошириши мумкин.

Хўжалик ширкати қонун ҳужжатлariда белгиланган тартибда бошқа юридик шахсларнинг муассиси (иштирокчиси) бўлиши, ваколатхоналар ва филиаллар ташкил этиши мумкин.

Корпоратив ҳукуқ бўйича етакчи мутахассислардан бири Т.Кашанина ширкатларнинг келиб чиқишини оила бошлигининг оиласида якка хукмонлигига асосланган оиласи тадбиркорликдан келиб чиқкан деб хисоблайди.² Дастлабки пайтларда ширкатларда асосан ширкат раҳбарининг ёши, тажрибаси мухим роль ўйнаган бўлса, кейинчалик иштирокчilar ўргасида уддабурон, тадбиркор шахслар таъсири орта борди. Вақт ўтган сайин ширкатларнинг ўзи ҳам турларга ажрала бошлайди. Бозор муносабатлари мустаҳкамланиб бораётган ҳозирги ширкатларда ҳам ширкатлар хўжалик юритувчи субъектлар тизимида

¹ Ўзбекистон Республикасининг “Хўжалик ширкатлари тўғрисида”ги 06.12. 2001 й. N 308-II Қонуни.

² Кашанина Т. В. Корпоративное право. М.: „Норма”, 1999. -С. 158.

ўзига хос ўрин эгаллади. Ширкатларнинг ҳуқуқий мақоми куйидаги ўзига хос хусусиятларда яққол кўзга ташланади.

Биринчидан, ширкатлар – иштирокчиларнинг шартнома, келищувга асосланган бирлашмаси, уюшмаси. Бундай шартнома таъсис шартномаси, деб аталади ва у ширкатнинг асосий таъсис хужжати хисобланади. Ушбу шартнома предмети муайян ашё, хизмат ва ишларга нисбатан ҳуқук ва мажбуриятларни вужудга келтириш эмас, балки иштирокчиларнинг биргалиқдаги фаолиятини ташкил этишдир.

Иккинчидан, ширкат – бу иштирокчиларнинг турли мол-мулкларини (пул маблағлари, ашёлар, кўчар ва кўчмас мол-мулклар) бирлаштириш шаклидир. Иштирокчилар кўшган улушлар ҳар хил ҳажмда – тенг микдорларда ва турли микдорларда белгиланиши мумкин.

Учинчидан, ширкат – кишиларнинг ихтиёрий бирлашуви. Ширкатда энг камида икки ва ундан ортиқ иштирокчи эркин равишда бирлашади. Иштирокчилар микдори кўп бўлишига деярли барча мамлакатлар конунчилиги йўл қўяди, бирок, амалда ширкат иштирокчилари унчалик кўп бўлмайди. Иштирокчиларни ягона манфаат, ўзаро ҳамкорлик асосида фаолият юритиш кулагай эканлигига ишонч, шунингдек, фойда (даромад) олишга интилиш бирлаштиради. Ширкатда муваффаккият козонишининг асосий гарови – бир-бирига ёрдам бериш, кўллаб-кувватлашдир. Ҳўжалик юритишнинг ташкилий-ҳуқуқий шакллари ичida ширкатта нисбатан иштирокчиларнинг ўзаро ишончи, колективизм туйғуси, ўзаро ҳамкорлик ва ўзаро ёрдам энг юқори даражада бўлиши шарт ва зарур хисобланади. Акс ҳолда, ширкат ташкил этишдан маъно йўқолади.

Агар иштирокчилар ўргасида ўзаро ишончга путур етса, бундай ҳолда ширкатнинг мавжудлиги катта хавф остида қолади. Шу сабабли ҳам худбин, манфаатпараст, факат ўз фойдасини кўзлайдиган, калтабин шахслар ширкат иштирокчиси бўла олмайди. Гарчи бунда юридик жиҳатдан таъқиқ йўқ бўлса ҳам, аслида, юкоридаги салбий хислатларга эга шахслар ўз хатти-ҳаракатларини бошқа иштирокчилар хатти-ҳаракатлари билан уйгучлаштира олмасликлари сабабли, ширкат мухитида ўзларини бегона, ёт сезадилар. Бошқа жиҳатдан олганда, ширкатдаги ўзаро ишонч, ҳамкорлик ва кўллаб-кувватлаш мухити иштирокчилар ўргасида шундай хусусиятдаги муносабатларни вужудга келтирадики, бундай муносабатлар инсонийлик жиҳатдан юқори, олижаноб хисобланади, демак, ахлоқий жиҳатдан ҳам уларни ўзига хос намунали деб айтиш мумкин.

Тўртингчидан, ширкатнинг яна бир хусусияти унинг иштирокчиларининг моддий ресурсларни бирлаштириш билангина чекланмасдан ўз куч-ғайратларини, саъй-ҳаракатларини бирлаштиришда ҳам намоён бўлади. Бошқача айтганда, ширкат иштирокчилари ўз саъй-ҳаракатларини бирлаштиришлари уларнинг ширкат фаолиятида шахсан иштирок этишларида кўринади. Ширкат иштирокчиларининг шахсан иштироки куйидаги кўринишларда амалга оширилиши мумкин:

-товарлар ишлаб чиқариш, иш бажариш ва хизмат кўрсатишида шахсан қатнашув;

-ширкатнинг ташкилий, бошқарув ва ижро фаолиятида иштирок этиши (масалан, раҳбарлик килиш, иш қоғозларини юритиш, фаолиятни ташкил этишида бошқача қатнашиш);

-ширкат номидан бошқа субъектлар, идоралар, ташкилотлар билан бўлган муносабатларда вакиллик килиш;

-ширкат фаолиятини ташкил этиши ва амалга оширишида интеллектуал меҳнати, салоҳияти билан иштирок этиши (бизнес - режалар ишлаб чиқиши, ноу-хаулар тайёрлаш, илмий-техник, технологик, илмий-ахборот хужжатлари ишлаб чиқиш ва ҳоказолар). Албатта, иштирокчиларнинг бундай иштироки ҳар хил бўлиши мумкин (кимдир катта ва доимий ҳажмларда, бошқа бирор нисбатан кичикроқ ҳажмларда ва ахён - ахёnda). Бироқ ҳар бир иштирокчи ширкат фаолиятини амалга оширишида албатта шахсан иштирок этиши шарт, акс ҳолда, “Хўжалик ширкатлари тўғрисида”ги Қонун¹нинг З-моддаси, 1-қисмидаги ширкат муассислари (иштирокчилари) ёки уларнинг айримларини ширкат фаолиятида шахсан иштироки тўғрисидаги талаб бузилган бўлиб ҳисобланади.

Бешинчидан, ширкатнинг мақсади (унинг иштирокчиларининг мақсади ҳам) иштирокчиларнинг биргалиқдаги фаолиятидан фойда (даромад) олиш ҳисобланади. Ширкат иштирокчилари биргалиқдаги фаолиятининг хусусияти унинг фойда олиш мақсадини кўзлашида намён бўлади. Демак, бундай фаолият тадбиркорлик фаолияти бўлиб ҳисобланади. Т.Кашанина ширкат фаолиятини “хўжалик” фаолияти ҳам деб атайди.¹

Фикримизча, бунда хўжалик ширкатлари тўғрисидаги конуннинг З-моддасида “тадбиркорлик фаолияти” деган ибора аникроқ ҳисобланади. Хўжалик ширкатларининг доктринал (илмий) ва легал (хукукий) тушунчалари мавжуд. Бироқ, бунда туб фарқлар мавжуд эмас. Қонунга кўра «муассисларнинг (иштирокчиларнинг) улушларига (хиссаларига) бўлинган устав фондига (устав капиталига) эга бўлган тижорат ташкилоти хўжалик ширкати ҳисобланади. Бундай ширкатда муассислар (иштирокчилар) ёки уларнинг айримлари ширкат номидан тадбиркорлик фаолиятини юритишида шахсан иштирок этадилар.

Конунда берилган таърифда ширкатларнинг куйидаги белгилари яққол ифода этилган:

а) устав фонди (устав капитали) иштирокчиларнинг улушларига бўлингандиги;

б) ширкатнинг тижоратчи юридик шахс эканлиги;

в) иштирокчилар ширкат номидан тадбиркорлик фаолиятини юритишида шахсан қатнашишлари, иштирок этишлари.

¹ Кашанина Т. Ук. соч. - С.162.

Ширкатлар тўлиқ ширкат ва коммандит ширкатларга бўлинади. Тўлиқ ширкат тушунчаси “Фукаролик кодекси”нинг 60-моддасида ва хўжалик ширкатлари тўғрисидаги қонунинг 8-моддаси, 1-қисмида ўз ифодасини топган. Фукаролик кодексида кўрсатилишича, иштирокчилари ўз ўрталарида тузилган шартномага мувофиқ ширкат номидан тадбиркорлик фаолияти билан шугулланадиган ҳамда унинг мажбуриятлари бўйича ўзларига қарашли мол-мулк билан жавоб берадиган ширкат тўлиқ ширкат ҳисобланади. Ушбу таъриф Конунинг 8-моддаси, 1-қисмига тўла мувофиқ. Тўлиқ ширкат ўз таркиби бўйича нисбатан мураккаб бўлмаган ташкилот ҳисобланади. У бир қарашда оддий ширкатга ўхшаб кетади. Аммо оддий ширкат юридик шахс эмас ва унинг иштирокчилари бир-бирлари билан фақат қатъий шахсий мажбуриятлар билан боғлиқ холос. Тўлиқ ширкат эса ўзининг алоҳида мол-мулкига эга бўлган юридик шахс ҳисобланади. Бироқ, шуни эътироф этиш лозимки, тўлиқ ширкатда иштирокчиларнинг ўз шахсий меҳнати, сайд-харакатлари билан иштирок этиши алоҳида муҳим аҳамиятга эга.

Биринчидан, у барча иштирокчиларни биргаликдаги фаолиятдан ўта манфаатдорлигини таъминлайди. Биргаликдаги фаолият жараёнида барча иштирокчилар бир-бирларининг ишларини ўзаро назорат қиладилар, кузатиб борадилар.

Иккинчидан, ҳар бир иштирокчига корпорация фаолияти якуний натижаси қатъий боғлиқ бўлгани сабабли, бундай корпорацияга кишиларнинг ўюнуви фақат ишончга асосланган бўлишини тақозо қиласди. Ўз-ўзидан равшанки, ўзаро ишончга асосан кишилар доираси уччалик кенг бўлмайди, демак, корпорация ўзига хос ихчам ва компакт бўлиши табиий. Бинобарин, хўжалик юритишнинг ташкилий-хукукий шакли бўлган тўлиқ ширкатни минглаб ва ҳатто юзлаб ходим ишловчи корхоналар ташкил этиш, йирик миқдордаги капиталларни бирлаштириш учун асос кўп бўлмайди. Тўлиқ ширкатда иштирокчилар кўшган улушлар ҳажми жуда муҳим аҳамиятга эга эмас. Ф.Ю.Шодмонов хўжалик ширкатлари ривожланиши, уларнинг иштирокчилари ўргасидаги мулкий-хукукий муносабатларнинг хусусиятлари хисобга олинган ҳолда солидар мажбурият ёки конунда белгиланган ҳолда ёки мажбурият нарсаси қисмларга бўлинмайдиган бўлса, вужудга келишини таъкидлайди.¹ Тўлиқ ширкатда, агар синчилкаб ўрганилса, ҳар бир иштирокчининг мажбуриятларини улушларга ажратиш мумкин. Бироқ, бу кредиторлар учун мақсадга мувофиқ эмас, ўзига хос қийинчилкларни келтириб чиқаради. Шу сабабли ҳам, қонунда солидар мажбурият белгилангани ҳам оқилона ечим бўлган деб айтиш мумкин. Бунда кўпроқ шахсий иштирок

¹ Шодмонов Ф.Ю. Бозор иктисодиёти шароитида шартнома мажбуриятларини бузганилик учун фукаролик-хукукий жавобгарлик муммомлари. Докторлик диссертацияси автогеферати. Т., 2002. – Б. 12.

этиш билан боғлиқ омиллар етакчи аҳамиятга эга эканлигини ҳам унутмаслик лозим.

Тўлиқ ширкат иштирокчиларининг ишончга асосланган муносабатларидан ушбу корпорацияни бошқаришининг ўзига хос хусусияти ҳам келиб чиқади. Аслини олганда тўлиқ ширкатда қандайдир бошкарув органи мавжуд эмас. Тўлиқ ширкат фаолияти бўйича қарор консенсус асосида алоҳида (яъни, барча иштирокчилар ўзаро, яқдил розилиги асосида) қабул килинади. Таъсис шартномасида алоҳида белгилаб кўйилган масалалар бўйича эса, қарор оддий кўпчилик овоз билан ҳам қабул килиниши мумкин. Ширкатнинг хар бир аъзоси ширкат устав фондига кўшган улуши ёки ширкат фаолиятида шахсан иштироқидан қаътий назар қарор қабул килишда бир овозга эга. Албатта, амалиётда, одатда, иштирокчилар ўртасида етакчи лидер, норасмий тарзда бўлса ҳам (хеч бўлмаганда жўрабоши сифатида), ажратиб туради, у иштирокчилар фаолиятини мақсадга мувофиқ тарзда йўналтириб, мувофиқлаштириб туради. Колган барча иштирокчилар, одатда, ундан бемаслаҳат иш қилмайдилар. Баъзан иштирокчилар етакчи лидерни сайлаб олишлари ҳам мумкин (бунда унинг мавқеи хуқукий расмийлаштирилиб кўйилади). Бундай сайлов барча иштирокчиларнинг яқдил розилиги (тўлиқ консенсус) бўлгандагина ҳақиқий ҳисобланади. Агарда ушбу тамойилга риоя килинmasa, ширкат иштирокчилари ўртасидаги ўзаро ишонч муносабатларига птур етади.

Командит ширкат. Ширкатнинг яна бир тури коммандит ширкатдир (commandant - французча бошқариш, фармойиш бериш, ҳукмронлик қилиш деган маънони англатади ва у лотинча commendere-топшириш деган сўздан келиб чиқсан. Россияда коммандит ширкат садоқатли шерикчилик деб ҳам аталади). Адабиётларда коммандит ширкатнинг келиб чиқишини Европа ўрта асрлар тарихи билан боғлашади. Комманданинг илк, ибтидий кўриниши товар ширкati бўлган. Садогарлар ўзаро пул маблағлари тўплайдилар. Уларнинг бир гурӯҳи товар олиб келгани денгиз кемаларида кетадилар. Иккинчи гурӯҳи эса ўз уйларида қоладилар. Бунда иккинчи гурӯҳ биринчи гурӯхга ўз маблағларини ишониб топширадилар. Биринчи гурӯҳ қайтиб келгач, фойда ҳар иккала гурӯҳ ўртасида таксимланади. Бунда, албатта, кемаларда сузуб мол келтирганлар фойдадан улушни кўпроқ оладилар. Кейинчалик товар коммандаси ўз кўринишини ўзгартириб пул коммандаси кўришига ўтди. Бундай шакл тадбиркорлик фаолиятида нафакат савдогарларни, балки ортиқча капиталларга эга бўлган, бироқ савдо-сотик билан бевосита шугулланишни истамаган бошқа табака вакиллари (зодагонлар, зиёлилар, руҳонийлар)ни ҳам иштирок этишларига имкон берди. Комменда институтининг асосини ўз капиталларидан самарали фойдаланишга бўлган интилиш ташкил этади. Бироқ, капитал эгаси муайян сабабларга кўра (рухий, психологик ҳолати, соглиғи, кексалиги, бошқа соҳа билан

шүғулланиши сабабли), тадбиркорлик фаолияти билан бевосита шүғулланишини хоҳламайди ёхуд бунга имкони бўлмайди. Шу сабабли ҳам, у ўз капиталини самарали ишлатишни хоҳлайди ва коммандит ширкатда иштирок этиш усулини танлайди. Бундай ширкатда энг асосийси тадбиркорлик капитали иштирокчилар бадаллари ва корхона ташкилотчисининг ўзидан иборат. Коммандит ширкатда турлича ҳукукий мақомга эга бўлган икки гурух иштирокчилар фарқланади. Бир томондан, барча ташкилий ишларни олиб борувчи бошқарувчи иштирокчилар ва бошқа томондан, кўшган капитали ҳажмидан қатъий назар ширкатни бошқаришда бир хилда ҳукукларга эга бўлган бошқа иштирокчилар гурухи.

Коммандит ширкат тўлиқ ширкатга нисбатан кўпроқ капиталларни тўплаш, бирлаштириш имконини беради. Аслини олганда, ўзининг барча мол-мулки ва маблағларини тадбиркорлик ўйинига тикишини хоҳловчилардан кўра муайян микдордаги капиталнингина тикадиган (бошқа мол-мулк ва маблағларни хавфсиз қолдирадиган) шахслар ҳар доим кўпроқ топилади. Айни вақтда, сергайрат ва уддабурон тадбиркорлар ушбу усулини кўллаган ҳолда бошқаларнинг маблағларини ўз тадбиркорлик фаолиятига жалб эта оладилар. Гарчи коммандит ширкат тўлиқ ширкатга қараганда бир оз мураккаб таркибли бўлса ҳам, бошқа хўжалик юритувчи субъектларга нисбатан олганда, нисбатан содда ҳисобланади. Албатта, ушбу ширкатнинг энг асосий хусусияти – унинг иштирокчилари жавобгарлигининг ўзига хослиги билан боғлиқ. У икки томонлама, икки ёқлама хусусиятга эга. Таъсисчилар (тўлиқ иштирокчилар – улар бир ёки бир неча бўлишлари мумкин) ширкат мажбуриятлари учун тўлиқ ҳажмда жавобгар бўладилар. Уларнинг жавобгарлиги, улар томонидан ширкат устав капиталига кўшган улушлари ҳажмидан қатъий назар, тўла микдорда белгиланади. Худди шу маънода олганда, тўлиқ аъзолар жавобгарлиги чекланмайди. Агарда ширкат мол-мулки етарли бўлмаса, у ҳолда тўлиқ аъзоларнинг шахсий (хусусий) мол-мулкларига ҳам ширкат мажбуриятлари бўйича жавобгарлик каратилади. Худди шу сабабли ҳам, уларни тўлиқ иштирокчилар деб айтиш уларнинг ҳукукий мақомига мос келади. Уларнинг жавобгарлиги солидар ҳисобланади, яъни, бир иштирокчи ҳамма иштирокчи учун ва ҳамма иштирокчи бир иштирокчи учун жавоб беради. Кредиторлар уларнинг ҳар бирига талаб кўйишлари мумкин.

Тўлиқ иштирокчиларнинг кучайтирилган жавобгарлиги коммандит ширкат мол-мулкигагина ҳисса кўшадиган бошқа иштирокчилар ишончини ўзига хос равишда кафолатлайди.

Ширкатга фақат мол-мулк билан улуш кўшувчи аъзо коммандит аъзо, ҳисса кўшувчи аъзо деб аталади. Коммандит аъзолар ширкат мажбуриятлари бўйича фақат ширкат устав капиталига кўшган улушлари ҳажмида жавоб берадилар. Ҳисса кўшувчилар учун бундай чекланган

жавобгарлигни белгиланиши коммандит ширкатнинг потенциал иштирокчилари доирасини кенгайтиради. Шунга карамасдан, барибир коммандит ширкат аъзолари уччалик кўп бўлмайди.

Коммандит ширкатнинг таркибини тавсифловчи яна бир холат шундан иборатки, у энг камида икки иштирокчидан – бир иштирокчи ва бир коммандит иштирокчидан иборат бўлиши лозим.

Коммандит ширкатларига легал таъриф Фуқаролик кодексининг 61-моддаси, 1-қисмида ва “Хўжалик ширкатлари тўғрисида”ги Қонуннинг 28-моддаси, 1-қисмида берилган. Ушбу таърифлар айни бир-бирйига мосдир. Легал таърифларга кўра, ширкат номидан тадбиркорлик фаолиятини амалга оширадиган ҳамда ширкатнинг мажбуриятлари бўйича ўзларининг бутун мол-мулжалари билан жавоб берадиган иштирокчилар (тўлиқ иштирокчилар) (тўлиқ шериклар) билан бир қаторда, ширкат фаолияти билан боғлиқ зарарлар учун ўзлари кўшган хиссалари доирасида жавобгар бўладиган ҳамда ширкат томонидан тадбиркорлик фаолиятини амалга оширишда иштирок этмайдиган бир ёки бир неча иштирокчи (хисса кўшувчи, коммандитчи) мавжуд бўлса, бундай ширкат коммандит ширкат хисобланади.

1991 йилда қабул қилинган Фуқаролик қонунчилиги асосларининг 19-моддаси, 3-қисмида ҳам коммандит ширкатга таъриф берилган бўлиб, у ўзининг моҳиятига кўра юкоридаги таъриф билан айни бир хил. Фарқи шундан иборатки, асосларда коммандит иштирокчилар ширкат номидан тадбиркорлик фаолиятини амалга оширишда иштирок этмаслигига ургу берилмаган. Коммандит ширкатга берилган¹ турли доктринал (илмий) таърифлар ҳам мавжуд.

Коммандит ширкатнинг ўзига хос хусусиятларидан яна бири унинг хисса кўшувчиларини ширкат фаолиятига раҳбарлик қилишда иштирокини чекланishiда намоён бўлади. Умумий қоидага кўра, коммандит ширкатни бошқариш тўлиқ шериклар томонидан амалга оширилади. Бунда, тўлиқ шериклар тўлиқ ширкатда қандай таркибда бошқаришни амалга ошиrsa, ушбу холат амал қиласди. Хисса кўшувчилар ширкат номидан ўзларича иш юрита олмайдилар, ширкат номидан учинчи шахс олдида қандайдир мажбуриятлар вужудга келишига слиб келувчи ҳаракатларни ҳам содир эта олмайдилар. Коммандит иштирокчининг масъулияти чекланган, бинобарин, у кредиторлар олдида гўёки тўлиқ масъулиятли иштирокчи сифатида иш кўра олмайди. Албатта, хисса кўшувчи умуман ширкат номидан ҳаракат кила олмайди, деб айтиш мумкин эмас. Хўжалик ширкатлари тўғрисидаги Қонуннинг 29-моддаси, 2-қисмига биноан хисса кўшувчилар факат ишончнома асосида коммандит ширкатни бошқариш ва унинг ишларини юритишда иштирок этишига ҳакли. Хисса кўшувчилар коммандит ширкатни бошқариш ва унинг ишларини юритиш бўйича тўлиқ

¹ Коровайко А.В. Реорганизация хозяйственных обществ. М.: 2001. –С. 34. В.В. Долинская. Торговые общества: сравнительный анализ // Вестник МГУ серия //, право. 1992. №3. – С. 57.

шерикларнинг хатти-ҳаракатлари хусусида баҳслашишга ҳақли эмаслар. Ҳисса кўшувчилар ширкат фаолиятида шахсан иштирок этадиларми, деган савол туғилади. Таникли цивилист олим Г.В.Шершеневич ушбу саволга салбий жавоб беради. Шахсий иштирокни у интеллектуал қатнашув ёки бошқаришда иштирок этиш маъносида тушунади.¹ Аммо ушбу фикр-мулоҳазаларни танқидий баҳолаш ҳам йўқ эмас. Шуни унутмаслик лозимки, шахсий иштирок, энг аввало, иштирокчининг ширкат фаолиятида ўз шахсий меҳнати билан қатнашуви шаклида намоён бўлади. Шахсий иштирок этиш қонун ёки таъсис шартномасида иштирокчи зиммасига юклangan мажбурият ҳисобланади. Агарда иштирокчи ушбу мажбуриятни бажармаса, у ҳолда ширкат фаолиятини амалга ошириб бўлмайди. Шу маънода олганда, шахсан иштирок этиш фақат тўлиқ иштирокчи зиммасига юклangan мажбурият ҳисобланади. Ҳисса кўшувчи эса, фақат мол-мулк ёки пул маблағлари билан улуш кўшади, холос. Унинг ўз меҳнати билан шахсан иштирок этиши қонунда белгилаб қўйилмаган. Шахсан иштирок этиш, бу унинг ҳукуки, мажбурияти эмас. У шахсан иштирок этса ҳам, иштирок этмаса ҳам бу ҳолат ширкат фаолиятини нормал амалга оширишга таъсир қилмайди. Яна бир жиҳатини унутмаслик лозимки, коммандит иштирокчи шахсан иштирок этиб, юридик аҳамиятга эга ҳаракатлар содир этмоқчи бўлса, у ҳолда тўлиқ иштирокчиларнинг ёзма розилиги (ищончнома) ёки ҳеч бўлмаганда уларнинг маъкуллаши лозим бўлади.

Тўлиқ ширкатнинг номланишини фирма номи ё унинг барча иштирокчилари номини, шунингдек, “тўлиқ ширкат” деган сўзларни ёхуд бир ёки бир неча иштирокчининг “ва компания” деган сўзлар қўшилган номини (номланишини) ўз ичига олиши керак.

Тўлиқ ширкатнинг устав фонди (устав капитали) унинг иштирокчилари улушларининг номинал қийматидан таркиб топади ва унинг микдори тўлиқ ширкатни давлат рўйхатидан ўтказиш учун ҳужжатларни тақдим этиш санасидаги ҳолатга кўра қонун ҳужжатларида белгилangan энг кам ойлик иш хақининг эллик бараваридан кам бўлмаслиги керак. Тўлиқ ширкат иштирокчисининг ширкат устав фондидағи (устав капиталидаги) улушининг микдори фоизларда ёки каср кўринишида белгиланади. Тўлиқ ширкат иштирокчиси улушининг микдори унинг улушкининг номинал қиймати билан ширкат устав фондининг (устав капиталининг) ўзаро нисбатига мувофиқ бўлиши керак. Иштирокчи улушкининг хақиқий қиймати ширкат соф активлари қийматининг унинг ширкат устав фондидағи (устав капиталидаги) улуси микдорига мутганосиб бўлган бир қисмига мос бўлади. Тўлиқ ширкат давлат рўйхатидан ўтказиладиган пайтга кадар унинг ҳар бир иштирокчиси ўз ҳиссасининг камида ўттиз фоизини ширкатнинг устав фондида

¹ Шершеневич Г.Ф. Учебник торгового право. М., 1919. – С. 130.

киритиши шарт. Қолган кисми таъсис шартномасида кўрсатилган муддатда киритилиши лозим бўлиб, бу муддат ширкат давлат рўйхатидан ўтказилган пайтдан эътиборан бир йилдан ошмаслиги керак.

Пул, қимматли қоғозлар, бошқа ашёнар ёки мулкий хукуқлар ёхуд пул баҳосига эга бўлган бошқа шахсга ўтказиладиган ўзга хукуқлар иштирокчиларнинг тўлиқ ширкат устав фондига (устав капиталига) кўшадиган ҳамда ширкатга қабул қилинадиган учинчи шахсларнинг хиссалари бўлиши мумкин.

Иштирокчиларнинг умумий йиғилиши ширкатнинг олий бошкарув органи хисобланади. Тўлиқ ширкатнинг жорий фаолиятини бошқариш мақсадида таъсис шартномасида ширкатнинг ижро этувчи органини тузиш назарда тутилиши мумкин. Ижро этувчи органни тузиш ва унинг ваколатлари, унинг аъзоларига ҳақ тўлаш тартиби ширкатнинг таъсис шартномаси ҳамда бошқа хужжатлари билан белгиланади.

Тўлиқ ширкат иштирокчилари ширкатнинг мажбуриятлари юзасидан ўз мол-мулклари билан солидар тарзда субсидиар жавобгар бўладилар.

ФКнинг 61-моддаси ва “Хўжалик ширкатлари тўғрисида”ги Конуннинг 28-моддасига мувофиқ, ширкат номидан тадбиркорлик фаолиятини амалга оширадиган ҳамда ширкатнинг мажбуриятлари бўйича ўзларининг бутун мол-мулклари билан жавоб берадиган иштирокчилар (тўлиқ шериклар) билан бир қаторда, ширкат фаолияти билан боғлиқ заарлар учун ўзлари қўшган хиссалар доирасида жавобгар бўладиган ҳамда ширкат томонидан тадбиркорлик фаолиятини амалга ошириша иштирок этмайдиган бир ёки бир неча иштирокчи (хисса қўшувчи, коммандитчи) мавжуд бўлса, бундай ширкат коммандит ширкат деб хисобланади.

Коммандит ширкатда иштирок этгаётган тўлиқ шерикларнинг хукуқлари ва уларнинг ширкат мажбуриятлари бўйича жавобгарлиги тўлиқ ширкат иштирокчилари жавобгарлиги каби бўлади. Шахс фақат битта коммандит ширкатда тўлиқ шерик бўлиши мумкин. Тўлиқ ширкат иштирокчиси коммандит ширкатда тўлиқ шерик бўла олмайди. Коммандит ширкатдаги тўлиқ шерик ўша ширкатнинг ўзида хисса қўшувчи ва бошқа тўлиқ ширкатда иштирокчи бўлиши мумкин эмас. Коммандит ширкатнинг фирма номи ё барча тўлиқ шерикларнинг номларини (номланишини) ва “коммандит ширкат” деган сўзларни ёхуд камида битта тўлиқ шерикнинг “ва компания” деган сўзлар кўшилган холдаги номини (номланишини), илунингдек, “коммандит ширкат” деган сўзларни ўз ичига олиши керак.

Агар коммандит ширкатнинг фирма номига хисса қўшувчининг номи киритилган бўлса, бундай хисса қўшувчи тўлиқ шерикка айланади.

Коммандит ширкат фаолиятини бошқариш тўлиқ шериклар томонидан амалга оширилади. Бундай ширкатни унинг тўлиқ шериклари томонидан бошқариш ва унинг ишларини юритиш тартиби конун хужжатлари билан белгиланади.

Ҳисса қўшувчилар коммандит ширкатни бошқаришда ва унинг ишларини юритишида иштирок этишга ишончномасиз бошка ҳар қандай тарзда унинг номидан иш қўришга ҳақли эмаслар. Ҳисса қўшувчилар ширкатни бошқариш ва унинг ишларини юритиши бўйича тўлиқ шерикларнинг хатти-ҳаракатлари хусусида баҳсланишга ҳақли эмаслар.

3 §. Хўжалик жамиятлари – юридик шахс сифатида

Хўжалик жамиятлари ўз моҳияти бўйича капиталларни бирлаштиришнинг ташкилий-хукуқий шакли ҳисобланади. Хўжалик жамиятлари, ўз навбатида, масъулияти чекланган жамият, қўшимча масъулиятли жамият ва акциядорлик жамият каби турларга бўлинади. Бугунги кунда Ўзбекистон Республикаси иқтисодиётида савдо, умумий овқатланиши, хизмат кўрсатиш соҳаларида кўплаб корхоналар масъулияти чекланган жамият (МЧЖ) шаклида фаолият юритмоқда, шу сабабли ҳам масъулияти чекланган жамиятлар хўжалик юритувчи субъектларнинг анчагина қисмини ташкил этади. Кичик ва ўрта бизнес эса мутлақ кўпчиликни ташкил этади.

Масъулияти чекланган жамият кўринишидаги корпорациялар германиялик юристлар томонидан кашф қилинган. Уларни вужудга келишига асосий сабаб, XIX асрда Европа савдо-сотик ва саноатида рўй берган ўзгаришлар бўлган. Акциядорлик жамиятлари ҳаддан ташқари катта, бесунакай ва кўпол бўлиб кичик ва ўрта бизнесда қўллаш деярли мумкин бўлмаган. Бошқа жиҳатдан олганда эса, тўлиқ ширкатларни янада кенгроқ қўлланиш имкониятлари ҳам чекланган эди. Худди шу сабабли ҳам, амалиётчилар талабига кўра, масъулияти чекланган жамият тўгрисидаги қонун лойиҳаси ишлаб чиқилиб, 1892-йил 20 апрелда қабул қилинган. Кейинчалик дунёning бошқа мамлакатларида ҳам у кенг тарқала бошлади. Масъулияти чекланган жамият бир вақтнинг ўзида ҳам иштирокчининг шахсан иштирокини ва ҳам капиталларни бирлаштириш имкониятини таъминлайди. Масъулияти чекланган жамият иштирокчиси хоҳласа МЧЖ фаолиятида иштирок этиши мумкин, хоҳламаса – йўқ. У бир вақтнинг ўзида бир неча жамиятларда бўлиши мумкин. Нафакат профессионал тадбиркор, балки ҳар қандай шахс масъулияти чекланган жамият иштирокчиси бўлиши мумкин.

Масъулияти чекланган жамиятларни тузиш ва фаолиятини ташкил этиш Ўзбекистон Республикасининг "Масъулияти чекланган ва қўшимча масъулиятли жамиятлар тўғрисида"ги 2001-йил 6 декабрдаги Қонуни билан тартибга солинади.

Ўзбекистон Республикаси ФКнинг 62-моддасида масъулияти чекланган жамиятга доир асосий қоидалар берилган. Ҳозирги вақтда масъулияти чекланган жамият мамлакатимизда тадбиркорлик фаолиятини амалга оширувчи юридик шахснинг энг кўп тарқалган ва энг оммавий

ташкилий-хукукий шаклларидан бири хисобланади. Фойда олиш ва уни масъулияти чекланган жамият иштирокчилари ўртасида таксимлаш имконияти жамият фаолиятининг асосий максади хисобланади. Масъулияти чекланган жамият қонунчилик билан таъқиқланмаган фаолиятнинг исталган турини амалга оширишга ҳакли эканлиги кўрсатилган.

Ушбу қонуннинг учинчи моддасига кўра, бир ёки бир неча шахс томонидан таъсис этилган, устав фонди (устав капитали) таъсис хужжатлари билан белгиланган хўжалик жамияти масъулияти чекланган жамият хисобланади. Масъулияти чекланган жамиятнинг иштирокчилари унинг мажбуриятлари бўйича жавобгар бўлмайдилар ва жамият фаолияти билан боғлик зарарлар учун ўзлари кўшган хиссалар қиймати доирасида жавобгар бўладилар. Масъулияти чекланган жамиятнинг ўз хиссасини тўла қўшмаган иштирокчилари жамият мажбуриятлари бўйича ҳар бир иштирокчи хиссасининг тўланмаган қисмининг қиймати доирасида солидар жавобгар бўладилар. Ушбу таъриф Фуқаролик кодексининг 62-моддасида берилган таъриф билан айнан бир хилдир.

Юқорида гилардан кўриниб турибдики, масъулияти чекланган жамият иштирокчиси таваккал қилиш даражаси учнада юқори эмас. Мабодо, жамият иши юришмаса, у жамиятнинг устав капиталига кўшган улушлари доирасида жавобгар бўлади, холос. Тўғри, Конуннинг 5-моддаси, 10-кисмида масъулияти чекланган жамиятнинг банкротлиги иштирокчи сифатида шахснинг айби туфайли вужудга келган бўлса, жамиятнинг молмулки етарли бўлмаган тақдирда бундай шахс зиммасига унинг мажбуриятлари бўйича субсидаар жавобгарлик юклатилиши мумкин деб кўрсатилган. Лекин ушбу норма амалда деярли қўлланилмайди. Бунда энг асосий муаммо, жамиятнинг банкротлиги билан жамият иштирокчиси харакатлари ўртасида сабабий боғланишини аниқлаш мумкин. Бинобарин, «иштирокчи шахснинг айби» дегандан қонун чиқарувчи нимани назарда тутиши аниқлаштирилиши лозим. Агарда айб тушунчаси кенг маънода талқин этилса, у холда масъулияти чекланган жамият моҳиятига зид бўлган бўлур эди. Бошқача айтганда, иштирокчининг жамият мажбуриятлари учун жавобгарлиги, унинг кўшган улушлари доирасидан ташқари чиқиб кетган бўлур эди. Шу сабабли ҳам, фикримизча, «иштирокчининг айби» тор маънода талқин этилиши ва унинг қасддан гараз ниятлар билан қилган жиноий ҳаракатларинигина камраб олиши лозим.

Жисмоний шахслар ҳам, юридик шағслар ҳам масъулияти чекланган жамиятнинг иштирокчилари бўлиши мумкин. Албатта, жисмоний шахслар масъулияти чекланган жамият иштирокчиси бўлиши учун тўлиқ муомала лаёқатига эга бўлиши лозим. Конунда айрим тоифадаги жисмоний

шахсларнинг жамиятда иштирок этиши таъкикланиши ёки чекланishi мумкин. Бунга якъол мисол қилиб, Ўзбекистон Республикаси Вазирлар Маҳкамаси томонидан 1992-йил 6 марта тасдиқланган «Тадбиркорлик фаолияти билан шугулланиш таъкикланган шахслар рўйхати»ни кўрсатиш мумкин.¹ Шунингдек, Ўзбекистон Республикаси Конституциясига кўра Президент, Конституциявий суд аъзолари, судлар, прокуратура тўғрисидаги қонунларга кўра прокурорлар, терговчилар, судъялар ҳам тадбиркорлик фаолияти билан шугулланишга ҳақли эмаслар. Демак, улар масъулияти чекланган жамиятда иштирокчи бўлишга ҳам ҳақли эмаслар.

Бир ёки бир неча шахс томонидан таъсис этилган, устав фонди (устав капитали) таъсис ҳужжатлари билан белгиланган микдорларда улушларга бўлинган хўжалик жамияти масъулияти чекланган жамият деб хисобланади. Масъулияти чекланган жамиятнинг иштирокчилари унинг мажбуриятлари бўйича жавобгар бўлмайдилар ва жамият фаолияти билан боғлиқ зарарлар учун ўзлари кўшган хиссалар қиймати доирасида жавобгар бўладилар. Масъулияти чекланган жамиятнинг ўз хиссасини тўла кўшмаган иштирокчилари жамият мажбуриятлари бўйича ҳар бир иштирокчи ҳиссасининг тўланмаган қисмининг қиймати доирасида солидар жавобгар бўладилар.

Кўшимча масъулиятли жамият масъулияти чекланган жамият билан биргаликда юридик шахснинг мустакил ташкилий-хукукий шакли хисобланади. Лекин масъулияти чекланган жамият ҳам, кўшимча масъулиятли жамият ҳам жуда кўп ўхшаш жиҳатларга эга. Ушбу ташкилий-хукукий шаклларнинг ўхшашлиги қонун чиқарувчига Ўзбекистон Республикаси ФКнинг масъулияти чекланган жамият тўғрисидаги қоидаларни кўшимча масъулиятли жамиятта ҳам қўлланишига имкон берди. Масъулияти чекланган жамият ва қўшимча масъулиятли жамиятларнинг асосий фарқи жавобгарликнинг ҳукукий тартиби солинишидан иборат.

Кўшимча масъулиятли жамият иштирокчилари жавобгарлигининг энг юкори микдори кўшимча масъулиятли жамиятнинг уставида назарда тутилади. Иштирокчилардан бири банкрот бўлиб қолганида, унинг кўшимча масъулиятли жамият мажбуриятлари бўйича жавобгарлиги, агар жамиятнинг таъсис ҳужжатларида жавобгарликни тақсимлашнинг бошқача тартиби назарда тутилган бўлмаса, бошқа иштирокчилар ўртасида уларнинг кўшган хиссаларига мутаносиб равишда тақсимланади.

Масъулияти чекланган ҳамда кўшимча масъулиятли жамиятлар қонун ҳужжатларида таъкикланмаган ҳар қандай фаолият турларини амалга ошириши мумкин.

Жамият ўз мажбуриятлари юзасидан ўзига қарашли барча мол-мулк билан жавобгар бўлади. Жамият ўз иштирокчиларининг мажбуриятлари

¹ Ўзбекистон Республикаси Ҳукумати қарорлари тўплами. 1992.

юзасидан жавоб бермайди. Жамиятнинг банкротлиги иштирокчи сифатидаги шахснинг айби туфайли вужудга келган бўлса, жамиятнинг мол-мулки етарли бўлмаган тақдирда, бундай шахс зиммасига унинг мажбуриятлари бўйича субсидиар жавобгарлик юклатилиши мумкин. Давлат ва унинг органлари жамиятнинг мажбуриятлари юзасидан жавобгар эмаслар, худди шунингдек, жамият ҳам давлат ва унинг органлари мажбуриятлари юзасидан жавобгар бўлмайди.

Юридик ва жисмоний шахслар жамиятнинг иштирокчилари бўладилар. Конун бўйича айрим тоифадаги жисмоний шахсларнинг жамиятда иштирок этиши таъкидланиши ёки чекланиши мумкин. Давлат ҳокимияти ва бошқарув органлари, агар конун ҳужжатларида бошқача қоида белгиланган бўлмаса, жамиятнинг иштирокчилари бўлишга ҳақли эмаслар. Жамият бир шахс томонидан таъсис этилиши мумкин бўлиб, у жамиятнинг ягона иштирокчиси хисобланади. Жамият кейинчалик бир иштирокчиси бўйган жамиятга айланниши мумкин. Жамият ягона иштирокчи сифатида бир шахсдан иборат бошқа ҳўжалик жамиятига эга бўлиши мумкин эмас. Жамият иштирокчиларининг сони эллик кўшидан ошмаслиги лозим. Агар жамият иштирокчиларининг сони ушбу модданинг олтинчи қисмида белгиланган меъёрдан ошиб кетса, жамият бир йил ичida очиқ акциядорлик жамияти ёки ишлаб чиқариш кооперативи этиб қайта тузилиши керак. Агар кўрсатилган муддат давомида жамият қайта тузилмаса ва жамият иштирокчиларининг сони белгиланган меъёрга қадар камаймаса, у юридик шахсларни давлат рўйхатидан ўтказувчи органинг талабига биноан, суд орқали тугатилиши керак.

Жамиятнинг таъсис шартномаси ва устави – жамият таъсис ҳужжатлариидир. Агар жамият бир шахс томонидан таъсис этилса, шу шахс тасдиклаган устав жамиятнинг таъсис ҳужжати хисобланади. Жамият иштирокчиларининг сони икки ва ундан ортиқ кишига кўпайса, улар ўртасида таъсис шартномаси тузилиши керак.

Жамият устав фонди (устав капитали) унинг иштирокчилари улушларининг номинал қийматларидан таркиб топади. Жамият устав фонди (устав капитали)нинг микдори жамиятни давлат рўйхатидан ўтказиш учун ҳужжатларни тақдим этиш санасидаги ҳолатга конун ҳужжатларида белгиланган энг кам ойлик иш ҳақининг эллик бараваридан кам бўлмаслиги лозим. Жамият давлат рўйхатидан ўтказиладиган пайтга қадар унинг ҳар бир иштирокчиси таъсис ҳужжатларида кўрсатилган жамиятнинг устав фонди (устав капитали) даги ўз хиссасининг камидা 30% ни киритиш шарт. Жамиятнинг ҳар бир иштирокчиси таъсис ҳужжатларида белгиланган ва жамият давлат рўйхатидан ўтказилган пайтдан бошлаб бир йилдан ошмайдиган муддат мобайнида жамиятнинг устав фондига (устав капиталига) ўз хиссасини тўлиқ киритилишни керак. Жамиятнинг иштирокчиси томонидан хиссанинг тўлиқ киритилганлиги жамият иштирокчисига бериладиган гувоҳнома билан тасдиқланади.

Жамият иштирокчиларининг умумий йиғилиши жамият бошқарувининг олий органи ҳисобланади.

Жамиятнинг уставида жамиятнинг кузатув кенгашини тузиш назарда тутилиши мумкин.

Жамиятнинг жорий фаолиятига раҳбарлик қилиш жамиятнинг яккабошчилик асосидаги ижро этувчи органи томонидан ёки жамиятнинг коллегиал ижро этувчи органи томонидан амалга оширилади. Жамиятнинг ижро этувчи органи жамият иштирокчиларининг умумий йиғилишига ва, агар тузилиши жамиятнинг уставида назарда тутилган бўлса, жамиятнинг кузатув кенгаси олдида ҳисобдордир.

4 §. Акциядорлик жамиятлари – юридик шахс сифатида

Акциядорлик жамияти давлат корхоналарини хусусийлаштириш, янги корхоналарни ташкил этиши ва уларни бошқарища ахолининг иштирокини таъминлайдиган, кишиларда мулкдорлик туйгусини ҳосил қилдирадиган ҳамда шахсларнинг бўш қолган маблагларини акция сотиши орқали бир жойга тўплаб тадбиркорликка йўналтирадиган хўжалик юритувчи субъектdir. Йирик ишлаб чиқариш, хизмат кўрсатиш ва ишларни бажариш асосан акциядорлик жамиятлари томонидан амалга оширилади. Аникрофи улар жаҳондаги асосий ижтимоий-иктисодий усқуртмалардан биридир. Чунки улар юридик ва жисмоний шахслар кўлида вактинча бўш қолган капитални акция сотиши орқали бир жойга йиғиб, сўнг уни фойда олиш учун йўналтирадилар. АЖлар фаолияти иктисодиёт ривожланиши объектив талабларидан келиб чиқади.

Акциядорлик жамиятлари хўжалик юритувчи субъектлар тизимида алоҳида ўрин эгалайди. Фарб мамлакатларида акциядорлик жамиятлари йирик ишлаб чиқарishни ташкил этишда етакчи ўринни эгалайди.

Бугунги мамлакатимиз иктисодиётида акциядорлик жамиятлари асосан саноат, транспорт, банк, молия, сугурта, улгуржи савдо соҳасида кенг кўлланмокда.

Устав фонди муайян микдордаги акцияларга бўлинган жамият акциядорлик жамият ҳисобланади. Иштирокчилар (акциядорлар) жамият мажбуриятлари бўйича жавоб бермайдилар, жамият фаолияти билан боғлиқ зарарлар учун ўзларига қарашли акциялар қиймати доирасида жавобгар бўладилар (ФКнинг 64-моддаси).

Ж.И.Юлдашев хўжалик жамиятлари ва ширкатлари ичida акциядорлик жамиятлари йирик ва ўрта бизнесга, қолган хўжалик ширкатлари ва жамиятлари майда ва ўрта бизнесга ҳос хўжалик юритувчи субъектлар деб ҳисоблайди.

Акциядорлик жамиятларининг хуқукий мақоми ФК, 1996 йил 26 апрелда қабул қилинган “Акциядорлик жамиятлари ва акциядорларнинг

хукуқларини химоя қилиш тұғрисида”ти Конун ва бошқа конун хужжатлари билан тартибга солинади.

Акциядорлик жамияти ўз мажбуриятлари юзасидан ўзига тегишли барча мол-мұлки билан жавобгар бўлади. Акциядорлар жамиятнинг мажбуриятлари юзасидан жавобгар бўлмайдилар ва унинг фаолияти билан bogliq ziyonlari uzlariiga tegin shahzadalar. Акциялар ҳақининг ҳаммасини тўламаган акциядорлар жамият мажбуриятлари юзасидан uzlariiga tegin shahzadalar. Жамият ўз акциядорларининг мажбуриятлари юзасидан жавобгар бўлмайди. Агар жамиятнинг ночорлиги (банкротлиги) жамият учун мажбурий кўрсатмаларни бериш хукуқига эга бўлган акциядор сифатидаги шахснинг гайриконуний хатти-харакатлари туфайли вужудга келган бўлса, мазкур акциядор зиммасига жамиятнинг мол-мұлки етарли бўлмаган тақдирда, унинг мажбуриятлари бўйича субсидиар жавобгарлик юклатилиши мумкин. Акциядорлик жамиятининг уставида тегишли хукуқ назарда тутилган тақдирдагина, акциядор мажбурий кўрсатмаларни бериш хукуқига эга бўлади. Жамият учун мажбурий кўрсатмаларни бериш хукуқига эга бўлган акциядор жамиятнинг муайян харакатни амалга ошириши оқибатида ночор (банкрот) бўлиб колишини олдиндан билиб, ўз хукуқидан унинг ана шундай харакатни амалга оширишини кўзлаб фойдаланган ҳолдагина жамиятнинг ночорлиги (банкротлиги) акциядорнинг ҳаракатлари туфайли вужудга келтирилган деб хисобланади.

Акциядорлик жамияти очик ёки ёпиқ бўлиши мумкин. Очик акциядорлик жамиятининг муассислари таркибига кирувчиларнинг энг кам сони чекланмайди, ёпиқ акциядорлик жамиятининг муассислари эса камидан уч шахсдан иборат қилиб белгиланади.

Муассисларнинг белгиланган миқдори турли давлатларда турличадир. Масалан, Италияда - 2, Швейцарияда -3, Германияда-5, Англия, Франция, Японияда-7, Эстония, Россия, Нидерландия, Швеция, Финляндия ва АҚШнинг кўпгина штатларида -1 киши ва х.к.

Қатнашчилари uzlariiga tegin shahzadalar. Акцияларга очик обуна ўтказишга ва, конун хужжатларининг талабларини хисобга олган ҳолда, уларни эркин сотишга ҳаклидир. ОАЖ акциядорларининг сони чегараланмайди.

Акциялари факат ўз муассислари ёки олдиндан белгиланган доирадаги шахслар орасида тақсимланадиган акциядорлик жамияти ёпиқ акциядорлик жамияти хисобланади. Бундай жамият ўзи чиқараётган акцияларга очик обуна ўтказишга ёхуд уларни чекланмаган доирадаги шахсларга сотиб олиш учун бошқача тарзда таклиф этишга ҳакли эмас. ЁАЖ акциядорларининг сони эллик нафардан зиёд бўлиши мумкин эмас.

Акциядорлар сони белгиланган чегарадан ортиб кетган тақдирда, яъни ёпик акциядорлик жамиятлари учун белгиланган миқдори акциядорларнинг чегараланган лимитидан ортиб кетган шахслар акциядорлар реестрида рўйхатга олинган кундан эътиборан, у олти ой ичida очик акциядорлик жамиятига айлантирилиши, ушбу муддат тугагач, суд орқали тутатилиши лозим.

Акциядорлик жамияти устав фондининг энг кам миқдори жамият давлат рўйхатидан ўтказилган санада Ўзбекистон Республикаси Марказий банкининг курси бўйича тўрт юз минг АҚШ долларига тенг бўлган суммадан кам бўлмаслиги керак.¹

Акциядорлик жамиятлари филиаллар ташкил этиши ҳамда ваколатхоналар очиши мумкин. Улар ўзларини ташкил этган жамият томонидан мол-мулк билан таъминланади ва шу жамият тасдиқлаган низомлар асосида иш кўради. Филиал ёки ваколатхонанинг раҳбари жамият томонидан тайинланади ва жамият берган ишончнома асосида иш кўради. Филиал ҳамда ваколатхона фаолияти учун жавобгарлик уларни тузган жамият зиммасида бўлади.

Таъсис йиғилиши (муассис) тасдиқлаган устав жамиятнинг таъсис хужжати хисобланади.

Давлат корхонаси акциядорлик жамиятига айлантирилаётганда, давлат мулкини тасарруф этишга ваколатли орган тасдиқлайдиган эмиссия маълумотномаси ҳам таъсис хужжати хисобланади.

Жамиятнинг устав фонди акциядорлар сотиб олган жамият акцияларининг номинал қийматидан ташкил топади. Жамият чиқарадиган барча акцияларнинг номинал қиймати бир хил бўлиши лозим.

Жамиятнинг устав фонди унинг мол-мulkининг ўз кредиторлари манфаатларини кафолатлайдиган даражадаги энг кам миқдорини белгилайди. Жамият давлат мулки негизида тузилганда, корхона (мол-мулк)нинг конун хужжатларида белгиланган тартибида аниқланган бозор баҳоси жамият устав фондининг суммасини ташкил этади.

Акциядорлик жамиятини акциядорларнинг умумий йиғилиши, кузатув кенгаши ва ижроия органи бошқаради.

Акциядорларнинг умумий йиғилиши жамиятни бошқаришнинг олий органдир.

Жамиятнинг кузатув кенгаши жамият фаолиятига умумий раҳбарлик қилади, ушбу конун билан акциядорлар умумий йиғилишининг мутлақ ваколатларига киритилган масалаларни ҳал этиш бундан мусгасно. Овоз берувчи акцияларнинг эгаси бўлган акциядорлар сони ўттиз кишидан кам бўлган жамиятда кузатув кенгаши вазифаси жамият устави билан акциядорларнинг умумий йиғилиши зиммасига юкланиши мумкин. Бундай

¹ "Ўзбекистон Республикаси конун хужжатлари тўплами", 2009 йил, 15-сон, 176-модда.

холларда акциядорлар умумий йигилишини ўтказиш масаласини ҳал этишга ваколати бўлган муайян шахс ёки жамият органи жамият уставида ўз аксини топиши керак.

Жамиятнинг кундалик фаолиятига раҳбарлик яккабошчилик асосидаги ижроия органи (директор) ёки коллегиал ижроия орган (бошқарув, дирекция) томонидан амалга оширилиши мумкин. Бир пайтнинг ўзида ҳам яккабошчилик асосидаги, ҳам коллегиал ижроия органлари бўлиши назарда тутилган жамият уставида улардан ҳар бирининг ваколатлари белгилаб қўйилиши керак. Бундай холларда жамиятнинг яккабошчилик асосидаги ижроия органи (директор) вазифасини бажарувчи шахс коллегиал ижроия органи (бошқарув, дирекция) раиси вазифасини ҳам амалга оширади.

Акциядорлар умумий йигилишининг қарорига биноан жамият ижроия органининг ваколатлари шартнома бўйича тижорат ташкилоти (бошқарувчи ташкилот)га ёки якка тартибдаги тадбиркор (бошқарувчи)га берилиши мумкин. Тузиладиган шартноманинг шартлари, башарти уставда ўзгача қоида назарда тутилмаган бўлса, жамият кузатув кенгашни томонидан тасдиқланади. Жамият ижроия органининг ваколатларига жамиятнинг кундалик фаолиятига раҳбарлик қилишга доир барча масалалар киради, акциядорлар умумий йигилишининг мутлақ ваколатларига ёки кузатув кенгашининг ваколатларига киритилган масалалар бундан мустасно.

Хўжалик ширкати ва жамиятлари юридик шахс хукуқини олган шўъба ва тебе хўжалик жамиятларга эга бўлиши мумкин.

ФКнинг 67-моддасига мувофиқ, бир (асосий) хўжалик жамияти ёки ширкати иккинчи хўжалик жамиятининг устав фондида ундан устунлик мавқеига эга бўлган ҳолда иштирок этиши туфайли ёхуд улар ўртасида тузилган шартномага мувофиқ ё бўлмаса бошқача тарзда иккинчи хўжалик жамияти томонидан қабул қилинадиган қарорларни белгилаб бериш имконига эга бўлса, ушбу иккинчи хўжалик жамияти шўъба хўжалик жамияти хисобланади.

Шўъба хўжалик жамияти ўзининг асосий жамияти (ширкати)нинг қарзлари бўйича жавоб бермайди.

Шўъба хўжалик жамиятига бажарилиши шарт бўлган кўрсатмаларни беришга хукукли асосий жамият ана шундай кўрсатмаларни бажариш учун шуъба жамият томонидан тузилган битимлар юзасидан шуъба жамият билан солидар жавобгар бўлади. Асосий жамиятининг шуъба хўжалик жамиятга бажарилиши шарт бўлган кўрсатмаларни бериш хукуки шуъба хўжалик жамият билан тузилган шартномада ёки шуъба хўжалик жамиятнинг уставида кўзда тутилган тақдирдагина асосий жамият бундай хукуқка эга деб хисобланади.

Шўъба хўжалик жамияти асосий жамиятнинг айби билан начор (банкрот) бўлиб қолган холларда асосий жамият шуъба хўжалик

жамиятнинг қарзлари юзасидан субсидиар жавобгар бўлади. Асосий жамият шуъба хўжалик жамиятнинг муайян ҳаракатларни амалга ошириш оқибатида noctor (банкрот) бўлиб қолишини олдиндан билиб, юкорида айтилган ўз хукуклари ва (ёки) имкониятидан шуъба хўжалик жамиятнинг шундай ҳаракатларни амалга оширишини кўзлаб фойдаланган ҳоллардагина шуъба хўжалик жамиятнинг noctorligi (банкротлиги) асосий жамиятнинг айби билан юз берган деб ҳисобланади.

Шуъба хўжалик жамият акциядорлари асосий жамиятдан унинг айби билан шуъба хўжалик жамиятга келтирилган зиённи тўлашни талаб қилишга ҳақлидир. Асосий жамият шуъба хўжалик жамиятнинг муайян ҳаракатларни амалга ошириш оқибатида зиён кўришини олдиндан билиб, ўз хукуклари ва (ёки) имкониятидан шуъба хўжалик жамиятнинг шундай ҳаракатларни амалга оширишини кўзлаб фойдаланган ҳолдагина зиён асосий жамиятнинг айби билан келтирилган деб ҳисобланади.

Хўжалик жамиятида иштирок этувчи бошқа жамият хўжалик жамиятига қарашли овоз берадиган акцияларнинг йигирма фоизидан кўпргига эга бўлса, бундай хўжалик жамияти қарам жамият деб ҳисобланади.

Қарам хўжалик жамияти юридик шахс ҳисобланади.

Хўжалик жамиятида иштирок этувчи бошқа жамият қарам жамият устав фондининг тегишли кисмини кўлга киритиб олганлиги ҳақидаги маълумотларни қонунда назарда тутилган тартибда дархол эълон қилиши шарт.

Хўжалик жамиятлари бир-бирларининг устав фондларида ўзаро қатнашишининг чегараси ва бундай жамиятлардан бири бошқа жамият иштирокчилари ёки акциядорларининг умумий йиғилишида фойдаланиши мумкин бўлган овозлар сони қонунда белгилаб кўйилади.

Иштирок этувчи ва тебе хўжалик жамиятлари ўргасидаги ўзаро муносабатлар қонун хужжатлари билан тартибга солинади.

5 §. Қўшма корхоналар–юридик шахс сифатида

Фуқаролик хукуки субъектлари орасида юридик шахс сифатида қўшма корхоналар алоҳида ўрин эгаллайди. Қўшма корхоналар хорижий сармояларни Ўзбекистон Республикасига олиб келувчи асосий манбалардан бўлиб ҳисобланади. 1998 йил 30 апрелда қабул қилинган «Чет эл инвестициялари тўғрисида»ги Қонуннинг 5-моддаси, 1-қисмига кўра, Ўзбекистон Республикасининг юридик ва жисмоний шахслари билан биргаликда ташкил этилган хўжалик жамиятлари ва ширкатларининг, банклар, сугурта ташкилотлари ва бошқа корхоналарнинг устав жамғармаларида ва бошқа мол-мулкида улуш кўшиб қатнашиш чет эл инвестициясини амалга ошириш шакли ҳисобланади. Яна шуни ҳам унитмаслик керакки, мамлакатимиз қонунчилигига қўшма корхоналар

учун белгиланган алоҳида имтиёзли хукуқий мақом ҳар қандай хорижий сармоядор иштирик этган корхонага берилавермайди.

Юқоридаги Қонуннинг 6-моддаси, 2-қисмига кўра, Ўзбекистон Республикаси худудидаги чет эл инвестициялари иштирокидаги корхоналар деганда, акциялари (улушлари, пайлари)нинг ёки устав жамғармасининг камидаги ўттиз фоизини чет эл инвестициялари ташкил этадиган корхоналар тушунилади. Улар Ўзбекистон Республикаси қонун хужжатларига зид келмайдиган ҳар қандай ташкилий-хукуқий шаклларда фаолият кўрсатадилар. Бундан ташқари, корхона муассисларидан бири, албатта, чет эллик инвестор бўлиши шарт.

Цивилист олим Б.Б.Самархўжаев қўшма корхоналарнинг хукуқий мақомини таҳлил этар экан, қўшма корхона ибораси илк марта вужудга келганда том маънода кўлланганини қайд этади, масалан, XVI-XVII асрларда денгиз савдоси билан шуғулланувчи «Мергант Венчерс» ёки «Жентельмен Эдвичерс» бирлашмалари Буюк Британияда «Хайнт венчер» (Joint venture) деб атаглан. Ҳозирги вақтда иқтисодий адабиётларда ҳам, юридик адабиётларда ҳам қўшма корхонанинг ягона тушунчаси мавжуд эмас¹.

Фарбий Германиялик тадқиқотчи К.Зайберг қўшма корхонага куйидагича таъриф беради: «Кўшма корхона деганда, тегишли шартномаларда юридик мустаҳкамланган ва биргаликдаги сармояларга асосланган, мустақил манфаатларга эга бўлган шерикларнинг ўртасида миллий чегаралар доирасидан ташқари чиқувчи кооперациян ҳамкорлик фаолияти тушунилади»². Н.Вознесенский қўшма корхонанинг алоҳида ҳамкорлик шакли сифатида моҳиятини очиб беришга, М.Кулагин ҳар қандай биргаликдаги компания ёки корхонанинг умумий белгиларни аниқлашга ҳаракат қиласди³.

Фикримизча, қўшма корхоналарга энг мукаммал таъриф Б.Б.Самархўжаев томонидан берилган. Бунга кўра, «Кўшма корхона бу Ўзбекистон Республикаси қонунчилигига кўра юридин шахс хукуқига эга бўлган, у ёки бу ташкилий-хукуқий шаклга солинган корхона бўлиб, унинг устав фонди ўзбек ва чет эллик шериклар улушлари асосида шакллантирилади, бу эса уларга ушбу корхонани ишлаб чиқариш-хўжалик ва бошқа фаолиятини қўшган улушларига мутаносиб тарзда биргаликда бошқариш ва фойда олиш хукуқини беради»⁴.

Олим қўшма корхоналарни ташкил этишининг ҳам ижобий, ҳам салбий жиҳатлари мавжудлигини (мамлакат иқтисодиёти учун) қайд этади. Ижобий жиҳатлар куйидагиларда намоён бўлади:

¹ Самархужаев Б.Б. Проблемы правового регулирования отношений по инвестициям РУ (международно частно-правовой аспект). Докторская диссертация. Т.; 2003. – С. 145

² Совместные предприятия в практике экономических отношений. М.: Внешторгиздат. 1989. – С. 21

³ Кулагин М.Ч. Государственно-монополистический капитализм и юридическое лицо. М.: Статут, 1997. – С. 187.

⁴ Самархужаев Б. Б. Ук. соч. – С. 149.

-бириңчидан, корхона асосий фондлар таркибига кирадиган ва бевосита ҳақ тұлашни талаб этмайдынан янги материаллар ва молиявий ресурслар (шу жумладан, импорт курилмалар, лицензиялар, ноу-хоулар) жалб этилади;

-иккинчидан, махаллий ва хорижий шерикларнинг манфаатлари бирлашади, бу эса ишлаб чиқаришни такомиллаштиришда, бозорларни зabit этишда үзаро манфаатдорлик бўлишини таказо килади.

Шу билан бирга, қўшма корхонанинг салбий томонлари ҳам мавжуд. Қўшма корхона иштирокчилари бўлган махаллий таъбиркорлар, маълум даражада, корхона устидан назоратни йўқотадилар. Даромадларнинг анчагина кисми хорижий шерикнинг мулкига айланади ва қўшма корхона устав фондидаги унинг улушига мутаносиб равиша унга доимий равиша тўлаб турилади¹. Профессор Ш. Рўзиназаров қўшма корхоналар ҳалқаро кооперациянинг энг мураккаб ҳамкорликдаги ташкилий-хукуқий шакли бўлиб, унда тижорат ва ишлаб чиқариш фаолияти уйғунлашади деб кўрсатади.² Ҳалқаро кооперация - бу бир неча давлатга мансуб субъектларни үзаро биргалиқдаги фаолияти ҳисобланади.

6 §. Давлат корхоналари – юридик шахс сифатида

Республикамизнинг ижтимоий-иктисодий риёзжаланишида юридик шахслар алоҳида ўрин тутади. Жамиятни янгилаш, мамлакатни модернизация ва ислоҳ этиши шароитида юридик шахслар ишлаб чиқариш, саноат, қишлоқ хўжалиги ва хизмат кўрсатишнинг барча соҳаларида етакчи куч ва иктиносидий муомаланинг асосий субъекти ҳисобланади.

Маълумки, Ўзбекистон давлат мустақилликка эришилгач, мулкчилик муносабатларининг тубдан янгиланганлиги давлат мулкига асосланган юридик шахслар билан бирга ҳусусий мулк негизида ҳам юридик шахслар ташкил этилишига шароит яратилди. Бу эса, ўз навбатида, иктиносидаги асосий ишлаб чиқарувчи, хизмат кўрсатувчи субъектлар ҳисобланган юридик шахсларга нисбатан давлатнинг гегемонлигига чек қўйиши билан бирга, давлатга қарашли юридик шахларнинг хукуқ субъектлилига, уларнинг ваколатлари доирасига, муассис давлат ва юридик шахс ўргасидаги хукуқий муносабатларининг тубдан янгиланишига, бир сўз билан айтганда, давлатга қарашли юридик шахслар фуқаролик хукукий мақомининг ўзгаришига олиб келди. Бугунги кунда давлат унитар корхоналари, давлатга қарашли муассасалар, давлат улуши мавжуд бўлган акциядорлик жамиятлари, давлат иштирокидаги қўшма корхоналар, давлат компаниялари ва корпорациялари билан бирга, давлат бошқарув органлари

¹ Ўша асар. -Б. 150.

² Рўзиназаров Ш. Бозор шароитида қишлоқ хўжалик ишлаб чиқариш тузилмаларининг фуқаролик хукукий мақоми. Т.; “Адолат”. 1997. -169 б.

хам бозор муносабатлари шароитида юридик шахс мақомига эгалиги ва иқтисодий муносабатларда фуқаролик хукукининг бошқа субъектлари билан бирга юридик шахс режимидан фойдаланиб, хукукий муносабатга киришаётганлиги хисобга олсақ, мазкур мавзунинг амалий жиҳатдан долзарб эканлигини англаш мумкин бўлади. Бундан ташқари, давлатга қарашли, давлат улуши бўлган ҳамда давлат иштирокидаги юридик шахслар ташкил топиши, уларнинг хукуқ ва муомала лаёқати мазмуни, фаолиятининг хукукий асослари, уларни қайта ташкил этиш ва тутгатиш усуулларини тадқиқ этиш бу борадаги мавжуд муаммоларни аниклаш ва уларнинг ёнимини топиш ҳам мамлакат иқтисодий ривожланишида мухим ўрин тутади. Бинобарин, иқтисодий муносабатларда давлат ўз мулки асосланган юридик шахс ташкил этиши, ёки бошқа субъектлар билан биргалиқда, у ёки бу ташкилий-хукукий шаклдаги юридик шахсга улуш қўшиши ҳамда юридик шахснинг устав фондига мол-мулкни киритиш орқали ўз фаолиятини амалга оширади.

Фуқаролик хукуқида давлатга тегишли юридик шахслар “мустақил” субъект сифатида ўз мулки (бу ўринда оператив бошқариш ва хўжалик юритиш)га эга бўлади, хукукий муносабатларда ўз номидан қатнашади. Бироқ, юридик шахс билан давлат ўртасидаги алоқалар ҳамда мажбуриятлар юзасидан давлатнинг жавобгарлиги фуқаролик хукуки назариясида баҳсли ҳолат хисобланади. Гарчи, Ўзбекистон Республикасининг Фуқаролик кодексида давлат ва юридик шахсларнинг жавобгарлиги фарқлаб кўйилган бўлсада, бундай фарқланишининг аниқ чегараси мавжуд эмас. Шу муносабат билан, давлатга қарашли юридик шахсларнинг хукукий асосларини белгилаш мухим аҳамиятга эга хисобланади.

Ўзбекистон Республикаси ФКнинг 70-моддасига мувофиқ, унитар корхона, деб ўзига бириктириб кўйилган мол-мулкка нисбатан мулкдор томонидан мулк хукуки берилмаган тижоратчи ташкилотга айтилади. Унитар корхона тижорат ташкилоти хисобланади, лекин унинг ўзига хос хусусияти шундан иборатки, у корпоратив юридик шахс эмас, унинг фаолияти иштирокчиларнинг аъзолиги асосида барпо этилмайди. У битта шахс - мулкдор, одатда давлат томонидан тузилади. Давлат эса ўзи унитар корхонага оператив бошқариш хукуқида ёки хўжалик юритиш хукуқида берадиган мол-мулкига бўлган мулкий хукукини, шунингдек, унитар корхона томонидан унинг фаолияти жараённида эгаллаган мол-мулкига бўлган мулкий хукукини ўзида саклаб қолади. Бунда мулкдор унитар корхонанинг давлат рўйхатидан ўтказилиши пайтида унинг устав фондини тўлиқ тўлаши шарт.

Бу корхонанинг мулки бўлинмасдир ва у қўшилган хиссалар (улушлар, пайлар) бўйича, шу жумладан, корхона ходимлари ўргасида ҳам тақсимланмайди. Унитар корхонанинг мол-мулки унга хўжалик юритиш ёки оператив бошқариш хукуки асосида тегишлидир. Унитар корхона ўз

мажбуриятлари бўйича ўзига қарашли мол-мулк билан жавоб беради. Унитар корхона ўз мол-мулк эгасининг мажбурияти бўйича жавоб бермайди.

Унитар корхонанинг таъсис хужжати устав бўлиб, у тегишли давлат идораларида рўйхатдан ўтказилади. Конунчиликнинг умумий белгиланган меъёrlарига мувофиқ, унитар корхонанинг уставида куйидаги маълумотлар бўлиши лозим:

- фирма номи, манзили (почта манзили);
- фаолиятининг предмети ва мақсадлари;
- корхонанинг фаолиятини бошқариш тартиби;
- устав фондининг миқдори, уни шакллантиришининг тартиби ва манбалари, унинг кўпайтирилиши ва камайтирилишининг тартиби;
- мол-мулкини тасаруф қилиш шартлари;
- даромадни (фойдани) тақсимлаш ва заарларни коплаш тартиби;
- раҳбарининг ҳукуқлари, мажбуриятлари, жавобгарлиги ва хоказолар.

Уставга конунчиликка зид бўлмаган бошқа қоидалар ҳам киритилиши мумкин.

ФКнинг 71-моддасида белгиланишича, юридик шахс ҳукуқига эга бўлган, ҳўжалик юритиш ҳукуқига асосланган унитар корхона мулкдорнинг ёки у вакил қилган органнинг қарорига мувофиқ ташкил этилади. Корхонанинг таъсис хужжати белгиланган тартибида тасдиқланган уставидан иборат. Ҳўжалик юритиш ҳукуқига асосланган унитар корхона ўз мол-мулкининг бир кисмини ҳўжалик юритиц учун белгиланган тартибида топшириш йўли билан юридик шахс бўлган бошқа унитар корхона (шўъба корхона) ташкил этиши мумкин.

Конун хужжатларида назарда тутилган ҳолларда давлат органининг қарорига мувофиқ, давлат мулки бўлган мол-мулк негизида оператив бошқариш ҳукуқига асосланган давлат унитар корхонаси (давлат корхонаси) ташкил этилиши мумкин. Оператив бошқарув ҳукуқига асосланган давлат корхонасининг фирма номи унинг давлат корхонаси эканлигини кўрсатиб туради, корхонанинг мол-мулки етарли бўлмаганида давлат корхона мажбуриятлари бўйича субсидиар жавобгар бўлади.

Давлат корхонаси уни тузган давлат органининг қарорига мувофиқ қайта ташкил этилиши ёки тугатилиши мумкин (ФКнинг 72-моддаси).

Давлат корхонасининг асосий таъсис хужжати бу унинг уставидир. Давлат корхонаси ана шу устав асосида иш олиб боради. Уставда куйидагилар белгиланаади: корхонанинг номи, жойлашган ери, мол-мулки ва маблағлари, ҳўжалик фаолияти тури, фаолият предмети, моҳиятни ташкил қилиш, унга ҳақ тўлаш, корхона бошқаруви, ҳисоботи, корхона фаолиятини қайта ташкил қилиш ва тугатиш ҳақидаги қоидалар.

Давлат корхонаси ўз таъсисчиси билан келишилган ҳолда конунчилик таалабларига риоя қилган ҳолда филиалларни тузиш ва ваколатхоналарни

очишига ҳаклидир. Давлат корхонаси филиал тузилиши ёки ваколатхона очилишидан кейинги бир ҳафта муддат ичидан бу ҳақда Ўзбекистон Республикаси Давлат Мулк қўмитасини (унинг худудий бошқармасини) хабардор этиши лозим.

Давлат корхонасининг филиаллари ва ваколатхоналари уларни тузган давлат корхонаси номидан давлат корхонаси томонидан тасдиқланган низомлар асосида фаолият юритади ва уларни барпо этган давлат корхонасининг мол-мулки билан таъминланади. Давлат корхонасининг филиали ёки ваколатхонасининг раҳбари давлат корхонасининг таъсисчиси билан келишилган ҳолда, унинг раҳбари томонидан тайинланади ва унинг ишончномаси асосида иш юритади. Филиал ёки ваколатхонанинг раҳбари билан меҳнат шартномаси бекор қилинганда ишончнома давлат корхонасининг раҳбари томонидан бекор қилиниши лозим.

Давлат корхонасида барча соликларни ва бошқа мажбурий тўловларни бюджетта ва бюджетдан ташкари фондларга тўлашдан кейин қолган соғ фойдаси корхонанинг тасарруфида қолади ва таъсичининг қарорига кўра ишлатилади. Давлат корхонаси унинг тасарруфида қолган соғ фойдаси хисобига захира фонди ва бошқа фондларни, корхонанинг уставида назарда тутилган тартибда ва микдорда тузишга ҳаклидир, уларнинг микдори таъсисчи томонидан тасдиқланади.

7 §. Ишлаб чиқариш кооперативлари – юридик шахс сифатида

Фуқароларнинг шахсий иштироки, аъзолар (иштирокчилар)нинг мулки билан қўшиладиган пай бадалларини бирлаштириш асосида биргаликда ишлаб чиқариш ёки бошқа ҳўжалик фаолиятини олиб бориши учун аъзолик негизидаги ихтиёрий бирлашмаси ишлаб чиқариш кооперативи хисобланади. Конунда ва ишлаб чиқариш кооперативининг таъсис хужжатларида унинг фаолиятида аъзолик асосида юридик шахслар ҳам иштирок этиши назарда тутилиши мумкин (ФҚнинг 69-моддаси).

Ишлаб чиқариш кооперативининг аъзолари кооперативнинг мажбуриятлари бўйича конунда ва кооператив уставида назарда тутилган микдорларда ва тартибда субсидиар жавобгар бўладилар.

Кооперативнинг фирма номи кооператив номини ва “ишлаб чиқариш кооперативи” деган сўзларни ўз ичига олган бўлиши керак. Ишлаб чиқариш кооперативларининг хуқуқий мавқеи ва аъзоларининг хуқуқий бурчлари фуқаролик кодекси ҳамда бошқа конун хужжатлари билан белгиланади. Кооператив фуқаролар истаги билан ёки юридик шахсларнинг ташаббуси билан мутлақо ихтиёрлик асосида ташкил этилади. Кооператив аъзолари бўлган фуқароларнинг сони уч кишидан кам бўлмаслиги керак.

Кооператив мустакил тарзда ҳам мулкнинг ҳар кандай шаклига мансуб корхоналар, муассасалар, ташкилотлар хузурида ҳам ташкил этилиши ва фаолият кўрсатиши мумкин.

Кооперативнинг устави кооператив таъсис этишини истаган фуқароларнинг умумий йигилишида ёки юридик шахслар муҳтор вакилларининг йигилишида қабул қилинади ва кооператив жойлашган ердаги ҳокимлиқда рўйхатда олинади. Кооперативнинг олий бошқарув иродаси умумий йигилиши, конференция, съезд бўлиб, улар кооператив раиси (бошқарувчи)ни, тафтиш комиссияси (тафтищчи)ни сайлайди ва уларга кооперативни бошқариш бўйича ўз ваколатларини топширади.

Кооперативнинг мол-мулки ўз аъзоларининг пул ва моддий бадаллари, банкларнинг кредитлари, ўзи ишлаб чиқарган маҳсулотлар, бу маҳсулотларни сотишдан, кооператив уставида назарда тутилган ўзга хил фаолиятдан келган даромадлар ҳамда қонунларда ман этилмаган бошқа манбалар хисобига хосил бўлади.

Ишлаб чиқариш кооперативлари фуқароларнинг ихтиёрий бирлашувидан ташкил топади. Улар биргаликда ишлаб чиқариш ёки бошқа хўжалик фаолиятини олиб бориш учун, ўз хоҳишлиари билан, ушбу бирлашмага аъзо бўладилар. Бирлашма фуқароларнинг ўзлари шахсан иштирок этиши ва уларнинг мулкий бадалларини кўшиш, яъни бирлаштириш тамойилига асосланади. Қонунда ва ишлаб чиқариш кооперативининг таъсис хужжатларида унинг фаолиятида аъзолик асосида юридик шахслар ҳам иштирок этиши назарда тутилиши мумкин. Кооперативнинг мажбуриятлари бўйича, унинг аъзолари қонунда ва кооператив уставида назарда тутилган микдорларда ва тартибда, субсидиар (кўшимча), яъни улар кооперативнинг жавобгарликдан кутилиши учун тўлаши керак бўлган маблагининг (мулкининг) этишмай қолган қисми микдорида жавоб берадилар.

Кооператив аъзоларининг умумий мажлисида тасдиқланган устав кооперативининг таъсис ҳужжати бўлиб ҳисобланади. ФКнинг 43-моддасида маълумотлардан ташкири кооператив аъзоларининг кўшадиган бадаллари, бадалларнинг таркибий қисми, микдорлари ва бадал кўшишга оид мажбуриятларни бузганлик учун уларнинг (аъзоларининг) жавобгарлиги, кооператив фаолиятида ўз меҳнатлари билан қатналиш тартиби ва унинг тавсифи, шунингдек, ўз меҳнати билан қатналиш ҳакидаги мажбуриятларни бузганлик учун уларнинг (аъзоларининг) жавобгарлиги, кооператив даромадлари ва кўрган зарарларини тақсимлаш тартиби, кооператив карзлари бўйича субсидиар жавобгарликнинг шартлари ва микдори, кооператив бошқарув органларининг таркиби ва унинг ваколат доираси ва қарор қабул қилиши тартиби, кооператив аъзоларининг барчasi ёки бир қисми овоз бериши зарур бўлган масалалар ҳакида маълумотлар кооператив уставида назарда тутилган бўлиши лозим.

Кооператив куйидаги ҳолларда ўз фаолиятини тутгатади:

1. Мол-мулк эгасининг ёки у ваколат берган органинг қарорига ёхуд суднинг ҳал қилюв қарорига мувофиқ;

2. Агар рўйхатга олингандан бир йил ўтгач ишлаб чиқариш, хўжалик фаолиятини бошламаса ёки амалда тўхтатиб қўйилгач, даромадлар тўғрисидаги декларацияни топширган вақтдан бошлаб бир йил давомида фаолиятини бошламаса;

3. Олти ойдан кўпроқ вақт давомида тўловга кобилиятсиз бўлса;

4. Ўзбекистон Республикаси конунларида кўзда тутилган бошка ҳолларда.

Кооператив тугатилган тақдирда унга нисбатан ҳақдорлар ва ёлланиб ишловчиларнинг даъволари қондирилгандан кейин қолган мол-мулк кооператив аъзолари ўртасида уставда кўрсатилган тартибида тақсимланади.

8 §. Хусусий корхоналар – юридик шахс сифатида

Мамлакатимиз Президенти И.А.Каримов таъкидлаганидек, барчамиз бир ҳақиқатни яхши англаб олишимиз зарур. Тарихнинг қайси даврини олмайлик, ҳонлар ва амирлар, амалдор-тўралар ва турли-туман назоратчилар эмас, балки ғайрат-шижоатли, ташаббускор ва тадбиркор инсонлар мамлакатнинг ривожланиши ва ҳалқ фаровонлигини таъминлаганини кўрамиз.

“Биз кичик бизнесга, хусусий тадбиркорликка нисбатан республикамизни иқтисодий жиҳатдан жадал ривожлантиришни таъминлайдиган омил деб қарамоғимиз лозим,-деб таъкидлайди Ўзбекистон Президенти И.А.Каримов. Айни шу хусусий сектор энг ҳаракатчан, энг ташаббускордир. Агар хусусий секторнинг ривожланиши учун куляй шарт-шароитлар ратиб берилса, у иқтисодиётимизни танглиқдан олиб чиқишга қодир “локомотив” бўлиб хизмат қиласди. Ишлаб чиқарилा�ётган маҳсулотнинг асосий кисмини хусусий, давлатга карашли бўлмаган сектор берадиган бўлган тақдирдагина иқтисодиёт ҳақиқий эркинлик олади ва ўз келажагига эга бўлади, деб дадил айтиш мумкин бўлади”¹.

Дарҳақиқат, тадбиркорлик миллий иқтисодиётга, давлат тараққиётига ва аҳоли фаровонлигига эришиш йўлидаги ишларга самарали таъсир кўрсатади.

Бугунги кунда жамиятда тадбиркорлик руҳини қарор топтириш пировард мақсадларимизга эришишнинг гарови бўлиб қолмоқда. Бу соҳада янгидан-янги конун хужжатлари қабул қилинмоқда, мавжудлари такомиллаштирилмоқда. Мухими, конунларни, уларда белгиланган

¹И.А.Каримов. Ўзбекистон иқтисодий ислоҳотларни чукурлаштириш йўлида. –Т.: «Ўзбекистон», 1995. –Б.187.

хуқуқлар, эркинликлар, кафолатлар, бурчларни билишимиз ва уларни амалга оширишимиз даркор.

Тадбиркорликни амалга ошмрадиган субъектлардан бири – хусусий корхоналардир. Уларнинг жамиятдаги ва кишилар ҳаётидаги ўрни ва роли хсобга олиниб, “Хусусий корхона тўғрисида” алоҳида қонун қабул килинган.

Ўзбекистон Республикасининг “Хусусий корхона тўғрисида”ги Қонунининг З-моддасига асосан мулқдор ягона жисмоний шахс томонидан тузилган ва бошқариладиган тижкоратчи ташкилот хусусий корхона, деб аталади. Хусусий корхона тадбиркорлик субъектларининг ташкилий-хуқуқий шаклидир. Хусусий корхона алоҳида мол-мулкка эга бўлади, ўз номидан мулкий ва шахсий номулкий хуқуқларга эга бўлиши ҳамда уларни амалга ошириши, мажбуриятларни бажариши, судда даъвогар ва жавобгар бўлиши мумкин. Хусусий корхона ўз мажбуриятлари бўйича ўзига қарашли бутун мол-мулк билан жавоб беради. Хусусий корхона мулқдори корхонанинг мол-мулки етарли бўлмаган тақдирда хусусий корхонанинг мажбуриятлари бўйича ўзига қарашли мол-мулк билан қонун ҳужжатларига мувофиқ субсидиар жавобгар бўлади.¹

Хусусий корхона тўлиқ фирма номига эга бўлиши лозим ва у, шунингдек, қисқартирилган фирма номига эга бўлишга ҳақли. Хусусий корхона Ўзбекистон Республикаси худудида ва ундан ташқарида қонун ҳужжатларида белгиланган тартибда банк хисоб вараклари очади. Хусусий корхона ўзининг тўлиқ фирма номи давлат тилида ифодаланган ва хусусий корхонанинг жойлашган ери кўрсатилган муҳрга эга бўлиши керак. Муҳрда айни пайтнинг ўзида унинг фирма номи бошқа тилда ҳам кўрсатилиши мумкин. Хусусий корхона ўзининг фирма номи ёзилган штампларига ва бланкаларига, ўз эмблемасига, шунингдек, белгиланган тартибда рўйхатдан ўтказилган товар белгисига ҳамда кўзга ташланиб турадиган бошқа идентификация воситаларига эга бўлишга ҳақли.

Хусусий корхона мулқдор томонидан тузилади, мулқдор унга тегишли мол-мулк беради ва унинг уставини тасдиқлайди. Хусусий корхона, агар унинг уставида бошқача қоида белгиланган бўлмаса, номуайян муддатга тузилади.

Хусусий корхона қонун ҳужжатларида белгиланган тартибда бошқа юридик шахсларнинг муассиси бўлишга ёки уларнинг устав фондида ўзгача тарзда иштирок этишга, ваколатхоналар очишга ва филиаллар тузишга ҳақли.

Хусусий корхонанинг таъсис ҳужжати унинг уставидир. Хусусий корхонанинг уставида корхонанинг фирма номи, унинг жойлашган ери ва почта манзили тўғрисидаги маълумотлар, асосий фаолият турларининг

¹ Ўзбекистон Республикасининг “Хусусий корхона тўғрисида”ги Конуни. “Ўзбекистон Республикаси қонун ҳужжатлари тўплами”, 2004 йил, 3-сон, 28-модда.

рўйхати, мулкдорнинг фамилияси, исми, отасининг исми ва яшаш жойи, устав фондининг микдори ўз ифодасини топиши лозим. Бундан ташқари уставда қонун хужжатларига зид келмайдиган бошқа қоидалар ҳам белгиланиши мумкин.

Хусусий корхона давлат рўйхатидан ўтказилган пайтдан бошлаб юридик шахс мақомига эга бўлади. Хусусий корхонани давлат рўйхатидан ўтказиш қонун хужжатларида белгилангандар тартибда амалга оширилади.

Хусусий корхонанинг устав фонди бўлинмасдир ва уни мулкдорнинг ўзи белгилайди. Пул, қимматли қофозлар, пул билан баҳоланадиган бошқа мол-мулк ёки мулкий ҳукуқлар ёхуд бошқа шахсга бериладиган ўзга ҳукуқлар хусусий корхонанинг устав фондига кўшиладиган ҳисса бўлиши мумкин. Мулкдор хусусий корхонанинг устав фондига ўзи киритадиган мол-мулкни мустакил баҳолайди. Агар хусусий корхонанинг устав фонди шакллантирилаётганда мулкдор ўз оила аъзоларининг умумий (улушли ёки биргаликдаги) мулки ҳисобланган мол-мулкни корхонага берайтган бўлса, ушбу мол-мулкнинг барча мулкдорларидан нотариал тасдиқланган розилик олиш талаб этилади.

Хусусий корхонанинг устав фондини кўпайтириш ва камайтириш мулкдорнинг қарорига кўра, хусусий корхонанинг уставига ўзгартишлар киритиш ўйли билан амалга оширилади. Агар иккинчи молия йилининг ва шундан кейинги ҳар бир молия йилининг якунида хусусий корхона соғ активларининг қиймати унинг устав фондидан кам эканлиги маълум бўлиб колса, хусусий корхона ўз устав фондини ўзининг соғ активлари қийматидан ошмайдиган микдорда камайтириши шарт. Хусусий корхона соғ активларининг қиймати қонун хужжатларида белгилангандар тартибда аниқланади.

Хусусий корхона мулкдори корхонани раҳбар сифатида якка бошқаради, корхона номидан ишончномасиз иш кўради, унинг манфаатларини ифодалайди, хусусий корхонанинг пул маблағларини ҳамда бошқа мол-мулкини тасарруф этади, шартномалар, шу жумладан меҳнат шартномалари тузади, ишончномалар беради, банкларда ҳисоб вараклар очади, штатларни тасдиқлади, корхонанинг барча ходимларий учун мажбурий бўлган буйруклар чиқаради ва кўрсатмалар беради.

Хусусий корхона мулкдори хусусий корхона уставига, қонун хужжатларида белгилангандар тартибда, ўзгартиришлар ва кўшимчалар киритиш, хусусий корхонани қайта ташкил этиш ва тугатиш тўғрисида қарор қабул қилиш, хусусий корхонанинг солиқлар ва бошқа мажбурий тўловлар тўланганидан кейин қолган фойдасидан ўз ихтиёрига кўра фойдаланиши, хусусий корхонага тегишли мол-мулкни бошқа шахсга бериш, ижарага бериш, гаровга қўйиш, бошқа юридик шахсларнинг устав фондига ҳисса сифатида киритиш ёки ушбу мол-мулкни бошқача усолда тасарруф этиш ҳукуқига эга. Хусусий корхона мулкдори, қонун хужжатларига мувофиқ, бошқа ҳукуқларга ҳам эга бўлиши мумкин.

Хусусий корхона мулқори устав фондини шакллантириши, ўзига қарашли корхонани якка бошқариши шарт. Хусусий корхона мулқори зиммасида қонун хужжатларига мувофиқ бошқа мажбуриятлар ҳам бўлиши мумкин.

Хусусий корхона мулқори ўзи вақтингчалик бўлмаган тақдирда шу муддатда раҳбарлик вазифасини бажариб туришни бошқа жисмоний шахс зиммасига юклаш тўғрисида ёзма қарор қабул килади. Хусусий корхона мулқори муваққат раҳбарнинг хусусий корхона мол-мулкини тасаруф этишга оид хуқуқини чеклаб қўйиши мумкин. Вафот этганлиги, муомалага лаёкатсизлиги, муомала лаёкати чекланганлиги ёки бедарак йўқолган деб топилганлиги оқибатида мулқорнинг хусусий корхона раҳбари вазифасини бажариши мумкин бўлмай қолган тақдирда, хусусий корхонани бошқариш фуқаролик қонун хужжатларига ва хусусий корхонанинг уставига мувофиқ амалга оширилади.

Хусусий корхонанинг мол-мулки национализация ва реквизиция қилинмайди, қонунда назарда тутилган ҳоллар бундан мустасно. Хусусий корхонанинг мулқорига реквизиция қилинаётган мол-мулкнинг бозор қийматига мувофиқ компенсацияси тўланадиган табиий оғатлар, авариялар, эпидемиялар, эпизоотиялар ва фавқулодла тусдаги бошқа ҳолатлар бундан мустасно.

Хусусий корхона қонун хужжатларига мувофиқ ҳар қандай фаолият турларини амалга оширади. Хусусий корхона битимлар тузишда эркинdir.

Хусусий корхоналарга тадбиркорлик субъектлари учун қонун хужжатларида назарда тутилган имтиёзлар, преференциялар ва кафолатлар тадбиқ этилади.

Қонун хужжатлари билан белгиланадиган тартибда хусусий корхоналар учун давлат бюджетига ва давлат мақсадли жамғармаларига соликлар ҳамда бошқа мажбурий тўловларнинг доимий ставкалари белгиланади.

Хусусий корхонанинг фойдаси соликлар ва бошқа мажбурий тўловлар тўланганидан сўнг корхона мулқорининг тасарруфига ўтади ҳамда унга солик солинмайди.

Хусусий корхона фаолиятини текшириш назорат қилувчи органлар томонидан кўпли билан икки йилда бир марта, белгиланган тартибда амалга оширилиши мумкин, қонун хужжатларида назарда тутилган ҳоллар бундан мустасно. Хусусий корхоналар ўз хукук ва манфаатларини ҳимоя қилиш мақсадида қонунга мувофиқ ассоциацияларга (уюшмаларга) ва бошқа бирлашмаларга бирлашишлари мумкин.

Хусусий корхона мулқори хусусий корхонани мол-мулк мажмуаси сифатида сотишга, ҳадя қилишга, васият қилиб қолдиришга ёки уни ўзгача усулда бошқа шахсга ўтказишга ҳақли. Хусусий корхона бошқа шахсга берилган тақдирда ўзининг фирма номидан, товар белгиларидан, хизмат кўрсатиши белгиларидан ҳамда мазкур хусусий корхона ва унинг

маҳсулотини, у бажараётган ишларни ёки кўрсатаётган хизматларни индивидуалаштирувчи ўзга воситалардан фойдаланиш ҳуқуқлари, агар конун хужжатларида ёхуд шартномада бошқача қоида назарда тутилган бўлмаса, янги мулкдорга ўтади.

Хусусий корхона, унинг мулкдори ёки суднинг қарорига кўра, конун хужжатларида белгиланган тартибда қайта ташкил этилиши ёки тугатилиши мумкин. Хусусий корхоналарнинг тузилиши, фаолияти, қайта ташкил этилиши ва тугатилиши соҳасидаги низолар конун хужжатларида белгиланган тартибда ҳал этилади.

Хусусий корхона фуқаролик ҳуқуқининг субъекти сифатида қўйидаги ўзига хос хусусиятлар билан фуқаролик ҳуқуқининг бошқа (юридик шахслар) субъектларидан фарқ қиласди:

а)якка шахс - фуқаро томонидан ташкил этилишининг мумкинлиги;

б)вужудга келиш асоси ва тартибининг соддалаштирилган маҳсус тартибда амал қилиши;

в) жавобгарлигининг субсидиар шаклда қўлланилиши;

д)таъсис хужжатларининг бошқа юридик шахсларга нисбатан энг содда (примитив) шакллари белгиланганлиги.

Назорат учун саволлар

1. Унитар корхона деб қандай корхонага айтилади?
2. Кооперативнинг мажбуриятлари бўйича унинг аъзолари жавоб берадими?
3. Кўшма корхоналарни ташкил этишнинг ҳам ижобий, ҳам салбий жиҳатларини санаб беринг?
4. Шўъба хўжалик жамияти ўзининг асосий жамиятининг мажбуриятлари бўйича жавоб берадими?
5. Хусусий корхона ким томонидан ва қанча муддатга тузилади?
6. Масъулияти чекланган жамиятлар тузиш ва фаолиятини ташкил этиш қайси конун хужжатлари билан тартибга солинади?
7. Масъулияти чекланган жамият кўринишидаги корпорациялар қачон ва кимлар томонидан кашф қилинган?
8. Хўжалик жамиятининг таъсис хужжатларига нималар киради?
9. Акциядорлик жамияти уставининг ҳуқуқий табиати нима?
10. Тўлиқ ширкат ва коммандит ширкат ўртасидаги фарқни тушунтириб беринг?

VIII БОБ. НОТИЖОРАТ ЮРИДИК ШАХСЛАР

1 §. Нотижорат ташкилотлар тушунчаси ва турлари

Нодавлат нотижорат ташкилоти – жисмоний ва (ёки) юридик шахслар томонидан ихтиёрийлик асосида ташкил этилган, даромад (фойда) олишини ўз фаолиятининг асосий максади қилиб кўймаган ҳамда олинган даромадларни (фойдани) ўз катнашчилари (аъзолари) ўртасида тақсимламайдиган, ўзини ўзи бошкариш ташкилотидир.¹

Нодавлат нотижорат ташкилоти жисмоний ва юридик шахсларнинг хукуклари ва конуний манфаатларини, бошқа демократик қадриятларни ҳимоя қилиш, ижтимоий, маданий ва маърифий максадларга эришиш, маънавий ва бошқа номоддий эҳтиёжларни кондириш, хайрия фаолиятини амалга ошириш учун ҳамда бошқа ижтимоий фойдали максадларда тузилади.

Нотижорат шаклдаги ташкилотларнинг турлари, тижоратчи шаклдаги ташкилотларнинг турларига нисбатан, кўпроқ деса ҳам бўлади. Улар нафакат нодавлат, шунингдек, давлат ташкилотларидан иборат бўлишлари ҳам мумкин. ФКнинг 40-моддаси, 3-кисмига мувофиқ, “Тижоратчи бўлмаган юридик шахс жамоат бирлашмаси, жамоат фонди ва мулкдор томонидан молиявий таъминлаб туриладиган муассаса шаклида, шунингдек, конунларда назарда тутилган бошқача шаклда ташкил этилиши мумкин”. ФКнинг 4-боби, 3-параграфида матлубот кооперативи ҳам тижоратчи бўлмаган ташкилотлар таркибига киритилган.

Нотижорат ташкилотнинг тижоратчи юридик шахслардан фарқ қиласидан асосий ҳусусиятлари кўйидагилардан иборат:

1) нотижорат ташкилотлар мулкий муносабатларнинг профессионал иштирокчиси ҳисобланмайди, улар асосан ўзининг уставида белгиланган максадларига мос келадиган доираларда тадбиркорлик фаолияти билан шуғуланиши мумкин (ФКнинг 40-моддаси, 4-кисми), ўзларига тегишли бўлган мол-мулқдан уларнинг таъсис хужжатларида назарда тутилган максадлар учун фойдаланишга рухсат этилади (ФКнинг 74-моддаси, 2-кисми);

2) нотижорат ташкилотлар фойда олишини ўз фаолиятининг асосий максади қилиб кўймайдилар (ФКнинг 40-моддаси, 1-кисми). Уларнинг мулкий муносабатларда катнашиши тадбиркорлик фаолияти билан шуғуланиш учун эмас, балки ўз фаолиятини моддий жиҳатдан таъминлаш билан боғлик;

3) нотижорат ташкилотларининг маълум даражада тадбиркорлик фаолиятини амалга оширишдан олинган даромадлари (фойда) ўз

¹ Ўзбекистон Республикасининг “Нодавлат нотижорат ташкилотлари тўғрисида”ги Конуни. “Ўзбекистон Республикаси Олий Мажлиси Ахборотномаси”, 1999 й., N 5, 115-модда.

катнашчилари (аъзолари) ўртасида тақсимланмайди (“Нодавлат нотижорат ташкилотлари тўғрисида”ги Конуннинг 2-моддаси). Нотижорат ташкилоти катнашчилари (аъзолари) унга кириш пайтида ва бутун аъзолик давомида ташкилотта ўтказган мол-мулкига нисбатан мулкий хукуқса эга бўла олмайдилар. Ташкилотга кириш (аъзо бўлиши) ихтиёрий хисобланади. Ташкилотдан чиқиб кетадиган иштирокчи (аъзо) унинг мулкига нисбатан талаб килиш хукукига эга бўлмайди.

Тижоратчи бўлмаган юридик шахсларнинг рўйхатини (масалан, жамоат бирлашмаси, жамоат фонди, муассаса ва бошқа шакллари) узилкесил деб бўлмайди. Чунки тижоратчи бўлмаган ташкилотларнинг ўзгача шакли мавжуд бўлиши ҳам мумкин. Лекин ФКнинг 40-моддаси, 3-кисмига мувофиқ тижоратчи бўлмаган ташкилотларнинг бошқа шакллари конунда назарда тутилган бўлиши керак.

Тижоратчи бўлмаган юридик шахс фойда олиш мақсадида тадбиркорлик фаолиятини шахсан ўзи ёки ушбу мақсадда унинг томонидан тузилган тижоратчи ташкилот амалга ошириши мумкин. Тижоратчи бўлмаган ташкилотнинг тадбиркорлик фаолияти унинг қайси ташкилот, яъни асосий ёки у томонидан тузилган ташкилот бўлишидан қатъи назар давлат рўйхатидан ўtkазилади.

Мулк эгаси томонидан молиявий таъминланадиган давлат ва фуқароларнинг ўзини ўзи бошқарув органларининг ва муассасалардан ташқари бошқа шакллари тижоратчи бўлмаган ташкилотлар уларнинг таъсисчилари (иштирокчилари) томонидан берилган пул маблаглари ва бадаллар хисобига ташкил топган мол-мулкнинг эгаси хисобланадилар.

Демак, юридик шахслар уларнинг мол-мулкка нисбатан бўлган хукуклари, фаолият юритищдан мўлжалланган асосий мақсадлари, қўлга киритилган даромаддан фойдаланиш тартибига караб, тижоратчи ва тижоратчи бўлмаган ташкилотларга ажратилади.

Нодавлат нотижорат ташкилотлари жамоат бирлашмаси, жамоат фонди, муассаса шаклида, шунингдек, қонунларда назарда тутилган бошқа шаклда ташкил этилиши мумкин.

Нодавлат нотижорат ташкилотлари ўзларининг фаолиятини мувофиқлаштириб бориш, шунингдек, умумий манфаатларини ифодалаш ҳамда химоя килиш мақсадида уюшмалар (иттифоқлар) шаклида бирлашмалар тузилиши мумкин.

Нодавлат нотижорат ташкилоти, унинг муассислари (аъзолари) карори асосида, қонун хужжатларига мувофиқ тузилади.

Нодавлат нотижорат ташкилотларининг уюшмалари (иттифоқлари) камида иккита нодавлат нотижорат ташкилоти ташаббуси билан тузилиши мумкин.

Нодавлат нотижорат ташкилотининг ташаббускорлари ёки муассислари таъсис съездини (конференциясини) ёки умумий йигилишини

чакирадилар. Унда ННТ устави қабул килинади ҳамда раҳбар органлари тузилади.

Нодавлат нотижорат ташкилоти давлат рўйхатидан ўтказилган пайтдан эътиборан, тузилган деб ҳисобланади ва ўз фаолиятини олиб боради.

Нодавлат нотижорат ташкилотини ташкил этишига доир ташкилий тадбирлар кўйидагиларни ўз ичига олади:

- ННТни рўйхатдан ўтказиш учун хужжатларни тайёрлаш;
- Фирма (ташкилот) номини бериш;
- ННТ эмблемасини рўйхатдан ўтказиш;
- Нодавлат нотижорат ташкилоти жойлашадиган ерни танлаш ва ижара шартномаси тузиш;
- • ННТ фаолиятини молиялаштириш манбалари тўғрисидаги декларация;
- Рўйхатта олиш йигимини тўлаш;
- Хужжатларни рўйхатдан ўтказувчи органга тақдим этиш;
- ННТни давлат органларида рўйхатдан ўтказиш тартиб-таомилига риоя этиш;
- Барча мулкчилик ва хўжалик юритиш шаклларидаги корхоналар ва ташкилотларни ягона давлат реестрига киритиши.

Нодавлат нотижорат ташкилотининг фаолияти Ўзбекистон Республикасининг Конституцияси ва конун хужжатларини бузган тақдирда, суд томонидан тўхтатиб кўйилиши мумкин.

Нодавлат нотижорат ташкилоти томонидан ННТ тўғрисидаги конун хужжатлари бузилган, шунингдек, устав мақсадларига зид ҳаракатлар содир этилган тақдирда прокуратура органлари ёки адлия органлари кўрсатилган қоидабузарликлар тўғрисида мазкур нодавлат нотижорат ташкилотининг раҳбар органларига тақдимнома киритади ҳамда қоидабузарликларни бартараф этиш муддатини белгилайди. Агар бу қоидабузарликлар белгиланган муддатда бартараф этилмаса, нодавлат нотижорат ташкилотининг фаолияти прокуратура ва адлия органларининг тақдимномаси асосида суднинг қарори билан олти ойгача бўлган муддатга тўхтатиб кўйилади.

Ўзбекистон Республикасининг худудида фавқулодда ҳолат жорий этилган тақдирда нодавлат нотижорат ташкилотининг фаолиятини тўхтатиб кўйиш тартиби конун хужжатлари билан белгиланади.

Бугунги кунда нодавлат нотижорат ташкилотлари демократик қадриятлар, одамларнинг хукук ва эркинликлари, конуний манфаатларини ҳимоя қилиши, уларнинг ижтимоий, социал-иктисодий фаоллиги ва хукуқий маданийтини оширишнинг муҳим омилига айланмоқда.

Нодавлат нотижорат ташкилотлари соғлиқни саклаш, атроф-муҳитни муҳофаза қилиш, бандликни таъминлаш ва аҳолининг ижтимоий ҳимояга

муҳтоҷ қатламларини кўллаб-кувватлаш соҳаларидағи долзарб муаммоларни ҳал қилиш бўйича дастурларни амалга оширишга, шунингдек, хукукий мельёрларни ишлаб чиқиши жараёнига кенг жалб қилинмоқда.

Ҳозирги пайтда мамлакатимизда фаолият юритаётган нодавлат нотижорат ташкилотларининг сони 6 мингтадан ортди, Ўзбекистон Республикаси Олий Мажлиси хузуридан Нодавлат нотижорат ташкилотларини ва фуқаролик жамиятининг бошқа институтларини кўллаб-кувватлаш жамоат фонди томонидан грантлар бўйича бериладиган маблағлар микдори сўнгги уч йилда иккиси баробар кўпайди.¹

2 §. Матлубот кооперативи – юридик шахс сифатида

Матлубот кооперативи тижоратчи бўлмаган юридик шахс хисобланади. Амалдаги ФКнинг 73-моддасига асосан иштирокчиларнинг моддий (мулкий) эҳтиёжларини қондириш мақсадида тузилган фуқароларнинг аъзолигига асосланган ихтиёрий бирлашмаси матлубот кооперативи хисобланади ва бирлашув унинг аъзолари томонидан ўз мулкий (пай) бадалларини кўшиш йўли билан амалга оширилади.

Матлубот кооперативининг ташкилий-хукукий шакли уни нотижорат ташкилотлар тизимида объектив ажратиб кўрсатувчи ва уни бошқа шаклларидан жiddий даражада фарқлаб турувчи муайян фуқаролик-хукукий белгилар ва механизмларнинг мажмуудан иборат.²

Матлубот кооперативининг олий бошқарув органи кооператив аъзоларининг умумий йигилиши хисобланади.

Матлубот кооперативи уставида кўйидаги маълумотлар бўлиши керак: унинг номи, манзили, фаолиятининг мақсадлари, кооператив аъзолари кўшадиган пай бадалларининг микдори, кооператив аъзолари пай бадалларининг таркиби ва уларнинг кўшиш тартиби, бадални кўшиш мажбуриятини бузганлик учун жавобгарлик, кооперативни бошқариш органларининг таркиби ва ваколатлари, улар томонидан қарорлар қабул қилиш тартиби, шу жумладан, қарорлар бир овоздан ёки овознинг кўпчилиги билан қабул қилинадиган масалалар ва шунингдек, кооператив кўрган заарларни кооператив аъзолари томонидан тўлаш тартиби, кооперативнинг қайта ташкил этилиши ва фаолиятининг тугатилиши, матлубот кооперативининг филиаллари ва ваколатхоналари тўғрисидаги масалалар.

¹ И.А. Каримов. “Амалга ошираётган ислохотларимизни янада чукурлаштириш ва фуқаролик жамияти куриш – ёруг келажагимизнинг асосий омилидир”. Ўзбекистон Республикаси Конституцияси қабул килингандигининг 21 йиллигига багишланган тантаналии маросимдаги маъруза. –Т., 2013.

² Ўзбекистон Республикаси Фуқаролик кодексига шарх. I-жилд. Тошкент: “Vektor-Press” нашриёти, 2010. –Б. 225.

Матлубот кооперативининг номида унинг фаолиятини асосий мақсади кўрсатилиши, шунингдек, “кооператив” сўзи ёки “матлубот жамияти” деган сўзлар бўлиши керак.

Матлубот кооперативининг аъзолари унинг мажбуриятлари бўйича хар бир кооператив аъзоси тўлайдиган кўшимча бадалнинг тўланмаган қисми доирасида субсидиар жавобгар бўладилар. Бу ҳолда кооператив аъзолари солидар жавоб берадилар (ФКнинг 73-моддаси, 5-банди).

Матлубот кооперативининг аъзолари кўрилган зарарни, йиллик баланс тасдиқланганидан кейин уч ой мобайнида, кўшимча бадаллар тўлаш йўли билан қоплашлари шарт. Ушбу бурч бажарилмаган тақдирда, кооператив кредиторларнинг талабларига мувофиқ, суд томонидан тутатилиши мумкин.

Матлубот кооперативининг тижорат фаолиятига нисбатан Фуқаролик кодексининг тижоратчи ташкилотлар тўғрисидаги қоидалари қўлланилади.

Матлубот кооперативларининг хукуқий мақоми, шунингдек, улар аъзоларининг хукуқ ва бурчлари ФКга ва бошқа қонунларга мувофиқ белгиланади.

3 §. Жамоат бирлашмалари – юридик шахс сифатида

Сиёсий партиялар, оммавий ҳаракатлар, касаба уюшмалари, хотин-қизлар, ёшлар ва болалар ташкилотлари, фахрий ва ногиронлар уюшмалари, илмий-техникавий, маданий-маърифий ва бошқа кўнгилли жамиятлар, ижодий уюшмалар, юртдошлар бирлашмалари, фондлар, ассоциациялар ва фуқароларнинг бошқа бирлашмалари жамоат бирлашмаси деб аталади.

ФКнинг 74-моддасида кўрсатилганидек, “Маънавий ёки ўзга номоддий эҳтиёжларни қаноатлантириш учун ўз манфаатларининг муштараклиги асосида қонунда белгиланган тартибда бирлашган фуқароларнинг ихтиёрий бирлашмалари жамоат бирлашмалари ҳисобланади”.

Жамоат бирлашмаларига Ўзбекистон Республикасининг 18-ёшга тўлган фуқаролари аъзо бўлиши мумкин. Аъзолик якка тартибдаги ариза ёки ташкилот аъзолари сонини ҳисобга олиш имконини берувчи хужжат асосида расмийлаштирилади. Жамоат ташкилотининг олий раҳбарлик органи съезд (конференция) ёки умумий йигилиши ҳисобланади. Жамоат ташкилотининг доимий фаолият олиб борувчи раҳбарлик органи съезд (конференция) ёки умумий йигилишга ҳисобот берадиган сайланадиган ижро органи ҳисобланади.¹

¹ Ўзбекистон Республикаси Фуқаролик кодексига шарх. I-жилд.-Тошкент: “Vektor-Press” наприётги, 2010. - Б. 230.

Жамоат бирлашмалари ўз уставларида назарда тутилган ишлаб чиқариш ёки ўзга тадбиркорлик фаолиятини амалга оширишга хаклидирлар.

Жамоат бирлашмаларининг иштирокчилари (аъзолари) ушбу бирлашмаларга мулк килиб берган мол-мулкларига, шу жумладан, аъзолик бадалларига бўлган хукукларини сақлаб қолмайдилар. Улар аъзо сифатида иштирок этажтан жамоат бирлашмаларининг мажбуриятлари бўйича жавоб бермайдилар, мазкур бирлашмалар эса ўз аъзоларининг мажбуриятлари бўйича жавоб бермайдилар.

Жамоат бирлашмалари хукукий мавкеининг хусусиятлари конун хужжатлари билан белгиланади.

Фаолияти жамиятнинг ахлоқий негизларига зид бўлган, шунингдек, конституциявий тузумни гайриконуний ўзгартириш, Ўзбекистон Республикаси худудий бирлигини бузиш, иркӣ, диний, миллий адоватни авж олдиришга уринувчи жамоат бирлашмалари тузишга йўл қўйилмайди. Ҳарбийлаштирилган жамоат бирлашмалари, уюшмалари, диний хусусиятга эга бирлашмалар ўз-ўзини бошқариш тамойиллари асосида тузилади. Жамоат бирлашмалари конунда кўрсатилган микдордан кам бўлмаган ташаббускор гурух томонидан тузилади. Бунинг учун таъсис қурултойи ёки умумий йигилиш чакирилиб, унда низом ва раҳбар органлари тасдиқланади.

Уставда куйидагилар кўрсатилади:

- Жамоат бирлашмасининг номи, мақсади ва вазифаси.
- Жамоат бирлашмасининг ўз фаолиятини амалга оширадиган худуд ички тузулиши.
 - Жамоат бирлашмасига қабул қилиш шартлари ва тартиби.
 - Жамоат бирлашмаси аъзоларининг хукуқ ва бурчлари.
 - Жамоат бирлашмасидаги унинг ташкилотлари, раҳбар органларининг ваколатлари ва уларнинг тузиш тартиби.
 - Жамоат бирлашмаси маблаглари ва унинг вужудга келиш манбалари.
 - Жамоат бирлашмасининг манзилгоҳи.
 - Уставга ўзгартиришлар киритиш тартиби.
 - Жамоат бирлашмаси фаолиятини тўхтатиш тартиби.

Халқаро жамоат ташкилотларининг, республика, вилоятлараро бирлашмаларнинг уставлари Ўзбекистон Республикаси Адлия вазирлигида рўйхатга олинади. Вилоят, туман, шаҳар худудларининг доирасида амал қилувчи бирлашмалар вилоят ҳокимлиги адлия бошкармаларида рўйхатга олинади. Жамоат бирлашмалари ва уларнинг ташкилотлари устави рўйхатга олингандан бошлаб юридик шахс хуқуқини олади. Сиёсий партиялар хўжалик фаолияти билан шуғуллашилари мумкин эмас.

Жамоат бирлашмасининг ҳар битта алохиди иштирокчиси ёки Ҳатто жамоат ташкilotининг аъзоси ундан чиққан ҳолда ҳам, жамоат бирлашмасига тегишли мол-мулқдан улуш олиш хукукига эга бўлмайди.

Жамоат бирлашмаси юридик шахс сифатида ўз мажбуриятлари юзасидан ўзига тегишли мол-мулқ билан жавоб беради, бироқ, ўз иштирокчилари ёки аъзоларининг мажбуриятлари учун жавобгар хисобланмайди. Жамоат бирлашмаларининг иштирокчилари ёки аъзолари ҳам жамоат бирлашмаларининг мажбуриятлари учун жавобгар бўлмайди.¹

Жамоат бирлашмалари фаолияти асосан Ўзбекистон Республикасининг Сиёсий партиялар тўғрисидаги, Касаба уюшмалари, уларнинг хукуклари ва фаолиятининг кафолатлари тўғрисидаги, Нодавлат нотижорат ташкilotлари тўғрисидаги қонунлари билан тартибга солинади.

4 §. Жамоат фондлари – юридик шахс сифатида

Фуқаролар ва (ёки) юридик шахслар томонидан ихтиёрий мулкий бадаллар қўшиш асосида ташкил этилган, хайрия, ижтимоий, маданий, маърифий ёки бошқа ижтимоий фойдали мақсадларни кўзлайдиган, аъзолари бўлмаган нодавлат нотижорат ташкilotи жамоат фонди хисобланади. (ФКнинг 75-моддаси).

Жамоат фондига унинг муассислари (муассиси) ёки васият қилувчи томонидан ўтказилган мол-мулқ фонднинг мулкидир. Фонд муассислари (муассиси) ёки фонд васиятнома бўйича ташкил эгилганда васиятномани ижро этувчи фонднинг мажбуриятлари бўйича жавоб бермайдилар. Фонд эса, ўз муассислари (муассиси) нинг ёки васиятномани ижро этувчининг мажбуриятлари учун жавоб бермайди.

Жамоат фондининг мол-мулқидан ўз уставида белгиланган мақсад ва вазифаларни амалга ошириш ҳамда маъмурий харажатларни қоплаш учун фойдаланилади. Жамоат фонди қонун хужжатларига мувофик, ўз уставида назарда тутилган мақсадларга тўғри келадиган доирада тадбиркорлик фаолияти билан шуғулланишга ҳақли. Жамоат фондларининг тижорат ташкilotлари устав фонди (устав капитали)даги иштироки қонун хужжатларida белгиланган тартибда амалга оширилади. Жамоат фондлари ҳар йили ўз фаолияти тўғрисида ҳисобот эълон қилиши шарт.

Ўзбекистон Республикасида республика фондлари ҳамда маҳаллий фондлар ташкил этилади ва фаолият кўрсатади.

Фаолиятини ўз уставига мувофиқ Ўзбекистон Республикаси ҳудудида ёки икки ёхуд ундан ортиқ вилоят (Корақалпоғистон Республикаси,

¹ Ўзбекистон Республикаси Фуқаролик кодексига шарх. Й.жилд.-Тошкент: "Vektor-Press" нашриёти, 2010. - Б. 232.

Тошкент шаҳри) ҳудудида амалга оширадиган фондлар республика фондлари жумласига киради.

Фаолиятини ўз уставига мувофиқ туман(лар), шаҳар(лар), вилоят ёки Қорақалпогистон Республикаси ҳудудида амалга оширадиган фондлар махаллий фондлар жумласига киради.

Фондни давлат рўйхатидан ўтказиш ва қайд этишда қуидаги хужжатлар рўйхатдан ўтказувчи органга тақдим этилади:

муассислар (муассис) ёки улар (у) ваколат берган шахслар (шахс) томонидан имзоланган рўйхатдан ўтказиш тўғрисидаги, уларнинг фамилияси, исми, отасининг исми, тугилган йили ва яшаш жойи (почта манзили) кўрсатилган ариза;

агар фонд васиятнома бўйича ташкил этилаётган бўлса, васиятноманинг нотариал тасдиқланган нусхаси;

тасис йигилиши (съезд, конференцияси) ёки муассис (фонд бир юридик шахс томонидан ташкил этилаётган бўлса) томонидан қабул қилинган, фонд муассислари (муассиси) тўғрисидаги маълумотлар, фонднинг мақсад ва вазифалари кўрсатилган қарор;

фонд уставидан икки нусха;

рўйхатга олиш йигими тўланганлиги тўғрисидаги банк тўлов хужжати;

фонднинг дастлабки маблағлари шаклланганлигини тасдиқловчи хужжат.

“Жамоат фондлари тўғрисида”ги¹ Конуннинг 14-моддасининг биринчи қисмида кўрсатилган хужжатлар муассислар (муассис) фондни ташкил этиш тўғрисида қарор қабул қилган кундан эътиборан икки ой ичидаги давлат рўйхатидан ўтказиш учун тақдим этилади. Фонд васиятнома бўйича ташкил этилаётган бўлса, мазкур хужжатлар меросга бўлган хукуқ тўғрисида гувоҳнома берилганидан кейин икки ой ичидаги тақдим этилади.

Чет эл фондларининг ваколатхоналари ва филиаллари давлат рўйхатидан ўтказилиши учун қуидаги хужжатлар рўйхатдан ўтказувчи органга тақдим этилади:

рўйхатга олиш тўғрисида фонд ваколатли органининг аризаси;

фонднинг ваколатли органи томонидан тасдиқланган, фонднинг ваколатхонаси ёки филиали тўғрисидаги низом;

ваколатхона ёки филиал мол-мulkини бошқариш учун фонднинг ваколатли органи томонидан берилган ишончнома;

фонднинг рўйхатдан ўтказилганлиги тўғрисидаги гувоҳнома ва уставнинг ёки уларнинг ўрнини босувчи хужжатларнинг белгиланган тартибда легалластирилган ҳамда давлат тилига таржима қилинган матни;

рўйхатга олиш йигими тўланганлиги тўғрисидаги банк тўлов хужжати.

¹ Узбекистон Республикаси нинг “Жамоат фондлари тўғрисида”ги Конуни. Ўзбекистон Республикаси Олий Мажлисининг Ахборотномаси, 2003, N 9-10, 141-мода.

Республика фондлари ва маҳаллий фондларнинг ваколатхоналари ҳамда филиаллари қайд этилиши учун қуидаги хужжатлар рўйхатдан ўтказувчи органга тақдим этилади:

фонд бошқарувининг фонд ваколатхонасини очиш ёки филиалини ташкил этиш тўғрисидаги қарори;

фонд бўдкаруви томонидан тасдиқланган, фонднинг ваколатхонаси ёки филиали тўғрисидаги низом;

ваколатхона ёки филиал мол-мулкини бошқариш учун фонд бошқаруви томонидан берилган ишончнома;

фонд уставининг ва фонд давлат рўйхатидан ўтказилганилиги тўғрисидаги гувоҳноманинг нусхалари.

Жамоат фондини бошқариш ва унинг органларини шакллантириш тартиби устав билан белгиланади.

Фонд уставида қуидаги маълумотлар бўлиши керак:

- жамоат фондининг номи;
- фонднинг жойлашган ери (пошта манзили);
- фонднинг мақсад ва вазифалари;
- фонд органларининг тузилиши, ваколатлари ва шакллантирилиш тартиби;
 - фонд органларининг мансабдор шахсларини тайинлаш (сайлаш) ва лавозимидан озод қилиш тартиби;
 - фонднинг мол-мулкини шакллантириш манбалари, ваколатхоналари ҳамда филиалларининг мол-мулкини бошқариш борасидаги ҳукуқ ва мажбурияtlари;
 - фонд ваколатхоналарини очиш ва филиалларини ташкил этиш тартиби;
 - фондни қайта ташкил этиш ва тутатиш тартиби;
 - фонд тутатилган тақдирда унинг мол-мулкидан фойдаланиш тартиби;
 - фонд уставига ўзгартишлар ва қўшимчалар киритиш тартиби.
 - Фонд уставида фонднинг тегишли тартибда рўйхатдан ўтказилган рамзий белгисининг тавсифи, шунингдек, конун хужжатларига зид бўлмаган бошқа қоидалар ҳам бўлиши мумкин.

Жамоат фондининг уставида фонднинг белгиланган тартибда рўйхатдан ўтказилган рамзий белгисининг тавсифи, шунингдек, конун хужжатларига зид бўлмаган бошқа қоидалар ҳам бўлиши мумкин.

Фонд қуидаги ҳукуқларга:

- мулк ҳукуки ва бошқа ашёвий ҳукуклар асосида мол-мулкли бўлишга;
- фукаролик-ҳукукий битимлар тузишга;
- ҳайриялар, бадаллар, грантлар ва бошқа маблаглар олишга;

- судда, бошқа органлар ва ташкилотларда ўз манфаатларини ифода этиш ҳамда ҳимоя килишга;
- оммавий ахборот воситалари таъсис этиш ва ноширлик фаолиятини амалга оширишга;
- ўз фаолияти тўғрисида маълумотлар тарқатишга;
- ваколатхоналар очиш ва филиаллар ташкил этишга;
- давлат ҳокимияти ва бошқаруви органларига белгиланган тартибда таклифлар киритишга;
- ҳалқаро алоқалар ўрнатиш, ҳамкорлик тўғрисида битимлар тузиш ҳамда ҳалқаро дастурлар ва лойиҳаларда иштирок этишга ҳақли.
- Фонд қонун ҳужжатларига мувофиқ бошқа ҳукуқларга ҳам эга бўлиши мумкин.

Фонд куйидаги мажбуриятларга:

- ўз фаолиятини қонун ҳужжатларига ва фонднинг уставига мувофиқ амалга ошириши;
- фонд фаолиятининг ошкоралигини таъминлаши ва фонднинг молмулкидан фойдаланилиши тўғрисида ҳар йили ҳисоботлар эълон қилиши;
- рўйхатдан ўтказувчи орган вакилларига фонд ўтказадиган тадбирларга эркин кириш имкониятини бериши;
- ўз фаолияти тўғрисида давлат солиқ хизмати ва давлат статистика органларига ҳисоботлар тақдим этиши шарт.
- Фонд зиммасида қонун ҳужжатларига мувофиқ бошқа мажбуриятлар ҳам бўлиши мумкин.

Фонд Ўзбекистон Республикаси худудида ва бошқа давлатларда ваколатхоналар очиши ҳамда филиаллар ташкил этиши мумкин.

Фонднинг ваколатхонаси фонднинг ўзи турган ердан ташқарида жойлацган ҳамда унинг манфаатларини ифодалайдиган ва ҳимоя қиладиган алоҳида бўлинмаси хисобланади.

Фонднинг филиали фонднинг у турган ердан ташқарида жойлашган ҳамда унинг барча вазифаларини ёки вазифаларининг бир қисмини, шу жумладан ваколатхона вазифаларини бажарадиган алоҳида бўлинмасидир.

Фонднинг ваколатхоналари ва филиаллари фонд номидан иш кўради ҳамда уставда белгиланган мақсад ва вазифаларининг амалга оширилиши учун фонд олдида масъулдир. Фонднинг Ўзбекистон Республикаси худудида фаолият кўрсатадиган ваколатхоналари ва филиаллари юридик шахс бўлмайди, “Жамоат фондлари тўғрисида”ги Қонуннинг тегишли моддларида назарда тутилган ҳоллар бундан мустасно.

Ваколатхоналар ва филиалларни фонд мол-мулк билан таъминлайди. Ваколатхона ва филиалнинг мол-мулки алоҳида балансда ҳамда фонднинг балансида ҳисобга олинади.

Фонднинг ваколатхоналари ва филиаллари фонд бошқаруви томонидан тасдиқланган низом асосида фаолият кўрсатади.

Чет эл фонdlари Ўзбекистон Республикаси худудида Ўзбекистон Республикасининг конун ҳужжатларига мувофиқ ўз ваколатхоналарини очиши ва филиалларини ташкил этиши мумкин.

Чет эл фонdlарининг Ўзбекистон Республикаси худудида фаолият кўрсатадиган ваколатхоналари ва филиаллари юридик шахс макомига эга бўлиши керак.

Чет эл фонdlарининг Ўзбекистон Республикаси худудида фаолият кўрсатадиган ваколатхоналари ва филиалларига, конунида бошқача қоидалар белгиланган бўлмаса, фонdlарнинг ташкил этилиши, фаолият юритиши, қайта ташкил этилиши ва тутатилиши учун Ўзбекистон Республикаси конун ҳужжатларida белгиланган қоидалар татбиқ этилади.

Жамоат фонdlари, асосан, Фукаролик кодекси, Ўзбекистон Республикасининг Жамоат фонdlари ва Нодавлат нотижорат ташкилотлари тўғрисидаги конунлари билан тартибга солинади.

5 §. Муассасалар – юридик шахс сифатида

Муассасалар бундан икки ярим минг йил аввал қадимги Рим давлатида вужудга келган. Улар ўзининг вужудга келиш вақтидан бошлаб, деярли беш аср ўтгунга қадар жуда ҳам секинлик билан ривожланниб борган. Рим ҳуқуқига оид манбаларда юридик шахс макомига эга бўлган кўпгина хайрия муассасалари ҳақида таъкидланади. Бундай муассасаларга чирковлар, касалхоналар, мактаблар, меҳрибонлик уйлари, ҳарбийлар учун маҳсус касалхоналар каби ташкилотлар киради. Милоддан аввалги II асрга келиб, Рим императорларининг хайриҳоҳлиги натижасида муассасаларнинг сони ҳам, турлари ҳам кўпайиб борди.

Қадимги Римда хайрия муассасалари орасида етим қолган болалар ва жуда қашшоқ ҳаёт кечириувчи оиласлардаги фарзандларни ўз бағрига олган ва уларга ҳар томонлама ёрдам кўрсатган “alimenta” деб аталган муассасалар мавжуд бўлган. Алимент муассасалари м.а. I асрда Рим императори Нерва (м.а. 33 йил) ҳукмронлиги даврида вужудга келган. Бу муассасалар кейинчалик шахсан императорлар томонидан вужудга келтирила бошланган. Улар императорларнинг буйруғи билан шаҳарнинг мансабдор шахслари томонидан моддий жиҳатдан таъминлаб турилган. Бу жараёнда шахсан квестор (консулнинг судлов ва молиявий ишлар бўйича ёрдамчиси) ҳам катнашган. Алимент муассасалари факатгина инсонпарварлик мақсадида фаолият юритиб, кўрсатилган ёрдамларнинг барчаси бегараз хисобланган. Алиментдан нафақат етим болалар ва оғир шароитдаги оиласларнинг фарзандлари, балки вояга етган бўлса-да, сиёсий жараёнларда қатнаша олмайдиган болалар ҳам, етим қолган ва ёлғиз кизлар ҳам фойдаланганлар. Жумладан, 82-161-йилларда Римда етим қолган кизлар учун алоҳида стипендиялар (*stipendium*) ажратилилар эди. Алимент муассасаларининг кўпайишида ва ривожланишида Плиний,

Антонин Пий, Септимий Север (222-235й.) каби императорлар катта роль ўйнаган.

Бу муассасаларнинг ҳуқуқий мақоми ҳақида шуну айтиш мумкинки, улар фуқаролик ҳуқуқий муносабатларда юридик шахс сифатида қатнаша оладиган, аниқ бир хайрия максадларида фаолият олиб борадиган ва ўзининг жамғармасига эга бўлган ташкилотлар эди.

Давлат муассасалари юридик шахе сифатида – давлат бюджетидан таъминланадиган ва мустакил сметага эга бўлган давлат муассасалари ишлаб чиқариш билан боғлиқ бўлмаган фаолият, жумладан, маъмурӣ идора этиш ёки ижтимоий маънавий ишларни бошқаришни амалга оширади. Булар жумласига мустакил сметага, раҳбарларни кредит таксимлаш ҳуқукига эга муассасалар:

- Шифохоналар;
- таълим муассасалари;
- театрлар;
- музейлар;
- судлар;
- прокуратура ва бошқалар киради.

Цивилист олим проф.И.Б.Зокировнинг фикрига кўра, “Юридик шахс хисобланган давлат муассасалари ўз низомлари доирасида ўзлари юритаётган вазифаларни амалга ошириб, турли фуқаролик ҳуқуқий битимлар тузадилар, ўзларига бириктирилган мулкдан оператив бошқариш ҳуқуки асосида фойдаланадилар. Давлат органлари ўз карзлари учун жавобгар бўлади. Бирок, маблағи етмаса белгиланган тартибда давлат ҳам унинг учун жавобгар бўлиши мумкин”.¹

Ўзбекистон Республикаси Фуқаролик кодексининг 76-моддасига асосан “Бошқарув, ижтимоий-маданий вазифаларни ёки тижоратчиликдан иборат бўлмаган бошқа вазифаларни амалга ошириш учун мулкдор томонидан ташкил этилган тўла ёки қисман молиявий таъминлаб туриладиган ташкилот муассаса ҳисобланади”.

Ўзбекистонда бозор иқтисодиётига ўтишининг иқтисодиётни эркинлаштириш босқичида бюджет муассасалари тизими фаолиятини янада такомиллаштириш ва улардан самарали фойдаланиш каби таъсирчан шаклларни кўллашни таълаб этади.

Хозирги кунда Ўзбекистон Республикаси қонунчилигига муассасаларнинг ҳуқуқий мақомини белгилашда бир' қатор камчиликлар мавжуд. Жумладан, муассасаларни ҳуқуқий мақомини белгилаб берувчи норматив хужжатларнинг талаб даражасида эмаслиги, муассасаларни юридик шахслар тизимида тутган ўрнини илмий тадқик этилмаганлиги, муассасаларни ташкил этишда таъсис шартномасини назарда

¹ И.Б.Зокиров. Фуқаролик ҳуқуқи. -Т., ТДЮИ. 2006. -Б.131.

тутилмаганлиги, муассасалар тўғрисидаги маҳсус қонуннинг қабул қилинмаганлиги ва ҳоказолар.

Бозор муносабатларига ўтиш жараёнида муассасаларнинг хуқуқий макоми, уларни фуқаролик муомаласидаги иштироки ва тартиби тубдан ўзгарди. Амалиётнинг кўрсатишича, ҳозирги кунда давлат муассасалари фақатгина давлат томонидан ажратилган маблағлар хисобидан фаолият кўрсатишдан ташқари ўзларини низомларида белгиланган тартибда тадбиркорлик фаолияти билан шуғулланмоқдалар.

6 §. Фуқароларнинг ўзини ўзи бошқариш органлари–юридик шахс сифатида

Фуқароларнинг ўзини ўзи бошқариш органлари бугунги кунда катта куч бўлиб, уни давлат олдида турган вазифаларни ҳал қилишга мохирона йўналтириш алоҳида мухим аҳамият касб этиди. Хуқуқий демократик давлат ва фуқаролик жамиятини барпо этишини ўзини ўзи бошқариш органларисиз тасаввур қилиш мумкин эмас.

Ўзбекистон Республикасининг “Фуқароларнинг ўзини ўзи бошқариш органлари тўғрисида”ги Конунига асосан, фуқароларнинг ўзини ўзи бошқариши, бу фуқароларнинг Конституция ва қонунлар билан кафолатланган, уларнинг ўз манфаатларидан, тарихий хусусиятларидан, миллий ва мъянивий қадриятлардан, маҳаллий урф-одатлар ва анъанаалардан келиб чиқсан ҳолда, маҳаллий аҳамиятга эга бўлган масалаларни ҳал килишидир.

Шаҳарлар, шаҳарчалар, қишлоқлар ва огуллар, шунингдек, огуллардаги маҳаллалар фуқароларнинг йигинлари (бундан буён матнда фуқаролар йигини деб юритилади) фуқароларнинг ўзини ўзи бошқариш органларидир.

Фуқароларнинг ўзини ўзи бошқариш органлари маҳаллий давлат ҳокимияти органлари тизимиға кирмайди ва қонун билан берилган ўз ваколатларини тегишли ҳудудда амалга оширади.

Фуқароларнинг ўзини ўзи бошқариш органлари юридик шахс хукукларидан фойдаланади, белгиланган намунасадаги мухрга эга бўлади ва маҳаллий давлат ҳокимияти органларида хисобга олиниши керак.

Фуқаролар шаҳарчалар, қишлоқлар, огуллар ва маҳаллаларда ўзини ўзи бошқаришга доир ўз конституциявий хукукини фуқароларнинг сайлов хукуклари кафолатларига мувофиқ, фуқаролар йигинлари орқали амалга оширадилар.

Фуқаролар жинси, ирқи, миллати, тили, дини, ижтимоий келиб чиқиши, эътиқоди, шахсий ва ижтимоий мавқеидан қатъи назар, бевосита ҳамда ўзларининг сайлаб қўйиладиган вакиллари орқали ўзини ўзи бошқаришни амалга оширишда тенг хукукларга эгадир.

Фукароларнинг ўзини ўзи бошқаришга доир хукуқларини чеклаш таъкиданади.

Фукароларнинг ўзини ўзи бошқариш органлари фаолиятининг асосий тамойиллари қўйидагилардан иборат:

- демократизм;
- ошкоралик;
- ижтимоий адолат;
- инсонпарварлик;
- маҳаллий аҳамиятга молик масалаларни ечишида мустақиллик;
- жамоатчилик асосидаги ўзаро ёрдам.

Маҳаллий ўз-узини бошқарув органлари ичидаги маҳалла алоҳида ўринни эгаллади. Ўзбекистон Республикасида 1990-йил 31-октябрда қабул қилинган Мулқилик тўғрисидаги қонунининг 10-моддасида “маҳаллалар эгалик қиласиган, фойдаланадиган ва тасарруф этадиган мол-мулк маҳалла аҳолисининг биргаликдаги меҳнат фаолияти ёки уларнинг муштарак даромадлари, шунингдек, мазкур мол-мулқдан хўжалик мақсадларида фойдаланишдан келган тушумлар, юридик ва жисмоний шахсларнинг ихтиёрий бадаллари, моддий ва хайрия йўсинидаги ёрдамлари, халқ депутатлари маҳаллий Кенгашлари берадиган моддий ва молиявий ресурслар асосида вужудга келтирилган мол-мулқдан иборат” дейилади.

Маҳаллада истиқомат қилувчи аҳоли маҳалла мулкининг субъектиdir. Ўзи сайлаб қўйган органлар маҳалла мулкини тўла хўжалик юритиши асосида эгаллади, ундан фойдаланади ва уни тасарруf этади.

Ўзбекистон Республикаси Президентининг 1994-йил 23-августдаги “Кам таъминланган оиласларни ижтимоий химоялашни кучайтиришга оид тадбирлар тўғрисида”ги Фармонига асоссан маҳаллага тўла юридик шахс хукуки берилди. Бинобарин, маҳалла турили фукаролик-хуқуқий муносабатларида иштирок этиши мумкин.

Мамлакатимизда истиқлоннинг дастлабки кунлариданоқ, маҳалла тизимини шакллантириш, унинг ваколатлари кўламини кенгайтиришга алоҳида эътибор қаратиб келинмоқда. Зоро, Юргашимиз таъкидлаганидек, маҳалла нуфузини кўтариш нафақат иқтисодий, нафақат ижтимоий, балки бу – сиёсий, тарбиявий, улкан маънавий масаладир. Шу боис, “маҳалла” тушунчаси биринчи марта Ўзбекистон Конституциясига киритилди.

Айни чорда, Ўзбекистон Президенти фармони билан Республика “Маҳалла” хайрия жамғармаси фаолияти йўлга кўйилди. Бугунги кунда унинг таркибида 14 та худудий бўлим, 196 та туман ва шаҳар бўлинмалари фаолият юритмоқда. Мухтасар қилиб айтганда, юртимиздаги 10 мингга яқин маҳалла ранг-баранг турмуш тарзи, дин, мафкура, турли ғоялар қозонида қайнаган, хаёт синовидан ўтган донишманд халқимиз учун таянч ва суюнч бўлиб келаётir. Давлатимиз раҳбари Вазирлар

Маҳкамасининг 2011-йилнинг асосий якунлари ва 2012-йилда Ўзбекистонни ижтимоий-иктисодий ривожлантиришнинг устувор йўналишларига багишлиланган мажлисидаги маърузасида ҳам оила институтини янада мустаҳкамлаш ва ривожлантиришда маҳалланинг роли ҳамда аҳамиятини кучайтириш ўз олдимизга кўйган муҳим мақсадлардан бири эканини алоҳида қайд этиб ўтди.

Мамлакатимизда демократик ислоҳотларни янада чукурлаштириш ва фуқаролик жамиятини ривожлантириш концепциясида қайд этилганидек, маҳалланинг ўрни ҳамда ролини янада оширишга хизмат қиласидиган бир қатор чора-тадбирларни амалга оширишни ҳаётнинг ўзи такозо этмоқда. Аввало, фуқароларнинг ўзини ўзи бошқариш органлари ҳукукий асосини буғунги кун талаблари даражасида тақомиллаштириш айни муддаодир. Жумладан, “Фуқароларнинг ўзини ўзи бошқариш органлари тўгрисида”ги Конунда белгиланган ҳавола нормаларини ҳаётга татбиқ этишга қаратилган конун ҳужжатларини қабул қилиш зарур. Конуннинг 17-моддасида эса фуқароларнинг ўзини ўзи бошқариш органлари фаолиятини мувофиқлаштирувчи кенгашлар туман, вилоят ва республика даражасида тузилиши мумкинлиги қайд этилган. Аммо ҳозирги кунга қадар уларнинг ташкил қилинмаганлиги амалиётда айрим кийинчиликларни юзага келтирмоқда.

Юртбошимиз тақдим этган Концепциядан келиб чиқиб, маҳалланинг йўналтирилган асосда аҳолини ижтимоий қўллаб-қувватлаш, хусусий тадбиркорлик ва оиласиб бизнесни ривожлантириш марказига айлантириш устувор вазифадир. Шундай вазифалардан яна бири жойларда ижтимоий-иктисодий ривожланиш дастурларини амалга ошириш, гуманитар муаммоларни ҳал этиш, мамлакатимиз аҳолиси турли қатламларининг ҳукуқ ва эркинликлари, манбағларини ҳимоя қилишда маҳаллаларнинг давлат ва нодавлат ташкилотлари билан ўзаро ижтимоий шериклик муносабатларини ривожлантиришдан иборатdir.

Шунингдек, мамлакатимизда демократик ислоҳотларни янада чукурлаштириш ва фуқаролик жамиятини ривожлантириш жараёнида фуқароларнинг ўзини ўзи бошқариш органлари ролини ҳамда аҳолининг ҳукукий маданияти ва ҳукукий онгини ошириш, жамиятнинг маънавий-ахлоқий тафаккурини юксалтириш, жойларда конун ҳужжатлари, давлат ҳамда ҳудудий дастурларнинг ижро этилиши устидан жамоатчилик назоратини кенгайтириш, оила институтини ривожлантириш ва мустаҳкамлашда фуқароларнинг ўзини ўзи бошқариш органлари фаолиятини кучайтириш мақсадга мувофиқдир. Айни чоғда ижтимоий-сиёсий, ижтимоий-иктисодий ислоҳотларни амалга оширишда ёшлар иштирокини кенгайтириш, соғлом, баркамол авлодни вояга етказиш бўйича фуқаролар ўзини ўзи бошқариш органлари фаолиятини тақомиллаштириш бизни кўзланган мақсад сари янада яқинлаштиради.

Табиийки, бу вазифаларни уddyдалаш ҳар бир маҳалла ва унда

истиқомат қилаётган жар бир фукародан юксак масъулият ва фидойиликни талааб қиласи. Шундай экан, фуқароларнинг ўзини ўзи бошқариш органлари – маҳаллалар фаолиятини бугунги кун талаблари даражасида такомиллаштириш лозим.

7 §. Юридик шахсларнинг бирлашмалари

Юридик шахсларнинг бирлашмалари деб аъзолик тамойилига асосланган, ўзларининг тадбиркорлик фаолиятини мувофикалаштириш, шунингдек, муштарак мулкий манбаатларини ифода этиши хамда химоя килиш мақсадида юридик шахслар томонидан тузилган нотижорат ўюшмаларга (иттифоқларга) айтилади.

Юридик шахсларнинг ўюшмалари ва иттифоқлари тижоратчи бўлган, шунингдек, тижоратчи бўлмаган юридик шахсларнинг манбаатларини химоя килиш мақсадида тузилади. Ўюшма (иттифоқ)нинг ўзи нотижоратчи юридик шахсдан иборат бўлиб, унинг таркибига кирган тижоратчи ва нотижоратчи юридик шахслар (ташкилотлар) ўюшманинг (иттифоқнинг) аъзолари (иштирокчилари) бўлиб ҳисобланади. Ўюшманинг ушбу аъзолари ўз ўрнида унинг таъсисчилари ҳисобланади.

Агар аъзоларнинг, яъни иштирокчиларнинг (юридик шахсларнинг) қарорига мувофиқ, уларга тадбиркорлик фаолияти билан шуғулланиш вазифаси юклатилса, улар ҳўжалик жамияти ёки ширкатларга айланади (ФКнинг 77-моддаси).

Ўзбекистон Республикасининг 2000-йил 15-декабрда қабул қилинган қонунига мувофиқ юридик шахслар ўюшмалар (иттифоқлар)га ва бошқа бирлашмаларга қонунга мувофиқ бирлашишлари мумкин. Бундай бирлашмалар тижоратчи ва тижоратчи бўлмаган ташкилотлардан иборат бўлиши мумкин. Улар юридик шахсларнинг тадбиркорлик фаолиятини мувофикалаштириш ва манбаатларни химоя килиш мақсадида тузилади. Бирлашмалар (ассоциациялар, иттифоқлар) таркибига кирган юридик шахслар ўз мустақиллигини сақлаб қолади. Улар умумий коидага кўра тижоратчи деб ҳисобланмайди. Ўюшманинг юридик шахс ҳисобланishi унинг аъзоларининг ўз мустақиллигини ва юридик шахс ҳукуқларини сақлаб қолишига тўсқинлик қўйлади. Ўюшма аъзолари (уюшмага кирган юридик шахслар) унинг мажбурятлари бўйича ўюшманинг таъсис ҳужжатларида назарда тутилган микдорда ва тартибда субсидиар жавобгар бўлишлари мумкин.

Ўзбекистон Республикасининг “Ҳўжалик жамиятлари ва ширкатлари тўгрисида” 1992-йил 9-декабрда қабул қилинган Конунининг 1-моддасида “Ҳўжалик жамиятлари ва ширкатлари корхоналарнинг ҳўжалик

ассоциациясига: иттифоқ, концерн, консорциум, корпорация ва бошқа уюшмаларга бирлашишга ҳақицидир” деб таъкидлаб ўтилган эди.¹

Демак, моддада номи келтирилган барча уюшмалар битта тушунчачы, яъни ассоциацияни ифода этувчи унинг турларидан иборат деб тан олиниади. Лекин улар уюшма бўлишлари билан бир каторда хукуқ лаёқати, фаолиятининг турлари ва хусусиятлари билан бир-биридан фарқ қиласди.

ФКнинг 77-моддасида юридик шахсларнинг бирлашмалари сифатида фақат уюшма ва иттифоқларга эътибор берилади. Чунки бирлашмаларнинг бошқа турлари (концернлар, консорциумлар, корпорациялар) акциядорлар жамиятлари ва хўжалик ширкатлари шаклида тадбиркорлик фаолияти билан шуғуланишлари мумкин. Шунинг учун ФКнинг ушбу моддасига кўра тижоратчи бўлмаган бирлашмаларнинг шакллари сифатида уюшма ва иттифоқларга бағишланган қоидалар назарда тутилади.

Уюшма билан иттифоқ тушунчалари ўртасида ҳам қисман фарқ мавжуд. Уюшмани ифодаловчи асосий белги – таркибий қисмининг бир хил бўлишидан, иттифоқнинг эса – ҳар хил бўлишидан иборат. Уюшма таркибий қисмининг бир хил бўлиши унда иштирок этувчиларнинг шакли жиҳатдан умумий бўлиши билан (масалан, акциядор жамиятларнинг уюшмалари), фаолияти жиҳагидан иқтисоднинг битта ёки аралаш соҳаларга (масалан, нефть саноати көрхоналарининг уюшмаси) тегишли бўлиши билан белгиланади.

“Ўзбекистон транспорт ва транспорт коммуникациялари уюшмасини ташкил этиш тўғрисида”ги Ўзбекистон Республикаси Президентининг Фармонига мувофиқ юридик шахс мақомига эга бўлган “Ўзбекистон темир йўллари” давлат акциядорлик компанияси, Ўзбекистон автомобиль ва дарё транспорти агентлиги, “Ўзтавтойўл” ДАҚ, транспорт коммуникациялари курилиши билан шуғулланувчи республика лойиха ва курилиш каби ташкилотлар ушбу уюшма таркибига киради.

Қонунчилик амалиётида “уюшма” билан “иттифоқлар” тушунчалар маъносига ва уларнинг бир-биридан фарқ қилиншига aloҳида эътибор берилмайди. Баъзан, фаолият жиҳатдан бир турдаги бўлган ташкилотлар бирлашмалари тўғрисидаги қонунларда ушбу тушунчалар биргаликда фойдаланилади. Масалан, Ўзбекистон Республикасининг “Нодавлат нотижорат ташкилотлари тўғрисида”ги Қонуннинг 10-моддаси, 2-бандида ушбу ташкилотлар “уюшмалар (иттифоқлар)” шаклида бирлашмалар тузилиши мумкинлиги назарда тутилади. “Хомийлик тўғрисида”ги Қонуннинг 6-моддаси 3-бандида ҳомийлик ташкилотларининг нодавлат нотижорат ташкилотлар ҳисобланувчи “уюшмалар (иттифоқлар)” бирлашмалари тузилиши мумкинлиги кўзда тутилган.

¹ Мазкур Қонун ЎзР ОМнинг 06.12.2001 й 311-II сонли қарорига мувофиқ ўз кучини йўқотган.

Иттифоқнинг умумий мақсади мувофиқлаштириш, ваколатлик қилиш билан бир қаторда, муайян худуднинг манфаатларини ҳимоя қилиши (масалан, фан-техника, соглини саклаши, маданият ва санъат муассасаларининг иттифоқлари)га йўналтирилади. Ўзбекистон Республикаси Вазирлар Маҳкамаси томонидан 1996-йил 26-апрелда тасдақланган “Ўзбекнаво” иттифоқининг таркибига давлат республика ва вилоят концепт ташкилотлари билан бир қаторда, қайси идорага қарашли бўлишидан ва мулкчилик шаклларидан қатъи назар, ижодий жамоалар ва алоҳида ижрочилар киришлари мумкин.

Ўзбекистон Республикасининг 2004-йил 3-декабрдаги “Ўзбекистон Республикаси савдо-саноат палатаси тўғрисида”¹ Қонунга мувофиқ тадбиркорлик фаолияти субъектларини ихтиёрийлик асосида бирлаштириш, тадбиркорликни ривожлантириш, ўз аъзоларининг хукуқлари, қонуний манфаатларини ифода этиш ҳамда ҳимоя қилиш, тадбиркорларнинг чет эллик ҳамкорлар билан алоқаларни йўлга кўйишга кўмаклашиш мақсадида, Ўзбекистонда Савдо-саноат палатаси (ССП)-тузилган. У ихтиёрийлик асосида ташкил этилган иттифоқdir.

Савдо-саноат палатаси юридик шахс хукукига эга бўлган нодавлат нотижорат ташкилот ҳисобланади.

Савдо-саноат палатаси Қорақалпоғистон Республикаси, вилоятлар ва Тошкент шаҳрида тузиладиган худудий бошқармалар билан биргаликда ягона тизимни ташкил этади. Ушбу тизимга кирган тадбиркорликнинг турли соҳаларида (ишлаб чиқариш, савдо-сотик, ишни бажарувчи, хизмат кўрсатувчи ва ҳ.к.) фаолиятини мустақил амалга оширувчи юридик шахс ҳисобланувчи худудий бошқармалардан, уларнинг ташкилотларидан ва заруратга қараб, юридик шахс бўлмаган туман ва шаҳар филиалларидан иборат бўлиши мумкин.

Қорақалпоғистон Республикаси, вилоятлар ва Тошкент шаҳрида Савдо-саноат палатасининг юридик шахс ҳисобланувчи худудий бошқармалари мавжуд, улар тадбиркорликни, энг аввало, кичик ва хусусий тадбиркорликни ривожлантиришга кўмаклашади. Шунинг билан бирга, Палата зиммасига тадбиркорларга чет эллик шериклар билан амалий мулокотлар ва алоқаларни кенгайтиришда, экспорт маҳсулотини ташики бозорларга олиб чиқишида, шунингдек, рақебатбардош тайёр маҳсулот чиқаришни таъминловчи янги ишлаб чиқаришлар барпо этиш ҳамда мавжуд ишлаб чиқаришларни техникавий жиҳатдан қайта жиҳозлаш учун тўғридан-тўғри чет эл инвестицияларини жалб этишда кўмаклашиш вазифалари юклатилиди.

Мамлакатимиз ва хорижий тадбиркорлар, шу жумладан, кичик ва хусусий бизнес корхоналари ўртасида барқарор иктисодий алокаларни

¹ “Ўзбекистон Республикаси савдо-саноат палатаси тұғрисида”¹ Қонуни. Ўзбекистон Республикаси Олий Мажлис Ахборотномаси. 2005. 1-сон, 16-модда.

ривожлантириш ҳамда чукурлаштириш, экспорт салоҳиятини ошириш, республикага инвестициялар ва замонавий технологияларни жалб этиш мақсадида Ўзбекистон Республикасининг Президенти томонидан 2005-йил 7- июнда “Ўзбекистон Республикасининг Савдо-саноат палатасининг хорижий мамлакатлардаги ваколатхоналарини ташкил этиш тўғрисида”ги Фармони қабул қилинди. Мазкур Фармонга мувофиқ, хорижий мамлакатларда, биринчи навбатда Корея Республикаси, Хитой Халқ Республикаси, Россия Федерацияси ва Германия Федератив Республикаси (Австрия Республикасидаги ишларни камраб олган холда) савдо-саноат палатаси ваколатхоналарини, жумладан, савдо-инвестиция уйларини ташкил этиш назарда тутилди.

Савдо-инвестиция уйлари Ўзбекистон Республикасининг ва улар қайси давлат ҳудудида ташкил этилса, ўша давлатларнинг конун хужжатларида белгиланган тартибда ўзини ўзи қоплаш ва ўзини ўзи молиялаш тамойиллари асосида фаолият юритиш ҳукуқига эга.

Савдо-саноат палатасига савдо-инвестиция уйлари орқали куйидаги вазифаларни амалга ошириш тавсия этилади:

- мамлакатимизнинг экспортга йўналтирилган маҳсулотларини хорижий бозорларга чиқариш;
- Ўзбекистоннинг инвестиция имкониятларини ривожлантириш учун шарт-шароитлар яратиш ҳамда Ўзбекистондаги хорижий инвесторлар ва шериклар учун ахборат-маслаҳат ишларини ташкил этиш;
- Ўзбекистон тадбиркорларига манфаатли шартларда етказиб бериш учун илгор мини-технологияларни танлаб олиш.
- тегишли чет давлатларида савдо-саноат палатаси ва унинг аъзолари манфаатларини ифода этиш.

Савдо-саноат палатаси Ўзбекистонда ва чет эл давлатларида ташкилотлар тузиш, ўз ваколатларини очиш, Ўзбекистонда ва унинг ҳудудидан ташқарида кўргазмалар ҳамда ярмаркалар ташкил этиш ва ўтказиш, халқаро нодавлат нотижорат ташкилотларига кириш, тўғридан-тўғри халқаро мулоқатлар олиб бориш, ҳамкорлик тўғрисидаги тегишли битимлар тузиш каби ҳукукларга эга.

Жамоат бирлашмалари ҳам иттифоклар тузишлари мумкин. “Ўзбекистон Республикасида жамоат бирлашмалари тўғрисида”ги Конуннинг 7-моддасига биноан жамоат бирлашмаларининг филиаллари ҳам уюшишлари мумкин. Улар конунда жамоат бирлашмалари учун белгилаб қўйилган тартибда тузилиши, амал қилиши ва ўз фаолиятларини тўхтатишлари мумкин.

Уюшма ва иттифоқлар уларга иктиёрий равишда берилган ваколат доирасида юридик шахсларнинг фаолиятини мувофиқлаштириш ва манфаатларини ҳимоя қилишга оид вазифаларини амалга ошириш ва бошқариш каби фаолиятларни бажаради. Ҳар қандай бошқариш қарор қабул қилиш билан боғлиқ бўлиш ҳисобига олинган холда, уюшма ва

иттифоқларга берилган бундай ваколат уларнинг таъсис хужжатлари билан белгиланади.

Уюшма ва иттифоқлар ўзлари тижоратчи ташкилот бўлмаганинги боис, асосий мақсади фойда ундиришга қаратилган фаолият билан шугулланишлари мумкин эмас. Шундай экан, уларга берилган ваколатни амалга ошириши билан боғлиқ хужжатлар, масалан, иш ҳаки, биноларнинг ижара ҳаки, техника ва бошқа асбоб-ускуналарни сотиб олиши билан боғлиқ харажатлар молиявий жиҳатдан бошқарув идоранинг таркибиغا кирган ташкилотлар хисобидан таъминланади.

ФКнинг 77-моддаси, 2-қисмининг маъносидан уюшма ва иттифоқлар тижоратчи бўлмаган ташкилот эканлиги ва уларнинг қандай мақсадни кўзлаб тузилиши зарурлиги тўғрисидаги коида назарда тутилади. Шундай экан, уларнинг таъсис хужжатларида фойда ундириш фаолияти асосий мақсад сифатида назарда тутилган бўлиши мумкин эмас. Лекин фаолият юритиш жараёнида тижорат билан шугулланиш улар учун мақсад сифатида назарда тутилган бўлиши мумкин.

Бундай ҳол юз берган тақдирда қуидаги тадбирлар кўлланиши мумкин:

а) бирлашманинг иштирокчилари қонунга мувофиқ (ФКнинг 40-моддаси), уни ўз қарорига асосан хўжалик ширкати ва жамиятига, ишлаб чиқариш коорперативига, унитар корхонага айлантириб, қайта ташкил килишлари;

б) бирлашманинг ўзи ижтимоий фонд ва мулқдор томонидан таъминлаб туриладиган муассаса шаклида, шунингдек, қонунларда назарда тутилган бошқа шаклда ташкил этилиши;

в) тижоратчи бўлмаган ташкилот ўзининг уставида белгиланган мақсадларга мос келадиган доираларда тадбиркорлик фаолияти билан шугулланиши мумкин.

Бирлашмани ташкил қиласан ёки унга кирган ташкилотларининг хукукий мақомида ўзгариш юз бермайди. Уларнинг юридик шахс сифатида хукук лаёқати тўла сақланиб қолинади. Бирлашманинг ўзи юридик шахс ҳисобланади ва унга нисбатан жавобгарлик тўғрисидаги умумий коидалар татбик қилинади (ФКнинг 48-моддаси).

Умумий коидага биноан бирлашма ўз аъзолари унинг мажбуриятлари бўйича қўшимча жавобгар бўлади. Бундай жавобгарлик бирлашмани фуқаролик-хукукий мақомининг муҳим хусусиятларидан иборат. Бирлашманинг мол-мулки унинг кредиторларининг талабларини қаноатлантириш учун етарли бўлмаган тақдирда, унинг аъзолари (иштирокчилари) ўз мол-мулклари билан бирлашманинг қарзлари бўйича жавоб берадилар (ФКнинг 77-моддаси, 6-қисми).

Бундай жавобгарлик субсидиар хусусиятга эга бўлиб, унинг миқдори бирлашманинг ўз қарздорларидан қутилиши учун мол-мулкининг етарли бўлмаган қисми ҳажмида белгиланади.

Юридик шахсларнинг бирлашмалари таъсис хужжатлари устав ва таъсис шартномасидан иборат бўлиб, уларда бирлашманинг номи, ташкилий тузилмаси, мақсадлари ва вазифалари, шунингдек, иштирокчиларнинг ўзаро ҳукуклари ва мажбуриятлари белгилаб қўйилади.

Юридик шахс бирлашмаларининг мулкий-молиявий базаси асосан иштирокчилар томонидан киритиладиган улушлардан таркиб топади. Аммо қонун чиқарувчи нотижорат ташкилотларнинг бошқа турлари учун хос бўлган бошқа манбаларни (хайриялар, грантлар ва х.к.ларни) ҳам чеклаб қўймаган.

Бунда бирлашма иштирокчилари ўз бирлашмаларига нисбатан ҳеч қандай мулкий ҳукукга эга эмаслар, шу сабабли, иштирокчининг улушкини бошқа шахсларга ўтказиб беришга, шунингдек, бирлашмадан чиқиши чоғида улушнинг бўлинишини талаб этишига йўл қўйилмайди.¹

Назорат учун саволлар

1. Бирлашманинг иштирокчилари қонунга мувофиқ, уни ўз қарорига асосан қайта ташкил этиши мумкинми?

2. Юридик шахсларнинг бирлашмалари қандай тамойилларга асосланган бўлиши керак?

3. Ўзбекистон Республикасининг Савдо-саноат палатаси қандай ҳукукларга эга?

4. Амалиётда “уюшма” ва “иттифоқ” тушунчалари ўртасида қандай фарқлар мавжуд?

5. Жамоат фондининг мол-мулкидан кайси мақсадларда фойдаланилади?

6. Жамоат бирлашмаларининг ҳукукий ҳолати қандай ҳукукий хужжатлар билан белгиланади?

7. Жамоат фонди деб нимага айтилади?

8. Фонdlар қандай турларга бўлинади?

9. Муассаса деб қандай ташкилотга айтилади?

10. Уюшма ва бирлашмаларнинг таъсис хужжатлари нималардан иборат?

¹ Ўзбекистон Республикаси Фуқаролик кодексига шарқ, I-жилд.-Тошкент: “Vektor-Press” наутиёти, 2010. - Б. 244.

IX БОБ. ЮРИДИК ШАХСЛАРНИ ҚАЙТА ТАШКИЛ ЭТИШ ВА ТУГАТИШ ТАРТИБИ

1 §. Юридик шахсларни қўшиб юбориш ва қўшиб олишнииг амалга ошириш усуслари

Бозор иктисодиёти шароитида мамлакатимизда амалга оширилган туб ислохотларнинг мазмун-моҳиятида республика иктисодиётини юксалтириш ва ҳалқ турмуш фаровонлиги даражасини ошириш ётади. Мамлакатимиз иктисодиётининг ривожланиши ва истикболда юксалишида юридик шахслар алоҳида ўрин тутади. Айни юридик шахслар жамият аъзоларининг йирик сармояларини бирлаштириш, кўп микдордаги моддий неъматлар алмашинуви ва бу орқали кагта даромад олиш эвазига мамлакатнинг иктисодий ривожланишида асосий субъект хисобланади. Фақатгина юридик шахслар тадбиркорлик учун кенг имкониятлар, салоҳият ва эркинликларга эга бўлади.

Шу муносабат билан, юридик шахсларнинг ташкил этилиши ва бекор бўлиши билан боғлиқ муносабатлар бозор иктисодиёти шароитида муҳим аҳамиятта эга. Юридик шахсларнинг ташкил топиши янги хукук субъектини вужудга келтириб, иктисодий ва хукукий муносабатларда янги субъектив хукук ва мажбуриятларни пайдо бўлиши билан бирга, иктисодий ривожланишга ўзига хос ҳисса кўшса, юридик шахсларнинг тугатилиши хукук субъектининг барҳам топиб, мавжуд хукукий алоқалар, хукук ва мажбуриятларнинг кейинги тақдирини белгилаш ва кредиторларнинг хукуклари кафолатларини таъминлаш эвазига иктисодий муносабатлардаги субъект фаолиятини якунлашга олиб келади.

Юридик шахсларнинг бекор бўлиши ҳар доим ўзига хос ҳайётий долзарбликини вужудга келтиради. Чунки, бир хукук субъектининг барҳам топиши ва унинг ўрнига янги хукук субъектининг вужудга келиши ёки мол-мулкнинг кейинги тақдирини ҳал қилиш масалалари ҳар бир давлат учун ҳамма вақт муҳим аҳамиятга эга бўлган. Зеро, ушбу муносабатларнинг мамлакатда қандай тартибга солинганлигига қараб, давлатнинг иктисодий ривожланишини белгилаб олиш мумкин.

Ҳозирги кунда юридик шахсларни ташкил этиш, қайта ташкил этиш ва тугатиш жараёни амалдаги Фуқаролик кодекси ва юридик шахслар тўғрисидаги бир қатор конунлар асосида амалга оширилмоқда. Шуни алоҳида таъкидлаш жоизки, бугунги кунда юридик шахсларни давлат рўйхатидан ўтказиш тартиби жуда қийин ва чалкаш бўлиб, фуқаролик хукуки субъектларини вужудга келтириш, қайта ташкил этиш ва тугатишни тезда амалга оширишга ва бозор муносабатларининг ривожланишига тўсик бўлиб келмоқда. Бунинг асосий сабаби, биринчидан, ягона давлат реестрининг йўклиги, иккинчидан, юридик шахсларни рўйхатга олувлчи давлат органларининг кўплиги ҳисобланади.

Бугунги кунда юридик шахсларнинг жойлашган жойи, почта манзили, давлат рўйхатидан ўтган жойи хусусидаги масалага бир хил ёндашув мавжуд эмас. Бундан ташқари, юридик шахсларни давлат рўйхатидан ўтказмасликни аник асослари рўйхати, юридик шахсларни давлат рўйхатидан ўтказишни ҳақиқий эмас деб топиш ва давлат рўйхатидан ўтказганилик хизмати учун ҳақ тўлаш масаласи хусусида бир тўхтамга келинмаган.

Бундай ҳолат юридик шахсларни ташкил этиши, қайта ташкил этиши ва тутагиши жараёнларини тартибга солувчи қонунчиликни такомиллаштиришни талаб этмоқда.

Айни кунда, республикамиизда юридик шахслар фаолиятини хуқуқий тартибга солиши борасида қатор ишлар амалга оширилган бўлса-да, юридик шахсларни хуқуқий тартибга солувчи манбаларни такомиллаштириш мақсадида миллий ва хорижий конун хужжатларини ўзаро мувофиқлаштириш, мослаштириш ва бунда Ўзбекистон Республикасига хос хусусиятларни ҳисобга олиш, юридик шахслар билан боғлиқ муносабатларни тартибга солишида вақтнчалик норматив хужжатлар ўрнига “муқим” норматив хужжатлар кабул қилиш, юридик шахслар хуқуқий муносабати иштирокчилари хуқуқларини кенгайтириш ва уларнинг хуқуқлари кафолатини яратишнинг ўзига хос чора-тадбирларини белгидаш долзарб масалалардан бири бўлиб қолаверади.

Таъкидлаш лозимки, юридик шахсларни қайта ташкил этиши фуқаролик ташкилий-хуқуқий муносабатларнинг ўзига хос тури хисобланади. Қайта ташкил этиши жараёнида фуқаролик ташкилий-хуқуқий муносабатлар учун хос бўлган энг муҳим жиҳатлар: муносабатларнинг номулкий тусдалиги, кўшимча киймат хосил қиласлиги ва фуқаролик муомаласининг рўй бермаслиги кўзга ташланиши билан бирга, номулкий тусдаги мажбуриятларнинг универсал хуқуқий ворислик асосида хуқуқий ворисга ўтиши хисобланади.

Ш.Т.Нуридинованинг фикрича, қайта ташкил этиши – бир ёки бир неча юридик шахс (хуқуқий ўтмишдош) хуқук ва мажбуриятларини, кредиторларнинг хукуқларини қонаотлантирилиши асосида, хуқуқий ўтмишдошининг бекор бўлиши ва хуқуқий ворисни вужудга келиши билан боғлиқ ҳолатда бошқа юридик шахс ёки шахсларга (хуқуқий ворис) хуқуқий ворислик тартибида ўтишини тавсифловчи ҳолат (юридик ҳаракатлар мажмуи) тушунилади¹.

.. И.Б.Зокировнинг ўйлашибача, қайта ташкил этиши орқали юридик шахслар бекор қилинганда, вужудга келган субъект олдинги юридик шахснинг вориси сифатида эътироф этилса-да, у мутлоқ янги хуқуқ субъекти саналади².

¹ Нуридинова Ш.Т. Юридик шахсларнинг бекор бўлиш усуллари ва уларни куллашнинг фуқаролик-хуқуқий муаммолари. Юрид.фан.номз дисс...Автореф.-Т: 2008. – Б. 9.

² Зокиров И.Б. Фуқаролик хуқуқи. I-кисм.-Т: ТДОИ, 2009. – Б. 182.

Юридик шахсларни қайта ташкил этиш бир вактда иккита муҳим ташкилий муносабатни ифодалайди. Биринчидан, қайта ташкил этиш бир юридик шахснинг субъектлилик мақоми ўзгариши, унинг таркибий тузилиши, баланси ва таъсис хужжатларининг ўзгариши каби ташкилий-хукуқий муносабатларни вужудга келтиреа, иккинчидан, қайта ташкил этиш тўла (универсал) ёки қисман (сингулар) хукуқий ворислик, хукуқ ва мажбуриятлар тақсимоти каби ташкилий-хукуқий муносабатларни ўзида ифодалайди.

ФКнинг 49-моддасига кўра, юридик шахсларни қайта ташкил этиш кўшиб юбориш, кўшиб олиш, бўлиш, ажратиб чиқариш, ўзгартириш шаклларида амалга оширилади. Мазкур шаклларнинг ҳар бири ўзига хос жиҳатлари билан бошқасидан ажралиб туради ва алоҳида хукукий конструкция сифатида фуқаролик қонунчилигида ўз ўрнига эга хисобланади. Мальумки, ФКнинг 49-моддаси 1-қисмида санаб кўрсатилган юридик шахсларни қайта ташкил этиш шаклларидан кўшиб юбориш ва кўшиб олиш бир-бирига моҳияти ва мазмуни жиҳатидан яқин туради. Бирок, уларни бир хилдаги хукуқий воқелик сифатида тушуниш керак эмас.

Ҳ.Р.Рахмонқуловнинг ёзишича, юридик шахсни кўшиб юбориш, деганда икки ёки ундан зиёд юридик шахсларнинг бирлашиши, улар негизида битта яхлит юридик шахснинг ташкил топиши ва унинг давлат рўйхатидан ўтказилиши тушунилади. Ўз фаолиятини тутатган ҳар бир юридик шахснинг мулкий хукуқ ва мажбуриятлари топшириш хужжатига асосан янги ташкил топган юридик шахсга ўтказилади¹.

С.С.Гулямовнинг фикрига кўра, ўз фаолиятини тутатган икки ёки бир неча жамиятнинг барча хукуклари ва мажбуриятларини ўтказиш йўли билан янги жамиятни вужудга келтириш жамиятларнинг кўшиб юборилиши деб хисобланади. Кўшиб юборишда иштирок этётган жамият кўшиб юбориш ҳақида шартнома тузади, унда бирлашишнинг тартиби ва шартлари, шунингдек, бирлаштирилаётган жамиятнинг акцияларини бирлаштириб олаётган жамиятнинг акциялари ва бошка қимматли қофозларига айрибошлиш тартиби белгилаб қўйилади².

Дарҳақиқат, кўшиб юбориш шаклида юридик шахс қайта ташкил этиш жараёнининг бошланиши, уни амалга оширилиши ва тугалланиши, фуқаролик ташкилий-хукуқий муносабатларни ифодалаши билан тавсифланади. Масалан, кўшиб юбориш жараёни юридик шахс муассислари (иштирокчилари) ёки таъсис хужжатларида шунга вакил қилинган юридик шахс органи қарорига мувофиқ бошланади.

¹ Раҳмонқулов Ҳ. Фуқаролик хукукининг субъектлари. Ўқув ҳўлланма. -Т: О’zbekiston, 2008. -Б: 90.
² Раҳмонқулов Ҳ.Р., Гулямов С.С. Корпоратив хукуқ. -Т: ТДҶИ, 2007. -Б: 420-421.

Б.Ибратов ва Н.Ш.Сайд-Газисвалар кўшиб юборишда юридик шахс муассисларининг хоҳиш-истаги бирламчи аҳамият касб этишини таъкидлашади¹.

У.Эрназаровнинг таъкидлашича, корхонани тугатиш ва қайта ташкил этиш корхона мол-мулки эгасининг ёки шундай корхонани тугатишга ваколатли бўлган идоралар қарорига биноан ёхуд суд ёки хўжалик суди қарорига биноан амалга оширилади².

Х.Раҳмонқулов “бу масалани ҳал қилишда янги Кодексда судга кенг ваколат берилади. Масалан, агар юридик шахс белгиланган муддатда қайта ташкил этилмаса, суд ваколатли органнинг даъвоси бўйича юридик шахснинг бошқарувчисини тайинлайди, ушбу вазифани бажаришни унга топширади”³ деб ҳисоблайди.

Е.А.Сухановнинг эътироф этишича, кўшиб юбориш ихтиёрий равишда конунда белгиланган ҳолларда давлат органларининг розилиги билан амалга оширилади. Чунки, розилик товар бозорида монопол хўжалик юритувчи субъектларнинг вужудга келишини назорат қилиб турувч монополияга қарши органлардан талаб қилинади⁴.

Ш.Т.Нуридиновнинг фикрича, бу ўринда юридик шахсни қайта ташкил этишда биринчи навбатда муассисларнинг қарори бирламчи хусусиятга эга бўлади. Зоро, тижоратчи юридик шахсларни қайта ташкил этишда, ваколатли давлат органларидан олинадиган розилик ҳам айни муассисларнинг қарорларидан сўнг амалга оширилади⁵.

Демак, қайта ташкил этиш жараённинг вужудга келишидаги эркни изхор этиш ташкилий-хуқуқий тусга эга бўлади ва мулкий хусусиятга эга эмасdir.

С.С.Гулямов кўшиб юбориш шаклидаги қайта ташкил этишни амалга ошириш қўйидаги асосий боскичларда ўтиш мухим, деб ҳисоблайди:

1. Кўшиб юборища иштирок этаётган жамиятлар ўртасида кўшилиш тўғрисида шартнома тузиш.

2. Кўшилиш тўғрисида шартнома ва ўтказиш далолатномасининг кўшиб юборища иштирок этаётган жамиятлар ҳар бирининг умумий йиғилиши томонидан тасдиқланганлиги тўғрисидаги қарорнинг қабул қилинishi.

3. Кўшиб юборища иштирок этаётган жамиятлар акциядорларининг биргаликдаги умумий йиғилишида янги пайдо бўлган акциядорлик жамиятининг уставини тасдиқлаш ва кузатув кенгашига сайлов ўтказиш.

¹ Ибратов Б., Сайдгозиева Н. Гадбиркорлик кафолатлари//Истиқлол ва ҳисобот. – Т.; 1998. - №2. - Б. 21.

² Эрназаров У. Молия-хўжалик фаолигитини амалга оширишмаётган корхоналарни тутатишнинг ўзига хос хусусиятлари//Хўжалик ва хуқук. – Т.; 1999. - №10. - Б. 29.

³ Раҳмонқулов Х.Р. Ўзбекистон Республикаси Фуқаролик Кодексининг биринчи қисмига умумий гависиф ва шарҳлар. - Т: Иктисолмёт ва хуқук дунёси, 1997. - Б. 175.

⁴ Гражданское право. В 2-х т. / Отв.ред. Е.А Суханов. Т.1.-М.:БЕК, 1998. – С. 200.

⁵ Нуридинова Ш.Т. Уша асар. – Б.59. 3

4. Кўшиб юбориш даврида жойлаштириладиган кимматли қоғозлар эмиссияси ва кимматли қоғозлар чикариш тўғрисидаги хисоботни давлат рўйхатидан ўтказиш¹.

Кўшиб юбориш тўғрисидаги шартнома ташкилий-хукукий муносабатни вужудга келтириш ва кўшиб юбориш билан боғлик ташкилий-хукукий муносабатларни тартибга солиш воёйтаси хисобланади. Кўшиб юбориш тўғрисидаги шартномада кўшиб юбориш тартиби ва шартлари, шунингдек, ҳар бир жамият акцияларининг янги жамият акцияларига конвертация қилиш тартиби белгиланади. Бундай шартнома бир катор хусусиятлари билан ажралиб туради. Мазкур шартнома ФКда кўзда тутилган шартномаларнинг бирортаси билан уйғунлик касб этмайди ва унга нисбатан якин бўлган биргаликдаги фаолият (оддий ширкат) ва таъсис шартномаларидан кескин фарқ қиласди.

Шартномани тузиш кўшиб юборища иштирок этаётган ҳар бир жамият умумий йигилишида ҳал этилади. Жамиятнинг директорлар кенгаши (кузатув кенгаши) кўшиб юборища иштирок этаётган ҳар бир жамиятнинг умумий йигилишига кўшиб юбориш шаклида қайта ташкил этиши тўғрисидаги, кўшиб юбориш тўғрисидаги шартномани тасдиқлаш тўғрисидаги, кўшиб юбориш натижасида вужудга келадиган жамият уставини ва топшириш хужжатини тасдиқлаш тўғрисидаги масалани киритади.

Кўшиб юбориш (кўшиб олиш) тўғрисидаги шартнома янги юридик шахсни ташкил этишга ва айрим эски юридик шахсларни бекор қилишга қаратилади. Шартномани ижро этиш натижасида унинг тарафлари (барчаси ёки айримлари)нинг мавжудлилигига барҳам берилади, шу сабабли янги жамиятнинг таъсисчи-иштирокчиси функциясини бажаришга, шу жумладан, қайта ташкил этиши жараёнида жамият харакатлари учун жавобгарликни зиммасига олишга лаёқатсиз хисобланади. Амалда бу турдаги шартномалар қайта ташкил этиши жараёнида муайян юридик шахсларни тутгатиш ва янгиларини ташкил этишга йўналтирилади.

Таъкидлаш муҳимки, янгидан ташкил топган жамиятнинг юридик шахс сифатидаги органларини ташкил қилиш кўшиб юборища иштирок этган акциядорлик жамиятларининг қўшма умумий йигилишида оширилади. Акциядорларнинг қўшма умумий йигилишида овоз бериш тартиби жамиятларнинг кўшиб юборилиши тўғрисидаги шартномада белгилаб кўйилиши мумкин (Ўзбекистон Республикасининг “Акциядорлик жамиятлари ва акциядорларнинг хукукларини химоя қилиш тўғрисида” ги Конунининг 96-моддаси, 3-кисми).

Юридик адабиётларда кўшиб юбориш тўғрисидаги шартнома хусусида яқдил фикрлар мавжуд эмас. Айрим муаллифлар кўшиб юбориш

¹ Рахмонкулов Х.Р., Гулямов С.С. Корпоратив хукук. – Т: ТДЮИ, 2007. – Б. 421.

ҳақидаги шартномани учинчи шахс – янгидан вужудга келган ёки фаолиятни давом эттираётган жамият фойдасига тузиладиган шартнома, деб ҳисоблашади. Бироқ, бу фикр етарли даражада асосланмаганлыгини ҳам айтиб ўтиш зарур. М.И.Брагинскийнинг фикрича, учинчи шахс фойдасига тузилган шартномалар учун куйидаги жиҳатлар хосдир:

-дастлабки шартнома учинчи шахсда факат ҳукуқни вужудга келтиради, мажбуриятни эмас;

-учинчи шахс ушбу ҳукуқлардан воз кечганда, бу ҳукуқларни контрагентнинг ўзи амалга оширади;

-учинчи шахс мажбуриятнинг тарафи сифатида эътироф этилиши учун у шартномада қўзда тутилган ҳукуқларни қабул қилиш ҳақида розилигини билдириши зарур. Учинчи шахс ҳукуқ лаёкатига эга бўлиши лозим¹.

Ҳ.Р.Рахмонкуловнинг фикрига караганда, учинчи шахс фойдасига тузилган шартномаларда, учинчи шахс мажбуриятлар ижро этилишини талаб қилиш ҳукуқига, коида тариқасида, кредиторнинг ўзи ана шундай ҳукуқни қўлга киритган пайтдан бошлаб эга бўлади. Башарти, шартнома кимнинг фойдасига тузилган бўлса, ана шу шахс шартнома бўйича ўзига берилган ҳукуқни рад қилса, бундай ҳукуқни берган тараф, агар шартнома маъносига зид бўлмаса, бундай ҳукуқдан ўзи фойдаланиши мумкин².

Бир катор муаллиф (Д.В.Жданов)лар эса, қўшиб юбориш шартномасини оддий ширкат шартномаси ҳисбланишини, чунки бунда иштирокчиларнинг умумий мақсад янги юридик шахсни ташкил этиш ҳисбланишини таъкидлашади. Бошқалари эса, қўшиб юбориш ҳақидаги шартномани номсиз (*sui generis*) фуқаролик-ҳукукий битим сифатида эътироф этишади³.

Фикримизча, қўшиб юбориш ҳақидаги шартнома аралаш тусга эга ва ҳукукий муносабатнинг ўзига хос шаклини ифода этади. Шу сабабли, ташкилий-ҳукукий муносабатларни тартибга солишга каратилган мазкур шартномага нисбатан ФКнинг 354-моддаси, 4-қисми коидалари қўлланилади. Яъни, аралаш шартнома бўйича тарафларнинг муносабатларига, агар тарафларнинг келишувидан ёки аралаш шартноманинг моҳиятидан бошқача тартиб англашилмаса, элементлари аралаш шартномада бўлган шартномалар тўғрисидаги коидалар қўлланилади.

Таъкидлаш лозимки, “Акциядорлик жамиятлари ва акциядорларнинг ҳукуқларини ҳимоя қилиш тўғрисида” ги Қонунининг 96-моддаси, 4-қисмiga мувофиқ, жамиятлар қўшилган тақдирда уларнинг ҳар бирига

¹ Брагинский М.И., Витрянский В.В. Договорное право. Кн.1. -М.: Статут, 1999. – С. 363.

² Раҳмонкулов Ҳ. Мажбурият ҳукуқи (умумий коидалар). -Т: ТДЮИ, 2005. – Б. 248.

³ Архипов Б.П. Реорганизационные договоры о слиянии и поглощении акционерных обществ // Законодательство. -- 2002. - №10. -С. 25.

тегишли барча хукуклар ва мажбуриятлар ўтказиш далолатномасига биноан янги вужудга келган жамиятга ўтади.

Юридик шахсларни қайта ташкил этишининг навбатдаги усулида икки ёки ундан ортиқ юридик шахсни битта янги юридик шахса кўшилиши ва натижада эскиларнинг хукуки субъект сифатида тугаши ва янги юридик шахснинг вужудга келиши билан боғлиқ ташкилий муносабатларнинг хукукий тартибга солиниши назарда тутилади. Адабиётларда “кўшиб олиш” бирлаштириш деб номланиши ҳам мумкинлиги ва уларнинг бир хил маънода кўлланилиши эътироф этиш ҳолатлари¹ ва бирлаштириш ҳамда кўшиб олишнинг бир хил маъно касб этмаслигини таъкидлаш ҳоллари мавжуд².

Албатта, битта хукукий конструкциянинг қонун хужжатларида турлича номланиши (ФКда кўшиб олиш ва АЖ қонунида бирлаштириш) нотўғридир. Шу сабабли, уларни битта атама билан номлаш ва бу ерда устуворлик ФК қоидаларида бўлиши лозимлигини айтиб ўтиш ўринли.

Ҳ.Р.Рахмонкулов кўшиб олиш деганда битта ёки ундан зиёд юридик шахсларнинг фаолияти тутатилгани, улар негизида ташкил топган ва уларнинг хукукий вориси хисобланган йириклиштирилган юридик шахснинг ташкил этилганлиги тушунилади³, дейди.

Ж.И.Юлдашевнинг фикрича, бирлаштириш асосида қайта ташкил этилганда, икки ёки ундан ортиқ жамиятларнинг капиталлари бирлаштириш натижасида, ушбу янги тузилган жамиятга янги хукуқ ва мажбуриятларни берувчи янги гашкилот юзага келади. Ушбу жараёнда катнашашётган жамият акциядорларининг келишувига асосан амалга оширилади ва янги тузилаётган жамият қандай акцияларга ёки бирон-бир қимматли қоғозга асосланиш тартиби белгиланади. Жамиятни бирлаштириш асосида қайта ташкил этиш, ўз фаолиятини иктиносидий самарадорлигини ошириш, ракобатга бардош бериш мақсадида бир-бири билан ўзаро боғлиқ бўлган ишлаб чиқариш фаолиятини амалга оширувчи ёки ўз маблағларини ягона ишлаб чиқаришга бирлаштиришни мақсад қилган жамият базасида кучли кооператив тизимни шакллантиришга қаратилган ташкил этиш шаклидир⁴.

С.Н.Братусьнинг ёзишича, кўшиб олиш кўшиб юборишнинг бир тури бўлиб, бунда бир юридик шахсга иккинчиси кўшилади ва иккинчи юридик шахс бекор бўлса, биринчиси ўзининг мавжудлигини саклаб колади ва ўз фаолияти доирасини кенгайтиради ёхуд ўзгартиради.⁵

И.Б.Зокиров юридик шахсни кўшиб олишда бир юридик шахснинг хукуқ ва мажбуриятлари уни кўшиб олаётган юридик шахсга ўтади ҳамда

¹ Юлдашев Ж.И. Акциядорлик жамиятлари – фуқаролик хукукининг субъекти сифатида.-Т: ТДОИ, 2004. - Б. 141.

² Нуридинова Ш.Т. Ўша асар. - Б. 59.

³ Рахмонкулов X. Фуқаролик хукукининг субъектлари. ўкув кўллаима. -Т: О'збекистон, 2008. -- Б. 91.

⁴ Юлдашев Ж.И. Ўша асар. - Б. 141-142.

⁵ Братусь С.Н. Субъекти гаржанскоого права.-М.: Юридлит, 1950.- С. 221-222.

қўшиб юборилган юридик шахс ўзининг мустақил равища фаолият юритишини тұхтатади, - деган холосага келади.

Мазкур фикрларга қўшилган ҳолда айтиш мумкинки, қўшиб олиш юридик шахсларни қайта ташкил этишнинг ўзига хос усули сифатида бир ёки ундан кўп юридик шахсларнинг бекор бўлиши ва бошқа бир юридик шахс таркибига сингиб кетиши ва натижада шу юридик шахсничг қайтадан ташқил этилиши билан боғлиқ ташкилий муносабатлар мажмунин англатади.

Юридик шахсларни қўшиб олиш ва АЖларни бирлаштириш ўртасида фарқлар мавжудлиги юридик адабиётларда қайд этилган. Жумладан, С.С.Гулямовнинг фикрига кўра, бир ёки бир нечта жамият фаолиятини тұхтатиб, уларнинг хукуклари ва мажбуриятларини бошқа жамиятта ўтказиш – жамиятни бирлаштириш ҳисобланади. Қайта ташкил этишнинг бу шаклини ўтказиш жараёни “Акциядорлик жамиятлари ва акциядорларнинг хукукларини химоя қилиш тўғрисида”ги Конуннинг 97-моддасида белгиланган. У қўшиб олишда қўлланиладиган жараённи эслатади, лекин бу ерда қўшиб олиш тўғрисида эмас, балки бирлашиш тўғрисидаги шартнома имзоланади².

Фикримизча, бу ўринда ФКнинг 49-моддасида қайта ташкил этиш шакли сифатида белгиланган “қўшиб олиш” ва “Акциядорлик жамиятлари ва акциядорларнинг хукукларини химоя қилиш тўғрисида”ги Конуннинг 97-моддасида назарда тутилган “бирлаштириш” юридик шахсларни қайта ташкил этишнинг бир хилдаги ташқиلىй-хукукий муносабатларини ифодаловчи конструкция ҳисобланади ва бу атамаларнинг бир-бираидан фарқи хусусида эмас, уларнинг “қўшиб юбориш”дан фарқи хакида фикр юритиш мақсадга мувофиқдир. Шу сабабли, қўшиб юбориша қўшиб олишдан фарқли равища ўзаро бирикаётган икки ёки ундан ортиқ юридик шахснинг мустақил фаолият юритиши тугатилади ва улар хукук субъекти сифатида бекор бўлиб, уларнинг негизида янги хукук субъекти пайдо бўлса, қўшиб олишда битта субъектга бир ёки ундан ортиқ юридик шахснинг бирикиши натижасида, улардан биринчиси ўзининг юридик шахс сифатидаги мақомини сақлаб қолгани ҳолда, қайта ташкил этилади ва иккинчи юридик шахс хукук субъекти сифатида фаолиятини тугатади. Бироқ, иккала ҳолатда ҳам қўшимча қўймат хосил қилишга қаратилган хукукий муносабатлар эмас, балки фақат мавжуд хукуқ субъекти фаолиятини бекор килиш ва янгиларини вужудга келтириш билан боғлиқ ташкилий-хукукий муносабатлар юзага келади ва шу жиҳатдан ҳам уларнинг иккаласи қайта ташкил этиш деб номланадиган ўзига хос фуқаролик ташкилий-хукукий муносабатлар занжирида муҳим ўрин тутади.

¹ Зокиров И.Б. Ўзбекистон Республикасининг Фуқаролик хукуки.-Т: ТДЮИ, 2009 – Б. 182.
² Раҳмонкулов Х.Р., Гулімов С.С. Корпоратив хукук. – Т: ТДЮИ, 2007. – Б. 422.

Эътироф этиш лозимки, кўшиб олиш (“Акциядорлик жамиятлари ва акциядорларнинг хукуқларини ҳимоя қилиш тўғрисида”ги Қонуннинг 97-моддасига кўра бирлаштириш)нинг ташкилий жараёнлари ФКда ўз ифодасини топмаган. Бирок, “Акциядорлик жамиятлари” ва акциядорларнинг хукуқларини ҳимоя қилиш тўғрисида”ги Қонуннинг 97-моддасида бирлаштириш бўйича ташкилий-хукукий муносабаглар тизими ифодаланган. Мазкур нормага биноан, бирлаштирилаётган жамият ва бирлаштириб олаётган жамият бирлашиш тўғрисида шартнома тузадилар, унда бирлашишнинг тартиби ва шартлари, шунингдек, бирлаштирилаётган жамиятнинг акцияларини бирлаштириб олаётган жамиятнинг акциялари ва (ёки) бошқа кимматли қофозларига айирбошлаш тартиби белгилаб қўйилади. Ҳар бир жамиятнинг кузатув кенгаши бирлашишда иштирок этажётган ўз жамиятининг умумий йигилиши хукмига бирлашиш тарзида қайта ташкил этиш тўғрисидаги ва бирлашиш шартномасини тасдиқлаш ҳакидаги масалани киритади. Бирлаштирилаётган жамият кузатув кенгаши ўтказиш далолатномасини тасдиқлаш тўғрисидаги масалани ҳам акциядорлар умумий йигилиши хукмига ҳавола этади.

Мазкур жамиятлар акциядорларининг қўшма умумий йигилиши уставга ўзгартишлар ва қўшимчалар киритиш тўғрисида карор қабул қиласди. Акциядорларнинг қўшма умумий йигилишида овоз бериш тартиби бирлашиш тўғрисидаги шартномада белгилаб қўйилади.

Бир жамият бошқа жамиятга бирлашганда ўтказиш далолатномасига мувофиқ бирлаштирилаётган жамиятнинг барча хукуқ ва мажбуриятлари қўшиб олган жамиятга ўтади.

Юридагиларни эътиборга олган ҳолда хулоса қилиб шуни таъкидлаш жоизки, юридик шахсларни қўшиб юбориш ва қўшиб олиш шаклида қайта ташкил этиш жараёнлари билан боғлиқ ташкилий муносабатларни, айниқса, қайта ташкил этилган юридик шахсларнинг фуқаролик хукуки субъектлигини белгилашни аниқлаш ва бу ҳолатларнинг хукукий механизми ва самарадорлигини ошириш мақсадида қонун хужжатларига тегишли ўзгартиришларни киритиш, қўшиб юбориш ва қўшиб олишнинг ташкилий-хукукий жиҳатларини янада аниқлаштириш зарур.

2 §. Юридик шахсларни бўлиш ва ажратиб чиқаришининг амалга ошириш усуллари

Юридик шахсларни қайта ташкил этишдаги фуқаролик ташкилий-хукукий муносабатлар тизимида юридик шахсларни “бўлиш” ва “ажратиб чиқариш” усулида қайта ташкил этиш усувлари алоҳида ўрин тутади. “Бўлиш” ва “ажратиш” атамалари ўзбек тилининг изоҳли лугатида “бутунни бўлаштарга тақсимлаш” ва “мавжуд биримдан алоҳида щундай нарсани чиқариб олиш” сифагида тушинтирилади.

Ташкилий-хукукий муносабат сифатида бўлишда ҳам юридик шахсларнинг бекор бўлиш ҳолати кузатилади. ФҚда бўлиш атамасининг легал ифодаси берилмаган. Лекин “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Конунининг 98-моддасида бўлиш тушунчасига қисқача таъриф берилади, унга биноан: жамият фаолиятини тўхтатиб, унинг хукуклари ва мажбуриятларини янги тузилаётган жамиятларга ўтказиш – жамиятни бўлиш деб хисобланади.

Юридик шахсларни бўлиш тушунчасига нисбатан илмий ёндашувлар хукукий адабиётларда етарлича келтирилган¹. Хусусан, И.Б.Зокировнинг фикрича, юридик шахс бўлинганда у ўз фаолиятини бекор қиласи ва унинг негизида икки ёки бир неча юридик шахс пайдо бўлади ҳамда аввалисининг хукуқ ва мажбуриятлари янгидан вужудга келган юридик шахсларга ўтади².

Ҳ.Р.Рахмонкуловнинг эътироф этишига кўра, юридик шахсни бўлиш деганда, битта юридик шахснинг фаолияти тутатилганилиги ва унинг негизида икки ёки ундан зиёд юридик шахсларни ташкил топшиши тушинилади³.

Юридик шахсларни бўлишда битта юридик шахснинг таркибидан икки ёки ундан ортиқ юридик шахс ажralиб чиқади ва шу сабабли биринчи юридик шахс ўз фаолиятини якунлайди. Шу сабабли бўлишни соғ маънодаги юридик шахсларнинг бекор бўлиш усули сифатида кўриш мумкин. Бўлишда ҳал этилиши лозим бўлган асосий ташкилий-хукукий масала вужудга келаётган янги субъектларнинг хукукий ворислиги даражаси ва миқдори хисобланади. Айни шу сабабли, бўлишда топшириш хужжати ва тақсимлаш баланси асосий аҳамият касб этади. Агар юридик шахсларни қайта ташкил этиш усуулларининг кўпчилигига топшириш хужжати ва тақсимлаш баланси у қадар муҳим ўрин тутмаса, бўлишда айни шу ҳолатга алоҳида эътибор қаратилади. Чунки ўтмишдошнинг бекор бўлиши ва унга тегишли мол-мулклар, хукуқ ва мажбуриятларнинг икки ёки ундан ортиқ субъектга ўтказилиши ушбу масаланинг аҳамияти юқори эканлигини кўрсатади.

ФКнинг 51-моддасига мувофиқ, топшириш хужжати ва тақсимлаш баланси қайта ташкил этилган юридик шахснинг барча кредиторлари ва қарздорларига нисбатан жамики мажбуриятлари бўйича, шу жумладан, тарафлар баҳслашаётган мажбуриятлар бўйича ҳам хукукий ворислик тўғрисидаги қоидаларни ўз ичига олган бўлиши керак.

¹ Братусь С.Н. Субъекты гардзанского права. -М.: Юридлит, 1950. -С. 221-222.; Хозяйственное право//Под. ред. В.В.Лаптева. -М.:Юридлит, 1983.-С.53.; Зокиров И.Б. Ўзбекистон Республикасининг Фуқаролик хукуки.-Т: Адолат. 1996. -Б.8.; Шукрулаев А. Қишлоқ хўжалик корхоналарини қайта ташкил этишининг хукукий асослари. //Хўжалик ва хукук. - Т.; 1999. № 6. -Б.48.; Юлдашев Ж.И. Акциядорлик жамиятлари – фуқаролик хукукининг субъекти сифатида.-Т: ТДЮИ, 2004. - Б.142.

² Зокиров И.Б. Ўзбекистон Республикасининг Фуқаролик хукуки.-Т, ТДЮИ, 2009. -Б.182.

³ Рахмонкулов Ҳ. Фуқаролик хукукининг субъектлари. Ўқув кўллачма -Т: O'zbekiston, 2008. - Б. 91.

Топшириш ҳужжати ва тақсимлаш баланси юридик шахс муассислари (иштирокчилари) томонидан ёки юридик шахсларни қайта ташкил этиш тўғрисида қарор қабул қилган орган томонидан тасдиқланади ҳамда тъйсис ҳужжатлари билан бирга янгидан вужудга келган юридик шахсларни давлат рўйхатидан ўтказиш ёки мавжуд юридик шахсларнинг тъйсис ҳужжатларига ўзгартышлар киритили учун тақдим этилади.

Тъйсис ҳужжатлари билан бирга тегишинча топшириш ҳужжатини ёки тақсимлаш балансини тақдим этмаслик, шунингдек, уларда қайта ташкил этилган юридик шахснинг мажбуриятлари бўйича ҳукукий ворислик тўғрисидаги қоидаларнинг йўклиги янгидан вужудга келган юридик шахсларни давлат рўйхатидан ўтказишнинг рад этилишига олиб келади.

Мазкур нормани шархлар экан, Ҳ.Р.Рахмонкулов куйидагиларни билдиради: шарҳланаётган модданинг 1-қисмидаги меъёрларда топшириш ҳужжати ва тақсимлаш балансига қайта ташкил бўлаётган юридик шахсдан унинг ҳукукий ворисига (ҳукукий ворисларига) ўтказиб берилishi тан олинган ва баҳсли ҳисобланган ҳукуқ ва мажбуриятларнинг таркибини белгиловчи ҳужжатлар сифатида муҳим аҳамият берилади. Аммо, айтиш керакки, айни шу кисмда қонун чиқарувчи мазкур ҳужжатларга ҳукуқ ўрнатувчи хусусият, яъни бу ҳужжатларсиз тегишли ҳукуқ ва мажбуриятлар ўтказилишининг имкони бўлмайдиган хусусият бермаган. Қонун чиқарувчи кўпроқ бу ҳужжатлар воситасида қайта ташкил этилаётган юридик шахснинг ўз ҳукуқ ва мажбуриятларнинг тақсимланишига розилигини тасдиқлашни кўзда тутади, чунки ҳукукий ворисга бу ҳужжатларда ўз аксини топмаган ва ҳатто қайта ташкил этилган аввалги ҳукуқ эгаларининг қайта ташкил этиш пайтида аниқланмаган ҳукуқ ва мажбуриятлари ҳам ўтиши мумкин¹.

Ш.Т.Нуридинованинг фикрича, топшириш ҳужжати ва тақсимлаш баланси битта ҳужжат эканда, деган нотўғри хulosага келмаслик лозим. Зеро, топшириш ҳужжати бекор бўлаётган юридик шахсга тегишли бўлган қандай нарсалар янги вужудга келаётган юридик шахсга ўтиши, бунда кредиторларнинг ҳукуклари масалалари ифода этилса, тақсимлаш балансида вужудга келаётган бир неча юридик шахслар ўртасида бекор бўлаётган юридик шахснинг мол-мулклари қай тартибда ва қандай ҳажмда тақсимланиши ифодаланади.

Бироқ, ҳар иккала ҳужжат ҳам бигта мақсадни кўзлайди ва улар мазмунида қайта ташкил этилган юридик шахснинг барча кредиторлари ва қарздорларига нисбатан барча мажбуриятлари бўйича, шу жумладан, тарафлар баҳслашаётган мажбуриятлар бўйича ҳам, ҳукукий ворислик тўғрисидаги қоидалар ўз аксини топади².

¹ Ўзбекистон Республикаси Фуқаролик кодексига шарх. I-жилд.-Т: “Vektor-Press”, 2010. – Б.146.

² Нуридинова Ш.Т. Ула асар. – Б.62-63.

Дарҳақиқат, топшириш хужжати ва таксимлаш баланси юридик шахсни бўлиш ёки бошқа усулда қайта ташкил этишда тузиладиган энг асосий хужжатлар бўлиб, улар орқали амалга оширилаётган ташкилий-хуқуқий муносабатдаги муҳим жиҳатлар, бўлинаётган юридик шахсга тегишили бўлган хукуқ ва мажбуриятларнинг ворисларга қандай микдорларда тегишили бўлиши аниқланади ва тегишили улушни топширилганлигини расмийлаштириши воситаси сифатида бу хужжатлар аҳамиятли хисобланади. Топшириш хужжати ва тақсимлаш балансига қўшимча равища, қоида тариқасида, инвентаризация хужжатлари, инвентаризация далолатномаси, бухгалтерия баланси, мустақил аудиторнинг юридик шахс таркиби ва унинг қиймати тўғрисидаги хulosаси, шунингдек, кредиторлар, улар қўяётган талаблар хусусияти, микдори ва муддатлари кўрсатилган ҳолда янгидан вужудга келаётган юридик шахс таркибига киритиладиган барча қарз (мажбурият)лар рўйхати илова қилиниши лозим.

Ўзбекистон Республикаси Молия вазирлигининг 2005-йил 12-апрелдаги 23-сонли бўйруғи билан тасдиқланган ва Ўзбекистон Республикаси Адлия вазирлиги томонидан 2005-йил 27-июнда 1484-рақами билан рўйхатга олинган “Қайта ташкил этилаётганда молиявий хисоботни шакллантириши” да¹ топшириш хужжати ва тақсимлаш балансига ташкилий-хуқуқий муносабатларни ўзида ифодалайдиган куйидаги хужжатлар илова қилиниши лозимлиги белгиланган:

1) қайта ташкил этилаётган корхона активлари ва мажбуриятлари таркиби, шунингдек, қонун хужжатларида белгиланган тартибда активлар ва мажбуриятларни топшириши расмийлаштириш санасидан олдинги охирги хисобот санасигача бўлган уларнинг баҳоси акс эттирилган, Ўзбекистон Республикасининг 1996-йил 30-августдаги “Бухгалтерия хисоби тўғрисида” ги Конунида² назарда тутилган таркибда молиявий хисобот;

2) топшириш далолатномаси ёки тақсимлаш балансини тузиш олдидан, қонун хужжатларига мувофиқ, ўtkazilgan ва уларнинг тўғрилигини (активлар ва мажбуриятларнинг мавжудлиги, ҳолати ва баҳосини) тасдиқловчи, қайта ташкил этилаётган корхонанинг активлари ва мажбуриятларини инвентаризация қилиш далолатномалари (хатлаш хужжатлари);

3) моддий ва номоддий активлар бўйича бошланғич хужжатлар (асосий воситалар, номоддий активлар, товар-моддий захиралар ва бошқаларни қабул қилиш-топшириш далолатномалари (юк хатлари), корхоналарни қайта ташкил этишда қабул қилиниши-топширилиши лозим бўлган бошқа активларнинг рўйхатлари (хатлаш хужжатлари);

¹ Ўзбекистон Республикаси қонун хужжатлари тўплами, 2005, № 25-26, 187-модда.

² Ўзбекистон Республикаси Олий Мажлиси Ахборотномаси, 1996, № 9, 142-модда.

4) қайта ташкил этилаётган корхоналар давлат рўйхатидан ўтган пайтдан бошлаб, мол-мулки ва тегишли шартномалар ва контрактлар бўйича мажбуриятлари, тегишли бюджетлар, давлат мақсадли жамғармалари ва бошқалар билан хисоб-китоблар хуқуқий ворисга ўтганилиги ҳакида уларнинг кредиторлари ва дебиторларига белгиланган муддатда (қайта ташкил этиш ҳакида карор қабул қилинган санадан эътиборан 30 кундан кечиктирмай) ёзма равишда хабардор этганилиги тўғрисидаги ахборот кўрсатилган кредиторлик ва дебиторлик қарзлари бўйича изохлар (уларни хатлаш хужожатлари) ва бошқалар.

Тегишли бюджетлар, давлат мақсадли жамғармалари билан хисоб-китоблар изохи.

С.С.Гулямов бўлишнинг асосий босқичлари куйидагилардан иборат, деб ёзади:

1. Жамиятни бўлиш шаклида қайта ташкил этилаётган жамият акциядорларининг умумий йиғилиши томонидан жамиятни бўлиш шаклида қайта ташкил этиш, ушбу қайта ташкил этилишнинг тартиби ва шартлари, янги жамиятлар ташкил этиш ва қайта ташкил этилаётган жамият қимматли қоғозларининг айирбошланиши тартиби тўғрисидаги карор қабул қилиниши.

2. Жамиятни бўлиш шаклида қайта ташкил этилаётган ҳар бир жамият акциядорларининг умумий йиғилиши томонидан унинг уставини тасдиқлаш ва кузатув кенгашини сайлаш тўғрисидаги қарорнинг қабул қилиниши.

3. Бўлиш натижасида пайдо бўлган юридик шахсларни давлат рўйхатидан ўтказиш.

4. Бўлиш натижасида пайдо бўлган юридик шахсларнинг қимматли қоғозлар эмиссиясини давлат рўйхатидан ўтказиш¹.

Демак, юридик шахслар бўлиш шаклида қайта ташкил этилганда, юридик шахс органлари икки ёки ундан ортиқ шахсни бирлаштириш тўғрисидаги ташкилий масалаларини босқичма-босқич ҳал қиласди. Бўлиш жараёнининг айни босқичма-босқич ўтказилиши ва бунда кўшимча қийматнинг эмас, балки номулкий тусдаги масалаларни ҳал этилиши юридик шахсларни бирлаштириш усулида қайта ташкил этишининг ташкилий-хукуқий муносабат сифатидаги ўрнини белгилайди. Бунда бўлиш усулидаги қайта ташкил этиш дастлабки ташкилий-хукуқий муносабат хисобланади ва шу орқали фуқаролик хукуқининг янги субъекти вужудга келади.

Ж.И.Юлдашевнинг фикрига кўра, бўлиш шаклида қайта ташкил этилганда, жамиятнинг хукуқ ва мажбуриятлари янги жамиятларга ўтказиш билан ўз фаолиятини тұхтатади. Ушбу қайта ташкил этиш шакли бизнеснинг қийин молиявий хўжалик холатида қайта йўналтириш, катта

¹ Рахмонкулов Х.Р., Гулямов С.С. Корпоратив хукуқ. –Т: ТДЮИ, 2007. - Б. 423-424.

солик тўловларидан ва катта таваккалчилик қилишдан қочиш ҳамда ўз бизнес фаолиятини турли худудларда олиб бориш мақсадида вужудга келади¹.

Шу билан бирга, бўлиш орқали ташкил этиш нафакат юридик шахс органларининг хоҳиши ва истаги асосида, балки давлат ҳокимияти органининг карори асосида ҳам амалга оширилади ва бунда, Ж.И.Юлдашев ўринли таъкидлаганидек, юридик шахсларнинг ўз хоҳишлиари билан бизнесни кенгайтириш учун эмас, балки бозор иқтисодиётидаги монополияга қарши курашиш учун юридик шахслар мажбурий тарзда бўлинади.

Ўзбекистон Республикасининг “Ракобат тўғрисида”ги Конуннинг 21–моддасига мувофиқ, устун мавқени эгаллаб турган хўжалик юритувчи субъект монополияга қарши қонун хужжатларини бузган тақдирда, монополияга қарши давлат органи ракобатни ривожлантириш максадида, уни мажбурий тарзда бўлиб юбориш ёки ундан таркибий бўлинмалар негизида бир ёки бир неча юридик шахсни ажратиб чикариш хақида судга даъво аризаси беришга ҳақлидир.² Хўжалик юритувчи субъектни мажбурий тарзда бўлиб юбориш қуидаги шартларнинг ҳаммаси бўлганида, яъни:

- бўлиб юборилаётган таркибий бўлинмалар ташкилий ва худудий жиҳатдан ажralиб чиқиши мумкин бўлса;
- унинг таркибий бўлинмалари ўртасида технология жиҳатидан ўзаро узвий боғланиш бўлмаганида;
- бўлиб юбориш натижасида таркибий бўлинмалар муайян товар бозорида мустақил ишлаш имкониятига эга бўлганида амалга оширилиши мумкин.

Юридик шахсларни мажбурий қайта ташкил этиш хусусида фикр юритар экан, Ф.К.Кутлимуратов унинг қуидаги ўзига хосликларини ажратиб кўрсатади:

Биринчидан, қайта ташкил этиши жараёни асосида ваколатли хукуқ субъектининг юридик шахсни қайта ташкил этишга қаратилган эрк-иродаси ётади, бу эса мазкур ҳолатни амалдаги фуқаролик қонунчилиги нормалари билан тартибга солинишини англатади.

Иккинчидан, бундай ваколатни ФКнинг 49-моддаси коидаларига мувофиқ, тегишли ваколатли субъектга юклаш лозим.

Учинчидан, мажбурий қайта ташкил этишини юридик шахснинг фуқаролик-хукукий жавобгарлик шакли сифатида тан олиш зарур³.

Ш.Т.Нуриддинованинг фикрига кўра, юридик шахсларни қайта ташкил этиш орқали тугатишда бозор иқтисодиёти талабларидан келиб

¹ Юлдашев Ж.И. Ўша асар. – Б. 142.

²Ўзбекистон Республикасининг “Ракобат тўғрисида”ги Конуни. “Ўзбекистон Республикаси қонун хужжатлари тўплами”, 2012 йил, 1-сон, 5-мода.

³Кутлимуратов Ф.К. Проблемы гражданско-правового регулирования принудительной реорганизации юридических лиц. Автореф. дис...канд. юрид. наук. -Т: 2009. - С. 17.

чикиб, кўпинча ихтиёрий усулда қайта ташкил этиш кўлланилади. Бирок, давлат органлари истеъмолчилар манфаатларини назарда тутиб, қонун хужжатларида назарда тутилган ҳолларда, тижоратчи юридик шахсларни мажбурий тартибда қайта ташкил этишни амалга оширишлари мумкин¹.

Фикримизча, юридик шахсларни мажбурий тарзда бўлиш орқали қайта ташкил этиш монополияга қарши ҳолат ҳисоблансада, буни фуқаролик-хукукий жавобгарлик чораси сифатида белгилаш тўғри бўлmas эди. Чунки фуқаролик-хукукий жавобгарлик чораси ҳар доим мулкий санкция кўринишида бўлади ва ваколатли давлат органига эмас, балки зарар кўрган шахсга қопланади. Мажбурий бўлиш эса, янги хукук субъектини вужудга келтиришга қаратилган муносабатлардан иборат бўлади ҳамда бўлиш асоси ҳисобланган эрк-ирода кимга тегиши бўлиши бу ўринча аҳамиятли ҳисобланмайди.

Юридик шахсларни қайта ташкил этишдаги ўзига хос ташкилий-хукукий конструкцияларнинг навбатдагиси ажратиб чиқариш ҳисобланади. Ажратиб чиқариш янги вужудга келаётган юридик шахс ва унинг ўтмишдоши ўргасидаги ташкилий-хукукий муносабатларни тартибга солишдаги хусусиятлари билан ажралиб туради.

Юридик шахсларни ажратиб чиқариш усулида қайта ташкил этиш масаласига тўхталиб, Х.Р.Рахмонкулов кўйидагиларни билдиради:

- ажратиб чиқариш деганда, юридик шахснинг фаолияти тутатилмаганлиги ва унинг таркибидан икки ёки ундан зиёд юридик шахслар ажратиб чиқарилганилиги тушунилади. Ажралиб чиқишида дастлабки юридик шахс қайтадан рўйхатдан ўtkазилмайди, янги ташкил топган юридик шахслар эса, давлат рўйхатидан ўтказилади. Мулкий хукуклар ва мажбуриятлар тақсимлаш балансига асосан қайта ташкил этилган шахсларнинг ҳар бирига ўтади².

И.Б.Зокировнинг фикрича, ажратиб чиқариш шаклида эса фаолият юритаётган юридик шахс таркибидан мустақил ташкилот ажралиб чиқади ва ўз ҳолиша юридик шахс хукукини олади³.

Ш.Т.Нуридинованинг эътироф этишига кўра, ажратиб чиқариш юридик шахсни қайта ташкил этишнинг навбатдаги усули бўлиб, унга кўра, юридик шахс таркибидан бир ёки бир неча янги юридик шахс ажралиб чиққани ҳолда биринчи юридик шахс ўз мавжудлигини саклаб колади ва фаолиятини давом эттиради⁴.

Ж.И.Юлдашев ҳам ажратиб чиқариш шаклидаги қайта ташкил хусусида юқоридаги фикрларга қўшилган ҳолда, кўйидагиларни баён этади: ажралишда қайта ташкил этилаётган жамият ўз фаолиятини тўхтатмасдан ўз ҳукуқ ва мажбуриятларининг бир қисмини берган ҳолда

¹Нуридинова Ш.Т. Ўша асар. – Б. 61-62.

² Рахмонкулов X. Фуқаролик хукукининг субъектлари. Ўқув кўлланма.-Т: O'zbekiston, 2008. - Б.91.

³ Зокиров И.Б. Ўзбекистон Республикасининг Фуқаролик хукуки.-Т: ТДОИ, 2009. – Б.183.

⁴ Нуридинова Ш.Т. Ўша асар. – Б.77.

бир ёки бир неча жамиятларни тузиш натижасида амалга оширилади. Бу усул акциядорлик жамиятининг филиал ва ваколатхоналарини мустақил юридик шахс сифатида ажратиш жараёнида кўпроқ кўлланилади¹.

С.Н.Братусънинг қайд этишига кўра, ажратиб чиқариш бўлишнинг алоҳида шакли бўлиб, бу конструкция юридик шахсни бекор бўлиш усули эмас, балки уни ташкил этиш усулидир. Лекин ажратиб чиқариш қайта ташкил этишининг битта шакли ҳисобланади ва бу ҳолатда бир юридик шахсдан бошқаси ажралиб чиқади, бунда биринчи юридик шахс ташкилий бирлик сифатида тугатилмайди ва аввалги макомини саклаб колади, Бироқ, ўнга тегишли хукуқ лаёкатининг доираси кискаради ёки ўзгариади².

В.А.Беловнинг фикрича, ажратиб чиқариш шаклидаги қайта ташкил этиш жараёни натижасида сакланиб қолган хукукий ўтмишдош мол-мулки базасида янги юридик шахс вужудга келади³.

Фикримизча, ажратиб чиқариш шаклида юридик шахсларни қайта ташкил этишда ўзига хос бўлган фуқаролик ташкилий-хукукий муносабаг бўлиб, бекор бўлиш фактининг мавжуд эмаслиги ҳисобланади. Агар юридик шахсларни қайта ташкил этишининг бошқа шаклларида бир ёки бир неча юридик шахснинг хукуқ субъекти сифатида бекор бўлиши содир этилса, ажратиб чиқаришда бу ҳолат кузатилмайди.

Бундан ташқари, ажратиб чиқаришда топшириш хужжати ва тақсимлаш балансини тузиш жараёнида, янги тузилаётган юридик шахсга ўтиши лозим бўлган мол-мулк ҳамда хукуқ ва мажбуриятлар масаласини ҳал этиш ҳам икки ёки ундан ортиқ юридик шахслар органларининг ўзаро келишуви билан эмас, балки ажратиб чиқариш шаклида қайта ташкил этилаётган юридик шахс органининг қарори асосида амалга оширилади. Масалан, Ўзбекистон Республикасининг “Масъулияти чекланган ҳамда кўшимча масъулияти жамиятлар тўғрисида”ги 2001-йил 6-декабрдаги Қонуннинг 53-моддаси, 2-қисмiga биноан, ажратиб чиқариш шаклида қайта ташкил этилаётган жамият иштирокчиларининг умумий йиғилиши бундай қайта ташкил этиш тўғрисида, ажратиб чиқариш тартиби ва шартлари тўғрисида, янги жамиятни (янги жамиятларни) ташкил этиш тўғрисида ва бўлиш балансини тасдиқлаш тўғрисида қарор қабул қиласи, ажратиб чиқариш шаклида қайта ташкил этилаётган жамиятнинг таъсис хужжатларига жамият иштирокчилари таркибининг ўзгариши, уларнинг улуцилари миқдорлари аниқланиши билан боғлиқ бўлган ўзгартишларни ва ажратиб чиқариш тўғрисидаги карорда назарда тутилган бошқа ўзгартишларни киритади, шунингдек, зарурат бўлган тақдирда ўзга масалаларни, шу жумладан, жамиятнинг органларини сайлаш тўғрисидаги масалаларни ҳал этади.

¹ Юлдашев Ж.И. Ўша асар. – Б.142.

² Братусъ С.Н. Субъекты гражданского права.-М.: Юридлит, 1950. - С.221-222.

³ Белов В.А. Гражданское право: Общая часть: Учебник.-М.: АО “Центр ЮРИнфоР”, 2002. – С.111.

Ажратиб чиқарилаётган жамиятнинг иштирокчилари таъсис шартномасини имзолайдилар. Ажратиб чиқарилаётган жамият иштирокчиларининг умумий йиғилиши унинг уставини тасдиқлайди ва жамиятнинг органларини саллади.

Агар ажратиб чиқарилаётган жамиятнинг ягона иштирокчиси қайта ташкил этилаётган жамият бўлса, унинг умумий йиғилиши жамиятни ажратиб чиқариш шаклида қайта ташкил этиш тўғрисида, ажратиб чиқариш тартиби ва шартлари тўғрисида қарор қабул қиласди, шунингдек, ажратиб чиқарилаётган жамиятнинг уставини ва бўлиш балансини тасдиқлайди, ажратиб чиқарилаётган жамиятнинг органларини саллади.

Жамиятдан бир ёки бир неча жамият ажратиб чиқарилганда, қайта ташкил этилган жамият хукуқлари ва мажбуриятларининг бир қисми бўлиш балансига мувофиқ, уларнинг ҳар бирига ўтади.

Агар бўлиш баланси қайта ташкил этилган жамиятнинг хукукий ворисини аниқлаш имкониятини бермаса, қайта ташкил этиши натижасида ташкил топган юридик шахслар қайта ташкил этилган жамиятнинг мажбуриятлари юзасидан унинг кредиторлари олдида солидар жавобгар бўладилар.

Таъкидлаш лозимки, қайта ташкил этиш хукукий институти юридик шахслар учун алоҳида аҳамият касб этади ва фуқаролик ташкилий-хукукий муносабатларнинг ўзига хос кўринишини ифодалайди. Чунки, унинг ёрдамида фуқаролик муомаласидаги баркарорлик сақланади, учинчи шахсларга нисбатан хукук ва мажбуриятларнинг барча мажмуи бўйича хукукий ворислик таъминланади ва ўз навбатида хўжалик алоқаларининг мустахкамлигига эришилади.

Юкорида кўрсатилганидек, миллий қонунчилик юридик шахсларни қайта ташкил этишга нисбатан аниқ қоидаларни белгиламайди. Юридик шахсларнинг алоҳида турларини белгиловчи маҳсус қонунларда ҳам юридик шахсларни қайта ташкил этишга оид нормалар асосан декларатив ва ҳаволаки тусга эга. Айрим ўринларда эса, қайта ташкил этишга оид қонунларда белгиланган тушунчалар ва қоидалар бир-бираига мос бўлмаган икки ёқлама ёндашувлардан иборат. Масалан, қайта ташкил этиш усулларининг номланишига нисбатан ФҚдаги атамаларга “Акциядорлик жамиятлари ва акциядорларнинг хукуқларини химоя қилиш тўғрисида”ги ва “Масъулияти чекланган ҳамда кўшимча масъулиятли жамиятлар тўғрисида” ги қонунларида кўлланилган атамалар мос келмайди. Шунингдек, бу иккала қонунда белгиланган қайта ташкил этишининг усулларига берилган таърифлар бир-бираини маъно ва мазмун жиҳатидан тақрорлаши билан бирга, уларда кўлланилган атамалар турлича бўлиб қолган. Хусусан, “Акциядорлик жамиятлари ва акциядорларнинг хукуқларини химоя қилиш тўғрисида”ги Қонуннинг 99-моддаси, 1-қисмидаги “қайта ташкил этилаётган жамиятнинг фаолиятини тўхтатмаган холда, унинг хукуқлари ва мажбуриятларининг бир қисмини ўтказиб бир

ёки бир нечта жамият тузиш жамиятни ажратиб чиқариш деб хисобланади” – деб белгиланган бўлса, “Масъулияти чекланган ҳамда қўшимча масъулиятли жамиятлар тўғрисида”ги Қонуннинг 53-моддаси, 1-кисмида “қайта ташкил этилаётган жамиятни тутатмасдан, унинг хукуклари ва мажбуриятларининг бир қисмини ўтказган ҳолда бир ёки бир неча жамиятни ташкил этиш жамиятни ажратиб чиқариш деб эътироф этилади” – деб қайд этилган. Кўриниб турибдики, иккала қонундаги бир хил маънодаги атамалар турлича номланган бўлиб, “Акциядорлик жамиятлари ва акциядорларнинг хукукларини ҳимоя қилиш тўғрисида”ги Қонунда “тўхтатмаган ҳолда” – деб номланган атама “Масъулияти чекланган ҳамда қўшимча масъулиятли жамиятлар тўғрисида”ги Қонунда “тутатмасдан” кўринишида кўлланилади.

Мазкур ҳолатларни ҳисобга олиб, қайта ташкил этиш тушунчасини ифода этувчи ягона норматив-хукукий ҳужжатни қабул қилиш, унда мазкур хукукий институт тушунчасини шакллантириш, юридик шахсларни қайта ташкил этиш тартибини белгилаш лозим бўлади. Айни пайтда тижоратчи ва тижоратчи бўлмаган юридик шахсларни қайта ташкил этиш жараёнини хукукий тартибга солишини нормаларни ягона норматив-хукукий ҳужжатга консолидация қилиш йўли билан бирлаштириш орқали қонунчиликдаги бўшлиқларни бартараф этиш зарурдир. Мазкур ҳужжатни тайёрлаш жараёнида хорижий давлатлар тажрибасини ўрганиш муҳим хисобланади. Масалан, Германиянинг қайта ташкил этиш тўғрисидаги қонунчилигига “хўжалик юритувчи субъект” ёки “корхона” тушунчасига нисбатан кенгроқ бўлган атама (хукуқ субъекти) кўлланилади.

3 §. Юридик шахсларнинг ташкилий-хукукий шаклини ўзгартириш тартиби

Юридик шахсларни қайта ташкил этишнинг навбатдаги усули ўзгартириш хисобланади. Ўзгартириш қайта ташкил этишнинг шундай шаклини, бунда бир юридик шахс таркибида иккинчи юридик шахс ажралиб чиқмайди ёки бир юридик шахс иккincinnisiga қўшилмайди, балки юридик шахс қонунда белгиланган бир ташкилий-хукукий шаклдан бошқасига ўтади. Масалан, тўлик ширкат масъулияти чекланган жамиятга ёки аксинча, ўзининг юридик шахс сифатида тузилиши ва номлапишини ўзгартириши мумкин.

Одатда, ўзгартириш амалга оширилганда ўзгартирилаётган юридик шахс ўзининг ташкилий-хукукий шаклидан янги ташкилий-хукукий шаклга ўтиш орқали қайтадан ташкил топади ва вужудга келган янги юридик шахс сифатида давлат рўйхатидан ўтади, ҳамда ўзининг олдинги ташкилий-хукукий шаклидаги хукуқ ва мажбуриятини олади¹.

¹ Нуридинова Ш.Т. Ўша асар. – Б.78.

Юридик шахсни ўзгартириш деганда, бир турдаги юридик шахс бошка турдаги юридик шахсга айлантирилганлиги, яъни ташкилий-хукукий шакли ўзгартирилганлиги тушунилади¹.

Ўзгартириш шаклидаги қайта ташкил этишда сифат ўзгаришлари эмас, балки микдор ўзгаришлари, моҳият эмас, балки мазмун ўзгариши, ички эмас ташки ўзгариш содир бўлади. Яъни, мантикий жиҳатдан мавжуд юридик шахснинг ташкилий-хукукий тузилиши ўзгартирилганда, унинг мол-мулки, таркиби, органлари сакланиб қолади ва янги ном остида фаолиятни давом эттиради. Шу билан бирга, ташкилий-хукукий шаклининг ўзгартирилиши хукук ва мажбуриятнинг тақсимланишига ёки қайта ташкил этишнинг бошка турларида бўлгани каби икки ёки ундан ортиқ юридик шахс ўртасида мол-мулкнинг бўлнишига оид ташкилий муносабатнинг ҳал этилишига олиб келмайди. Бунда қайта ташкил этишнинг бошка турларидаги каби икки ёки ундан ортиқ юридик шахснинг ташкилий-хукукий муносабатда иштирок этиши ёки бир юридик шахсни қайта ташкил этиши натижасида икки ёки ундан ортиқ юридик шахснинг вужудга келиш ҳолати ҳам кузатилмайди, балки бу усуладаги қайта ташкил этишда битта юридик шахс иштирок этади ва универсал ёки сингулар хукукий ворислик ҳам муаммосиз ҳал этилиб, ўтмишдо юридик шахс янги ном остида хукукий ворисга айланади ва фаолиятини бошлиш имконига эга бўлади.

В.А.Беловнинг таъкидлашича, ўзгартириш -- юридик шахс ташкилий-хукукий тузилмасининг ўзгартирилиши хисобланади².

Ўзгартириш шаклида юридик шахсларни қайта ташкил этишга нисбатан Ж.И.Юлдашев томонидан билдирилган мулоҳазалар диққатга сазовордордир. Унинг фикрича, ҳозирги кунда (*бу ерда 2004-йил назарда туттилмоқда – В.Т.*) бу тарзда кўпроқ 1995-йил 15-июндаги Ўзбекистон Республикаси Вазирлар Маҳкамасининг 221-сонли Давлат корхонларини очик турдаги акциядорлик жамиятларига айлантиришга оид ташкилий чора-тадбирлар тўғрисидаги қарорига асосан, давлат тасарруфидан чиқариб, хусусийлаштириш орқали давлат корхоналарини акциядорлик жамиятларига айлантирилганда юзага келмоқда. Давлат тасарруфидан чиқариш ва хусусийлаштириш натижасида юзага келадиган акциядорлик жамиятлари давлат корхонасини қайта ташкил этиши натижасида юзага келади. Шу боис, давлат тасарруфидан чиқариш ва хусусийлаштириш қайта ташкил этиш хисобланади³.

Бизнингча, Ж.И.Юлдашевнинг бу фикрлари билан келишиб бўлмайди. Чунки, юридик шахс фаолиятида мулк шаклининг ўзгариши, яъни оммавий мулкдан хусусий мулкка айланиси бу юридик шахсларни

¹ Рахмонкулов Х. Фукаролик хукукининг субъектлари. Ўқув кулланма.-Т: «O'zbekiston», 2008. – Б.91.

² Белов В.А. Гражданское право. Общая часть. Учебник.-М.: АО “Центр ЮрИнфоБ”, 2002. – С.111.

³ Юлдашев Ж.И. Акциядорлик жамиятлари -фукаролик хукукининг субъекти сифатида.-Т: ТДЮИ, 2004. – Б. 142.

ўзгартириш, яъни қайта тузиш хисобланмайди. Балки корхона, ташкилот ва муассасанинг ҳукуқ субъекти сифатида эмас, объекти сифатидаги мақомининг ўзгариши билан боғлиқ бўлади. Бунда давлат тасарруфидан чиқариш ва хусусийлаштириш субъектга нисбатан эмас, объектга нисбатан қаратилади. Зеро, фуқаролик ҳукуқининг субъекти сифатида корхонанинг ҳукукий мақоми фақатгина ФК ва Қонунлардә белгиланган тартибда қайта ташкил этилганда ўзгариши мумкин. Давлат тасарруфидан чиқариш эса корхонанинг ҳукуқ объекти сифатидаги мақомининг ўзгариши, давлат мулкидан нодавлат мол-мулкка ўtkазилиши сифатида баҳоланиши мумкин.

Ўзбекистон Республикасининг “Давлат тасарруфидан чиқариш ва хусусийлаштириш тўғрисида”ги 1991-йил 19-ноябрдаги Қонунининг 1-моддасига мувофиқ, давлат тасарруфидан чиқариш – давлат корхоналарини ва ташкилотларини ҳўжалик ширкатлари ва жамиятларига, давлатга қарашли мулк бўлмайдиган бошқа корхоналар ташкилотларга айлантиришdir. Ушбу Қонуннинг 4-моддаси, 1-қисмида эса, Ўзбекистон Республикаси оммавий мулк объектлари тўлиқ равища ёки қисман давлат тасарруфидан чиқарилади ва хусусийлаштирилади, деб белгиланганки, бу ҳолат давлат тасарруфидан чиқариш жараёни факат объектга хослигини, субъектга нисбатан бундай жараён ва атаманинг кўлланилиши тўғри бўлмаслигини кўрсатади.

Гарчи Қонуннинг 6-моддаси, 1-қисмида Ўзбекистон Республикасида давлат тасарруфидан чиқариш ва хусусийлаштириш давлат корхонасини ҳўжалик ширкати ёки жамиятига айлантириш шаклларда амалга оширилиши мумкинлиги кўрсатилган бўлса-да, бу ҳолатни қайта ташкил этиш шакли деб баҳолаб бўлмайди. Бинобарин мазкур жараён қайта ташкил этиш бўлганда эди, биринч навбатда Қонунда бу атама гўғридан тўғри кўлланилган бўлар эди, иккинчидан, қайта ташкил этиш шакли кўрсатилган бўлур эди.

Мазкур Қонунда белгиланган давлат тасарруфидан чиқариш ва хусусийлаштиришга тайёрлаш жараёни ҳам ташкилий-ҳукукий муносабат бўлса-да, бунда қайта ташкил этиш жараёни кўзга ташланмайди. Бу ҳолатни Қонуннинг 8-моддасида белгиланган корхоналарни давлат тасарруфидан чиқариш ва хусусийлаштиришга тайёрлаш коидаларидан ҳам англаш мумкин. Ушбу моддага кўра, корхонани давлат тасарруфидан чиқариш ва хусусийлаштиришга тайёрлаш иши давлат тасарруфидан чиқариладиган ва хусусийлаштириладиган мол-мулк таркибини аниклапни, унинг ишлаб чиқариш ва ноишлаб чиқариш фондларини инвентаризациядан ўtkазишни, корхонанинг активлари ва пассивларини баҳолашни, меҳнат жамоасида тушунтириш ишлари олиб бориш ва бошқа масалаларни ҳал этишни, шу жумладан, якка хокимликка қарши қонунлар талабларини инобатга олган ҳолда ҳал этишни ўз ичига олади.

Корхонани давлат тасарруфидан чиқариш ёки хусусийлаштириш тўғрисида қарор қабул қилинганидан сўнг, оммавий мулк объектларини тасарруф этувчилар комиссиялар тузади ва бу комиссиялар барча зарур ишларни олиб борадилар. Комиссия таркибига оммавий мулк объектларини тасарруф этувчиларнинг, маъмуриятнинг, корхона мекнат жамоасининг, "жамоат" ташкилотларининг, молия идорасининг, банкнинг, ҳалқ депутатлари маҳаллий Кенгашларининг вакиллари, бошқа мутахассислар киритилади.

Давлат тасарруфидан чиқариш комиссияси давлат тасарруфидан чиқарилаетган ёки хусусийлаштирилаетган корхона маблағи хисобидан пул тўлаш шарти билан ишнинг айрим йўналишлари бўйича эксперталар гурухлари ишлари, маслаҳат берувчи, аудитор ва бошқа ташкилотларни бу ишга жалб этиши мумкин.

Комиссия корхона маъмурияти билан биргалиқда давлат тасарруфидан чиқарилаетган ёки хусусийлаштирилаетган корхона тўғрисида давлат тасарруфидан чиқариш ёки хусусийлаштиришда қатнишаётган субъектлар учун, шунингдек, жамоатчилик учун белгиланган нусхада зарур ахборот тайёрлайди.

Давлат корхонаси очиқ акциядорлик жамиятига айлантирилаётганда корхона раҳбари давлат тасарруфидан чиқариш ва хусусийлаштиришга доир хужжатларни тайёрлаш учун ишчи комиссия тузади. Комиссия бир ойлик муддатда зарур хужжатларни тайёрлаб, оммавий мулк обьектини тасарруф этувчига тақдим этади.

Мазкур таҳлиллардан келиб чиқиб, янги таҳрирда ишлаб чиқилиши ва қабул қилиниши тақлиф этилаётган “Давлат тасарруфидан чиқариш ва хусусийлаштириш” тўғрисидаги Конуннинг лойиҳасига¹ давлат корхоналарини давлат тасарруфидан чиқариш ва хусусийлаштириш билан боғлиқ аник механизм белгилаш, ушбу жараёнларни чукур ва ҳар томонлама хукукий тартиба солувчи нормаларни киритиш, давлат тасарруфидан чиқаришда давлат корхоналарининг мулк обьекти сифатидаги мақомини аник мустаҳкамлайдиган коидаларни ўрнатиш, давлат тасарруфидан чиқариш билан боғлиқ жараёнларни бузилишига нисбатан қатъий юридик жавобгарлик чораларини белгилаш зарур, - деган хуносага келиш мумкин.

Эътироф этиш ўринлики, юридик адабиётларда юридик шахсларни қайта ташкил этишининг “ўзгартиш” атамаси билан номланувчи шакли хусусида ФК ва жорий конунларда бир хил ёндашув мавжуд эмаслигига оид фикрлар билдирилган. Жумладан, Ш.Т.Нуридинова ФКда бу атама “ўзгартириш” – деб номланса, айрим конун хужжатларида “қайта тузиш” деб номланишига эътибор қаратади ва бу ўринда конун хужжатларидаги

¹Каримов И.А. Мамлакатимизда демократик ислохотларни янада чукурлаштириш ва фуқаролик жамиятини ривожлантириш концепцияси. Узбекистон Республикаси Олий Маҷлиси Конуничилик нафасати ва Сенатининг кўшма мажлисидаги маъруzasи.// -Т.: Ҳалқ сўзи, 2010 йил 13 ноябрь.

атамаларнинг бир хилда ишлатилишини ва ФКнинг “устунлик” мавқеини назарда тутиб “ўзгартириш” атамасини кўллашни таклиф қиласди¹.

Фикримизча, бу ўринда юридик шахсларни қайта ташкил этишнинг бу шаклини ФҚдаги каби “ўзгартириш” деб номлаш эмас, аксинча, “Акциядорлик жамиятлари ва акциядорларнинг хукуқларини химоя қилиш тўғрисида”ги ва “Маъсулияти чекланган ҳамда қўшимча маъсулиятли жамиятлар тўғрисида”ги конунлардаги каби “қайта тузиш” деб номлаш ўринли бўлади. Чунки “қайта тузиш” атамаси юридик шахсларни қайта ташкил этишнинг ушбу шакли моҳиятини тўлиқ ифода этади ва мазкур хукуқий конструкция мазмунига ҳам мос келади. Зоро, бунда аввалги юридик шахс расман бекор бўлади ва унинг ўрнига қайта тузилган янги юридик шахс белгиланган тартибда давлат рўйхатидан ўтказилади, Бироқ, юқорида таъкидлаганимиздек, унинг моҳияти ўзгармайди. Шу сабабли, ФКнинг 49-моддаси, 1-қисмидаги “ўзгартириш” атамасини “қайта тузиш” атамаси билан алмаштириш лозим.

С.С.Гулямов куйидагиларни қайта тузишнинг асосий босқичлари ҳисоблайди:

1. Қайта тузилаётган жамият акциядорларининг умумий йиғилиши томонидан қайта тузиш тўғрисида, қайта тузишни амалга оширишнинг тартиби ва шартлари, жамиятнинг акцияларини масъулияти чекланган жамият иштирокчилари улушлари ёки ишлаб чиқариш кооперативи аъзоларининг пайларига айирбошлаш тартиби ҳакидаги қарорнинг қабул қилиниши.

2. Қайта тузиш жараёнида вужудга келтирилаётган янги юридик шахснинг қатнашчилари томонидан уларнинг қўшма мажлисларида, унинг таъсис ҳужжатларини тасдиқлаш ҳамда қонун ҳужжатларининг талабларига мувофиқ бошқарув органларини сайлаш (тайинлаш) тўғрисидаги қарорнинг қабул қилиниши.

3. Қайта тузиш натижасида янги тузилган жамиятни давлат рўйхатидан ўтказиши.

4. Агар қайта ташкил этиш жараёнида кимматли қоғозлар чиқарилган бўлса, қайта тузиш натижасида пайдо бўлган юридик шахснинг қимматли қоғозлар эмиссиясини давлат рўйхатидан ўтказиш².

Қайта тузишнинг мазкур босқичлари ушбу жараён билан боғлиқ ташкилий-хукуқий муносабатларни ўзида ифодалайди ва бу ҳолатда ҳам юридик шахснинг бошқа турларида бўлгани каби фуқаролик ташкилий-хукуқий муносабат белгилари: муносабатнинг мулкий хусусиятга эмаслиги, қўшимча қийматнинг хосил бўлмаслиги ва бир юридик шахснинг бекор бўлиб, унинг ўрнига янги юридик шахснинг ташкил этилиши, таъсис ҳужжатларининг янгитдан тузилиши ва ташкил топган

¹Нуридинова Ш.Т. Юридик шахсларнинг бекор булиш усуллари ва уларни кўллашнинг фуқаролик-хукуқий муаммолари. Юрид. фан. номз. дисс.-Т: 2008. – Б. 78-79.

²Рахмонкулов Х.Р., Гулямов С.С. Корпоратив хукук. –Т: ТДЮИ, 2007. – Б. 426.

юридик шахс белгиланган тартибда давлат рўйхатидан ўтказилиши намоён бўлади.

Юридик адабиётларда акциядорлик жамиятлари ёпиқ турининг очиқ турига ўтказилиши хусусида эътиборга молик мулоҳазалар баён қилинган. Хусусан, А.Х.Шукруллаевнинг фикрига кўра, акциядорлик жамиятларининг (очик турдан ёпиқ турига ва аксинча) бир турдан иккинчи турга ўтиши билан боғлик бўлган ўзгаришлар хақида алоҳида тўхталиш лозим. Амалийётда, бундай ўзгаришлар кайта ташкил килишми ёки таъсис хужжатларига ўзгаришлар киритишми, -деган саволлар юзага келмоқда. Бизга маълумки, кайта ташкил қилишнинг ўзгартириш тури юридик шахснинг ташкилий-хукукий шаклининг ўзгаришини англатади. Амалдаги конунлар, хусусан, “Акциядорлик жамиятлари ва акциядорларнинг хукуқларини ҳимоя қилиш тўғрисида”ги қонуннинг 5-моддасида ёпиқ ва очиқ акциядорлик жамиятлари бир ташкилий-хукукий шаклга киритилиб, уларга бу шаклнинг икки хил тури сифатида қаралади¹. Шунинг учун акциядорлик жамиятлари тарзидаги ўзгаришларга кайта ташкил қилишнинг ўзгариш тури сифатида қарай олмаймиз. Бу ўзгаришлар таъсис хужжатларига мувофиқ келувчи ўзгартиришлар киритиш йўли билан расмийлаштирилади.

Юридик шахсларни қайта ташкил этиш ёки тугатиш тўғрисида фикр юритган хукукшунос олимлар ҳар қандай вазиятда бўлмасин, юридик шахс фаолиятини бекор қилишга олиб келувчи бу икки тартиб ҳақида сўз юритадиган бўлсалар, албатта, уларнинг ҳар бирини алоҳида эслатиб ўтадилар. Демак, бу икки юридик факт юридик шахснинг фаолият юритишига у ёки бу даражада таъсир этиши туфайли бир-бири билан боғлиқ жиҳатларга эга².

Ж.И.Юлдашев ушбу ҳолатни таҳлил этиб, қуйидаги фикрларни билдиради: акциядорлик жамиятининг шакли ўзгаргани билан янги ташкилий-хукукий шаклдаги юридик шахс вужудга келмайди, аксинча бир ташкилий хукукий шаклдаги юридик шахснинг типи (тури) ўзгаради.

Шу сабабли ҳам, қайта ташкил этишдаги хукукий ворислик, топшириш хужжати ва таксимлаш баланси нормаларини бу ҳолат учун қўллаш максадга мувофиқ эмас. Қайта ташкил этишда килинадиган харакатлар ўрнига уставга ўзгартириш киритишнинг ўзи кифоя бўлади³.

Мазкур фикрларга қўшилган ҳолда таъкидлаш лозимки, “Акциядорлик жамиятлари ва акциядорларнинг хукуқларини ҳимоя қилиш тўғрисида”ги Қонуннинг 100-моддаси, 1-қисмида акциядорлик жамияти конун хужжатларида белгиланган талабларга риоя этган ҳолда бошка ҳар қандай хўжалик жамияти ёки ширкатига айланишга ҳақли эканлиги

¹ Ўзбекистон Республикаси Олий Мажлисининг Ахборотномаси, 1996 йил, 5-6 сон. 61-модда.

² Хўжалик (тадбиркорлик) хукуки.-Т: ТДКОИ, 2003. – Б. 125.

³ Юлдашев Ж.И. Акциядорлик жамиятлари-фуқаролик хукукининг субъекти сифатида.-Т: ТДКОИ, 2004. – Б. 144.

кўрсатилган бўлиб, бу коида қайта тузиш сифатида АЖ ички шаклиниг ўзгаришини эмас, балки АЖнинг МЧЖ, ҚМЖ, тўлик ширкат, кредит уюшмалари сифатида қайтадан тузилиши сифатида тушинилиши лозим.

Қайта тузишга нисбатан “Масъулияти чекланган ҳамда қўшимча масъулиятли жамиятлар тўғрисида”ги Қонун “Акциядорлик жамиятлари ва акциядорларнинг хукукларини ҳимоя қилиш тўғрисида”ги Қонунга нисбатан кенгроқ ва эркинроқ позицияни белгилайди. Мазкур Қонуннинг 54-моддаси, 1-кисмига биноан, жамият қонунларда назарда тутилган бошқа ташкилий-хукуқий шаклдаги тижорат ташкилоти этиб қайта тузилишга ҳақлидир. Фикримизча, “Масъулияти чекланган ҳамда қўшимча масъулиятли жамиятлар тўғрисида”ги Қонуннинг 54-моддаси, 1-кисмида белгиланганд ушбу коида тадбиркорлик фаолияти субъектларига берилган имтиёзлар ва эркинликлардан келиб чиқади ҳамда универсал хусусият касб этади.

Мазкур ҳолатни ҳисобга олиш ва мавжуд бўшлиқни бартараф этиши мақсадида, “Акциядорлик жамиятлари ва акциядорларнинг хукукларини ҳимоя қилиш тўғрисида”ги Қонуннинг 100-моддаси, 1-кисмини ҳам “Масъулияти чекланган ҳамда қўшимча масъулиятли жамиятлар тўғрисида” ги Қонуннинг 54-моддаси, 1-кисмига мослаштириш ва уни куйидагича белгилаш зарур:

- жамият қонунларда назарда тутилган бошқа ташкилий-хукуқий шаклдаги тижорат ташкилоти этиб қайта тузилишга ҳақлидир.

“Акциядорлик жамиятлари ва акциядорларнинг хукукларини ҳимоя қилиш тўғрисида”ги Қонун 100-моддаси, 1-кисмини бундай мазмунда бериши улар фаолиятидаги универсалликни ошириш билан бирга, АЖларни бозор талабларидан келиб чишиб, ўз фаолият йўналишини тўғри йўлга кўйишга кўмаклашади, талаб ва таклиф, ракобат қонуниятларига жавоб берадиган фаолият юритишига замин яратади.

4 §. Юридик шахсларни тугатишининг ташкилий тартибини фуқаролик-хукуқий тартибга солиш

Ўзбекистон Республикаси Президенти И.А.Каримов таъкидлаганидек, “Энг аввало, истиқболсиз корхона ва ташкилотларни ҳар қандай йўл билан бўлсада, қўллаб-куватлашдек хато йўлга барҳам бериш зарур. Зеро, бу йўл бозор талабига мутлақо ёт ва зиддир. Самарасиз ишлайдиган корхоналар, қарздорлик гирдобига фақат ўзлари гарк бўлибгина қолмай, бошқа корхоналарни ҳам ортидан тортиб кетади”¹.

Дарҳақиқат, қарздор корхоналарнинг тугатилиши шу корхона билан иктисолидай алоқада бўлган бошқа корхоналарнинг қарздорликдан кутилишига ёрдам беради.

¹ Каримов И. А. Барқарор тараққиётга эришиш -устувор вазифа. -Т., «Ўзбекистон». 1998.

Маълумки, ҳар қандай юридик шахсларнинг фаолиятини тугатиш жараёнини амалга ошириш учун ушбу жараёнга ҳозирлик кўриш, ташкилий-хукуқий жиҳатдан тайёрланиш лозим бўлади. Бундай ташкилий ишларни бажармасдан, ҳал этмасдан туриб, кейинги жараёнга киришиш мумкин эмас.

Юридик шахсни тугатиш мураккаб ва кўп вақт талаб қилувчи иш хисобланади. Бу жараён бир неча босқични ўз ичига олади.

Юридик шахсни муассислари (иштирокчилари) нинг ёки тасбис хужжатлари билан тугатишга ваколат берилган юридик шахс органининг қарорига биноан тугатиш мумкин. Одатда, муассислар ҳам иштирокчилар ҳам ўз ихтиёлари билан ҳар қандай вақтда тугатиш тўғрисидаги қарорни кабул қилишлари мумкин. Бу уларга берилган хукуқдир. Лекин шу билан бирга, тугатиш тўғрисидаги қарор қабул қилиниши улар учун бурчни ҳам келтириб чиқаради.

Амалдаги Ўзбекистон Республикасининг Фуқаролик кодексида юридик шахсларни суд тартибида тугатиш икки асосда, яъни умумий ва маҳсус асосларда амалга оширилиши назарда тутилган. Умумий асос барча турдаги юридик шахсларга, маҳсус асос эса алоҳида турдаги юридик шахсларга тааллуқлидир.

Ўзбекистон Республикаси фуқаролик қонунчилигига юридик шахсларни тугатиш куйидаги усуllibарга бўлинган.

Биринчидан, ихтиёрий усул, яъни муассислар (иштирокчилар) ёки тасбис хужжатлари билан тугатишга ваколат берилган юридик шахс органининг қарорига мувофиқ:

- юридик шахснинг фаолият юритиши муддатининг тугаши;
- юридик шахсни ташкил этишдан кўзланган мақсадга эришилганлиги муносабати билан;
- юридик шахсни ташкил этиш чоғида қонун хужжатлари бузилишига йўл қўйилганлиги сабабли, агар бу бузилишларни бартараф этиб бўлмаса, суд юридик шахсни рўйхатдан ўтказишини ҳақиқий эмас, деб топганда;
- муассислар (иштирокчилар) ёки юридик шахс органи томонидан ташкилотни тугатиш учун етарли бўлган бошқа сабабларнинг тан олиниши билан;

Иккинчидан, мажбурий. яъни суд қарори бўйича усул:

- фаолиятни тегишли руҳсатномасиз (лицензиясиз) амалга ошириш;
- қонун томонидан таъкиклаб қўйилган фаолиятни амалга оширган ёки қонун, хукуқий актларни бир неча марта, кўпол равишда бузиш ҳолатларида;
- Фуқаролик кодексида назарда тутилган бошқа ҳолларда, суд қарорига мувофиқ.

Бозор муносабатлари мамлакат иқтисодиётига чуқурроқ кириб келиши ўз фаолиятини самарасиз олиб бораётган юридик шахсларга

жиддий таъсир кўрсатмоқда.

Юридик шахсларни тугатиш асосларидан келиб чиқиб, юридик шахсларни тугатиш ихтиёрий ва мажбурий тартибда тугатиш усууларига бўлинади. Юридик шахсни мажбурий тартибда тугатиш асослари амалдаги қонун хужжатларида ўз ифодасини топган. ФКнинг 53-моддаси, 2-кисми, 3-хатбоцисига кўра, рухсатномасиз (лицензиясиз) фаолият учун ё қонун томонидан таъқиқланган фаолият кўрсатилганда ёхуд олти ой мобайнида (савдо ва савдо-воситачилик корхонаси эса – уч ой мобайнида) банк ҳисобварақлари бўйича пул операцияларини ўтказиши билан боғлик молия-хўжалик фаолиятини амалга оширилмаган (дехқон ва фермер хўжаликлари бундан мустасно) ёки давлат рўйхатидан ўтказилган пайтдан эътиборан бир йил ичида устав фонди таъсис хужжатларида назарда тутилган микдорда шакллантирилмаган тақдирда, қонун хужжатларида бошқача тартиб назарда тутилган бўлмаса, шунингдек, ушбу Кодексда кўзда тутилган бошқа ҳолларда юридик шахс суднинг қарорига мувофиқ тутатилиди.

Айни шундай норма Ўзбекистон Республикаси Вазирлар Маҳкамасининг 1999-йил 3-июлдаги 327-сон қарори билан тасдиқланган “Молия-хўжалик фаолиятини амалга оширмаётган ва қонунчиликда белгиланган муддатларда ўзларининг устав жамғармаларини шакллантирилмаган корхоналарни тугатиш тартиби тўғрисида”ни Низомда ҳам ўз ифодасини топган. Амалиётда бу каби ҳолатлар кўплаб учрашини, айрим ўринларда эса, устав фондига асоссиз равишда ўзга шахсга тегишли мол-мулжаларнинг ҳам киритилиши ҳолатлари кузатилишини айтиб ўтиш лозим. Масалан, Андижон вилояти хўжалик судига вилоят Адлия бошқармаси мурожаат қилиб, МЧЖ шаклидаги “Шаҳриён ҳамкор текс” кўшма корхонасини тугатишни сўраган. Хўжалик суди 2009-йил 24-ноябрдаги ҳал қилув қарори билан даъвони рад этган. Апелляция инстанцияси эса 2010-йил 12-январдаги қарори билан ҳал қилув қарорини бекор қилиб, даъвони қаноатлантирган. Бунда корхонанинг устав капитали 733 000 АКШ доллари микдорида белгиланганлиги, аммо корхона таъсисчиси “Шаҳриён тола” МЧЖ томонидан давлат мулки – 644 метрдан иборат темир йўл ноқонуний ўзлаштирилиб, кўшма корхона устав капиталига киритилганлиги, яъни корхона устав капиталини қонунда белгиланган муддатда шакллантирилмаганлиги сабабли даъвогар жавобгарнинг таъсисчилари “Шаҳриён тола” МЧЖ ва “Уйтни-Комплит” МЧЖга 2002-йил 2-октябрда 06/2276-сон хати билан икки ҳафта муддатда корхона устав жамғармасини шакллантириш ёки уни ихтиёрий равишда тугатиш тўғрисида талабнома йўллаган, бироқ жавобгар уни қаноатлантиримагач, хўжалик судига даъво билан мурожаат қилган ва хўжалик суди Апелляция инстанцияси ФКнинг 53-моддаси коидалари

асосида даъвони қаноатлантирган¹.

Ўзбекистои Республикасининг 1996-йил 27-декабрда қабул қилинган “Ўзбекистон Республикасининг айрим қонун хужжатларига ўзгартириш ва қўшимчалар киритиш тўғрисида”ги Қонунига мувофиқ, олти ой мобайнида молия-хўжалик фаолиятини амалга оширган тақдирда, корхона тугатилади ва солик органларининг тақдимномаси билан, суд қарорига асосан, рўйхатдан ўтказиш тартибига кўра, Ўзбекистон Республикаси Адлия вазирилиги ҳамда давлат ҳокимияти маҳаллий органлари томонидан хўжалик юритувчи субъектлар реестридан чиқарилади. Мажбурий усулда юридик шахс суд тартибида ёки маҳсус ваколат берилган давлат бўшқарув органи қарори билан тугатилади. Юридик шахслар бирлашмалари (иттифоқлари, уюшмалари), хўжалик ширкатлари ва жамиятларининг уюшмага кирган хўжалик юритувчи субъектлар хўжалик фаолиятига рақобатни чеклайдиган ёхуд чеклаши мумкин бўлган тарзда аралашиши таъкидланади. Ушбу талабни бузиши монополияга қарши давлат органи (ўз ваколатлари доирасида худудий орган)нинг даъвосига биноан юридик шахслар бирлашмаси (иттифоқи, уюшмаси) нинг, хўжалик ширкати ва жамиятининг суд қарори орқали тугатишига асос бўлиши мумкин. Амалиётда ушбу ҳолатга кўплаб мисоллар учрайди. Жумладан, Тошкент шаҳар хўжалик суди ўзининг 2009-йил 11-декабрдаги ҳал қилув қарори билан даъвогар Чилонзор туман ҳокими ижроия маҳкамасининг “MARXAMAT SAVDO PLUS” МЧЖни тугатиш тўғрисидаги даъвосини қаноатлантирган ва асос сифатида МЧЖ 2005-йил 6-декабрда 001605-сон реестр рақами билан давлат рўйхатидан ўтган бўлсада, охириги олти ойдан зиёд вақт мобайнида фаолият юритмаганлигини келтирган. Судья ўз қарорини ФКнинг 53-моддасига асослаб, олти ой мобайнида МЧЖ ўзининг молия-хўжалик фаолиятини амалга оширганлиги сабабли, уни мажбурий тартибида тугатиш тўғрисидаги даъвони тўғри қаноатлантирган².

Юридик шахс унинг муассислари (иштироқчилари)нинг ёки таъсис хужжатлари билан тугатишига ваколат берилган юридик шахс органининг қарорига биноан тугатилиши мумкин. Одатда, муассислар ҳам иштироқчилар ҳам ўз ихтиёрлари билан ҳар қандай вақтда тугатиш тўғрисидаги қарорни қабул қилишлари мумкин. Бу уларга берилган хукуқдир. Лекин шу билан биргаликда, тугатиш тўғрисидаги қарор қабул қилиш улар учун бурчни ҳам келтириб чикаради. Ш.Т.Нуридинованинг фикрича, “тугатиш – бу юридик шахсни бекор қилишининг шундай шаклини, бунда у ўзига тегишли бўлган хукуклар ва зиммасида бўлган барча мажбуриятлари билан бирга ўзининг мавжудлигига барҳам беради”³

Юридик шахснинг тугатилишини ошкораликда амалга ошириш, тугатиш жараёнини хукуқий жиҳатдан аниқ ва камчиликларсиз якунлашда

¹ Акнижон вилояти хўжалик суди архиви материаллари. 17-0911-10827-сонли иш.

² Ўзбекистон Республикаси Олий Хукуалик судининг архиви материаллари 10-0909/17821-сонли иш.

³ Ш.Т.Нуридинова. Ўша асар. – Б. 15.

мухим ахамият касб этади. Ўзбекистон Республикаси ФКнинг 54-моддасига кўра, юридик шахсни тугатиш тўғрисидаги қарор қабул қиласган унинг муассислари ва иштирокчилари ёки ваколат берилган орган бу ҳақда юридик шахсларни давлат рўйхатидан ўтказувчи органга ёзма тартибда хабар беришлари лозим. Давлат рўйхатидан ўтказувчи орган шу хабарга асосан юридик шахс тугатилиши жараёнида эканлиги ҳакидаги маълумотларни ягона давлат реестрига киритади. Маълумотлар киритилгандан сўнг, юридик шахснинг фирма номига албатта "тугатилишда" деган сўз қўшиб кўйилади.

Бундан ташқари, бу ҳақда солик органларини ҳам хабардор қилиб қўйиш мақсадига мувофиқдир. Чунки ҳар қандай юридик шахс ташкил этилган пайдада солик тўловчи сифатида давлат солик органларида рўйхатга олинади. Солик кодексининг 41-моддасида юридик шахс тугатилган тақдирда, солик органи солик тўловчидан камроқ бўлган давр учун ҳисоботлар, хабарнома топшириш йўли билан талаб қилиши мумкин бўлиб, хабарномада бунинг сабаби ва ҳисоботлар тақдим этилиши лозимлиги кўрсатилади. Юридик шахсни тугатиш ҳақида белгиланган тартибда қарор қабул қилинган тақдирда, тугатиш комиссияси (тугатувчи) беш куилик муддатда бу ҳақда солик органини ёзма равишда хабардор килади.

Юридик шахсни тугатиш ҳақида қарор қабул қилингандан сўнг, солик тўловчи ўн беш кун ичida солик органига ҳисоботлар, солик бўйича ҳисоб-китобларни тақдим этиши шарт. Даромад (фойда) солиги бўйича ҳисоботлар, ҳисоб-китоблар қонун хужжатларида белгиланган шакл ва тартибда тақдим этилади. Шунингдек, корхона тугатилганда, солиқقا тортиш масалалари маълум идоравий йўриқнома асосида ҳал этилиши мумкин.¹ Шу билан бирга, юридик шахсни тугатилиши тўғрисида пенсия фондлари, сургута жамгармаларини огохлантириб, ўзларининг ҳисоб рақамларини ёпиш чораларини кўриши лозим.

Тугатишида мазкур юридик шахс фаолияти тўлиқ бекор қилиниб, унинг иши тўхтатилади ва мол-мулки тугатилади. Бундай ҳолатда тугатиш комиссияси тузилади. Ушбу фикрга қисман қўшилган ҳолда айтиш мумкинки, ҳозирги вақтда тугатиш тадбирларини амалга ошириш мақсадида тугатиш комиссияси тузилиши ёки шундай ҳаракатларни бажарувчи тугатувчи тайинланиши ўзининг қонуний асосига эга. Бу ҳатти-ҳаракатлар тугатиш тўғрисидаги қарор қабул қиласган шахслар томонидан давлат рўйхатидан ўтказувчи орган билан келишилган ҳолда ҳал қилинади. Давлат корхоналарини тугатишида тугатиш комиссияси таркибини иқтисодий начорлик бўйича бошқарма, Ўзбекистон Республикаси тегишили

¹ Ўзбекистон Республикаси Молия вазирлиги ва Давлат солик қўмитаси томонидан белгиланган "Юридик шахслар даромади (фойдаси) соликни ҳисоблаш ва бюджетга тўлатиши тартиби тўғрисида"ги 2002-йил 14-яйварда қабул қилинган 1109-сонли йўриқнома.

вазирлик ва идоралари вакиллари, маҳаллий ижроия органлари мутахассислари ва бошқалар ташкил қилиши мумкин. Шундай қилиб, қоидага кўра, амалиётда тугатиш комиссияси таркибига муассислар (иштирокчилар) тугатилаётган ташкилот маъмурияти вакиллари киради. Шунингдек, улар тугатиш комиссияси ёки тугатувчининг асосий вазифаларини аниқлаштириш билан бир вактда, Ўзбекистон Республикаси Фуқаролик кодексига мувофиқ тугатиш тартибини ҳамда муддатини белгилаб оладилар. Тугатиш комиссияси матбуот органларида юридик шахснинг тугатилиши ҳамда унинг кредиторлари томонидан талабларни баён этиш тартиби ва муддати ҳақида хабар эълон қиласди. Фуқаролик кодексининг 55-моддасига мувофиқ, бу муддат тугатиш ҳақида хабар эълон қилинган пайтдан бошлаб икки ойдан кам бўлиши мумкин эмас. Ундан олдин қабул қилинган қонун хужжатларида эса бу муддат икки ойгача деб кўрсатилар эди. Лекин амалиётда бир ой кўрсатилиб эълон килинар эди. Ҳозир ҳам баъзан матбуотда бир ой кўрсатилиб хабар килинади. Шу билан, кредиторлар томонидан ўз талабларини баён қилиш учун зарур бўлган имконият чекланади. Амалдаги Фуқаролик кодексинда ўрнатилган "Икки ойдан кам бўлиши мумкин эмас", деб кўрсатилган императив норма кредиторларнинг ҳукуқларини химоя қилиш учун тегишли кафолат яратишга қаратилган.

Тугатиш комиссияси тасдиқланган кундан бошлаб юридик шахснинг ишларини бошқариш соҳасидаги ваколатлари унинг ихтиёрига ўтади. Шуни алоҳида таъкидлаб ўтиш жоизки, мазкур комиссия тугатувчи мустакил ҳуқуқ субъекти бўлиб хисобланмайди. У фақат тугатиш жараёнда кредиторлар, қарздорлар, давлат ҳокимиияти органлари ва бошқа шахслар билан муносабатга киришиб, тугатилаётган юридик шахс номидан ҳаракат қиласди.

Тугатиш комиссияси тугатилаётган юридик шахс номидан судда иштирок этади. Тугатиш комиссияси тугатилаётган юридик шахс хисоб вараклари очилган банкка тугатиш комиссиясининг рухсатисиз хисобдан фойдаланмаслик тўғрисида ариза юборади. Мана шу аризага кўра, банк тугатилаётган юридик шахс хисоби бўйича, кейинчалик юборилаётган ижро ва бошқа хужжатларни қабул қилишни тўхтатади. Тугатиш комиссияси барча кредиторларни аниқлаш ва дебиторлик қарзларини ундириш, шунингдек, юридик шахс тугатилаётганлиги ҳақида кредиторларни ёзма хабардор қилиш чораларини кўриши лозим. Дебиторлик қарзларини ундириш мақсадида қарздорларга талаб кўйишлари зарур. Агар қарзларни қайтариш рад қилинса, тегишли даъво билан судга мурожаат этиш керак. Ўзбекистон Республикаси "Бухгалтерия хисоби тўғрисида"ги Қонуннинг 21-моддасига мувофиқ, юридик шахс тугатилаётган тақдирда молиявий хисобот тузилади¹.

¹ Ўзбекистон Республикасининг "Бухгалтерия хисоби тўғрисида"ги Қонуни. Ўзбекистон Республикаси Олий Мажлиси Ахборотномаси, 1996 йил, 9-сон, 142 -модда.

Агарда юридик шахс суд тартибида тугатилаётган бўлса, суд унинг муассислари ва иштирокчилари ёки ваколатли органга ўз бурчларини тўғри бажариш масъулиятини юклайди. Уларнинг бурчлари тугалланишини суд қарорида белгиланган муддатда ва тартибида амалга ошириш лозим холос. Лекин суд қарори тўғри ва лозим даражада бажарилмаган бўлса, суд тугатиш комиссиясини тузади ёки тугатувчини тайинлаб, унга тугатишни амалга ошириш вазифаларини юклайди. Масалан, етказилган зарап зарап, етказишни давом эттираётган юридик шахс, инишотдан фойдаланиш ёхуд бошқа ишлаб чиқарини фаолиятининг оқибати бўлса, суд жавобгарга зарапни қоплашдан ташқари тегишли фаолиятни тўҳтатиб туриш ёки тугатиш мажбуриятини юклашга ҳақли (ФКнинг 986-моддаси, 2-қисми). Бу чора-тадбирлар тугатиш жараёнининг биринчи босқичини ташкил этади.

Тугатиш жараёнининг аввалида тугатиш комиссияси (тугатувчи) юридик шахснинг барча кредиторларини аниқлаш ишларини олиб боради. Унинг асосий мазмунини кредиторларнинг мавжуд талабларини аниқлаш ва уларни қондириш ташкил этади. Бунинг учун юридик шахсни тугатиш тўғрисида қарор қабул қиласан юридик шахс муассислари (иштирокчилари) ёки ваколатли орган бу ҳақда юридик шахсларни давлат рўйхатидан ўтказувчи органга дарҳол ёзма хабар бериши лозим. Шунингдек, юридик шахс матбуот органлари орқали ўзининг тугатилаётганилиги, кредиторлар томонидан талабларни тақдим қилиш тартиби ва муддатини эълон қиласди. Бу муддат тугатиш ҳақида хабар эълон қилинган пайтдан бошлаб икки ойдан кам бўлиши мумкин эмас.

Юкорида айтиб ўтилган ушбу тадбирлар ҳам, аввало, кредиторлар манфаатларининг ҳимоясига қаратилган. Чунки юридик шахс тугатилягач, колган мол-мулк унинг таъсисчилари ва аъзолари ўртасида тақсимланиб, уларнинг хусусий мулкига айланishi мумкин.

Кредиторлар талабларини қаноатлантириш тугатишнинг мухим бир босқичларидан бири хисобланади. Шунинг учун, Ўзбекистон Республикаси Фуқаролик кодексининг 55-моддасида тугатиш комиссиясининг вазифаси сифатида иккинчи босқичда кредиторларни аниқлаш ва дебиторлик қарзларини олиш чораларини кўриш, шунингдек, кредиторларни юридик шахснинг тугатилиши ҳақида ёзма хабардор қилиши кераклиги мустаҳкамланган. Амалиётда қарздорнинг мажбуриятини бажариш муддати бошланмаган бўлса, улар ўртасида муаммо пайдо бўлиши мумкин. Мазкур ҳолатда тугатилувчи юридик шахс ўзининг тугатилаётганилигини асос қиласан ҳолда, қарздорларидан ўз мажбуриятларини бажаришларини талаб қилишга ҳақли эмас. Улар бу мажбуриятни тугатиш муддатини белгилаш чоғида хисобга олишлари керак. Мавжуд вазиятдан кутилишнинг бирдан-бир йўли тугатилувчи юридик шахс қарздори билан келишиб, унга нисбатан қўйилган талабни бошқа шахс ҳисобига бажариши ҳақида келишувга эришиш бўлади.

Кредиторлар томонидан талабларни қўйиш учун белгиланган муддат тамом бўлганидан кейин юридик шахсни тугатиш тўғрисида қарор қабул килган юридик шахс муассислари ва иштирокчилари ҳамда давлат рўйхатидан ўтказувчи орган билан келишилган ҳолда, тугатиш комиссияси оралиқ тугатиш балансини тузади. Балансда тугатилаётган юридик шахс мол-мulkининг таркиби, кредиторлар қўйган талаблар рўйхати, шунингдек, уларни кўриб чиқиш натижалари тўғрисидаги маълумотлар қайд этилади. Оралиқ тугатиш баланси юридик шахсни тугатиш тўғрисида қарор қабул килган юридик шахс муассислари (иштирокчилари) ёки орган томонидан юридик шахсларни давлат рўйхатидан ўтказувчи орган билан келишилган ҳолда тасдикланади. Давлат рўйхатидан ўтказувчи орган баланснинг тўғрилигини, асослантирилганлигини назорат килиши зарур. Агар тугатилаётган юридик шахс (муассислардан ташқари) ихтиёридаги пул маблағлари кредиторларнинг талабларини кондириш учун етарли бўлмаса, тугатиш комиссияси юридик шахснинг мол-мulkини ким ошди савдоси орқали, суд қарорларини ижро этиш учун белгиланган тартибда, сотади ва қарзларини тўлаш учун ишлатади. Яъни, қарзларни тўлаш бўйича кредиторлар талаблари энди мазкур юридик шахснинг мол-мulkига қаратилиши тугатиш жараёнининг учинчи босқичига хос хусусиятдир.

Агарда оралиқ тугатиш балансини белгилаш чоғида тугатилувчи корхонанинг мол-мulkи етарли эмаслиги аниқланса, бундай юридик шахс факат банкротлик йўли билан тугатилади. Банкротлик чора-тадбирлари мажмуаси барча тижорат ва нотижорат ташкилотлари учун тадбик этилиши мумкин. Тугатиш жараёни олиб борилаётган вақтда ҳам, тугатиш комиссияси ёки тугатувчи томонидан юридик шахснинг ночорлиги (банкротлиги) аниқланса, унга нисбатан банкротликка доир иш юритишни қўзғатишга асос бўлади. Унинг тугатилиши жараёнида эканлиги иш юритишни қўзғатишга тўскинлик қила олмайди. Банкротликка учраган юридик шахсларни тугатиш тартиби ва хусусиятлари Ўзбекистон Республикасининг "Банкротлик тўғрисида"ти Қонуни билан белгиланади. Ушбу Қонуннинг 4-моддасига кўра, карздорнинг пул мажбуриятлари бўйича кредиторлар талабларини кондиришга ва (ёки) мажбурий тўловлар бўйича ўз мажбуриятини бажаришга қодир эмаслиги, агар тегишли мажбуриятлар ва (ёки) тўловлар мажбурияти юзага келган кундан эътиборан уч ой давомида қарздор томонидан бажарилмаган бўлса, у банкротлик аломатлари деб эътироф этилади.

Тўртинчи босқичда тугатиш комиссияси оралиқ тугатиш балансига биноан тўловларни тайёрлади. Кредиторларнинг талабларини кондириш навбати Ўзбекистон Республикаси Фуқаролик кодексининг 56-моддасида белгиланган бўлиб, биринчи навбатда, фуқароларнинг меҳнатга оид ҳукукий муносабатлардан келиб чиқадиган талаблари кондирилади. Мазкур қоидани белгилашда мамлакатимизда фуқаролар меҳнатини

мухофаза қилиш ва Мехнат кодекси нормалари инобатга олинган. Иккинчи навбатда алиментларни ундиришдан ва муаллифлик шартномалари бўйича мукофот тўлаш хақидаги талаблар, учинчи навбатда эса тугатилаётган юридик шахс жавобгар бўлган фуқароларнинг ҳаётига ва соғлиғига зарар етказилганик учун берилган талаблари тегишли вактбай тўловларни капиталлаштириш йўли билан қаноатлантирилади.

Фуқароларнинг ҳаёти ва соғлиғига етказилган зарар учун белгиланган тартибда жавобгар деб топилган юридик шахс тугатилган такдирда, тегишли тўловлар уларни қонун хужжатларида белгиланган қоидаларга кўра жабрланувчига тўлаш учун капиталлаштирилиши лозим. Тугатилаётган юридик шахснинг мол-мулки йўқлиги ёки етарли эмаслиги сабабли тўловларни капиталлаштириш мумкин бўлмаган холларда, белгиланган суммалар жабрланувчига давлат томонидан қонунда назарда тутилган тартибда тўланади.

Бошқа кредиторларнинг талаблари қонун хужжатларида назарда тутилган тартибда қаноатлантирилади. Биз юқорида қайд этиб ўтган фуқароларнинг талаблари тўлиқ қондирилгандан кейин, колган мол-мулк куйидагича таксимланади:

биринчидан, шу мол-мулк қийматидан суд қарорида кимнинг талаби биринчи бўлиб қондирилиши кўрсатилган бўлса, ушбу кредиторларнинг карзлари тўланади;

иккинчидан, колган мол-мулк қийматидан талабнома тақдим этиш муддати ўтиб кетгандан сўнг, берилган талаблар қондирилиши мумкин.

Барча кредиторлар билан ҳисоб-китоб ишлари ниҳоясига етказилгандан сўнг, тугатишнинг якунловчи босқичи бошланади.

Тугатиш комиссияси муассислар ва иштирокчилар билан келишиб, давлат рўйхатидан ўтказувчи орган томонидан тасдиқланган тугатиш балансини тузади. Юридик шахснинг кредиторлари талаблари қондирилгандан кейин, колган мол-мулк унинг шу мол-мулкка ашёвий хукукларга ёки ушбу юридик шахсга нисбатан мажбурий хукукларга эга бўлган муассисларга ва иштирокчиларга топширилади. Шундан сўнг юридик шахснинг тугатилиши хақидаги ёзув юридик шахсларнинг ягона давлат реестрига киритилиб, юридик шахсни тугатиш тамомланган, юридик шахснинг маҳсус хукуқ лаёкати эса тугаган ҳисобланади.

Мазкур юридик шахсларни тугатиш босқичлари бир-бири билан узвий боғлиқ бўлиб, бири иккincinnisinи тўлдириб боради. Ҳар бир босқичнинг тўгри бажарилишига эътибор берилмаса, тугатиш жараёнининг аниқ ва изчил амалга оширилишига салбий таъсир этиши мумкин.

Хулоса қилиб шуни таъкидлаш лозимки, ҳозирги кунда юридик шахсларни тугатиш билан боғлиқ муносабатларни тартибга солувчи қонун хужжатлари бир тизимга солинмаган ва уларни амалиётга тадбиқ этишининг изчил механизми ишлаб чиқилмаган. Бу соҳадаги хукукий

нормалар қонун хужжатларида сочилиб кетган бўлиб, уларни кўллаш амалиётда турли хил қийинчиликларни вужудга келтириши мумкин. Шуинг учун юридик шахсларни тугатишини тартибга солувчи қонун хужжатларини янада такомиллаштириш лозим.

Назорат учун саволлар

1. Тугатиш комиссиясининг ваколатлари нималардан иборат?
2. Юридик шахснинг кредиторлари талаблари қандай кондирилади?
3. Юридик шахсларни тугатиш қандай хукукий муносабат хисобланади?
4. Кредиторлар талабларини қаноатлантириш тугатишнинг қандай босқичи хисобланади?
5. Юридик шахсларни ажратиб чиқариш дёғанда нималар тушунйлади?
6. Ягона давлат реестри нима?
7. Ўзбекистон Республикаси фуқаролик конунчилигига юридик шахсларни тугатиши қандай усуулларга бўлинади?
8. Юридик шахсларни бўлиб юборишнинг моҳиятини тушунтириб беринг?
9. Юридик шахсларни қўшиб юбориш тўғрисидаги шартнома қайси шартномалар туркумига киради?
10. Юридик шахсларни тугатиш босқичларини тушинтириб беринг.

Х БОБ. ДАВЛАТ – ФУҚАРОЛИК ҲУҚУҚИЙ МУНОСАБАТЛАР СУБЪЕКТИ СИФАТИДА

1 §. Давлат тұғрисида умумий қоидалар

Фуқаролик конун ҳужжатлари билан тартибга солинадиган муносабатларда жисмоний ва юридик шахслар билан бир қаторда, давлат ҳамда давлат ҳокимияти ва бошқаруви органлари ҳам иштирок этади. Давлат ва унинг тегишли тузилмаларини фуқаролик ҳуқуқий муносабатларда иштирок этиши уларнинг фуқаролик ҳуқуқи субъекти сифатида тан олиниши билан бөлгіледі.

Ўзбекистон Республикаси ФКнинг 2-моддаси, 2-кисмiga мувофиқ, фуқаролар, юридик шахслар ва давлат фуқаролик конун ҳужжатлари билан тартибга солинадиган муносабатларнинг иштирокчилари бўладилар. Бу уччала субъект ҳам фуқаролик ҳуқуқида бир-бири билан тенг ҳуқуқли иштирокчи сифатида кўрилади ва биридан иккинчиси устун ҳисобланмайди.

Давлат фуқаролик-ҳуқуқий муносабатларнинг субъекти сифатида бошқа субъектлар билан ўзаро ҳуқуқий алоқаларга киришар экан, бунда у ўзига тегишли бўлган имтиёзлар: ҳокимият ваколати, ҳукмронлик ва бошқариш фаолияти, устунлик мақомидан воз кечишига тўғри келади. Фуқаролик-ҳуқуқий муносабатларда давлат суверенитет соҳиби сифатида ягона ва бўлинмас субъект ҳисобланади. Бинобарин, битта алоҳида олинган ҳудудда иккита суверенитет соҳиби бўлишига йўл кўйилмайди.

Шу билан бирга, давлат ўзи томонидан ташкил этилган корпорациялар, ижтимоий компаниялар, молиявий корпорациялар, давлат компаниялари ва маҳсус банклар орқали иқтисодиётга таъсир кўрсатади.

Фуқаролик-ҳуқуқий муносабатларда ҳуқуқ ва мажбуриятлар соҳиби сифатида суверен давлатнинг иштирок этиши, давлатнинг фуқаролик ҳуқуқи субъекти эканлиги мақомини белгилашнинг энг мухим жиҳатидир. Давлат суверенитет соҳиби сифатида ҳар қандай ҳуқуқий муносабатда бўлгани каби, фуқаролик-ҳуқуқий муносабатда ҳам ўзига хос манфаатлар асосида иштирок этади. Биринчи навбатда, давлат ҳалқ иродасини ифода этиб, унинг манфаатларига хизмат қиласди.

Маълумки, давлат кўп қиррали тузилмадир. Шунинг учун ҳам давлатнинг жамият ҳаётида тутган ўрни ва у бажарадиган функциялари ўта мухимдир. Мана шу жиҳатларни ҳисобга олмасдан, давлатнинг фуқаролик ҳуқуқи субъекти эканлиги масаласини ифодалаш мумкин эмас. Фуқаролик-ҳуқуқий муносабатнинг “ягона ва бўлинмас субъекти” ибораси фуқаролик-ҳуқуқий муносабат субъектлари орасида факатгина давлатга нисбатан қўлланилади. Ваҳоланки, фуқаролик-ҳуқуқий муносабатда бошқа субъектлар фуқаролар ва юридик шахслар ҳам алоҳида субъект ҳамда шахс сифатида иштирок этади. Давлат муайян ҳудуддагина ягона, суверен,

хукмрон ва бўлинмас тузилма бўлганлиги муносабати билан фукаролик-хукуқий муносабатларнинг бошқа субъектларидан яққол ажралиб туради.

Давлатнинг фукаролик-хукуқий муносабатларнинг алоҳида субъектлигини давлатнинг куйидаги жиҳатлари асосида талқин этиш мумкин:

биринчидан, давлат ҳокимият эгаси;

иккинчидан, давлат шахс сифатида;

учинчидан, давлатнинг фукаролик хукуқий лаёқати.

Фукаролик хукукининг бошқа субъектлари сингари давлат хам фукаролик-хукуқий муносабатларнинг тенг хукуқли субъекти сифатида ушбу муносабатда катнашади. Лекин давлат бошқа субъектларда мавжуд бўлмаган бир қатор хусусиятларга эгаки, бу хусусиятлар давлатнинг фукаролик-хукуқий муносабатлардаги иштирокида муҳим ўрин тутади.

Биринчи навбатда, давлат ҳокимият соҳибидир. Зоро, ҳокимиятнинг давлат кўлида бўлиши унинг алоҳида мақомга эга бўлган субъектлигини ифодалайди. Чунки давлат ва унинг ҳокимиятисиз муайян худудда жамият бошқарувини тушуниш, тасаввур қилиш кийин.

“Ҳокимият” атамасини икки хил маънода тушуниш мумкин. Биринчиси, бу “ҳокимият”ни соф маънода давлат ҳокимияти сифатида тушуниш, иккинчиси, кўчма маънодаги “ҳокимият” ёки “ҳокимият ваколатлари” тушунчалари бўлиб, уларни бир шахснинг иккинчи шахсга нисбатан хукуқдорлиги ёки ўзга шахсларни ўз таъсири остида қолдириш, деб тушунишдир. Ана шу иккичи маънодаги ҳокимият вазифаси фукаролик-хукуқий муносабатларда, умуман, хукуқий муносабатларда давлатдан ўзга субъектларга хам мансуб бўлиши мумкин. Масалан, иш берувчи ўз ходимига нисбатан, ота-оналар ўз болаларига нисбатан “ҳокимият”ни амалга оширадилар. Лекин давлат ҳокимияти бошқа субъектлар “ҳокимияти”дан фарқли равишда том маънодаги “ҳокимият”дир.

Давлатнинг фукаролик-хукуқий муносабатлардаги ўзига хос, алоҳида ва ягона субъектлигини аниқлашда давлатнинг асосий белгиларини таҳлил этиш катта аҳамият қасб этади.

З.М.Исломовнинг таъкидлашича, ҳозирги вактда давлатнинг умумэътироф этилган куйидаги асосий белгиларини кўрсатиш мумкин:

1. Давлат ўз давлати чегаралари доирасида фукаролик тушунчаси бўйича бутун жамиятнинг, бутун аҳолининг ягона вакили сифатида майдонга чиқади.

2. Давлат суверен ҳокимиятнинг ягона соҳибидир.

3. Давлат юридик кучга эга бўлган ва хукуқ нормаларини акс эттирган конунлар ва уларга асосланиб чиқариладиган хужжатларни қабул қиласи ва ҳ.к.

Дарҳақиқат, давлат фукаролик-хукуқий муносабатларда бутун жамиятнинг, бутун аҳолининг ягона вакили сифатида катнашади. Зоро,

Ўзбекистон Республикаси Конституциясининг 7-моддасига мувофиқ, ҳалқ давлат ҳокимиятининг бирдан-бир манбаидир. Ҳалқ давлат ҳокимиятининг ягона манбаи бўлганлиги учун ҳам фуқаролик-хукукий муносабатларда давлат ҳалқ иродасини ифода этиди ва унинг манфаатларига хизмат қилади.

Давлат ҳалқ манфаатларидан келиб чиқиб, турли битимлар тузиши, фуқаролик хукуқининг бошқа субъектлари билан шартномавий муносабатларга киришиши мумкин. Шу билан бирга, давлат жамият ва аҳолининг манфаатларига мувофиқ, фуқаролик-хукукий муносабатларни тартибга солувчи қоидаларни белгилайди. Суверен ҳокимиятнинг ягона соҳиби сифатида давлат ўз ҳудудидаги бошқа барча субъектларнинг “ҳокимияти”дан устун туради. Бундай устунлик давлатнинг ўз ҳудудидаги барча шахслардан мустақиллигини таъминлайди ва бу мустақиллик давлат суверенитетининг асосий белгиси ҳисобланади. Гарчи давлат ягона ҳокимият соҳиби ҳисоблансада, у фуқаролик-хукукий муносабатларда, ўзининг ана шу белгисидан фойдаланмайди. Акс ҳолда, давлат иштирокидаги мулкий муносабатлар фуқаролик хукукий хусусиятини йўқотади.

Умумий қоидага кўра, суверенитет ички ва ташки кўринишда намоён бўлади. Ўз мамлакати ҳудудида давлат олий ҳокимият эгаси бўлиб, унинг ички ишларига ҳеч ким аралашибга ҳақли эмас. Ҳеч қайси давлат ва ҳалқаро ташкилот давлатнинг ички ишларига аралашмаслиги ушбу давлат мустақиллигининг энг муҳим белгисидир. Зоро, суверенитет мазкур давлатнинг бошқа давлат ва ҳалқаро хукуқнинг бошқа субъектларидан мустақиллигини ифодалайди¹.

Фуқаролик-хукукий муносабатлардан ўзга хукукий муносабатларда давлат ўзининг ҳокимият ваколагларидан ва суверенитетига тегишли бошқа хукукларидан фойдаланиши, хукукий муносабатлардаги ўзининг устунлик мавқенини тўғридан-тўғри кўрсатиши мумкин. Масалан, маъмурий-хукукий муносабатларда давлат бошқаруви энг асосий ва бирламчи ўринда туради.

Хукуқшунос олим Ю.А.Тихомировнинг таъкидлашича, давлат ва унинг органлари фуқаролик-хукукий муносабатларда ўзларининг ҳокимият ваколатларидан фойдаланмайдилар. Улар бу муносабатларда ўз контрагентлари билан тенг асосларда иштирок этадилар. Бундай иштирок куйидаги ҳолатлар билан белгиланади:

Биринчидан, давлат ва унинг органлари томонидан фуқаролик-хукукий муносабатларнинг бошқа иштирокчиларига ҳокимият таъсири ўтказилмаслиги;

Иккинчидан, ўз фаолиятларини юритиш ва бошқа контрагентлар фаолиятини тартибга солувчи меъёрлар асосида амалга ошириши;

¹ Тихомиров Ю.А. Публичное право. –М.: 1995.

Учунчидан, шартнома муносабатларида контрагентлар билан тенг хукуқлиги.¹

Ушбу фикрларга қўшимча равишда шуни таъкидлаш жоизки, давлатнинг фуқаролик-хукуқий муносабатларда тенг асосларда иштирок этиши бу нафакат давлатнинг хукуқий муносабат бошланиши ва тамом бўлиши пайтидаги тенглик, балки муайян хукуқий муносабатда иштирок этишга фуқаролик хукуқининг бошқа субъектларини мажбурлашни чеклаш ҳам ҳисобланади. Давлат фуқаролик хукуқининг тенг хукуқли субъекти сифатида бошқа субъектлар каби, ўзига мажбуриятлар олади ва уларни бажара олмаса, конун хужжатлари асосида жавоб беради.

И.Б.Зокировнинг фикрига биноан, давлат олий ҳокимият, суверенитет соҳиби бўлганлиги туфайли фуқаролик-хукуқий муносабат субъекти сифатида ўзига хос хусусиятларга эга. Жумладан:

- Давлат фуқаролик-хукуқий муносабатлар субъекти сифатида фуқаролик хукуки субъектлари амал қиласидан қонунларни ўзи белгилайди;
- Давлат фуқаролик хукуқ ва бурчлари давлат органларининг хужжатларидан вужудга келади;
- Давлат иммунитетдан фойдаланади;
- Хукуқ ва муомала лаёкатини чеклаш бўйича бошқа субъектларга тааллукли бўлган қоидалар давлатга татбиқ этилмайди.²

Хукуқшунос олим А.А.Иванов фуқаролик-хукуқий муносабатларда давлат иштирокининг юқоридаги учта хусусиятини санаб кўрсатган ҳолда, давлатнинг фуқаролик-хукуқий муносабатлардаги иштирокининг яна бир хусусияти сифатида, фуқаролик-хукуқий муносабатларда давлат тенг хукуқли асосларда иштирок этса-да, ўзининг ҳокимият функцияларини саклаб колишини кўрсатади.

Юқоридаги фикрларга қўшилган ҳолда, фуқаролик-хукуқий муносабатларда давлат ҳокимият соҳиби сифатида иштирок этар экан, у ўзига хос субъект бўлганлиги муносабати билан бошқа субъектлардан ўзининг алоҳида жиҳатлари билан ажralиб туришини таъкидлаш лозим. Давлат иштирокининг бу жиҳатлари фуқаролик-хукуқий муносабатлар учун хос бўлган иштирокчилар тенглигининг бузилмаслигига, давлатнинг ҳокимият ваколатларидан бу хукуқий муносабатларда тўлиқ фойдаланмаслигига кафолат ҳисобланади.

Давлат фуқаролик-хукуқий муносабат субъекти сифатида фуқаролик хукуки субъектлари амал қиласидан қонунларни ўзи белгилар экан, бунда давлат ўзи чиқараётган конун хужжатларида фуқаролик-хукуқий муносабатларда ўз иштирокининг қонуний асослари ва шартларини ҳам мустахкамлайди. Фуқаролик хукуки субъектлари амал қиласидан бу қонун

¹ Тихомиров Ю.А. Там же.

² Зокиров И.Б. Фуқаролик хукуки. Дарслик. ТДЮИ., 2006.-Б.139.

хужжатлари бир вақтнинг ўзида давлат ва у билан хукукий муносабатга киришаётган субъектларнинг ўзаро муносабатларини тартибга солувчи нормаларни ўзида ифодалайди.

А.А.Ивановнинг илмий ишларига биноан, фуқаролик-хукукий муносабатларда давлат иштирокининг ўзига хос хусусиятлари юқорида санаб ўтилган ҳолаглар билан чекланиб қолмайди. Бироқ, ушбу хусусиятларнинг ўзи ҳам давлатнинг фуқаролик хукуқида алоҳида мақомга эга эканлигини билдиради.

Бу ўзига хос хукукий мақом икки қарама-қарши ҳолатни вужудга келтиради.

Биринчидан, давлатнинг ҳокимият ваколатларига эга бўлмаган хусусий хукуқ субъектлари билан бўлган муносабатларда тенглигини таъминлаш зарурати.

Иккинчидан, давлат ҳокимияти ваколатлари муайян соҳанинг хўжалик ривожланишига қаратиш ҳолати.

Ушбу фикрлар тўғрилигини таъкидлаган ҳолда, давлатни фуқаролик хукуқидаги ўзига хос мақомининг учинчи ҳолатини кўрсатиб ўтиш зарур. Фикримизча, бу ҳолат давлатнинг фуқаролик-хукукий муносабатларда иштирок этувчи субъектлар ўртасидаги ўзаро алоқадорлик ва унинг оқибатларини зарурий воситалар билан мувофиқлаштириб туришидир. Яъни, давлат ўз органлари (судлар, хўжалик судлари) орқали хукукий муносабатнинг иштирокчилари ўртасидаги ҳолатларни ойдинлаштиради ва зарур пайтда, субъектлар хукуқини амалга оширишда кўмаклашади. А.А.Иванов таъкидлаган биринчи ҳолат Ўзбекистон Республикаси ФКнинг 70-моддасида ўз ифодасини топган. Ушбу моддага мувофиқ, давлат фуқаролик қонун хужжатлари билан тартибга солинадиган муносабатларда уларнинг бошқа иштирокчилари билан баравар асосларда иштирок этади. Бу нормада давлатнинг хукукий муносабатдаги бошқа иштирокчилар билан тенг асосларда иштирок этиши мустаҳкамланган ҳамда бу норма билан давлат фуқаролик-хукукий муносабатларда иштирок этаётганда ўзининг ҳокимият ваколатларидан фойдаланмаслигини белгилаган. Яъни, давлат хусусий хукукий муносабатлардаги иштирокида ўзининг ҳокимият ваколатларидан воз кечишини олдиндан баён этмоқда. Бу ҳолат эса, ўз-ўзидан, фуқаролик-хукукий муносабатларнинг бошқа иштирокчилари давлат билан ҳеч иккиланмасдан, таъқиқлар қўйилиши мумкинлигидан чўчимасдан фуқаролик-хукукий муносабатга киришишларига имконият яратади.

Иккинчи ҳолатда эса, давлатнинг ўз ҳокимият ваколатларидан фойдаланиб, фуқаролик-хукукий муносабатларга таъсир ўтказиши фуқаролик қонун хужжатларида анча кенг ўрин эгаллайди. Бунда давлат жамият, шахс ва ҳалқ манфаатлари ҳамда муайян соҳанинг ривожини ҳисобга олиб, хукукий муносабатларга таъсир ўтказади.

Фуқаролик-хукуқий муносабатларда ҳокимият соҳиби сифатидаги давлат иштирокининг ўзига хос хусусиятларидан яна бири бу давлатнинг ўзи бевосита иштирок этадиган муносабат доирасини ўзи белгилашидир. Демак, давлат ўзининг қайси фуқаролик-хукуқий муносабатларда иштирок этишини ўзи белгилаб олади. Зарур пайтда эса, давлат ўз карорлари билан ўз иштирокини таъминлайди.

Фикримизча, фуқаролик-хукуқий муносабатларда давлат иштирокининг яна бир хусусияти давлатнинг фуқаролик хукуқининг бошқа субъектлари ўртасидаги муносабат ҳарәкатига таъсиридир. Бунда давлат хукуқ субъектларининг ўзаро муносабатларини чеклаши, тўхтатиб қўйиши ёки умуман тугатиши мумкин. Масалан, ФКнинг 156-моддасига кўра, Ўзбекистон Республикаси Ҳукумати мажбуриятларни бажаришни кечиктирганилиги туфайли даъво муддатининг ўтиши тўхтатилади.

Давлатнинг фуқаролик-хукуқий муносабатларда ушбу муносабатдаги бошқа шахслар билан иштироки тенг равиша кўрилади. Бу эса, ўз навбатида, фуқаролик хукуқидаги барча субъектларга нисбатан шахс атамасини кўллаши имконини беради. Маълумки, шахс деганда, субъектив хукукларга ва юридик мажбуриятларга эга фуқаролар ва ташкилотлар тушунилади. Ушбу қоидадан келиб чиқиб, фуқаролик-хукуқий муносабатларда иштирок этиш мобайнида давлатнинг ҳам субъектив (гарчи давлат объектив хукуклар ижодкори ҳисобланса-да, фуқаролик-хукуқий муносабатларда барча субъектлар каби субъектив хукуқ соҳибидир) хукукларга ва юридик мажбуриятларга эга бўлиши мумкинлигини таъкидлаша жоиз.

Фуқаролик-хукуқий муносабатларда давлатнинг субъективлик мақоми “шахс” атамаси билан номланиши бевосита фуқаролик хукуқининг барча субъектлари учун хос бўлган умумийликдан келиб чиқишини ҳисобга олган холда, давлатни фуқаролик-хукуқий муносабатлардаги “алоҳида шахс” деб номлаш зарур. Қолаверса, фуқаролик-хукуқий муносабатларда давлатга нисбатан “алоҳида шахс” атамасининг кўлланилиши давлатнинг ҳокимият ваколатлари, суверенитет соҳиби эканлиги ва бошқа қатор ўзига хос хусусиятлардан келиб чиқади. Бундай алоҳидалик давлатнинг иммунитетдан фойдаланишида яққол намоён бўлади.

Хукукшунос олим А.Х.Сайдовнинг фикрича, иммунитет тамойили, “ҳар бир давлат бошқа бир давлат юрисдикциясидан иммунитет хукуқига эга” эканлигини англатади. Иммунитет – юрисдикцияни истисно қилиш ёки ундан озод этишдир. Бу эса, ўз ўрнида юрисдикцияга бўйсунмаслик билан баробар. Шубҳасиз, “ҳар бир давлат бошқа бир давлат юрисдикциясига бўйсунмайди”.

Фуқаролик-хукуқий муносабатлардаги давлат иммунитети бу давлатнинг ўз ваколатларини ўзи қабул қилган қонун хужжатлари асосида амалга ошириши, бунда фуқаролик-хукуқий муносабатдаги давлатнинг

хукуқ ва мажбуриятлари факатгина шу давлатнинг қонунчилигига мувофиқ белгиланишидир.

Давлат иммунитет сохиби сифатида фуқаролик-хукукий муносабатларнинг қайси турида иштирок этишини ҳам факат ўзи белгилайди. Масалан, ФКнинг 457-моддасида давлат ўз эҳтиёжлари учун товарлар етказиб бериш шартномасида тараф сифатида иштирок этиши белгиланган.

Фуқаролик-хукукий муносабатларда иммунитет давлатга нисбатан шундай ҳолатни юзага келтиради, фуқаролик-хукукий муносабатларда иштирок этиб, ўз мажбуриятларини бажармаган давлат факат ўз миллий қонунчилиги асосида жавобгарликка тортилади. Фуқаролик-хукукий муносабатларда давлатга нисбатан ваколатларни амалга оширмаслик ва ҳокимият ваколатларидан фойдаланмаслик талаби белгиланган бўлсада, давлатнинг бу белгилари у билан чамбарчас боғлиқлиги сабабли фуқаролик-хукукий муносабатларга ҳам таъсир этади. Айни шу ҳолатлар “иммунитет” атамасининг моҳиятини ташкил этади.

Юқорида баён этилганидек, назарий жиҳатдан қараганда, давлат ҳам “шахс” (яъни, алоҳида шахс) сифатида иштирок этади. Шунинг учун ҳам фуқаролик-хукукий муносабатдаги давлатнинг (сиёсий бошқарув ва ҳокимият сохиби ҳисобланган ташкилот) хукукий мақоми шахслар (одатда, юридик шахслар) хукукий мақоми билан бир хилда белгиланиши лозим. Бундай қоида фуқаролик-хукукий муносабатлардаги давлат иштирокининг бошқа субъектлар билан тенглигини, давлатнинг хукуқ ва мажбуриятлари доираси аниқлигини ва бошқа ҳолатларнинг хукукий асосини таъминлаган бўларди.

Баъзи хорижий давлатлар қонунчилигига фуқаролик-хукукий муносабатлардаги давлат иштироки ва хукукий мақоми юридик шахсларнинг хукукий мақоми (факат фуқаролик-хукукий муносабатлардагина, холос) билан бир хилда белгиланган. Масалан, Россия Федерациясида давлат ва маҳаллий ҳокимият органларининг фуқаролик-хукукий муносабатлардаги иштирокига нисбатан фуқаролик қонун хужжатлари билан тартибга солинадиган муносабатлардаги юридик шахс иштирокини белгилайдиган нормалар кўлланилади, агар қонун ёки бу субъектларнинг хусусиятларидан ўзгача маъно англашилмаса, деган қоида мустаҳкамланган.

Фуқаролик-хукукий муносабатларда давлат иштирокига нисбатан юридик шахслар иштирокига оид меъёрларнинг белгиланиши давлатнинг фуқаролик хукуки субъекти сифатидаги ҳолатини аниқлаштиради. Шу билан бирга, бундай қоиданинг мустаҳкамлананиши давлатга нисбатан фуқаролик хукукий жавобгарликни белгилашда, фуқаролик-хукукий муносабатнинг бошқа иштирокчиларидан хукукларини амалга оширилишини (давлат билан бўлган муносабатларда) кафолатлашда мухим ўрин тутади. Бозор муносабатлари шароитида хукукий

муносабатнинг хар бир субъектига нисбатан белгиланадиган хукуқ ва мажбуриятлар ҳамда уларнинг амалга оширилиши жуда муҳимдир.

Умумий қоидага кўра, фуқаролик-хукуқий муносабатларда ҳар бир субъект ўзининг номидан ҳаракат қилиши лозим. Бу коида фуқароларга ҳам, юридик шахсларга ҳам гааллуклидир. Давлат ҳам фуқаролик муюмаласида ўз номидан қатнашади. “Давлат” тушунчаси мавхум ҳисобланганлиги учун ҳам фуқаролик-хукуқий муносабатларда давлат номидан унинг органлари иштирок этиши зарур. Чунки кейинчалик юзага келадиган мажбуриятларга нисбатан жавобгарликни белгилашда бу холат муҳим ҳисобланади.

Фуқаролик-хукуқий муносабатларда давлат номидан иштирок этиши мумкин бўлган субъектлар доираси ФКнинг 79-моддаси, 2-қисмида белгиланган. Унга кўра, фуқаролик қонун ҳужжатлари билан тартибга солинадиган муносабатларда давлат номидан давлат ҳокимияти ва бошқаруви органлари ҳамда улар маҳсус вакил қилған бошқа маҳсус органлар иштирок этадилар. Айни қайси фуқаролик-хукуқий муносабатларда қайси давлат органининг иштирок этиши шу органинг функцияси, тузилиш мақсади ва фаолият доирасидан келиб чиқиб белгиланади.

Юқорида таъкидланганидек, давлатнинг фуқаролик-хукуқий муносабатлардаги иштирокига нисбатан юридик шахс ҳақидаги меъёrlар тадбиқ этилади. Бунда давлаттага нисбатан юридик шахслар эркининг вужудга келиши қоидасидаги “эркнинг ифодаланиши” тўғрисидаги ҳолатларигина кўлланилади. Юридик шахсларга оид бўлган бошқа қоидалар (хусусан, хукуқ лаёкати тўғрисидаги, рўйхатдан ўтиш тўғрисидаги, ном ва жойлашган ери, филиаллар ва ваколатхоналар, юридик шахс турлари, уларни ташкил этиши ва тутгатиш) давлатта нисбатан татбиқ этилмайди.

Шу ўринда давлат ва юридик шахсларнинг бир-бирига ўхшашиб томонларини таъкидлаб ўтиш жоиз. Давлат худди юридик шахслар каби муайян ташкилот бўлиб (ФКнинг 39-моддасида юридик шахс ташкилот эканлиги таъкидланган), ўз ички тузилишига ва ташкилий бирлигига, бошқарув органларига, фуқаролик муюмаласида ўз номидан иштирок этиши хукуқига эга.

Ўзбекистон Республикаси ўзига мулк хукуки асосида тегишли бўлган обьектлардан хорижий давлатлар, уларнинг юридик ва жисмоний шахслари, ҳалқаро ташкилотлар билан ўзаро фойдали ҳамкорлик ўрнатишга, бундай ҳамкорликни ривожлантиришга қаратилган жами амалий ҳаракатларни рўёбга чиқариш учун фойдаланади.

Маълумки, давлатнинг сиёсий ташкилот сифатидаги асосий ижтимоий вазифаси жамиятдаги мавжуд субъектларнинг, яъни турли гурухлар, милллатлар ва элатлар, кишилар ўртасидаги жипсликни таъминлашдан иборат. Шу маънода, барча хукуқий демократик давлатларда бўлгани

сингари, Ўзбекистон Республикасида ҳам Ўзбекистон, унинг халки номидан факат у сайлаган Олий Мажлис ва Президентгина иш олиб бориши мумкин. Жумладан, юқоридаги норма ФКнинг 214-моддасида янада мустахкамланиб, шундай дейилади: "Республика мулки бўлган молмулкни Ўзбекистон Республикаси Олий Мажлиси, Ўзбекистон Республикаси Президенти, Ўзбекистон Республикаси Хукумати ёки улар маҳсус вакил қилган органлар (конунда бошқача ҳол белгиланмаган бўлса) тасарруф қиласидар". Амалда давлат номидан юқоридаги нормадан келиб чикиб, турли вазирлик, давлат кўмиталари, давлат ташкилотлари қатнашиши мумкин.

Ўзбекистон Республикасининг юридик шахслари ва фуқароларининг хукуқ ҳамда манфаатларини таъминлаш, ташки иктиносидий фаолият соҳасида бевосита ўзаро фойдали алоқаларни ўрнатиш мақсадида хорижий давлатларда, ... халқаро ташкилотлар хузурида Ўзбекистон Республикасининг савдо ваколатхоналари таъсис этилади. Бу ваколатхоналар ўз фаолиятида Ўзбекистон Республикаси конунларига, ўзлари тўғрисидаги низомга, шунингдек, Ўзбекистон Республикаси ҳамда ваколатхона жойлашган давлатлар иштирокчи бўлган халқаро шартномаларга амал қиласиди. Чет элдаги ваколатхоналар тўғрисидаги Низом Ўзбекистон Республикаси Вазирлар Маҳкамаси томонида тасдиқланади. Шу муносабат билан Ўзбекистон Республикаси ўз мулкини эгаллаш, фойдаланиш ва тасарруф этиш юзасидан фуқаролик хукуқининг мустақил субъекти сифатида мамлакат ичидаги хорижда чет давлатлар ва бошқа субъектлар билан бўладиган фуқаролик хукуқий муносабатларда қатнашиб, ўз номидан ҳаракат қиласиди.

Ўзбекистон Республикаси Конституциясида айтилганидек, Ўзбекистон-суверен демократик республика деган ном билан мустақил давлат бўлиб, ўзининг миллий давлат ва маъмурий ҳудудий тузилишини, давлат ҳокимияти ва бошқарув органларининг тизимини белгилайди, ички ва ташки сиёсатни амалга оширади (1, 2-моддалар).

Давлатнинг фуқаролик-хукуқий муносабатлардаги иштироки унинг суверенитет соҳиби эканлигидан келиб чиқади. Давлат суверенитет соҳиби сифатида ягона ва бўлинмасдир. Ішнга биноан, давлат фуқаролик хукуқий муносабатда якка ва ягона субъект деб каралади. "Суверенитет" атamasи илк бор Францияда (XVI) вужудга келган. Бу атама лотинча *superare* (сурга, superios) сўзидан келиб чиқсан бўлиб, аслида "энг олий", "олий ҳокимият" деган маънени англатади. Суверенитет мустақил давлатнинг умумий ва ажралмас белгиси бўлиб, унинг тўла хукуклилигини ҳамда ички ва ташки ишларда бошқа давлатга қарам эмаслигини англатади. Суверен давлат ўз ички ва ташки ишларини бошқа давлатларнинг хукуқларини, шунингдек, халқаро хукуқ тамойиллари ва нормаларини бузмаган ҳолда, ўзи хоҳлаганча ҳол қиласиди. Суверенитет давлатга хос тушунча бўлиб, у билан бирга вужудга келади. Давлат ва унинг хусусияти бўлган

суверенитет тарихий ҳодисадир. Ўзбекистон Республикаси фуқаролик хукуқининг бошқа субъектлари билан тенг хукукли иштирокчи ҳисобланади.

Давлат-олий ҳокимият, суверенитет сохиби бўлганлиги туфайли фуқаролик хукукий муносабат субъекти сифатида ўзига хос хусусиятларга эга. Жумладан:

1. Давлат фуқаролик хукукий муносабатлари субъекти сифатида фуқаролик хукуки субъектлари амал қиласидан қонунларни ўзи белгилайди.

2. Давлат органлари фуқаролик хукуқ ва бурчлари вужудга келишининг асоси бўладиган хужжатлар чиқариши мумкин

3. Давлат иммунитетдан фойдаланиди, яъни давлат мол-мулкидан ҳақ ундиришга давлат органлари розӣ бўлгандагина йўл кўйилади:

4. Хукуқ ва муомала лаёқатини чеклаш бўйича бошқа субъектларга тааллуқли бўлган қоидалар давлатга нисбатан тадбик этилмайди.

2 §. Давлат – мамлакатнинг ички оборотида фуқаролик-хукукий муносабатларнинг субъекти

Давлат фуқаролик қонун хужжатлари билан тартибга солинадиган муносабатларда уларнинг бошқа иштирокчилари билан баб-баравар асосларда иштирок этади.

Давлатнинг ички фуқаролик муомиласида иштирок этиши давлат ҳокимияти ва бошқарув органлари томонидан амалга оширилади.

Давлатнинг мамлакат ички муомиласидаги фуқаролик-хукукий муносабатларида иштироки кўйидагиларда намоён бўлади:

1. Давлат ўзига қарашли мол-мулкка нисбатан мулкдор сифатида ҳаракат килганида.

2. Эгаси бўлмаган ёки эгаси номаълум бўлган ашё эгасиз ҳисобланиб, у суд қарори билан давлат эгалигига ўказилганида.

3. Фуқаролик кодексининг 193-моддаси, 2-бандига биноан ашёни топиб олган шахс топилган ашёни мулк килиб олишдан бош тортса, ашё давлат мулкига ўтганда.

4. Ҳар бир фуқаро васият бўйича ўзининг бутун мулкини ёки унинг бир қисмини давлатга васият қилиб мерос тариқасида қолдиришида.

5. Ўзбекистон Республикаси давлати хукуқ субъекти сифатида бальзи фуқаролик хукукий хусусиятга бўлган кредит муносабатларида, масалан, давлат замои облигацияларини сотишида, қарз шағтномасида иштирок этганида.

6. Табиий оғатлар, авариялар, эпидемиялар, эпизотиялар юз берган тақдирда ва фавқулодда тусдаги бошқа вазиятларда мол-мулк жамият манфаатларини кўзлаб, давлат ҳокимияти органи қарорига мувофиқ, мулкдордан унга мол-мулкнинг қийматини тўлаган ҳолда қонун

хужжатларида белгиланган тартибда ва шартлар асосида олиб қўйилишида (реквизиция). Бунда реквизиция ўтказилишига сабаб бўлган вазифаларнинг амал қилиши тўхтаганидан кейин реквизиция қилинган мол-мулкнинг собиқ эгаси сакланиб қолган мол-мулкни ўзига қайтариб беришни талаб қилишга ҳақли эканлигида (ФКнинг 203-моддаси).

7. Мол-мулк мусодара қилинганида, яъни конунда назарда тутилган ҳолларда мол-мулк суднинг ҳукми (қарори)га мувофиқ жиноят ёки ўзга ҳукуқбузарлик қилганлик учун, ҳақ тўламасдан мулкдордан олиб қўйилишида (ФКнинг 204-моддаси).

8. Давлат баъзи ҳолларда муаллифликка оид ҳукуқий муносабатларда, масалан, асарни нашр этиш ҳукуқини сотиб олганида, ихтирочилик муносабатларида ихтирога бўлган патентни сотиб олганида ҳукуқ субъекти сифатида иштирок этишида. Бундай ҳукуқий муносабатларда давлатнинг иштирок этиши натижасида олинган даромадлар ҳам давлат бюджетига ўтказилади. Шу билан бирга, давлат маблаглари хисобига яратилган интеллектуал мулк объектига нисбатан ҳам давлат мулк ҳукуқини кўлга киритади.

9. Давлат, шунингдек, концессия муносабатларида ҳам қатнашишида унга кўра, давлат чет эл фирмаси хусусий шахс билан келишиб олинган шартлар асосида муайян хўжалик фаолиятини амалга ошириш. Ер ости бойликларини ишлаб чиқиш ва фойдали қазилмаларни кавлаб олиш, корхоналар куриш ва эксплуатация қилиш ҳамда бошқа ҳукуқларни беради.

10. Давлат чет мамлакатларда кўчмас мулкни сотиб олишида ва хоказолар.

Давлат ўзининг фуқаролик-ҳукукий мажбуриятлари бўйича ўз мулки бўлган маблағлари билан жавоб беради. Фуқаролик қонун ҳужжатлари билан тартибга солинадиган муносабатларда давлат номидан юқорида айтганимиздек, давлат ҳокимияти ва бошқарув органлари ҳамда улар маҳсус вакил қилган бошқа органлар иштирок этадилар.

Мамлакат ичидаги фуқаролик ҳукукий муносабатларда, яъни унинг ички оборотида давлат номидан аксарият ҳолларда Ўзбекистон Республикасининг тегишли вазирликлари ва давлат кўмиталари катнашади. Қонунда назарда тутилган ҳолларда, Ўзбекистон Республикаси давлати номидан ҳаракат қилувчи органлар тизимида Ўзбекистон Республикаси Давлат мулкини бошқариш кўмитаси ва Молия вазирлиги, Марказий банк алоҳида мавкега эга.

Давлат идораларининг фуқаролик ҳукукий муносабатлардаги иштироки икки хил кўринишида бўлади:

1. Давлат номидан иштирок этиши.

2. Давлат органи фуқаролик муомаласида ўз номидан ҳаракат қилиш.

Давлат баъзи ҳолларда субъект сифатида ўзининг мансабдор шахслари ёки органлари томонидан етказилган мулкий зарарни тұлашда жавобгар бўлади.

Давлат органи ёки ушбу органлар мансабдор шахсларнинг гайриқонуний ҳаракатлари (харакатсизлиги), шу жумладан, давлат органи томонидан қонун хужжатларига мувофиқ бўлмаган хужжат чиқарилиши натижасида фуқарога ёки юридик шахсга етказилган зарар давлат томонидан тўланиши керак (ФКнинг 15-моддаси).

3 §. Давлат – мамлакатнинг ташқи оборотида фуқаролик-хукуқий муносабатларнинг иштирокчиси

Давлат мамлакатнинг ташқи оборотида ҳам фуқаролик-хукуқий муносабатларнинг мустақил хуқук субъекти сифатида иштирок этади.

Ўзбекистон Республикаси мустақил давлат мақомига эришгач, чет эл мамлакатлари билан фуқаролик-хукуқий муносабатларда бевосита иштирок этиши имкониятига эга бўлди.¹

Ўзбекистон Республикаси ўзига мулк хуқуқи асосида тегишли бўлган обьектлардан хорижий давлатлар, уларнинг юридик ва жисмоний шахслари, ҳалқаро ташкилотлар билан ўзаро фойдали ҳамкорлик ўрнатишида, бундай ҳамкорликни ривожлантиришда барча амалий ҳаракатларни рўёбга чиқариш учун фойдаланади.²

Ўзбекистон Республикаси Ташки иктиносидий алоқалар, инвестициялар ва савдо вазирлиги давлат органи бўлиб, республиканинг барча ташқи иктиносидий алоқаларни координация қиласи, тартибга солади, назорат қиласи ва бошқаради. Ўзбекистон Республикаси худудидан ташкари ва хорижда республика номидан барча ташқи иктиносидий масалалар бўйича унинг манфаатларини кўзлаб ҳаракат қиласи ва Ўзбекистон Республикасининг ҳалқаро шартномаларидан келиб чиқадиган мажбуриятларни ҳам ўз зиммасига олади. Вазирлик ўзининг фаолиятини бевосита Ўзбекистон Республикаси Вазирлар Махкамаси раҳбарлигига амалга оширади. Вазирлик ягона ташқи иктиносидий сиёsat юритиш ва уни режалаштириш стратегиясини шакллантириш учун умумдавлат манфаатларини ҳам ташқи бозорда таъминлаш, хорижий мамлакатлар билан бўладиган иктиносидий, илмий, техникавий, савдо, спорт, сайёхлик ва бошқа муносабатларни ривожлантириш, бу соҳада бошқарувни такомиллаштириш ва ташқи иктиносидий фаолият иштирокчиларининг самарали ишланиш учун зарур бўлган шароитларни таъминлаш мақсадида тузилган.

Қорақалпоғистон Республикаси Ташқи иктиносидий алоқалар, инвестициялар ва савдо вазирлиги ўзининг бутун фаолиятини Ўзбекистон

¹ Раҳмонқулов Х.Р. Фуқаролик хуқуқи муаммолари. Дарслик. –Т, ТДЮИ. 2010. –Б.275.

² Зокиров И.Б. Фуқаролик хуқуқи. Дарслик. ТДЮИ., 2006.-Б.141.

Республикасининг ягона иқтисодий сиёсатига мувофиқ ва Ўзбекистон Республикаси Ташки иқтисодий алоқалар, инвестициялар ва савдо вазирлиги раҳбарлигига амалга оширади. Минтақавий бошқармалар маҳаллий давлат хокимияти органлари билан ташки иқтисодий алоқалар соҳасида муштарак иш олиб борадилар.

Вазирлик ўз тармоғидаги хўжалик ҳисобида иш олиб бораётган ва бошкі ташки иқтисодий ташкилотларнинг мажбуриятлари бўйича, бу ташки иқтисодий ташкилотлар эса вазирликнинг мажбуриятлари бўйича жавобгар бўлмайдилар.

Ўзбекистон Республикаси Ташки иқтисодий алоқалар, инвестициялар ва савдо вазирлиги ўзининг иш фаолиятида Ташки Ишлар вазирлиги, Марказий банк билан узвий ҳамкорлик қиласи. Ташки Ишлар вазирлиги тизимида халқаро шартномалар бўлими бўлиб, у республика ҳукуматининг барча шартномаларини ишлаб чиқишида Ташки иқтисодий алоқалар, инвестициялар ва савдо вазирлиги билан ҳамкорлик қиласи. Шунингдек, иқтисодий алоқаларга тегишли шартномаларни амалга ошириш учун унинг нусхаларини Ўзбекистон Республикаси Ташки иқтисодий алоқалар, инвестициялар ва савдо вазирлигига юборади.

Ўзбекистон Республикаси Ташки иқтисодий алоқалар, инвестициялар ва савдо вазирлиги республика ҳукуматининг ваколатига мувофиқ, хорижий мамлакатлар билан, уларнинг юридик ва жисмоний шахслари билан тузиладиган халқаро шартномаларни имзолаши, халқаро анжуманларда унинг номидан вакил бўлиб иштирок этиши мумкин.

Ўзбекистон Республикасининг юридик шахслари ва фуқароларининг қонуний ҳуқук ҳамда манфаатларини таъминлаш, ташки иқтисодий соҳада бевосита ўзаро фойдали алоқаларни ўрнатиш мақсадида, хорижий давлатлар, халқаро ташкилотлар хузурида Ўзбекистон Республикасининг савдо ёки бошқа ваколатхоналари таъсис этилади. Бу ваколатхоналар ўз фаолиятини олиб боришида Ўзбекистон Республикаси қонунларига, ўзлари тўғрисидаги низомга, шунингдек, Ўзбекистон Республикаси ҳамда ваколатхона жойлашган давлатлар иштирокчи бўлган халқаро шартномаларга амал қиласи.

Давлат томонидан тузилган юридик шахс давлатнинг мажбуриятлари бўйича жавоб бермайди. Қонунда назарда тутилган ҳоллардан ташкари, давлат ўзи тузган юридик шахснинг мажбуриятлари бўйича жавоб бермайди (ФКнинг 80-моддаси). Ушбу модданинг қоидалари давлат тузган шартнома асосида юридик шахснинг мажбуриятлари бўйича ўз зиммасига кафиллик олган (кафолат берган) ёки мазкур юридик шахс давлатнинг мажбуриятлари бўйича ўз зиммасига кафиллик олган (кафолат берган) ҳолларга тааллукли эмас.

Ўзбекистон Республикаси ташки фуқаролик муомаласида иштирок этишидаги ўзига хос хусусиятлари шундан иборатки, ушбу муомалада

бевосита давлатнинг ўзи ёки унинг номидан ундан ваколат олган органлар иштирок этишлари мумкин.

Назорат учун саволлар

1. Давлат шахсий хукукларга эга бўладими?
2. Давлат тушунчасига таъриф беринг.
3. Фуқаролик хукуқининг субъекти сифатида давлатнинг хукуқий макоми қандай?
4. Давлат номидан фуқаролик хукуқий муносабатларда қайси органлар иштирок этади?
5. Давлат фуқаролик хукуқий муносабат субъекти сифатида қандай ўзига хос хусусиятларга эга?
6. Давлат ҳавфсизлигини таъминлаш деганда нимани тушунасиз?
7. Ўзбекистон Республикаси Ташқи иқтисодий алоқалар, инвестициялар ва савдо вазирлиги ўзининг иш фаолиятида қайси давлат органлари билан узвий ҳамкорлик қиласи?
8. Ўзбекистон Республикаси ўзига мулк хукуки асосида тегишли бўлган обьектлардан қандай асосларда фойдаланади?
9. Давлат идораларини фуқаролик хукукий муносабатлардаги иштироки неча хил кўринишда бўлади?
10. Давлатнинг мамлакат ички оборотидаги фуқаролик-хукукий муносабатларида иштироки нималарда намоён бўлади?

XI БОБ. ФУҚАРОЛИК ХУҚУҚИННИГ ОБЪЕКТЛАРИ

1 §. Фуқаролик хуқуқининг объектлари тушунчаси ва турлари

Фуқаролик хуқуқий муносабатларнинг объектларини тартибга солишга бағишиланган хуқуқий нормалар мажмуаси фуқаролик хуқуқининг асосий институтларидан хисобланади.¹

Фуқаролик хуқуқий муносабатларнинг обьекти деб хуқук субъектларининг харакатлари нимага қаратилган бўлса, хуқуқ ва мажбуриятлар нимани устида кечайётган бўлса, ўша нарсаларга айтилади. Бундай обьектларнинг турлари ҳар хил ва жуда ҳам кўп, улар кундалик ижтимоий ҳаётнинг мазмунини ташкил қиласди, хусусиятларига кўра, тегишли аҳлоқий ва хуқуқий қоидалар воситасида тартибга солинади ва ҳимоя килинади.

Фуқаролик хуқуқининг обьектларини икки турга, яъни моддий ва номоддий неъматларга бўлиш мумкин.

Профессор И.Б.Зокировнинг фикрича, жисмоний ва юридик шахслар томонидан фойдаланиши ва тасарруф этиши мумкин бўлган, эркин суратда олиш, сотиш хуқуқи ва одоб-аҳлоқ нормалари билан чекланмаган ёки таъкидланмаган ҳар қандай моддий нарсалар ва моддий қийматликлар, қадриялар бойлик ҳисобланиб, фуқаролик хуқуқининг обьекти бўла олади.²

Ўзбекистон Республикаси ФКнинг '81-моддасига мувофиқ фуқаролик хуқуқий муносабатларнинг обьектларини уларнинг хусусиятлари, белгилари ва тартибга солиш асослари, шунингдек, уларни муомилада бўлиши ёки бўлмаслиги хисобга олинган ҳолда икки хил тоифага, яъни моддий ва номоддий неъматларга ажратилади . Амалдаги ФКда улар жумласига:

- ашёлар;
- мол-мулклар;
- пуллар ва қимматли қофозлар;
- ишлар ва хизматлар;
- интеллектуал фаолият натижалари;
- шахсий номулкий хуқуқлар киради.

2 §. Ашёлар – фуқаролик хуқуқининг обьекти сифатида

Фуқаролик хуқуқий муносабатларнинг обьектлари ичida ашёлар алоҳида ўрин эгаллайди. Биринчидан, ашёлар энг кўп таркалган,

¹ Раҳмонқулов Х.Р. Фуқаролик хуқуқи муаммолари. Дарслик. -Т, ТДЮИ. 2010. -Б.291.

² Зокиров И.Б. Фуқаролик хуқуқи. Дарслик. -Т, ТДЮИ. 2006. -Б.144.

иккинчидан, мулкий-хукукий муносабатларнинг вужудга келишида асосий ўринни эгаллаган объектлардан иборат.¹

Ашёлар муайян моддий қимматга эга бўлган ҳамда иқтисодий муносабатнинг предмети бўла оладиган нарсаларгина бўлиши мумкин.

Ашёлар халқ фаровонлиги учун, республика фукароларининг моддий ва маданий эҳтиёжларини кондириш учун хизмат қилади. Фукаролик хукукida ашёлар жонли ашёлар, масалан, уй ҳайвонлари, жонсиз ашёлар, масалан, уй-жойлар, ишлаб чиқариш куроллари, асбоб-ускуналар, кийим-кечаклар ва бошқа нарсалар инсонларнинг яшаши учун муҳим аҳамиятга эгадир.²

Хукуқ субъектларининг муайян ашё тўғрисидаги, жумладан, ашёдан фойдаланиш тартиби ва уни тасарруф этиш усуслари тўғрисидаги хатти-харакатларини белгилайдиган хукуқ нормаларининг йифиндисига ашё ҳақидаги қоида деб айтилади. Ашёларнинг жамиятдаги тайинланишларига караб, уларнинг ҳар қайсиси учун турлича хукукий қоида, масалан, ердан фойдаланиш қоидаси, корхоналардан фойдаланиш, уларни тасарруф этиш каби қоидалар белгиланади.

Фукаролик хукуқи нуктаи назаридан ашё деганда инсоннинг муайян эҳтиёжларини таъминлайдиган ва унинг эгалигида бўлиши мумкин бўлган барча моддий неъматлар тушинилади.

Ашёлар борликнинг моддий неъматларидан иборат. Улар ўзларига хос табиий хусусиятлари, аломатлари билан фукаролар, ташкилотлар ўртасидаги мулкий муносабатларга нисбатан турли қоидаларнинг кўлланишига сабаб бўлади. Шунинг учун ҳам ашёларни юридик жиҳатдан таснифлашда кўпроқ уларнинг табиий хусусиятларига эътибор қаратилиади.

Фукаролик хукуқида ашёлар ўзларининг иқтисодий тайинланишларига, шунингдек, хукуқ нормаларда акс эттирилган жисмоний ва бошқа хусусиятларга караб бир неча турга бўлинади.

Ашёларнинг муайян хусусиятлари юзасидан ҳам маҳсус қоидалар белгиланиши мумкин. Масалан, ўзининг хусусиятлари бўйича теварак-атрофдагилар учун хавф түғдирадиган ашёлар, яъни хавфли хоссаларга эга ашёлар (портловчи моддалар, қаттиқ таъсир қилувчи заҳар кабилар) тўғрисида алоҳида қоидалар белгиланган (ФКнинг 883-моддаси).

Бундай ашёларни эркин олиш-сотишга йўл қўйилмайди. Муомалада бўлишига йўл қўйилмайдиган фукаролик хукуклари объектларининг турлари (муомаладан чиқарилган объектлар) конунда тўғридан-тўғри кўрсатилган бўлиши керак (масалан, Ўзбекистон Республикасининг «Мулкчилик тўғрисида»ги Конунининг 19-моддаси, 1-бандида кўрсатилган).

¹ Раҳмонкулов Х.Р. Фукаролик хукуқи муаммолари. Дарслик. -Т, ТДЮИ. 2010. -Б.296.

² Зокиров И.Б. Фукаролик хукуки. Дарслик. -Т, ТДЮИ. 2006. -Б.144.

Муайян муомала иштирокчилари гагина қарашли бўла оладиган ёки муомалада бўлишга маҳсус рухсатнома билан йўл қўйиладиган (муомалада ҳаракатланиши чекланган обьектлар) фуқаролик хукуклари обьектлари турли қонунларда кўрсатилган тартибда белгиланади. Бинобарин, қонун биринчи навбатда ашёларни муомалада бўлиш хусусиятига қараб фарқлайди. Фуқаролик муомаласидан чиқарилган ашёлар фуқаролар ва ташкилотлар эгалигida бўлиши мумкин эмас.

Юкорида кўрсатилганидек ер, ер ости бойликлари, сув ва ўрмонлар давлатга хос мулк бўлганинигидан улар факат фойдаланишгагина берилиши мумкин. Фуқаролик муомаласидан чиқарилган ашёлар фуқаролар ва бошқа ташкилотларга сотилиши мумкин эмас. Бу ашёлар гаровга қўйилмайди ва кредиторларнинг талабларини кондириш учун улар ҳисобидан ҳақ ундирилмайди.

Агар фуқаролик муомаласидан чиқарилган ашё қонуний асосларга кўра фуқароларнинг мулки бўлиб қолса, яъни фуқароларнинг тасарруфига ўтса, у ҳолда фуқаро ушбу фуқаролик муомаласидан чиқарилган ашёни ўзидан бегоналаштириш чораларини кўриши лозим. Масалан, генерал вафотидан сўнг унинг ўғлига, генералга совға килинган тўппонча мерос бўлиб ўтади. Бунда ўғли фуқаролик муомаласидан чиқарилган ашёни қонуний асосларга кўлга киритди. Шундан сўнг, у бу ашё ҳақда тегишли ҳарбий бўлимгага хабар беради ва ваколатли давлат органи тўппончанинг баҳосини тўлаб, уни меросхўрдан сотиб олади.¹

Фуқаролик муомаласидан чиқарилган ашёларга нисбатан мулк хукуки ҳар доим давлатга тегишли бўлади.

Баъзи ашёлар халқ хўжалиги учун бўлган аҳамияти, давлат хавфзислиги нуқтаи назаридан ёхуд бошқа асослар бўйича факат алоҳида рухсат бўйича олиниши, сотилиши мумкин. Бундай нарса (ашё)ларнинг рўйхати, шунингдек, уларга рухсат бериш тартиби маҳсус қонунлар билан белгиланади. Маҳсус рухсатлар бўйича олиниши мумкин бўлган нарсалар жумласига: куроллар ва ўқ-дорилар, портловчи ва радиоактив моддалар, қаттиқ таъсир қиласидан заҳарлар, муҳр ва штамплар киради.

Валюта қимматликлари: чет эл валютаси (банкнотлар, қофоз пуллар, танга-чакалар); чет эл валютаси ҳисобида ёзилган тўлов ҳужжатлари (чеклар, векселлар, аккредитив ва бошқалар); банкнинг чет эл валютасига сотиб олинадиган ва шундай валютага алмаштириш хукуқига эга бўлган сўм ҳисобидаги тўлов ҳужжатлари (чеклар ва бошқалар); ҳар қандай шакл ва ҳолатдаги қимматбаҳо металлар: олтин, кумуш, платина гурӯҳига киравчи металлар (палладий, иридий, радий, рутений ва осмий); ҳом ва ишланган шаклдаги қимматбаҳо табиий тошлар (олмос, гавҳар, лаъл, зумрад, саприф, марварид ва бошқалар). Ўзбекистон Республикаси қонунларида белгиланган тартибда ва доиралардагина олди-сотди буюми

¹ Зокиров И.Б. Фуқаролик хукуки. Дарслик. -Т, ТДЮИ. 2006. -Б.146.

Булиши мумкин. Мазкур кимматбаҳо метал ва тошлардан ясалган заргарлик ва бошқа майший буюмлар ҳам шундай буюмларнинг синик парчалари бундан мустаснодир.

Фуқаролик муомаласидан чиқарилмаган ашёлар доираси нихоятда кенг бўлиб, улар жумласига кўйидагилар киради:

Истеъмол қилинадиган ва истеъмол қилинмайдиган ашёлар. Истеъмол қилинадиган ашёлар бир карра фойдаланиш натижасида бутунлай ўйқа чиқадиган ёки жиддий равища ўзгарадиган нарсалар (масалан, озиқ-овқат, хом-ашё кабилар)дир. Истеъмол қилинмайдиган ашёлар бирмунча узок вақт давомида ўзининг сифатини сақлайдиган нарсалар (масалан, бинолар, ускуналар, транспорт воситалари кабилар) дир.

Бундай ашёлар одатда қайта-қайта фойдаланишга мўлжалланган бўлади. Қайта-қайта фойдаланиш давомида истеъмол қилинмайдиган ашёларнинг емирилиши ҳам аста-секин кечади.

Хусусий ва турга хос аломатлар билан белгиланадиган ашёлар. Хусусий аломатлари билан белгиланадиган ашёлар алоҳида фақат ўзларигагина хос белгилари, ноёб, яъни, ўзига хос, ёлғиз сифатлари бўлган ашёлар ҳисобланади. Ўзининг белгилари билан бошқа ўхшаши ашёларда ажралиб турадиган нарсалар, масалан, маълум кўчадаги, маълум сонли уйжой хусусий аломатлари билан белгиланадиган ашё бўла олади.

Хусусий аломатлари билан белгиланадиган ашёлар жумласига ноёб, яъни ўзи бир дона бўлган ашёлар ҳам киради. Хусусий аломатлари билан белгиланадиган ашёлар бошқа ашёлардан муайян усулда белги қўйиш ёки муҳр босиши, ракам қўйиш билан фарқланади.

Турга хос аломатлари билан белгиланадиган ашёлар, сон, ўлчов ва оғирлик билан кўрсатиладиган нарсалар ҳисобланади. Турга хос аломатлари билан белгиланадиган ашёлар бошқаси билан алмаштиrsa бўладиган ашёлардир. Фуқаролик хукуқида ашёларнинг хусусий ва турга хос аломатлари билан белгиланадиган ашёларга бўлиниши катта аҳамиятга эга. Айниқса мажбуриятларни ижро этишида, бурчни натура холида бажарилишида бундай бўлинишнинг ўрни бекиёс.

Бўлинадиган ва бўлинмайдиган ашёлар. Булиш натижасида ҳар қайси кисми бутуннинг хоссаларини ўзида сақлаб қоладиган ва шу билан бирга ўзининг хўжалик аҳамиятини йўқотмайдиган ашё бўлинадиган ашё ҳисобланади. Масалан, бир қоп гуруч, бир қоп картошка, бир бидон пахта ёғи каби.

Бўлинмайдиган ашёлар бўлиш натижасида қисмлари дастлабки ашёнинг хоссаларини йўқотадиган, унинг хўжалик аҳамиятини ўзgartирадиган ашё бўлинмайдиган ашё ҳисобланади (ФКнинг 88-моддаси). Бўлинмайдиган ашёларга шкаф, стол, телевизор кабилар киради.

Асосий ва мансуб ашёлар. Фуқаролик хукуқида ашёларнинг асосий ва мансуб ашёларга бўлиниши ҳам (ФКнинг 90-моддаси) хукукий

аҳамиятга эгадир. Мансуб ашё, деб асосий ашёга хизмат килишга тайинланган ва умумий ҳўжалик мақсади жиҳатидан у билан боғлиқ бўлган нарсаларга айтилади. Масалан, асосий ашё кулф бўлса, унга мансуб ашё калитдир.

Мансуб ашё, агар қонунда ёки шартномада бошқача тартиб белгилаб кўйилмаган бўлса, асосий ашёнинг тақдирига боғлиқ бўлади. Бинобарин, асосий ашё тўғрисидаги шартлар мансуб ашёга ҳам доирдир. Масалан, бирорнинг эгалигига ёки вақгинча фойдаланишига асосий ашё ўтса, мансуб ашё ҳам у билан бирга ўтади. Аммо қонун ёки шартномада бошқача ҳоллар ҳам белгиланиши мумкин, яъни асосий ашё бирорвга ўтказилганда мансуб ашёнинг қолдирилиши тўғрисида алоҳида келишув ҳам бўлиши мумкин.

Мансуб ашёдан унинг таркибий қисмини ажратиш керак. Ашёдан уни зарарлантирамай ва кийматини жиддий равища туширмай ажратилиши мумкин бўлмаган ҳар нарса ашёнинг таркибий қисми ҳисобланади. Агар, масалан, велосипеднинг нассси мансуб ашё бўлса, автомашинанинг радиатори ашёнинг таркибий қисми ҳисобланади.

Мураккаб ашёлар. Агар турли хил ашёлар бириманинг моҳияти билан белгиланадиган вазифаси бўйича фойдаланиш имконини берадиган яхлит бир бутунни ташкил этса, улар битта ашё (мураккаб ашё) ҳисобланади. Мураккаб ашё ҳусусида тузилган битим, агар шартномада бошқача тартиб белгилаб кўйилган бўлмаса, унинг таркибий қисмларига тааллуқли бўлади (ФКнинг 91-моддаси).

Фуқаролик ҳуқуқи нуқтаи назаридан ашё деганда инсоннинг муайян ёхтиёжларини таъминлашга қаратилган, фуқаролик-ҳуқуқий муносабатларнинг обьекти сифатида муомалада қатнашувчи табиии ҳусусиятларга эга бўлган ва инсон томонидан яратилган моддий неъматларни тушунамиз.¹

3 §. Мол-мулклар – фуқаролик ҳуқуқининг обьекти сифатида

Фуқаролик ҳуқуқининг обьекти сифатида мол-мулк деганда, маълум шахсга (фуқаро ёки ташкилотга) эгалик ҳуқуқи билан тегишли айрим ашёлар ёки ашёларнинг йигинидиси назарда тутилади.

Мол-мулк таркибига мажбурият ҳуқуқи, муаллифлик ва ихтирочиликка оид мулкий ҳуқуқлар, оила ҳуқуқи билан боғлиқ бўлган мажбуриятлардан келиб чиқадиган мулкий талаблар, масалалар, қарз берилишида олинган тилҳатлар ҳам киради.

“Мол-мулк” атамаси чекланган ҳолда, тор маънода шарҳ қилинган тақдирда, фақат маълум шахсга тегишли мулкий ҳуқуқларларнинг активинигина (мулкни талаб қилиш ҳуқуқларинигина) ўз ичига олади.

¹ Раҳмонкулов Х.Р. Фуқаролик ҳуқуқи муаммолари. Дарслик. -Т, ТДЮИ. 2010. -Б.298.

Агар “мол-мулк” атамаси кенг маънода изоҳланса, шахснинг фақат хукуқларигина, яъни активигина назарда тутилмай, балки унинг учинчи шахс олдида бўлган мажбуриятлари, яъни пассиви ҳам назарда тутилади.

Ўзбекистон Республикаси ФКнинг 83-моддасига мувофиқ мол-мулк кўчмас ва кўчар мулкка бўлинади.

Кўчмас мулк ер участкалари ва ер ости бойликлари, кўп йиллик дов-дарахтлардан иборат. Кўчмас мол-мулк билан боғлик хукуқларни олиш ёки бегоналаштириш ФКнинг 84-моддасида белгиланган давлат рўйхатидан ўтказиш орқали амалга оширилади. ФКнинг 83-моддаси, З-бандида қонунда бошқа мол-мулк ҳам кўчмас мол-мулк қаторига киритилиши мумкин, деб айтилган. Кўчмас мулк билан боғлик асосий хусусият шундаки, у ер билан боғликдир. Булар қаторига давлат рўйхатидан ўтказиладиган юк ташувчи ва енгил автомобиль транспортлари, ҳаво ва дентиз кемалари, шунингдек, ички сув кемалари ва бошқалар киради.

Бир жойдан иккинчи жойга кўчирилиши натижасида ўзини олдинги холатини саклаб қоладиган мол-мулклар кўчар мулклар жумласига киради. Конунда назарда тутилган ҳоллардан ташкири кўчар мулкка бўлган хукуқларни давлат рўйхатидан ўтказиш талаб этилмайди.

4 §. Пул ва қимматли қоғозлар – фуқаролик хукуқининг обьекти сифатида

Ўзбекистон Республикаси Президентининг 1994-йил 16-июндаги “Ўзбекистон Республикасининг миллий валютасини муомалага киритиш тўғрисида”ги Фармони билан Ўзбекистон Республикаси Конституциясининг 122-моддасига, “Ўзбекистон Республикаси Давлат Мустакиллигининг Асослари тўғрисида”ги Қонуннинг 11-моддасига ва Ўзбекистон Республикаси Олий Кенгашининг 1993-йил 3-сентябрдаги 952-XII-сонли карорига мувофиқ, 1994-йилнинг 1-июлидан бошлаб Ўзбекистон Республикасининг худудида 1000 сўм пул купонга бир “Сўм” нисбати билан Ўзбекистон Республикасининг миллий валютаси – “Сўм” муомалага киритилди.

Фуқаролик хукуқининг обьекти сифатида пул асосан икки шаклда, яъни нақд пул билан ва нақд пулсиз ҳисоб-китоб қилиш шаклларида товарларнинг муомалада бўлишида, шунингдек, бевосита товар билан боғлик бўлмаган харажатларни амалга оширишда хизмат қиласи.

Академик Ҳ.Р.Рахмонкуловнинг фикрича, фуқаролик хукуки нуктаи назаридан пулнинг хусусиятлари ва вазифаси қўйидагича ифодаланилиши мумкин:¹

¹ Рахмонкулов Ҳ.Р. Фуқаролик хукуки муаммолари. Дарсл. –Т, ТДЮИ. 2010. -Б.320.

- пул қонун хужжатларига мувофиқ истеъмол қилинадиган, турига хос алломатлари билан белгиланадиган ашёларнинг ўзига хос хусусиятларига эга бўлган турларидан бири ҳисобланади;
- пул кўпчилик фуқаролик-хукуқий муносабатларда (масалан: қарз, кредит, хадя ва бошқа шартномалар бўйича) мустақил обьект сифатида иштирок этади;
- пул фуқаролик-хукуқий муносабатларда (масалан, олди-сотди, маҳсулот етказиб бериш, контрактация ва бошқа шартномалар бўйича) тенг қийматга эга бўлган обьект ҳисобланади;
- умумий эквивалент, яъни тенг қийматга эга бўлган обьект сифатида ҳар қандай ашё билайн алмаштириш, етказилган моддий ва маънавий зарарни қоплаш учун ҳам қўлланилади;
- пул ҳар қандай қонуний қарзнинг қандай ҳолатлар, асосларда (масалан, муайян мажбуриятлар бажарилмаганилиги ёки лозим даражада бажарилмаганилиги туфайли) вужудга келишидан қаъий назар, уни тузиш, тўлаш, қоплаш воситаси сифатида муҳим роль ўйнайди.

Пул (валюта), валюта қимматликлари тўғрисидаги қоида ФКнинг 94-95-моддаларида берилган.

Қимматли қоғозлар, Фуқаролик кодексининг 96-моддасида кўрсатилганидек, мулкӣ хукукларни, белгиланган шаклга ва мажбурий реквизитларга амал қилган холда, тасдиқловчи хужжатлардир. Қимматли қоғозлар бошқа шахсга берилиши билан улар томонидан тасдиқланадиган ҳамма хукуклар ҳам ўша шахсга ўтади. Қимматли қоғозлар – хужжатлар бўлиб, улар бу хужжатларни чиқарган юридик шахс билан уларнинг эгаси ўртасидаги мулкӣ хукукларни ёки қарз муносабатларини тасдиқлади, дивиденdlар ёки фоизлар тарзида даромад тўлашни ҳамда ушбу хужжатлардан келиб чиқадиган хукукларни бошқа шахсларга ўtkазиш имкониятини назарда тутади. Қимматли қоғозларнинг киймати Ўзбекистон Республикаси милий валютасида ифодаланади.

Қимматли қоғозлар жумласига ФКнинг 96-моддаси, 2-бандида кўрсатилганидек:

- Облигация;
- Вексель;
- Чек;
- Депозит ва жамгарма сертификатлари;
- Банкнинг тақдим қилувчига пул бериладиган жамгарма дафтарчаси;
- Коносамент;
- Акция;
- Қонун хужжатлари билан қимматли қоғозлар жумласига киритилган бошқа хужжатлар киради.

Акциялар, облигациялар ва хазина мажбуриятларида акс эттириладиган реквизитларни Ўзбекистон Республикаси Молия вазирлиги,

депозит сертификатлари ва векселларда акс эттириладиган реквизитларни эса Ўзбекистон Республикаси Марказий банки белгилайди. Кимматли қоғозлар эгаси номи ёзилган ва тақдим этувчига тегишли деб кўрсатилиши мумкин.

Кимматли қоғозлар муомаласи деганда, Ўзбекистон Республикасида уларни сотиб олиш ва сотиш, шунйингдек, республика қонунларида назарда тутилган, қимматли қоғозлар эгаси алмашинувига олиб келадиган бошқа харакатлар тушунилади.

Ўзбекистон Республикаси худудида (депозит сертификатлари ва векселлардан ташкари) муомалага чиқариш ва уларни рўйхатдан ўтказиш қоидаларини Ўзбекистон Республикаси Молия вазирлиги тасдиклайди. Давлат рўйхатидан ўтказилган ҳамда белгилангандан тартибда рўйхат рақамини олган қимматли қоғозларнигина Ўзбекистон Республикаси худудида чиқарилиши ва муомалада бўлишига йўл қўйилади. Давлат рўйхатидан ўтказилмаган қимматли қоғозларни чиқариши гайриқонуний ҳисобланади. Бу уларни ҳамда мазкур қимматли қоғозларни сотицидан тушган пулнинг олиб қўйилиши ва бой берилган фойда қопланишини ҳисобга олган ҳолда, инвесторларга кайтариб берилишига сабаб бўлади.

5 §. Номоддий неъматлар тушунчаси ва таркиби

Ўзбекистон Республикаси Фуқаролик кодексида биринчи марта фуқаролик ҳукукининг обьекти сифатида номоддий неъматларга бағищланган алоҳида боб ўз аксини топди. Амалдаги қонунчиликка бу бобнинг киритилиши зарурати фуқаролик ҳукукининг тартибга солиши доираси кенгайганилиги билан боғлиқлар. Моддий кўринишдаги неъматлар (ашёлар) билан бир қаторда номоддий чеъматлар ҳам фуқаролик ҳукукининг обьекти ҳисобланади. Ўзбекистон Республикаси Фуқаролик кодексида номоддий неъматлар тушунчаси берилган бўлиб, унга асосан фуқарога туғилишидан ёки қонун бўйича тегишли бўлган шахснинг ҳаётни, соглиги, шаъни, шахсий дахлсизлиги, қадр-қиммати ва пок номи, қасб-кор нуфузи, хусусий ҳаёт дахлсизлиги, шахсий ва оммавий сирлари, эркин кўчуб юриш, туриш ва яшаш жойини таъланаш, муаллифлик ва бошқа шахсий мулкий ҳукуқлари номоддий неъматлар ҳисобланади. Улар шахсдан бегоналаштирилмайди ёки бошқача тарзда бошқа бирорга ўтказилиши мумкин эмас. Айни вактда, қонунларда назарда тутилган ҳолларда ва тартибда мархумга тегишли бўлган шахсий номулкий ҳукуқлар ва бошқа номоддий неъматлар бошқа шахслар, шу жумладан ҳукуқ эгасининг меросхўрлари томонидан амалга оширилиши ва ҳимоя қилиниши мумкинлигини ҳам қонун назарда тутади.¹

¹ Зокиров И.Б. Фуқаролик ҳукуки. Дарслик. –Т, ТДОИ. 2006. –Б.154.

ФКнинг 8-боби номоддий неъматларга багишланган. Номоддий неъмат фуқаролик хукуки обьектларининг алоҳида гурухини ташкил этади.

Номоддий неъматлар деганда қонун томонидан тан олинадиган, муҳофаза килинадиган, моддий кўринишига эга бўлмаган ҳамда эгасини шахсидан ажратиш мумкин бўлмаган неъматлар ва эркинликлар тушунилади.

ФКда номоддий неъматларнинг қуйидаги турлари белгилаб кўйилган:

- 1) интеллектуал фаолият натижалари (ФКнинг 97-моддаси);
- 2) хизмат ва тижорат сири (ФКнинг 98-моддаси);
- 3) шахсий номулкий хукуклар (ФКнинг 99-моддаси);

Номоддий неъматларнинг бир кисми, яъни, интеллектуал фаолият натижалари, хизмат, тижорат сирлари иқтисодий мазмунга эга бўлиб, товар шаклига киради ва мулкий муомалада мутлақ хукуклар обьектлари сифатида намоён бўлади.

Шахсий номулкий хукуклар эса фуқаролик муомаласида ўзига хос тарзда, товар шаклига кирмаган ва иқтисодий мазмунга эга бўлмаган ҳолда намоён бўлади.

Баъзи адабиётларда ишлар ва хизматларни ҳам, моддий кўринишида бўлмагани сабабли, номоддий неъматлар гурухига киритадилар. Номоддий неъматларнинг фуқаролик хукуки обьекти сифатидаги хусусияти шундан иборатки, бунда, биринчидан, бузилган номоддий хукуқ мазмунидан, иккинчидан, бундай бузилиш оқибатлари хусусиятидан келиб чиқкан ҳолда фуқаролик хукукларининг ҳимоя қилиш усуllibаридан фойдаланади.

Номоддий неъматларга нисбатан хукуклар бузилган тақдирда кўп ҳолларда хукуқ соҳибиға моддий эмас, балки маънавий зарар етказиди. Маънавий зарар хукуки бузилганлиги шахснинг жисмоний ёки руҳий изтироблар, қайгу алам, ғам-ташвиш сингари кўринишларда намоён бўлади. Қонунга асосан, агар фуқарога тегишли бошқа номоддий неъматларга тажовуз қилувчи ҳаракатлар орқали маънавий зарар етказилса, шунингдек, қонунда назарда тутилган бошқа ҳолларда, суд хукукбузар зиммасига кўрсатилган зарарни пул орқали (моддий кўринишида) товоң тўлаш билан қоплашни юклаши мумкин.

Маънавий зарарни қоплаш ҳаражатларини белгилашда суд хукукбузарнинг айби даражасини ва бошқа эътиборга молик ҳолатини ҳисобга олади. Суд, шунингдек, зарар етказилган шахсни индивидуал хусусиятлари билан боғлиқ жисмоний ва ахлоқий қийноклари (изтироблари, руҳий азблари) даражасини ҳам ҳисобга олмоғи шарт.

Номоддий неъматга нисбатан хукукларни ҳимоя қилишда кўп ҳолларда суд хукукни қайта тикилаш ёки хукукбузарликларни тўхтатишни таъминловчи чоралар кўради. Номоддий неъматлар ичida шахснинг (юридик шахснинг ҳам) шаъни, қадр-қиммати ва касб-кори нуфузи

алохіда ўринни әгаллайди. Айни вактда, номоддий неъматлар шахсий хукуқлар номи билан юритилувчи ўзига хос хукуқлар мажмунини ҳам ўз ичига олади (масалан, номга, яшаш жойини танлашга, ёзишмалар дахлсизлиги, яъни, сир сакланишига бўлган хукуқлар ва бошқалар).

ФКнинг 99-моддасида номоддий неъматлар хукуқ соҳибига ё түфілгандан бошлаб тегишли бўлади (яшаш хукуқи, соғ-саломат бўлишига бўлган хукуқ, шахс шаъни, шахсий дахлсизлиги, шахсий ҳаёт дахлсизлиги, хусусий ва оиласвий сирларга бўлган хукуқ ва х.к.) ёхуд қонунга мувофиқ, хукуқ субъектига тегишли бўлади (масалан, номга бўлган хукуқ, эркин кўчиди юриш хукуқи, яшаш жойини танлаш хукуқи ва х.к.) деб кўрсатилган.

Цивилист олим Т.Фадеева ФКда назарда тутилган «номоддий неъмат» тушунчасини йиғма маънода қўлланилган ва неъматнинг ўзига ҳам, шахсий хукуқка ҳам тааллукли, деб ҳисоблайди. Айни вактда, у номоддий неъматларни икки гурухга бўлади. Биринчи гурух неъматлар шахснинг мавжуд бўлиши билан боғлик. Шахснинг ҳаёти ва соғлиғи ушбу катламга мансуб. Ушбу неъматлар объектив равишда мавжуд ва бу неъматларга тажовуз қилингандагина улар хукуқий ҳимояга муҳтоҷ бўлади.

Иккинчи гурух неъматлар: номга бўлган хукуқ, муаллифлик хукуқи ва бошқа шахсий номулкий хукуқлар муайян хукуқий муносабатнинг мазмунини ташкил этувчи субъектив хукуқлар бўлиб, шу сабабли ҳам хукуқ нормаси томонидан тартибга солинган.

Номоддий неъмат билан боғлик субъектив хукуқ бўйича хукуқий муносабатлар мутглақ ҳисобланади, яъни барча субъектлар унга риоя қилишлари, бузмасликлари лозим.

Номоддий неъматлар шахсни ўзидан бегоналаштирилмайди, бирок уларни амалга ошириш ва ҳимоя қилиш учинчи шахсларга топширилиши мумкин (масалан, янги түфілган чақалоққа исм кўйиш ота-онаси томонидан амалга оширилади).

Номоддий неъматнинг ноашёвий эканлиги, унинг соҳиби бўлган субъект шахси билан узвий боғлик эканлиги зарурий элементлар ҳисобланади, бирок, баъзан уларнинг бироргаси бўлмаслиги ҳам мумкин. Ушбу номоддий неъмат соҳиби шахсидан ажратиб бўлмаслиги сабабли, мазкур неъматнинг мавжудлиги, унинг соҳиби шахсини такрорланмас килади, индивидуаллаштиради. Номоддий неъмат унинг соҳиблари ижтимоий мавқини тавсифлайди, бу мавқенинг ажралмас белгиси ҳисобланади, айни вактда ўзининг бутун мавжудлиги давомида ўзгаришларга дучор бўлиши ҳам мумкин. Номоддий неъматларнинг амал қилиш муддати чекланмаган.

Айни вактда, бу белгилар шартли хусусиятга эга (масалан, интеллектуал мулк номоддий неъмат сифатида қаралса ҳам, фуқаролик муомаласида ўзига хос товар сифатида ҳаракатда бўлиши мумкин).

Юкорида кўрсатилганидек, номоддий неъматларга нисбатан шахсий хукукларнинг вужудга келиши ўзига хос, улар юридик факт асосида эмас, балки конунда бевосита назарда тутилган ҳоллардагина вужудга келади деб ёзади Т.Фадеева¹. Унинг фикрича, ҳакиқатан ҳам ФКлиинг 99-моддасига биноан шахсий номулкий хукуклар хукуқ соҳибига ё туғилгандан бошлаб, ёки конунга мувофиқ тегишли бўлади. Бироқ, туғилишининг ўзи юридик факт. Бундан ташкари ҳар қандай шахсий хукукни вужудга келиши муайян юридик фактсиз мумкин эмас, фақат бундай юридик фактлар билан шахсий хукуклар ўртасидаги бояловчи вазифасини қонун бажаради.

Номоддий неъматлар – фуқаро туғилганидан бошлаб ёки қонунга мувофиқ тегишли бўлган, ундан бегоналаштириб бўлмайдиган ўзига хос ҳислатлари (ҳаёти ва соглиги, шаъни ва қадр-киммати, номи, дахлислиги ва ҳоказо) га бўлган шахсий номулкий ҳамда фуқарога ва юридик шахсга тегишли бўлган ва уларнинг розилигисиз учинчи шахсга ўтказишга йўл қўйилмайдиган шахсий номулкий неъматлардир(муаллифлик хукуки, фирма номи, ишчанлик обрўси, товар ва хизматлар белгилари ва ҳоказолар).²

6 §. Интеллектуал фаолият натижалари, хизмат ва тижорат сири – фуқаролик хукуқининг объекти сифатида

Ақл-идрок ва заковат кишилик жамиятининг бойлиги ва унинг камол топипи учун зарур бўлган номоддий неъматлар, яъни маънавий манбалардан иборат.

Фуқаролик хукуқининг объекти сифатида интеллектуал фаолият натижалари, хизмат ва тижорат сири номоддий неъматларнинг таркибий кисми ҳисобланади. Маълумки, инсонни интеллектуал фаолияти маҳсуллари, уларни яратиши жараёни ва ўз хусусиятлари бўйича одатдаги ашёлардан фарқ қиласиди. Шунинг учун улар интеллектуал мулк объектлари жумласига киради ва фуқаролик-хукукий муносабатларида ўзига хос объекти сифатида каралади.

И.Б. Зокировнинг таъбири билан айтганда, интеллектуал фаолият ижодий фаолият ҳисобланади. Бу кўп ҳолларда ақлий меҳнат кишилари – ёзувчилар, шоиrlар, рассомлар, олимлар, инженер-техник ходим ва бошқалар фаолиятининг маҳсуллариидир. Бу маҳсулотлар фуқаролик конунлари билан кўриқланиши учун қўйидаги шартларга жавоб бериши керак:

- ҳакиқатда ижод маҳсули, яъни оригинал бўлиши;
- бетакрор бўлиши;

¹ Гражданское право. Ч.1. –М.: Прогресс. 1996. -301 с.

² Рахмонкулов Х.Р. Фуқаролик хукуки муаммолари. Дарслик. --Т, ТДОИ. 2010. --Б.376.

-бирон бир объектив шаклда ифода этилиши.¹

Хуқуқ фанида бу маҳсулотларнинг кўпчилиги гоявий-номоддий кўринишида бўлиши қайд этилади. Шу сабабли ҳам, уларга нисбатан одатдаги ашёларга, моддий объектга нисбатан кўлланиладиган хуқуқ мъёэрларини кўллаб бўлмайди.

Ўзбекистон Республикасининг амалдаги конунлари интеллектуал фаолиятнинг кўйидаги натижаларини фарқлайди:

- ихтиро, фойдали модел, саноат намуналари;
- селекция ютуклари;

-муаллифлик ва турдош хукуқлар объектлари: фан, адабиёт, санъат асарлари, аудивизуал асарлар, радио эшииттиришлар ва телевизион кўрсатувлари, асарлар ижролари, ЭҲМ учун яратилган дастурлар ва маълумот базалари;

- интеграл микросхемалар топологиялари.

Инсоннинг ижодий тафаккури бу объектлар доирасини тинмай кенгайтириб бормоқда.

Умумий қоида бўйича, юридик шахснинг индивидуаллаштириш воситалари, жисмоний ва юридик шахсларнинг маҳсулот ва хизматлари ҳам интеллектуал фаолият натижаларига тенгглаштирилади (ФКнинг 97-моддаси, I-қисми).

Индивидуаллаштириш воситалари (фирма номи, товар ва хизмат белгилари, товар келиб чиқсан жой номи) турдош маҳсулот ва хизматларни бошқаларидан фарқлаш, уларни бир-бирлари билан чалкаштириб юбормасликка хизмат қиласди.

ФКнинг 97-моддасига асосан интеллектуал фаолият натижалари ва уларга тенглаштирилган индивидуаллаштириш воситаларига нисбатан фуқаронинг ёки юридик шахснинг мутлак хукуқи эътироф этилади, тан олинади. Бунинг маъноси шундаки, мутлак хукуқ эгаси интеллектуал фаолият натижалари ва индивидуаллаштириш воситаларидан фойдаланиш ва тасарруф этишда факат ўзигагина тегишли бўлган хукуқ эгасидир. У учинчи шахсларга бу объектлардан фойдаланишга рухсат берини ва таъқиқлаб кўйишга ўзигина ҳакли (юридик шахснинг фирма номи бундан мустасно бўлиб, учинчи шахсларга фойдаланиш учун берилиши мумкин эмас).

Интеллектуал фаолият натижаларини яратиш, улардан фойдаланиш, уларни тасарруф этиш ва хукукий муҳофаза қилишда вужудга келадиган муносабатлар ФКнинг тегишли нормалари, шунингдек, Ўзбекистон Республикасининг 1994-йил 6-майда қабул килинган «Ихтиrolар, фойдали моделлар ва саноат намуналари тўғрисида»ги, «Электрон ҳисоблаш машиналари учун яратилган дастурлар ва маълумотлар базаларининг хукукий химояси тўғрисида»ги, 1996-йил 30-августда қабул килинган

¹ Зокиров И.Б. Фуқаролик хукуқи. Дарслик. –Т, ТДЮИ. 2006. –Б.156.

"Муаллифлик ва турдош ҳукуклари тўғрисида"ги қонунлар билан тартибга солинади. Субъектларни индивидуаллаштириш воситаларидан фойдаланиш масалалари Ўзбекистон Республикасининг "Товар белгилари, хизмат кўрсатиш белгилари ва товар келиб чиккан жой номлари тўғрисида"ги 2001-йил 30-августда қабул қилинган Қонунида белгилаб кўйилган.

Ўзбекистон Республикаси ФКнинг 98-моддасига асосан, хизмат ва тижорат сирлари ҳам номоддий неъматлар таркибиغا киради. Ошкор этилиши Ўзбекистон Республикаси манфаатларига зарар етказилиши мумкин бўлган фан, техника, ишлаб чиқариш ва бошқарув соҳасига доир маълумотлар хизмат сирини ташкил этади. Корхонанинг тижорат сири деганда, корхонанинг ишлаб чиқариш, технология ахбороти, бошқаруви, режалаштирилиши, молиялаштирилиши, молияси ва бошқа фаолияти билан боғлиқ бўлган ҳамда эълон килиш (ошкор бўлиб қолиши) унинг манфаатларига зарар етказилиши мумкин бўлган, давлат сири бўлмаган маълумотлар тушунилади.

Хизмат ва тижорат сирлари фуқаролик ҳукуки обьекти сифатида ҳимоя қилиниши учун қуидаги шартлар мавжуд бўлиши лозим:

-биринчидан, хизмат ёки тижорат сири бўлган маълумотлар учинчи шахсларга номаълумлиги сабабли, хақиқий ёки нисбий тижорат қўматига эга бўлиши керак;

-иккинчидан, бу маълумотлардан учинчи шахсларнинг хабардор бўлишга, баҳраманд бўлишга қонуний асослари бўлмаслиги талаб қилинади;

-учинчидан, сир ҳисобланган ахборот (маълумот) эгаси унинг маҳфилигини саклашга доир чораларни кўрган бўлиши зарур.

Ушбу шартлардан бироргаси мавжуд бўлмаса, хизмат ёки тижорат сирларидан бошқаларни хабардор бўлиб фойдаланганларни учун сир эгасидан рухсатсиз фуқаролик ҳукукий тартибда жавобгарликка тортилиши учун асос бўла олмайди.

Тижорат сирлари эгаси улардан ўз фаолиятида фойдаланишга, шунингдек, бошқаларга фойдаланиш учун лицензия шартномаси асосида рухсат беришга, сотишга, бошқача усуллардан тасарруф этишга ҳакли.

Хизмат ва тижорат сири (ноу-хауни) юридик ёки жисмоний шахснинг фаолияти билан боғлиқ муайян хусусиятларини ифодаловчи ва уларга тегищли шахсий маълумотлардан иборат дейиш мумкин. Чунки бундай маълумотлар юридик шахснинг номи, фуқаронинг шахси билан бевосита боғлиқ маълумотлар ҳисобланади.

Тижорат ёки хизмат сиридан иборат бўлган маълумотлар ва ахборотларнинг ошкор этилиши, бошқа шахсга етказилиши ёки тарқатиб юборилиши маъмурий ва фуқаролик ҳукукий жавобгарликни қўллашга,

шунингдек, бундай ноконуний ҳаракатлар натижасида етказилган заарни коплашни талаб қилишга олиб келади.¹

Хизмат ва тижорат сири аҳамиятга эга бўлган ахборот ва маълумотлар фуқаролик-хуқукий муносабатларнинг обьекти сифатида юридик шахс ва фуқароларнинг шахсий номоддий хукукларидан ҳисобланади.

7 §. Ишлар ва хизматлар – фуқаролик хуқуқининг обьекти сифатида

Бажариладиган ишлар ва кўрсатиладиган хизматлар ҳам фуқаролик хукуқининг обьектлари бўлиши мумкин. Маълумки, фуқаролар ва ташкilotлар қонун билан ёки ўзаро тузилган шартномалар бўйича ўзларига юклатилган хизматларни ёхуд ишларни амалга оширадилар. Масалан, улар пудрат шартномасига мувофиқ хилма-хил кийимлар, уй-рӯзғор ашёлари ва бошқа нарсаларни тайёрлайдилар, таъмирлайдилар. Пудрат шартномасига биноан тураг жой курилиши ва бошқа курилиш-таъмирлаш ишларини бажарадилар. Пудрат шартномаси бўйича шахсларнинг меҳнат натижалари товарни топшириш ёки хизмат кўрсатиш эмас, балки муайян ишни бажаришга қаратилган бўлади. Пудрат шартномаси орқали бир неча турдаги ишлар бажарилади. Пудрат шартномаси доирасига майший хизмат, муайян обьектни куриш ва таъмирлаш, лойиҳалаш ва режалаштириш, илмий-текшириш, тажриба конструкторлик ва тажриба ишлари киради.

Омонат шартномаси бўйича мулклар омонат сакланади.² Топширик шартномаси юзасидан фуқаро ва ташкilotларнинг турли топшириклари амалга оширилади. Воситачилик шартномаси хизмат кўрсатишга оид шартномалар тизимиға мансуб ҳисобланади ва бунда воситачи, комитет кўрсатмаларига мувофиқ, ўз номидан, лекин комитетн ҳисобидан, бир ёки бир неча битимларни тузади. Хизмат кўрсатишнинг бу турида воситачи томонидан учинчи шахс учун хуқуқий оқибат тугдирадиган юридик ҳаракат содир этилади. Воситачилик ёрдамида мол-мulkни пулли реализация қилишга доир келишувлар амалга оширилади. Бошқача қилиб айтадиган бўлсак, у савдо воситачилиги муносабатини расмийлаштиради. Профессионал савдо воситачиси (воситачи) иштирокчилар – сотувчи (ишлаб чиқарувчи) ва сотиб олувчи (истеъмол килувчи)ларни олди-сотди жараёндан ҳамда контрагентларни топиш, улар билан тузилган келишувларни расмийлаштириш ва бажаришдан ҳам озод этади. Масалан, халқаро савдо муносабатларида ишлаб чиқарувчилар (экспортер) ёки истеъмол қилувчилар (импортер)

¹ Рахмёнкулов Х.Р. Фуқаролик хуқуқи муаммолари. Дарслик. –Т, ТДЮИ. 2010. –Б.397.

халқаро контрагентлар билан олди-сотди ишларида халқаро бозорда воситачи иштирокида иш кўрадилилар.

Ишларнинг натижаси моддий кўринишда бўлади. Хизмат кўрсатиш туфайли, масалан, репититорлик хизмати туфайли ўқувчининг билимлари даражаси ошади, сайдхоник хизмати туфайли – одамларга тегишли хизмат кўрсатилади. Хизматларнинг натижаси, одатда, ғоявий, номоддий кўринишда бўлади.

8 §. Номулкий хукуқларнинг тушунчаси ва белгилари

Ўзбекистон Республикаси Конституциясининг VII бобида, Фукаролик кодексининг 99-моддасида шахсий хукуқлар ҳакида қоидалар мавжуд. Бошқа конунларда (масалан, Жиноят кодекси, Оила кодекси ва ҳ.к.) ҳам шахсий хукуқларни ҳимоя килиш, улардан фойдаланиш масалалари ўз аксии топган.

Айрим муаллифлар инсон хукуqlari – шахс хукукий мақомини белгилашнинг мухим ва ажралмас таркибий қисми эканлигини кўрсатиб, бу хукукий мақом турлича эканлигини эътироф этишади. Уларнинг фикрича, шахснинг умумий хукукий мақоми билан бирга, унинг тармоқ, тармоқларо ва маҳсус хукукий мақомлари ҳам мавжуд ҳамда улар ўртасида ўзаро боғланиш борлигини эсдан чиқармаслик шарт¹.

Ўзбекистон Республикаси Конституциясининг VII бобида ўз ифодасини топган шахсий хукуқлар ҳам, ўз мазмунига кўра, юкоридаги нуткай-назарга мосдир. Албатта, Конституцияда мужассамланган шахсий хукуқлар мазмуни ўз талқинига кўра, ФҚда назарда тутилган шахсий хукуқлардан ғоят кенг бўлиб хисобланади. Бу шахсий хукуқлар бир вақтнинг ўзида турли хукуқ тармоқлари орқали ҳимоя қилинади.

Адабиётларда номоддий неъматларнинг ва номулкий хукуқларнинг ўзига хос хусусиятлари тўғрисидаги фикрларда умумийлик кўпроқ эканини таъкидлаш лозим. Уларда шахсий номулкий неъматларнинг куйидаги хусусиятлари кўрсатиб ўтилади:

-улар фуқароларнинг турли эҳтиёжларини қаноатлантиришга қаратилган;

-улар бевосита пулда баҳоланиши мумкин эмас;

-улар шахсдан ажралмайди (бундай неъматларни сотиш, ҳадя қилиш, мерос қилиб қолдириш ва бошқача тарзда шахсдан ажратиш мумкин эмас);

-улар умумий қоидага кўра, фукаронинг туғилиши билан бошланиб, ўлимни билан тугайди².

Шахсий номулкий хукуқларнинг вужудга келиши, уларни амалга ошириш ва ҳимоя қилиш билан боғлиқ хукукий муносабатларни тартибга

¹ Теория государства и право. -М.: Юрист. 1997. -173 с.

² Ярошенко Н.Б. Жизнь и здоровье под охраной закона. -М.: ЮР лит. 1990. -С.11.

солиш Фуқаролик кодекси билан бир қаторда бошқа қонун хужжатлари билан ҳам амлга оширилади.

Шахсий номулкий хукуклар нафакат фуқаролик хукуки, балки бошқа хукук соҳаларининг ҳам ўзига хос обьекти хисобланади. Жумладан, конституциявий хукуқ, маъмурий хукуқ, оила хукуки, жиноят хукуки ва бошқа шу каби хукуқ тармок нормалари ҳам шахсий хукукларни ўзига хос тарзда муҳофаза қиласиди.¹

Шахсий хукукларнинг номоддий хусусияти иқтисодий мазмундан маҳрум ҳолда юзага келади. Бу шуни билдиради, шахсий номулкий хукуклар баҳоланиши мумкин эмас, улар учун текинлик хосдир, уларнинг амалга оширилиши бошқа шахсларнинг тенг қийматдаги мулкий мажбуриятларини назарда тутмайди. Номулкий неъматлар обьекти бу шахсдан ажратиб бўлмайдиган номоддий (рухий) неъматлар: ном, шаън, қадр-қиммат, соғлиқ, шахсий ҳаёт сири ва бошқалардир.

Ихтиро, фойдали модель, саноат намуналарининг тегишли хукукий муносабатлар обьекти деб тан олиниши учун яна ақлий фаолият натижаларини баҳолай оладиган мутасадди органнинг қарори ҳам керак.

Қонунлар бир қатор ҳолларда баъзи номулкий хукуклар ёки шу хукуклар мазмунига кирувчи айрим ваколатларни бошқага ўтказиши (беришини) кўзда тутади. Жумладан, товар белгисига бўлган хукуқ, юридик шахс қайта ташкил этилиши сабабли бошқа юридик шахсга ўтиши мумкин. Баъзи шахсий номулкий хукуклар мерос бўйича берилади (нашр қилиш хукуки, асарни қайта ишлаб чиқиши ва тарқатиш, патент олиш хукуки).

Баъзи бир номулкий хукуклар мерос сифатида ўтмаса ҳам, бирор, хукуққа эга бўлган шахснинг вафотидан кейин учинчи шахс томонидан химояланади. ФКнинг 1054-моддаси «Асарнинг даҳлизлигига бўлган хукуқ»да, жумладан, шундай дейилади: Муаллифнинг вафотидан кейин асарнинг даҳлизлигини ҳимоя қилиш васиятномада кўрсатилган шахс томонидан, бундай кўрсатма бўлмаган тақдирда эса, муаллифнинг меросхўрлари, шунингдек, қонунга мувофиқ, муаллифлик хукукларини ҳимоя қилиш мажбурияти юклатилган шахслар томонидан амалга оширилади. Фуқаро вафот этган оила аъзосининг шаъни ва қадр-қимматини ҳимоя қилиш тўғрисида даъво билан судга мурожаат қилиш хукукига эга.

Агар муаллиф ва (ёки) олувчи адресат вафот этган ҳолларда хатлар, кундаликлар, ёзишмалар, мақолалар ва кўрсатилган хужжатлар мархумнинг хотини (эри) ва болаларининг розилиги билан чоп этилиши мумкин. Шундай қилиб, айрим субъектив номулкий хукукларнинг нафакат ўзи, балки унинг мазмунини ташкил қилувчи баъзи қисмлари ҳам ворисларга ўтиши мумкин. Шахсий номулкий хукуқнинг кейнинги белгиси

¹ Раҳмонкулов Х.Р. Фуқаролик хукуки муаммолари. Дарслар. Т, ТДЮИ. 2010. -Б.400.

— уларнинг вужудга келиши ва бекор бўлишидаги ўзига хосликдир. Номулкий хукуклар баъзи юридик факт сифатидаги воқеалар бошланганда, юридик хатти-ҳаракатлар натижасида ваколатли органларнинг хужжатлари асосида вужудга келиши (ёки бекор бўлиши) мумкин.¹

Ходисаларга одамларнинг эркига боғлиқ бўлмаган ҳолда юзага келадиган вазиятлар киради (туғилиш, маълум ёшга кириш ва бошқалар). Демак, инсон туғилиши билан исм, соғлиқ, соғлом атроф мухит, шахсий қиёфага доир субъектив хукуқка эга бўлади.

Юридик ҳаракатлар маълум хукуқий оқибатларни юзага келтириш мақсадидан қатъи назар бажарилган, лекин шу билан бирга улар қонун кучи билан вужудга келадиган фуқаролик хукуки субъективининг қонуний ҳаракати сифатида хусусиятланади (масалан, илмий асар яратиш (ҳаракати) муаллифлик хукуқини келтириб чиқаради).

Юридик хужжат деганда хукуқий натижаларга эришишга йўналтирилган ваколатли давлат органининг қонуний ҳаракати тушунилади. Масалан, товар белгисига бўлган хукуқ уни ваколатли давлат органида рўйхатдан ўтказилган кундан бошлаб юзага келади.

Алоҳида номулкий хукуклар битим тузилиши билан юзага келади (масалан, адвокатлик сири хукуки-топширикнома ёки ҳақ эвазига хизмат кўрсатиш шартномасидан юзага келади).

Кўпгина шахсий номулкий хукуклар унинг эгаси вафот этиши билан тўхтайди, масалан, муаллифлик номи хукуки, яшаш жойининг дахлсизлиги ва бошқалар. Баъзи хукуклар учун юридик ҳаракатнинг тўхташи маълум муддатнинг ўтишига боғлиkdir. Масалан, адабий асарни чоп этиш, қайта ишлиш ва тарқатиш хукуки муаллифнинг ўлимидан 50 йилгача мерос бўйича ўтиши ҳамда муомалада ҳаракат қилиши мумкин.

Шахсий номулкий хукукларнинг мухим белгиларидан бири шахсни индивидуаллиги, яккалигидир. Шахсий номулкий хукуклар институти бир субъект хукуқидан иккинчисини ажратиш имконини беради, уларнинг ўзига хослигини ва шубҳасиз алоҳидалигини, индивидуаллигини ҳам ҳимоя қиласди. Ҳар бир субъект ўзига хос номулкий хукуклар мажмуига эга, булар ҳам уни жамиятдан ажратиб туришга имкон беради, бироқ ҳар қандай ҳолда ҳам номулкий хукуклар алоҳида-алоҳида бўлганда, индивидуал ҳолатда устунликка эга бўлади.

9 §. Номулкий хукукларнинг таснифи ва туркумлаш мезонлари

Мулк билан боғлиқ бўлмаган номулкий муносабатларни цивилистика фанининг фуқаролик-хукукий тартибга солиш доирасига киритиш мумкинлиги тўғрисидаги масала баҳс-мунозарали эди.

¹ Зокиров И.Б. Фуқаролик хукуки. Дарслик. –Т, ТДЮИ. 2006. –Б.163.

Фуқаролик хуқуки фанида мулкий муносабатларнинг устуворлиги назарияси узоқ вактгача хукмронлик қилди.

Хозирги пайтда номулкий манфаатларни шахснинг номоддий талабларини қаноатлантиришни хуқуқий таъминлаш объектив зарурлиги сабабли, бу масала долзарблашмоқда. Хуқукий ҳолатни белгилаш ва шахсий номулкий хуқуқларни ҳимоя қилиш хуқукий меъёрлар тариқасида қатор тармоқларнинг хуқуқий меъёрлари билан амалга оширилади. Амалдаги Фуқаролик кодексида шахснинг илгариги қонунлардан жиддий фарқ қиласидан хуқуқий ҳолати ва шахсий номулкий хуқуқларни белгилашга йўналтирилган меъёрлар мустаҳкамланди.

Баъзи шахсий номулкий муносабатларнинг мулкий муносабатлар билан алоқада эмаслиги, уларнинг илмий ва услубий жиҳатидан ҳам, тартибга солиш мақсади ва бажарадиган вазифаси жиҳатидан ҳам айни фуқаролик хуқуқи томонидан ўрганишини асло инкор этмайди.

Шахсий номулкий хуқуқларнинг турли кўринишдаги таснифлари мавжуд. Аввало, шахсий хуқуқнинг мулкий хуқуқлар билан боғланган ва боғланмаганларини фарқлашади.

Мулкий муносабатлар билан боғланган шахсий номулкий хуқуқлар уларни амалга оширишда мулкий хуқуқнинг юзага келишида асос сифатида кўриниши мумкин. Жумладан, шахснинг адабий асарга муаллифлиги (шахсий хуқуқ) ўз кетидан қалам ҳаки олишни вужудга келтириб, мулкий хуқуқни юзага келтиради.

Мулкий хуқуқлар билан боғлиқ бўлмаган шахсий номулкий хуқуқларга, номга, ташки қиёфага, шаън ва қадр-қимматга бўлган хуқуқ киритилади. Бу номулкий хуқуқлар мулкий хуқуқ билан бирон тарзда боғланышда бўлмайди.

Шахсий номулкий хуқуқ бир қатор белгилар билан тавсифланади. Бу белгилар жумласига номоддий хусусиятдаги мустақил шахсий номулкий хуқуқ эканлиги ва уларнинг хуқуқ эгасидан бегоналаштирилмаслигини киритиш мумкин.

Бу муносабатларда жисмоний ва юридик шахс муайян номоддий ваколатларга эга бўлган субъект сифатида намоён бўлади. Бунда шуни таъкидлаш керакки, фуқаронинг муомала лаёқатининг чекланганлиги ёки муомалага лаёқатсизлиги шахсий номулкий хуқуқни (соғ-саломат бўлиш хуқуки, шахсий дахлизизлик, кулай атроф-муҳитта бўлган хуқуқи) амалга оширишга ҳалақит бермаслиги лозим.

Баъзи хуқуқшунослар умуман шахсдан ажратиб бўлмайдиган обьектларга нисбатан субъектив хуқуқнинг бўлишини рад этадилар ва бунда шахсий хуқуқлар тўғрисида эмас, балки шахсий неъматлар тўғрисида гапириш тўғрирок, деб хисоблайдилар. А.А.Хасанов бу масалада анъанавий нуқтai назар ниҳоятда мақбул деган хulosага келади. «Шахс» ва «хуқуқ» тушунчаларини бир-биридан фарқлаш шак-шубҳасиз лозим. Ахир, шахс нафакат ушбу неъматлар билангина, балки аввалимбор,

онг, ирода билан, шунингдек, ижтимоий, маънавий сифатлар билан тавсифланади.¹

Ёзишиналар сири, шахснинг шаъни, қадр-киммати, дахлсизлиги ва бошқалар-булар ҳакикатан ҳам ҳакиқий ижтимоий неъматлардир, улардан фойдаланишининг давлат томонидан кафолатланганлик имконияти – бу субъектив хукуқ, яъни, айтиб ўтилган неъматларни химоя килиш хукуки ва уларни бузишдан химоя килишни талаб килиш хукукидир.

Субъектив хукуқда хукуқ соҳиби ўз хукуқига риоя этилишини бир ёки бир неча шахсдан талаб кила олади.

Мулкий хукуқ билан боғлиқ бўлмаган кўпгина шахсий номулкий хукуклар мутлақ хукуклар ҳисобланади. Бироқ, мутлақ хукуқ бузилганда, бузувчига мутлақ хукуқни тикилашга йўналтирилган ҳаракатни содир килиш вазифаси топширилади, бунда хукуқ соҳиби хукуқни бузувчи билан нисбий хукукий муносабатда бўлади.

Мулкий хукуқлар билан боғлиқ бўлмаган баъзи шахсий хукуқлар фақат нисбий бўлиши мумкин.

Мулкий хукуқ билан боғлиқ бўлган шахсий хукуқлар бир вактнинг ўзида ҳам мутлақ, ҳам нисбий хукукий муносабатларда намоён бўлиши мумкин. Масалан, муаллифнинг асарга дахлсизлик хукуки нашриёт билан муносабатда нисбий хусусиятга эга бўлади. Муаллиф муаллифлик шартномасига мувофиқ, унинг асари қандай кўринишда яратилган бўлса, шундай ҳолича, унинг розилигисиз ўзгартиришлар, кўшимчалар, тузатишлар киритмай, нашр этилишини талаб қилиш хукуқига эга. Шу вактнинг ўзида муаллиф ўз асарининг дахлсизлиги хусусида номуайян доирадаги шахслар билан мутлақ хукукий муносабатга киришади, бундай ҳолда унинг хукуки муаллифлик шартномасига эмас, балки асарни яратиш фактига асосланади.

Мулкий хукуқ билан боғлиқ бўлган баъзи шахсий хукуқлар фақат нисбий ҳисобланади. Жумладан, фуқаронинг тиббий сирни саклашни талаб қилиш хукуки муайян муассасанинг тиббий ходимига юкланган. Агар ташхис, даволаш услублари ва бошқа маълумотлар бегона шахсларга маълум бўлса, у ҳолда улар сирни саклашга доир мажбуриятга эга бўлмайдилар.

Шахсий номулкий хукукларни уларнинг фуқаролик хукуклари субъектига тегишилилиги бўйича фарқлаш мумкин. Бир хил шахсий хукуқлар фақат фуқароларга тегишли бўлади (сог-саломатликка бўлган хукуқ, хусусий қиёфага, тиббий сир, фарзандликка олиш сирига бўлган хукуклар ва бошқа шахсий хукуклар) бошқалари эса, фақат ташкилотга тегишли бўлади, масалан, фирма номига бўлган хукуқ.

¹ Ҳасанов А.А. Ўзбекистон Республикасида шахсий номулкий хукукларни фуқаролик-хукукий тартибга солиш ва химоя килишининг айрим муаммолари. Диссертация авторсферати. –Т.,2001.

Фуқаролик хукуки фанида шахсий хукуқларни туркумлаштириш асосларига турли мезонлар қўйилаётгани ҳам табиий. Фикримизча, шахсий номулкий хукуқларнинг турлари ва доираси кенг, уларнинг «ягона, умумтанолган ўлчовини» ишлаб чиқиш – бу беҳуда уринини. Фуқаролик хукуки олимлари ҳар доим ўз тадқиқот мақсадларидан келиб чиқиб, муайян ўлчовни ишлаб чиқадилар ва кўлладилар. Натижада – шахсий номулкий хукуқларни янги қонуниятлари очилади, у ҳақда билимларимиз бойиди ва кенгаяди. Хукуқшунос олим Т.Фадеева шахсий номулкий хукуқларнинг муайян мақсадини йўналишлар бўйича куйидаги турларга бўллади:

1) шахсий индивидуаллаштиришга қаратилган шахсий номулкий хукуқлар: номга (юридик шахсни номланишга бўлган хукуки), шаън, қадр-киммат, ишбилармонлик обрўйига бўлган хукуқлар;

2) шахснинг жисмоний дахлсизлигини таъминлашга қаратилган шахсий номулкий хукуқлар (яаш, эркинлик, истиқомат жойи, туар-жойга бўлган хукуқлар);

3) шахснинг ички дунёси ва унинг манфаатлари дахлсизлигига қаратилган шахсий хукуқлар (шахсий ва оиласвий сирлар, хусусий ишларга аралашмаслик, шаън ва қадр-киммат).¹

А.А.Хасанов шахсий номулкий хукуқларни 4 гурухга ажратишни таклиф этади.

Уларнинг биринчи гуруҳига, шахснинг жисмоний бардамлигини таъминловчи шахсий номулкий хукуқларни киритиши керак:

- яаша хукуки;
- соғлиқ хукуки (саломатликни муҳофаза қилиш);
- соғлом атроф-муҳит хукуки.

Иккинчи гурухга шахснинг ўзига тегишли бўлган хукуқлар киради:

- номга бўлган хукуки;
- хусусий қиёфа (кўриниш)га бўлган хукуки;
- шаън ва қадр-киммат хукуки.

Учинчى гурухни шахснинг муҳтор (автоном) ҳолатини (шахсий хаёт сири) таъминловчи хукуқлар ташкил қиласди:

- адвокатлик сирига бўлган хукуки;
- нотариал ҳаракатлар сирига бўлган хукуки;
- банк сирига бўлган хукуки;
- тиббий сир хукуки;
- фарзандликка олиш сирига бўлган хукук;
- ёзишмалар, телефон сўзлашувлари ва телеграф хабарлари сирига бўлган хукук;
- турар-жой дахлсизлигига бўлган хукуки;
- шахсий хужжатларнинг дахлсизлик хукуки.

¹ Гражданское право. М., 1996. -С. 302.

Тўртингчи гурух интеллектуал ва бошқа ақлий фаолият натижаларини, яъни фан, адабиёт, санъат асарларининг, рационализаторлик таклифлари, ихтиро, саноат намуналари, фойдали моделлар муаллифларининг номулкий хукуклари; товар белгисига бўлган хукукларни ўз ичига олади.¹

Ушбу келтирилган турли туркумлаши мезонлари шахсий номулкий хукуклар мазмунини яхшироқ англаб етишга ва тегишли даражада ҳимоя қилишга имкон беради. Шунингдек, улар тўғрисидаги нормаларни янада такомиллаштириш ва фуқаролик хукуки фанини ривожлантириш учун асосий маңба бўлиб хизмат қиласди.

10 §. Шаън, қадр-қиммат ва ишчанлик обрўсини фуқаролик хукукий ҳимоя қилиши

Шаън, қадр-қиммат ҳар бир шахснинг чамбарчас маънавий бойлиги хисобланади. Ҳар бир инсон, ўзининг жамиятда эгаллаган мавқеидан қатъи назар, ўз ҳолича, ўзига хос бўлган шаън ва қадр-қимматга эга. У ўзича ўз шаън ва қадр-қимматини сақлашга ва унга дод туширилган тақдирда, ҳар қандай йўл билан ўзини муҳофаза қилишга, яъни шаън ва қадр-қимматини тикилашга ҳаракат қиласди.²

Ўзбекистон Республикаси Конституциясининг 27-моддасида “Ҳар ким ўз шаъни ва обрўсига қилинган тажовузлардан, шахсий ҳаётига аралашибдан ҳимояланиш хукукига эга” эканлиги мустахкамланган. Шунингдек, ФКнинг 100-моддасига биноан, фуқаро ёки ташкилот ўз шаънига дод туширадиган ва қадр-қимматини, ишбилармонлик обрўсини пастга урадиган маълумотлар, агар ана шу маълумотларни тарқатувчи шахс уларнинг ҳакиқат эканлигини исбот қила олмаса, суд орқали рад қилинишини талаб этишга ҳақлидир. Бунда қонун шахсий хукукларни ҳимоя қилишда шахснинг жамиятда ўз меҳнати билан тутган ўрни, топган обрўсини назарда тутади. Фуқаролик қонунчилигига бундай қоидаларнинг бўлиши шахсларнинг хукуклари яна ҳам кенгроқ ҳимоя қилинишига алоҳида эътибор берилганлигини билдиради.

Шаън, қадр-қиммат ва ишчанлик обрўсига тажовуз қилинган тақдирда, кўп ҳолларда хукуқ соҳибига моддий эмас, балки маънавий зарар етади. Маънавий зарар хукуки бузилган шахснинг жисмоний ёки руҳий изтироблари, қайгу-алам, ғам-ташвиш сингари кўринишларда намоён бўлади. Қонунга асосан, агар фуқарога унинг шахсий номулкий хукукларини бузувчи ёхуд унга тегишли бошқа номоддий неъматларга тажовуз қилувчи ҳаракатлар орқали маънавий зарар етказилса, шунингдек, қонунда назарда тутилган бошқа ҳолларда суд хукуқбузар зиммасига

¹ Ҳасанов А.А. Ўша асар.

² Раҳмонқулов Х.Р. Фуқаролик хукуки муаммолари. Дарслик. -Т, ТДЮИ. 2010. -Б.410.

кўрсатилган зарарни пул орқали (моддий кўринишида) товоң тўлаш билан қоплашни юклари мумкин.

Маънавий зарарни қоплаш харажатларини белгилашда суд хукуқбузарнинг айби даражасини ва бошқа эътиборга молик ҳолатини хисобга олади. Суд шунингдек, зарар етказилган шахсни индивидуал хусусиятлари билан боғлиқ жисмоний ва ахлоқий қийноклари (изтироблари, руҳий азоблари) даражасини ҳам хисобга олмоғи шарт.

Шаън, кадр-кимматни ҳимоя килишда кўп ҳолларда суд хукуқни қайта тикиш ёхуд хукуқбузарликларни тўхтатишни таъминловчи чоралар кўради. Шаън-фуқаронинг муайян даражада тасдиқланиши, унинг ижтимоий ҳолатидир. кадр-киммат эса мазкур ҳолатнинг соҳиби онгига акс эттирилиши, яъни жамият томонидан тақдирланишига кўра шахснинг ўз-ўзига берган баҳосидир. Бу масала Ўзбекистон Республикаси Меҳнат кодексининг 6-моддасида айтилганидек, меҳнат соҳасида ўзини камситилган деб хисоблаган шахс камситишини бартараф этиш ҳамда ўзига етказилган моддий ва маънавий зарарни тўлаш тўғрисидаги ариза билан судга мурожаат қилиши мумкин.

Ишчанлик обрўси жисмоний ёки юридик шахснинг фуқаролик муомаласида иштирок этганидаги инсофли ёки инсофсиз ҳаракат қилишини билдиради. Бирон - бир фуқаронинг ёки ташкилотнинг номига, шаънига дод туширишга, бадном қилишга, кадр-кимматини пастга урадиган маълумотларни тарқатишга қонун йўл кўймайди. Бундай ҳолларда хукуклари бузилган шахсларнинг манфаатлари, жиноят қонунчилиги нормалари (Ўзбекистон Республикаси ЖКнинг 139-140-моддалари) қўрикланиши ёки қўрикламаслигидан қатъи назар, фуқаролик қонунчилиги билан ҳимоя қилинади (ФКнинг 100-моддаси).

Профессор И.Б.Зокировнинг эътироф этишича, ҳар қандай салбий маълумотлар шаън ва кадр-кимматни, ишчанлик обрўсини пастга урадиган ёки унга дод туширадиган маълумотлар хисобланавермайди. Фуқаролик қонунида назарда тутилган маълумотлар:

бирачидан, бироннинг шаънига дод туширадиган ёки қадр-кимматини ишчанлик обрўсини пастга урадиган бўлиши,

иккинчидан, бу маълумотларнинг тарқатилган бўлиши,

учинчидан, мазкур маълумотлар ҳақиқатга тўғри келмайдиган бўлиши керак.¹

Шахсларнинг обрўсига дод туширадиган маълумотлар, деганда қонун турмуш доираларига, жамиятимиз ахлоқ тамойилларига бўлган муносабатларнинг салбий баҳоланиши тушунилади.

Маълумотлар аниқ фактларга баҳо беришдан ёки шахснинг хулкини, хатти-ҳаракатини баҳолашдан иборат бўлиши мумкин. Бундай ишлар бўйича жавобгар тараф фактларнинг ҳақиқатда бўлганлигини

¹ Зокиров И.Б. Фуқаролик хукуки. Дарслик. -Т, ТДЮИ. 2006. -Б.169.

исботласагина ёки келтирилган баҳо ва тавсиф далилларига тўғри келишини исботласагина, даъвогар олдида жавобгарликдан озод қилиниши мумкин. Агар жавобгар даъвогар шахсни тавсифловчи далилларнинг бўлганилигини исботтай олмаса ёки суд жавобгар берган баҳо билан келишмаса, уни жавобгарликка тортиши мумкин.

Агар фуқаронинг шаъни, қадр-қиммати ёки ишчанлик обрўсига птур етказувчи маълумотлар оммавий ахборот воситаларида тарқатилган бўлса, айни шу оммавий ахборот воситаларида раддия берилиши лозим (ФКнинг 100-моддаси, 3-банди).

Агар бундай маълумотлар ташкилотдан олинган хужжатда учраса, бундай хужжат алмаштирилиши ёки чақириб олиниши лозим (ФКнинг 100-моддаси, 4-банди).

Бошқа ҳаракатларда раддия бериш тартиби суд томонидан бегиланади, лекин у обрўга птур етказувчи маълумотларни тарқатиш усулига ва хусусиятига мувофиқ бўлиши шарт.

Обрўга птур етказувчи маълумотларни тарқатган шахс бундай маълумотларни рад этиш билан бирга, уларнинг тарқатилиши натижасида етказилган моддий ва маънавий заарларни ҳам тўлаши лозим.

Умумий қоидага кўра, фуқаронинг ишчанлик обрўсини химоя қилиш тўғрисидаги қоидалар юридик шахснинг ишчанлик обрўсини химоя этишга нисбатан ҳам тегишли йўсингда тадбиқ этилади (ФКнинг 100-моддаси, 9-банди).

Бозор муносабатлари шароитида фуқаролар ва юридик шахсларнинг шаъни, обрўси, қадр-қиммати, шунингдек, ишчанлик фаолияти обрўсини тиклаш, ижтимоий муносабатларда уларнинг фаолиятига одилона баҳо бериш, айниқса, катта ҳаётий аҳамиятга эга.

11 §. Фуқаронинг исмга бўлган ҳуқуқи ва уни ҳуқуқий химоя қилиш

Фуқаронинг исми деганда унинг исми ҳам, отасининг исми (шарифи) ва насаби ҳам назарда тутилади. Ҳар бир шахс ўзининг ким эканлигини ўз номи билан исботлайди ва шу билан ўз номига эга бўлган бошқа шахслардан ажralиб туради. Ном олиш, яъни насаб, исм ва ота исмини олиш, номни ўзгартириш махсус конунлар билан, жумладан, Ўзбекистон Республикасининг Оила кодекси ва фуқаролик ҳолати далолатномаларини қайд қилиш тартиби тўғрисидаги қоидалар билан тартибга солинади.

ФКнинг 19-моддасида фуқаронинг исми билан боғлиқ қатор нормалар белгилаб кўйилган. Унга кўра, агар конундан ёки миллӣ одатдан бошқача тартиб келиб чиқмаса, фуқаро ўз фамилияси ва номидан, шунингдек, отасининг исми билан ҳуқуқ ва бурчларга эга бўлади ҳамда уларни амалга оширади.

Қонунда назарда тутилган ҳолларда ва тартибда фуқаро тахаллусдан фойдаланиши мумкин.

Фуқаро фуқаролик муюмаласида яширин тарзда ҳаракат қилишга фақат қонунда йўл қўйилган ҳолларда йўл қўйилади (масалан, мамлакатимизда муаллиф ўз номини кўрсатмасдан, аноним тарзда асарини нашр этишга ҳақли, тижорат банкларида хорижий валюталар кўринишида омонатлар кўйиш хукуқига эга).

Фуқаро қонунда белгиланган тартибда ўз исмини ўзгартиришга ҳақли. Фуқаронинг ўз исмини ўзгартириши аввалги исми билан олган хукуқ ва бурчларини бекор қилиш ёки ўзгартириш учун асос бўлмайди.

Фуқаро ўз исмини ўзгартирганилиги ҳақида қарздорлари ва кредиторларига хабар берishi учун зарур чораларни кўриши шарт ва у мазкур шахсларда фуқаронинг исми ўзгарганлиги ҳақида маълумот йўклиги туфайли келиб чиқиши мумкин бўлган оқибатлар хавфини ўз зиммасига олади.

Исми ўзгартирган фуқаро ўзининг аввалги исмига расмийлаштирилган ҳужжатларга ўз хисобидан тегишли ўзгартиришлар киритилишини талаб қилишга ҳақли. Масалан, шахс никоҳга кириши муносабати билан эри (хотини) фамилиясини олиши унинг аввалги ҳужжатлари (дипломи, омонат дафтарчаси, хизмат гувохномаси ва шу кабилар)ни ҳам тегишли равишда ўзгартириш бериш ҳақида тегишли идоралардан талаб қилиш хукукини беради. Бирок, бу ўзгартиришларни амалга ошириш харажатлари манфаатдор шахс зиммасига тушади.

Айрим ҳолларда, субъектларнинг (масалан, терговда, судда айбланувчи, судланувчи сифатида қатнашаётган шахс, банкротлик бўйича иш кўзгатилган якка тадбиркор ёки тадбиркорлик субъекти муассиси бўлган жисмоний шахсни) муайян белгиланган муддатда ўз исмини ўзгартириш ҳақидаги мурожаати вақтингчалик рад этилиши мумкин.

Фуқаро туғилган вақтида олган исмини, шунингдек, ўзгартирилган исмини фуқаролик ҳолати ҳужжатларини кайд этиш учун белгиланган тартибда рўйхатдан ўтказиши керак.

Бошқа шахс исмидан фойдаланиб, хукук ва бурчларга эга бўлишига йўл қўйilmайдi.

Ўз исми билан яшаш хукуқига эътиroz билдирилаётган ёки исмидан қонунсиз фойдаланилаётганлиги муносабати билан манфаатлари бузилаётган шахс манфаатларини бузувчидан бундай ҳаракатларга чек кўйишни, раддия беришни талаб қилиши мумкин. Агар манфаат қасдан бузилаётган бўлса, жабрланган шахс кўшимча суръатда зарарни қоплашни талаб қилишга ҳақли. Зарарни қоплаш учун манфаати бузилган шахснинг даромадини бериш талаб қилиниши мумкин. Манфаат қасдан бузилганида жабрланувчи маънавий зарарнинг қопланишини ҳам талаб қилишга ҳақли. Масалан, бир шахе ўзини машхур санъаткорлардан бирини номи билан кўрсатиб, чекка қишлоқларда концертлар беради. Бундан хабар топган санъаткор унинг номидан фойдаланган шахсга нисбатан

ФКнинг 20-моддасида белгиланган тартибда ва асосларда даъво килишга ҳакли.¹

Ислам ёки шахсий шаън эгаси бўлмаган, лекин оиласидаги мавқеига кўра бундан мағфаатдор бўлган шахс ҳам ФКнинг 20-моддаси, 2-қисмига асосан ўзганинг исмидан гайриконуний фойдаланаётган шахсадан бу ҳаракатларга чек кўйишни ва раддия бериш ҳақидаги талабларни кўйиши мумкин. Бу шахс бошқа шахснинг ўлимидан кейин ҳам унинг исмини ва шаънини химоя қилишга қаратилган талабларнинг бажарилишига ҳаракат кила олади. Ислами ва шаънини бузиш туфайли келтирилган зарарни коплаш талаби ўлимдан кейин тан олинади.

Шундай қилиб, номга бўлган ҳукуқ объектив ҳукуқдан иборат. Конун бошқа шахснинг номи остида ҳукуқлар ва мажбуриятларга эга бўлишни тўғридан-тўғри таъқиқлайди.

Фуқаролик ҳукуқида номга бўлган ҳукуқ фуқаронинг ёки юридик шахснинг мулкий ҳукуқ билан боғлиқ бўлмаган шахсий номулкий ҳукуки сифатида фуқаронинг ёки юридик шахснинг ўз номи остида ҳукуқ ва мажбуриятларга эга бўлиши ҳамда уларни амалга ошириши имкониятидан иборат.

Назорат учун саволлар

1. Фуқаролик ҳукуқининг объектларига таъриф беринг.
2. Фуқаролик ҳукуқи объектларининг қандай турларини биласиз?
3. Фуқаролик мумаласидан чиқарилган ашёларга нималар киради?
4. Ашёларнинг қандай турларини биласиз?
5. Мураккаб ашёларни моҳиятини тушунтириб беринг?
6. Фуқаролик мумаласида чекланган ашёларни санаб беринг?
7. Фуқаролик ҳукуқининг обьекти сифатида ишлар ва хизматларга мисол келтиринг.
8. Номулкий ҳукуқларнинг қандай турларини биласиз?
9. Хизмат ва тижорат сирлари фуқаролик ҳукуқининг обьекти сифатида химоя килиниши учун қандай шартлар мавжуд бўлиши керак?
10. Номоддий неъматлар дегандা нимани тушунасиз?

¹ Зокиров И.Б. Фуқаролик ҳукуки. Дарслик. –т, ТДЮИ 2006. 171-172 бетлар.

ХII БОБ. БИТИМЛАР

1 §. Битимлар тушунчаси ва турлари

Битимлар жисмоний ва юридик шахсларнинг онгли, аниқ мақсадга қаратилган, эрк-иродаси асосидаги хатти-ҳаракатлари бўлиб, уларни амалга ошириш орқали улар муайян ҳукуқий оқибатларга эришишга интиладилар.¹

Битимлар деб фуқаролар ва юридик шахсларнинг фуқаролик ҳукуқ ва бурчларини белгилаш, ўзgartириш ва бекор қилишга қаратилган ҳаракатларга айтилади (ФКнинг 101-моддаси).

Ҳар қандай битим шахсларнинг эрки-иродаси билан боғлиқ бўлиб муайян ҳукуқий оқибат туғдиришга қаратилади. Битимда фуқаро ва ташкилотларнинг муайян моддий ҳамда маданий эҳтиёжларини қондиришга қаратилган эрклари ифодаланади.

Битим шахсларнинг эрки билан боғлиқ бўлган иродасидан келиб чиқадиган ҳаракат бўлганилгидан битимда ифодаланган эрк изҳор қилиниши, яъни, бошқа шахсларга билдирилиши лозим.

Битим тузиш натижасида муайян ҳукуқий оқибат туғдириш учун битим тузувчи шахслар битимда ўз эркларини ифодалашдан ташқари муайян ҳаракатни қилишлари лозим. Бу ҳаракат шарт қилинган ишни бажаришга, муайян мулкни топширишга ёки маълум пулни тўлашга қаратилган бўлиши мумкин.²

Фуқаролик ҳукуқлари ва мажбуриятларини вужудга келтириш, ўзgartириш ёки бекор қилишга қаратилган ҳолатлар сифатида юридик факт таркибиға кирадиган битимлар бошқа юридик фактлардан фарқ қиласди. Масалан, юридик факт ҳисобланган ҳодиса шахсларнинг эркidan ташқари вужудга келса, битимлар факт шахсларнинг эрки билангина тузилади.

Битимлар тушунчаси учун куйидаги шартлар муҳимdir:

а) битим тузувчи шахс фуқаролик ҳукуқининг субъекти ҳисобланади;

б) муайян битимни тузувчи шахсда бу битимни тузиш эрки бўлиши ва бу эрк маълум ҳукуқий оқибатлар туғдиришга қаратилган бўлиши лозим;

в) шахснинг эрки муайян юридик факт ҳисобланган ҳаракатда ўзининг ташқи ифодасини топиши, яъни маълум шаклда изҳор қилинган бўлиши керак.

Фуқаролик ҳукуқи фанида битимлар ўзларининг белгилари бўйича куйидаги турларга бўлинади:

1. Битим тузувчиларнинг эрклари ифода этилишига қараб битимлар бир томонлама, икки томонлама, кўп томонлама битимларга бўлинади.

¹ Рахмонкулов, Х.Р. Ўзбекистон Республикаси фуқаролик кодексига шарх I-жилд. -Т, 2010. -Б.292.

² Зокиров И.Б. Фуқаролик ҳукуки. -Т, 2006 -Б. 158.

Бир томонлама битимда факат бир томоннинг эрки ифодаланади, хукуқ ва мажбурият фақат бир томоннинг иродаси бўйича вужудга келади, ўзгаради ёки бекор бўлади. Бир томонлама битимларга мисол қилиб, васият, меросдан воз кечиш, ишонч қозози бериш, ваколат олмасдан вакиллик қилган шахснинг ҳаракатларини ваколат берувчи маъқуллашини кўрсатса бўлади. Бир томонлама битим уни тузган шахс учун мажбуриятлар келтириб чиқаради.

Цивилист олим И.Б.Зокировнинг фикрича, икки томонлама битимлар ҳар икки томоннинг эркига мувофиқ тузилади. Бундай битимлар шартномалардир. Икки томонлама битимга мисол қилиб, олди-сотди, мулк ижараси, суғурта ва бошқа шартномаларни кўрсатса бўлади.¹

Академик Х.Р. Рахмонкуловнинг фикрига кўра, икки тарафлама битим факат ўз хукукий мақсадларини кўзловчи икки тарафнинг эрк изҳори мавжуд ҳолатларда хукукий натижани вужудга келтиради.²

Кўп томонлама битимлар уч ва ундан ортиқ шахсларнинг эрклари ифодаланиб тузилади. Кўп томонлама битимларга мисол қилиб, таъсис шартномаси ва оддий ширкат (биргалиқдаги фаолият) шартномасини кўрсатса бўлади. Кўп томонлама битимлар ҳам икки томонлама битимлар сингари ўзаро келишув, яъни шартномадир. Ҳар қандай шартнома битим ҳисобланса ҳам, ҳар қандай битим шартнома бўла олмайди. Аксарият битимлар шартнома ҳисобланиши мумкин.

2. Битимлар мукобил ижронинг бўлиш-бўлмаслигига қараб, ҳақ бараварига ва текинга тузиладиган битимларга бўлинади.

Ҳақ бараварига тузиладиган битимлар бўйича томонлардан ҳар бири карши томон фойдасига муайян бир мулкни топшириш, пул тўлаш, ишни бажариш, бирор хизмат кўрсатиш сингари ҳаракатларни килиш мажбуриятини олади. Ҳақ бараварига тузиладиган битимларга карши (мукобил) ижро назарда тутиладиган битимлар олди-сотди, айирбошлиш, пудрат, суғурта каби шартномалардир, чунки уларда томонлардан ҳар бири қарши томон фойдасига биронта ҳаракат қиласи. Масалан, сотувчи пул эвазига маълум мулкни топширади.

Текин, яъни, ҳақ тўланмай тузиладиган битимлар асосида томонлардан бири иккинчи томон фойдасига бирон-бир ҳаракат қиласи мажбуриятини олади. Бу ерда қарши (мукобил) ижро йўқ. Масалан, ҳадя, фоизсиз қарз, мулкдан текин фойдаланиш (ссуда) тўғрисидаги шартномаларни кўрсатиш мумкин.

3. Битимлар қай пайтдан эътиборан тузилган деб ҳисобланишини аниқлаша мақсадларида консенсуал ва реал битимларга бўлинади.

Консенсуал битим деб, хукуқ ва мажбуриятларни ўзаро келишиш ва бундай келишувни лозим тартибда расмийлаштириш пайтида вужудга келтирадиган битимга айтилади. Мулк ижараси, маҳсулот етказиб бериш,

¹ Зокиров И.Б. Фуқаролик хукуқи. –Т., 2006. –Б. 159.

² Рахмонкулов. Х.Р. Ўзбекистон Республикаси фуқаролик кодексига шарх. 1-жилд. –Т, 2010. –Б.299.

пудрат, контрактация сингари шартномалар консенсусал битим хисобланади.

Реал битим деб, ўзаро келишувга мувофиқ ашёлар ёки пулни топшириш пайтида хукуқ ва мажбуриятни вужудга келтирадиган битимга айтилади. Реал битимларга мисол қилиб, қарз, омонат саклаш, юк ташиш шартномаларини кўрсатса бўлади.

4. Бундан ташкири битимлар казуал ва абстракт битимларга бўлинади. Ҳар қандай битим хукуқий асосга - субъектлар эришиши кўзлаётган хукуқий мақсадга эга. Шу сабабли казуал битимда ундан қандай мақсад кўзда тутилаётгани, яъни нима сабабдан тузилаётгани кўриниб туради.

Абстракт битимлар гўёки битим асосидан узилиб қолган хукуқ ва мажбуриятларни вужудга келтирувчи битимлардир.

5. Битим иштирокчиларининг ўзаро муносабатларига хос алоҳида хусусиятларига кўра битимларни фидуциар ва фидицуар бўлмаган турларга бўлиш мумкин.¹

2 §. Битимларнинг муддатлари ва шартли битимлар

Хукуқ субъектлари томонидан гузиладиган битимлар муайян муддатларда ижро этилади ва бекор бўлади.

Агар битимда хукуқ ва мажбуриятларнинг вужудга келиши ёки бекор бўлиши вақти кўрсатилган бўлса, битимлар муддатли хисобланади. Битимларда муддатлар кўйидагича:

- аниқ кун, ой, йил билан (масалан, 2012-йил 15-ноябрь);
- муайян вақтнинг ўтиши билан (масалан, бир ярим йилдан кейин ўтишини кўрсатиш);
- маълум бир воқеа юз бериши билан белгиланади.

Агар битимда унинг ижро этилиш муддати кўрсатилмаган бўлса, бундай битим муддатсиз хисобланади. ФКнинг 242-моддасида кўрсатилганидиск, агар мажбуриятни бажариш муддати кўрсатилмаган ёки талаб қилиб олиш пайти белгилаб қўйилмаган бўлса, кредитор ҳар қачон ижрони талаб қилишга, қарздор эса ижрони ҳар қачон амалга оширишга ҳакли бўлади. Мажбуриятни дарҳол бажариш вазифаси қонун, шартнома ёки мажбуриятнинг моҳиятидан англашилмаса, қарздор бундай мажбуриятни кредитор талаб қилган кунидан бошлаб етти куиллик муддат ичида бажариши шарт.

Шартли битим деб, тарафлар ўртасида тузиладиган битимнинг амалга оширилиши ёки бекор бўлиши бирон-бир шартга боғлаб кўйилишига айтилади. Шартли битимлар икки хил кўринишда бўлади:

- шарти кечиктирилган;
- бекор бўлиш шарти билан тузиладиган битимлар.

¹ Рахмонкулов. Ҳ.Р. Узбекистон Республикаси фуқаролик кодексига шарх. 1-жилд. -Т., 2010. 301-302 бетлар.

ФК 104-моддасининг биринчи қисмида айтилганидек, агар тарафлар хукуқ ва бурчларнинг келиб чикишини юз бериши ёки бермаслиги номаълум бўлган ҳолатга боғлик қилиб кўйсалар, битим шарти кечикириш шарти билан тузилган ҳисобланади. Айтилник, уй эгаси турар жойни ижарага берилишини ўғлининг маълум вактга бошқа шаҳарга ўқишига кетиши шарти билан битим тузади, агар ўғли бошқа шаҳарга кетмаса, бунда тарафлар ўртасида ҳеч қандай хукуқ ҳам, мажбурият ҳам вужудга келмайди.¹

ФК 104-моддасининг иккинчи қисми бекор бўлиш шарти билан тузилган битимни таъкидлайди. Унда кўрсатилишича, агар тарафнинг хукуқ ва бурчларнинг бекор бўлишини юз бериши ёки бермаслиги номаълум ҳолатга боғлик қилиб кўйсалар бундай битим бекор бўлиш шарти билан тузилган битим ҳисобланади. Масалан, турар жойни ижарага берувчи фуқаро муайян бир ҳол содир бўлганда, айтилник ўғлининг ҳарбий хизматдан қайтгач, уйни бўшатиб беришини шарт қилиб, ижара шартномаси тузган бўлса, ўғли қайтиши билан ижара шартномаси бекор бўлади. Шартли равишда мажбурият олган шахс шартта боғлик бўлган хукукни ёмонлаштириш ёки йўқ қилишига каратилган ҳаракатларни қилмаслиги керак.

Агар шартнинг юз беришига, ушбу шартнинг юз беришидан манфаатдор бўлган тараф инсоғизлиқ билан ёндошган бўлса, бу шарт содир бўлмаган ҳисобланади (ФКнинг 104-моддаси, 4-банди). Масалан, мол-мулкларини сугурта қилдирган шахс сугурта суммасини олиш мақсадида мол-мулкка қасдан ўт қўйиб ёндиrsa, бу ҳолда сугурта суммаси тўланмайди.

3 §. Битим шакллари

Битим тузишда эркни ифодалаш усулига битим шакли, деб айтилади. Битимлар оғзаки ва ёзма (оддий ёки нотариал тасдиқланган) шаклда тузилади (ФКнинг 105-моддаси, 1-банди).

ФКнинг 106-моддасига биноан, конун хужжатларида ёки тарафларнинг келишувида ёзма тасдиқланган шакл белгилаб кўйилмаган, жумладан, у тузилаётган вактнинг ўзидаёқ бажариладиган битим оғзаки тузилиши мумкин. Шахснинг хатти-ҳаракатидан унинг битим тузишига бўлган хоҳиши-иродаси билиниб турган ҳолда ҳам бундай битим тузилган ҳисобланади.

Жетон, патта ёки одатда қабул қилинган бошқа белги бериш билан тасдиқланган битим, агар конун хужжатларида бошқача тартиб белгиланган бўлмаса, оғзаки шаклда тузилган битим ҳисобланади.

¹ Зокиров И.Б. Фуқаролик хукуки. –Т., 2006. –Б. 160.

Ёзма шаклда тузилган шартнома бажаришга қаратилган битимлар, агар қонун хужжатлари ва шартномага зид бўлмаса, тарафларнинг келишувига мувофиқ оғзаки тузилиши мумкин.

Қонунда индамасдан, сукут сақлаш орқали ҳам битим тузилиши мумкинилиги назарда тутилади. Бу ҳолда ҳалқимизнинг деган қадимиий “сукут-розилик аломати”, қоидаси амал қиласди. Бироқ, бундай усуlda битим тузишга факат чекланган ҳоллардагина йўл кўйилади. ФКниг 105-моддасига асосан сукут сақлаш қонун хужжатларида ёки тарафларнинг келишувида назарда тутилган ҳолларда битим тузишга бўлган хоҳиш-ироданинг ифодаси хисобланади.

Юқорида айтилганидек, шахснинг хулқ-автори, хатти-харакатларидан битим тузишга бўлган хоҳиш-иродаси билиниб турган ҳолларда ҳам бундай битим тузилган хисобланади. Бу усуlda тузилган битимларнинг номи лотинча “конклидо” сўзидан олинган бўлиб, у “тузаман” деган маънони англатади. Конклидент харакатлар шундай харакатларки, улар оғзаки шаклда ҳам, ёзма шаклда ҳам ифода этилмаган бўйсада, шахснинг нияти, мақсади ҳақида ўз-ўзидан гувохлик бериб туради. Ёзма шаклда тузиладиган битимлар икки турга:

а) оддий ёзма;

б)нотариал идораларда, шунингдек, қонун билан назарда тутилган ҳолларда, бошқа органларда тасдиқланадиган битимларга бўлинади.

Оддий ёзма битим битимнинг шартларини ўз ичига олган ва тарафлар (ёки бир тараф) томонидан имзоланган хужжатга айтилади.

Битимлар кўйидаги ҳолларда оддий ёзма шаклда тузилади:

1) юридик шахсларнинг ўзаро ва фуқаролар билан тузиладиган битимлари ;

2) фуқаролар ўртасидаги белгиланган энг кам ойлик иш ҳақининг ўн бараваридан ортиқ бўлмаган суммадаги битимлар, қонунда белгиланган ҳолларда эса битим суммасидан қатъи назар бошқа битимлар.

Ёзма битим уни тузувчилар ёки уларнинг вакиллари томонидан имзоланиши керак. Агар фуқаро жисмоний камчилиги, касаллиги ёки бошқа бирон сабаб билан битимни имзолай олмаса, бу ҳолда унинг топшириғига биноан бошқа фуқаро имзолаши мумкин. Бу фуқаронинг имзоси битим тузувчи ишлаб ёки ўқиб турган ташкилоти ва яшаш жойидаги маҳалла (фуқароларнинг ўзиниётзи бошқариши йигини кенгаши) ёки у даволанаётган муассасанинг маъмурияти ёхуд нотариал идора томонидан тасдиқланиши лозим. Бундай ҳолларда битим тузган шахснинг ўзи қандай сабаб билан битимни имзолай олмаганлигини албатта кўрсатиши керак.

Ташкилотлар томонидан тузиладиган ёзма битимларда мазкур ташкилот раҳбарининг имзоси ва муҳри бўлиши лозим. Баъзи юридик шахслар томонидан тузиладиган битимларда иккита имзо: ташкилот раҳбари ва бошқа мансабдор шахс, одатда, бош бухгалтер ёки

бухгалтернинг имзоси бўлади. Хатлар, телеграммалар, телефонограммалар, телетайпограммалар, факслар, SMSлар ёки субъектларни ва улар хоҳиши-иродаси мазмунини белгилайдиган бошка хужжатларни ўзаро айирбошлиш, агар қонунда ёки тарафларнинг келишувида бошқача ҳол белгиланмаган бўлса, ёзма шаклда тузилган битимга тенглаштирилади.

Баъзи ҳолларда ёзма тузилган битим қўшимча талабга ҳам жавоб берishi лозим (муайян шаклдаги тузилиши, муҳр билан тасдиқланиши ва х.к.).

Ёзма шаклда тузилган битимни бажарган тараф иккинчи тарафдан ижрони тасдиқловчи хужжат талаб килишга ҳақли. Бу коида оғзаки тадбиркорлик битимиға нисбатан ҳам жорий қилинади.

Қонун билан талаб этилган битимнинг оддий ёзма шаклига риоя қилмаслик унинг ҳақиқий эмаслигига олиб келмайди, бироқ низо келиб чиқкан тақдирда, тарафларни битимнинг тузилганлигини, мазмунини ёки бажарилганлигини гувоҳларнинг кўрсатувлари билан тасдиқлаш ҳуқуқидан маҳрум киласди (ФКнинг 109-моддаси).

Оддий ёзма шаклга риоя қилмасдан тузилган битим қонун ёки тарафларнинг келишувига бевосита зид бўлмаса, ўз-ўзича ҳақиқий бўлиб саналса ҳам, низо чиқкан тақдирда битимнинг тузилганлигини ва унинг мазмунини гувоҳларнинг кўрсатмалари билан исботлаб бўлмайди.

Нотариал гувоҳлантирилган битим деб белгиланган шаклда нотариат хати бўлган, нотариус томонидан имзоланган ва гербли муҳр босилган ёзма хужжатга айтилади. Нотариал шаклдаги битим уни тузувчилиар ёки вакиллари томонидан нотариус хузурида имзоланади.

Битимларни нотариал тартибда тасдиқлаш факат қонунда кўрсатилган ёки тарафлардан бири талаб қилган ҳоллардагина мажбурийдир. Жумладан, уй-жойларни олди-сотдиси, гаровга кўйиш шартномалари ва бошқа баъзи шартномалар, шунингдек, мулкни васият килиш тўғрисидаги битим (vasiyatnomah) нотариал тартибда тасдиқланишини талаб қиласди.

Битимларнинг оддий ёзма ва нотариал тасдиқланган шаклда тузилиши баъзи муҳим асослар бўйича белгиланган, жумладан:

биринчидан, битимнинг ёзма шакли битим тузилганлиги фактини бир томоннинг баёнотига ёки гувоҳларнинг кўрсатмаларига караганда асослироқ исботлайдиган далил бўла олади;

иккинчидан, ёзма шакл оғзаки шаклдан кўра битимнинг ҳақиқий мазмунини аниқлашга яхшироқ ёрдам беради ва зарур ҳолларда уни тегишили давлат органлари томонидан текширилишини енгиллаштиради. Шу нуткази назардан, битимнинг инсофисиз иштирокчилари томонидан баъзи ҳолларда йўл кўйиладиган суистеъмолчиликларга қарши маълум даражада гаров бўлиб хизмат қиласди;

учинчидан, битимнинг ёзма шакли тарафлар учун мажбурий бўлиши юридик фактларни хужжатлаштириш ва тарафларнинг фаолиятлари устидан назорат олиб бориш имкониятини беради;

тўртингчидан, битимларнинг ёзма шаклда расмийлаштирилиши фуқаролик муомаласи иштирокчиларини муайян тартибга, ўз эркларини аниқ ифода этишга ва битим билан назарда тутилган шартларни пухта бажаришга ўргатади.

Қонун баъзи ҳолларда битимларнинг ёзма ёки нотариал шаклда расмийлаштиришидан ташқари, тегишли давлат муассасаларида қайд этилишини (рўйхатдан ўтказилишини) талаб қиласди. Масалан, ер участкалари ва бошка кўчмас мол-мулк билан боғлиқ битимлар (бошка шахсга бериш, ипотека, узоқ муддатли ижара, меросни қабул қилиб олиш ва бошқалар) давлат рўйхатидан ўтказилиши керак (ФКнинг 111-моддаси).

Қонун бўйича талаб қилинадиган шаклга риоя қилмаслик оқибатида қонунда тўғридан-тўғри кўрсатилган тақдирдагина битимнинг ҳақиқий саналмаслигига сабаб бўлади. Жумладан, битимнинг нотариал шаклига ёки уни давлат рўйхатидан ўтказиш талабига риоя қилмаслик битимнинг ҳақиқий эмаслигини келтириб чиқаради. Бундай битим ўз-ӯзидан ҳақиқий бўлмайди (ФКнинг 112-моддаси, 1-банди). Бундай ҳолларда битим тузган тарафлар ҳар бир битимга биноан олинган ҳамма нарсани кайтаришга, бунинг имконияти бўлмаганда, агар ҳақиқий бўлмаган битимнинг бошка оқибатлари қонунда назарда тутилмаган бўлса, унинг қийматини пул билан тўлашга мажбур бўлади.

Агар тарафлардан бири нотариал тасдиқлаш талаб қилинадиган битимни тўла ёки кисман бажарган бўлса, иккинчи тараф эса битимни нотариал расмийлаштиришдан бош торгса, суд битимни бажарган тарафнинг талаби бўйича уни ҳақиқий ҳисоблашгага ҳақлидир. Бу ҳолда битимни кейинчалик нотариал расмийлаштириш талаб қилинмайди (ФКнинг 112-моддаси, 2-банди).

Агар давлат рўйхатидан ўтказиш талаб қилинадиган битим керакли шаклда тузилган бўлиб,ammo тарафлардан бири уни рўйхатдан ўтказишдан бош торгса, суд бошка тарафнинг талаби билан битимни рўйхатдан ўтказиш тўғрисида қарор чиқаришга ҳақли. Бундай ҳолларда битим суд қарорига мувофиқ рўйхатдан ўтказилади (ФКнинг 112-моддаси, 3-банди).

4 §. Биржа битимлари

Битимлар орасида биржа битимлари ўзига хос хусусиятга эга. Биржа аввалдан тайинланадиган манзил ва вактда белгиланган коидалар асосида очиқ савдо-сотиқ ўтказиш оркали биржа товарлари билан эркин ултуржи савдо қилиш учун шарт-шароитлар яратувчи, юридик шахс ҳисобланган корхонадир.

Ўзбекистон Республикасининг «Биржалар ва биржалар фаолиги тўғрисида»ги Қонунининг 23-моддасида биржаларда тузиладиган товарларни олди-сотди битимларини тўртта тури кўрсатилган бўлиб, улар кўйидагилардир:

-мавжуд товарларнинг олди-сотди битимлари, шу жумладан, товарларни дарҳол бериб юбориш ёки етказиб бериш ёхуд товарга эгалик қилиш ҳукукини берувчи хужжатлар топширишини кўзда тутувчи олди-сотди битимлари;

-форвард битимлар – реал товарни етказиб бериш муддатларини кечиктирган холда ҳарид қилиш ва сотишга доир битимлар;

-фьючерс битимлари – товарларга доир стандарт контрактларнинг олди-сотди битимлари;

-опцион битимлар – товарларни ёки товарлар етказиб бериш контрактларини белгиланган нархлар бўйича келгусида ҳарид қилиб олиш ёки сотиш ҳукукларига доир олди-сотди битимлар.

Қонунда кўзда тутилган биржа битимларини уларнинг ижро муддатига кўра, икки турга бўлиши мумкин.

Биринчи турдаги битим тузилган вақтнинг ўзидаёк топширилайдиган товар ёки мулк ҳукукини берувчи хужжат шу вақтнинг ўзидаёк, деб айтилса-да, олди-сотди жараёни ўтганича маълум бир вактни талаб этади.

Иккинчи турдаги битимларга форвард, фьючерс, опцион битимлар киради. Форвард битимлар, яъни, муддатли битимлар фонд ва товар биржаларида кўпланиладиган келгусида товарни етказиб бериш ёки қимматли қофозни сотишини назарда тутувчи битимдир. Бу битимнинг ҳам асосий хусусиятларидан бири кўзда тутилган ҳаракатни маълум вақт ўтганидан кейин содир қилиш хисобланади. Унинг яна бир хусусияти шундаки, сотиб олувчи мавжуд товарни кўриб ёки товарни ўзини кўрмасдан туриб битим тузади, бунда келгусида ишлаб чиқарилиши мўлжаланаётган товар кўзда тутилади.

Фьючерс битимлари олди-сотди битимларидан бири бўлиб, бу битимлар бўйича товарлар, хомашёлар, ярим фабрикат тайёр маҳсулотлар ёки қимматбахо қофзларни шу битимда кўрсатилган баҳода, факат маълум бир вақт ўтганидан кейин сотилади. Яъни, фьючерс битим – товар ёки фонд биржасида бажариладиган муддатли битимдир. Бу битимнинг ўзига хос томони шундаки, бунда тузилган битимда кўрсатилган баҳодан битимни ижро қилиш вақтида бозор баҳоси ўртасидаги фарқ туфайли кўшимча даромад олиш ёки бунинг акси бўлиши мумкин.

Опцион битимлар (лотинча оптіо-танлаш) бир неча ҳаракат ёки қарордан бирини танлашни англатади. Опцион битимларда альтернатив мажбуриятлар пайдо бўлиб, ҳукукий жиҳатдан тенг бўлган ҳаракатлардан бирини танлаш имконияти, яъни, ўз мажбуриятини бажариш ёки уларни бажармаслик мумкин бўлади. Бунга мисол қилиб шартномада бир томонга шартномада кўзда тутилган муддатнинг хоҳлаган кунда (америкача

опцион) товарни ёки кимматбахо қофозни талаб килиш ёки бўлмаса үнинг бу хукуқидан воз кечиш хукуки берилишини кўрсатиши мумкин.

«Биржалар ва биржалар фаолияти тўғрисидаги» Конуннинг 22-моддасида биржа битимлари қўйидагича таърифланади: Биржа томонидан рўйхатта олинган биржа товари хусусида биржа савдосининг биржада қайд ишлган натижаси бўйича тузилган олди-сотди шартномаси биржа битими хисобланади.

Юкоридагилардан кўринадики, биржа битимлари умумий олди-сотди битимлардан қўйидаги ҳолатлар бўйича фарқ қиласи:

биринчидан, биржа битимлари факат биржа савдоси жараёнида тузилади;

иккинчидан, битимнинг обьекти бўлган товар ёки қимматлий қофозни биржа савдосига қўйиш учун, албатта, биржа томонидан ижозат берилган бўлиши лозим (Биржа савдосига қўйиладиган товар ёки қимматли қофоз биржа ахборотномасига (рўйхатига) киритилади. Буни «листинг» деб ҳам юритилади). Бундан мақсад биржа битимлари субъектларини ҳар хил фирибгарлик ёки мансабни сунистъомол қилишлардан саклашади;

учинчидан, биржа битимлари факат биржа аъзолари томонидан ёки уларнинг вакиллари – брокерлар томонидан тузилади;

тўртинчидан, биржа битимлари биржаларда рўйхатдан ўtkазилади ва улар нотариал тасдиқланиши талаб этмайди (конунда назарда тутилган ҳоллардан ташқари);

бешинчидан, биржада тузилган форвард, фьючерс ва опцион битимларнинг ижроси ва унинг ижро килинмаганлигидан етказилган зарарни ундириш бўйича шу биржа кафолат бериши лозим .

Шунингдек, биржа битимининг мазмуни (товарнинг номи, миқдори, нархи, битим тузилган сана ва вақт ҳамда уни тузган биржа аъзоларининг номи бундан мустасно) ошкор қилиниши мумкин эмас. Биржа битимининг мазмунига доир маълумот судларга, кўзғатилган жиноят иши мавжуд бўлган тақдирда эса, суриштирув ва тергов органларига тақдим этилади..

Форвард ва фьючерс битимлари ҳамда опционлар савдосини амалга оширучи биржа ўнининг хисоб-китоб (клиринг) марказлари орқали битимлар ижросини кафолатлаши шарт.

Биржаларда тузилган битимларда тегишли тарафлардан ташқари воситачилар ҳам қатнашадилар. Бунда воситачилик вазифасини брокер (олди-сотди битимлар тузилишида ўз мижозларининг топшириғи бўйича ва уларнинг номидан воситачилик хизматларини амалга оширувчи шахс) амалга оширади.

Биржа битимлари биржа номидан ва унинг хисобидан тузилиши мумкин эмас.

Битим билан боғлиқ низолар олдин биржалар ҳакамлик комиссиясида ҳал этилади. Қарордан рози бўлмаган томон ҳакамлик судига мурожаат этишга ҳакли.

Шундай килиб, биржা битимлари Фуқаролик кодексида кўзда тутилган умумий битимлардан бир мунча фарқ қиласди. Шуларни назарда тутган ҳолда Ўзбекистон Республикасининг амалдаги Фуқаролик кодексига биржা битимлари тўғрисида алохида параграф ёки моддалар киритиш мақсадга мувофиқ бўлар эди. Чунки, биржা савдоси ва унда тузилаётган битимлар бозор иктиносидётининг янги институтларидан бири бўлиб, бизнинг ҳаётимизга чукуррек илдиз отиб бораётган хозирги шароитда бу шартномалар ҳар бир фуқаро учун таниш ва янада тушунарли бўлган бўлар эди.

5 §. Битимнинг ҳақиқий саналиши шартлари

Битимлар ҳақиқий саналиши учун куйидаги шартларга жавоб бериши лозим:

-биринчидан, битимларнинг мазмуни қонунга ва қонун асосида чиқарилган актларга, умуминсоний қоидаларга мувофиқ бўлиши;

-иккинчидан, битимларни тузувчи шахслар муюмала лаёқатига эга бўлишлари;

-учинчидан, битимлар кўриниш учунгина тузилмай, балки чиндан ҳам юридик оқибат түғдириш мақсадида тузилган бўлиши;

-тўртингчидан, нотариал гувоҳлантириши ёки давлат рўйхатидан ўтказилиши лозим бўлган битимлар ҳақиқий саналмаслиги хавфи остида қонун билан талаб килинган шаклда расмийлаштирилиши керак.

Шунингдек, хўжалик шартномаларини хўжалик юритувчи субъектлар юридик хизмати (ёки адвокати)нинг имзосисиз тузишга йўл қўйилмайди. Айни вақтда, қонун хужжатларида белгиланган энг кам иш ҳаки миқдори икки юз бараваридан ортиқ суммадаги шартномалари юридик хизмати (ёки адвокати)нинг ёзма хulosасидан кейингина тузилади.

Юқорида кўрсатилган талабларга риоя қилинмай тузилган битимлар, тузилган пайтдан эътиборан, ўз-ўзидан ҳақиқий саналмайди. Бундай битимлар мутлақ ҳақиқий саналмайдиган битимлар, деб аталиб, ҳеч қандай хукуқ ва мажбуриятларни вужудга келтирмайди.

Мутлақ ҳақиқий саналмайдиган битимлар жумласига қонун талабларига мувофиқ бўлмаган (ФКнинг 116-моддаси), Ўзбекистон Республикасининг манфаатларига хилоф равишда тузилган (Ўзбекистон Республикаси Жиноят кодексининг 175-моддаси), ўн тўрт ёшга тўлмаган шахс томонидан тузилган (ФКнинг 117-моддаси), қалбаки ва қўзбўямачилик учун тузилган битимлар (ФКнинг 124-моддаси) ўз-ўзидан ҳақиқий саналмайди.

Ҳақиқий саналмайдиган битим юзасидан ижрони, мулк топширилишини ёки нул тўланишини талаб қилиш мумкин эмас.

Битим бутунлай ҳақиқий саналмаганидек, баъзи ҳолларда унинг айрим қисми ҳақиқий бўлмаслиги мумкин. Битимнинг муҳим қисми, яъни, унинг нарсасини, юридик табиатини ёки мақсадини ва бошқа муҳим шартларини

кўрсатувчи бандлари хақиқий бўлмаганида битим бутунлай юридик кучга иш бўлмайди. Масалан, фуқаронинг ўзига уй-жой куриш учун берилган ер учисткасини сотиши тўғрисида тузган битими бутунлай хақиқий гендермайди.

Битимнинг мухим бўлмаган қисмларининг, яъни, битимнинг юқорида кўрсатилган аҳамиятга эга бўлмаган бандлари қонунга мувофик қисмаган тақдирда, унинг қолган, қонунга хилоф бўлмаган қисмлари хақиқий саналади. Бу хақда ФКнинг 128-моддасида битимнинг бир қисми хақиқий санаалмаслиги, битимга бу хақиқий санаалмаган қисм кўшилмаса хам, у тузилган бўлар эди, деб тахмин қилиш мумкин бўлса, унинг бошқа қисмларининг хақиқий санаалмаслиги сабаб бўлмайди, деб кўрсатилган.

Хақиқий бўлмаган битим, бу тўғрида даъво қилиниши-қилинмаслигидан қатъи назар, тузилган пайтданоқ ўз-ўзидан мутлақо ҳақиқий эмас, деб танилади. Агар бутунлай битим суд ёки хўжалик суди мухокамасида бўлса, фақат унинг хақиқий эмаслиги таъкидланади ва унга биноан қонунда кўрсатилган оқибатларнинг тадбик этилиши лозимлиги кўрсатилади.

Юқорида кўрсатилган ўз-ўзидан ҳақиқий санаалмайдиган битимлардан ташкари, низоли битимлар ҳам бўлади. Бундай битимларнинг содир бўлмаслиги учун:

- биринчидан, битимни тузувчи шахс ўз томонидан тузилаёган битимнинг хусусиятларини ва хуқуқий оқибатларини аниқ, равшан билиши;

- иккинчидан, битим тузувчи шахснинг эрки ўзи томонидан, бошқа бирорларнинг таъсиридан ташқари ҳолда ифодаланиши;

- учинчидан, битим тузувчи шахснинг эрки етарли даражада етук, мукаммал бўлиши керак.

Юқорида кўрсатилган талабларга риоя қилмаслик, тузилган битим тузилиши пайтида ҳақиқий санаалса ҳам, кейинчалик бундай битимлар тўғрисида низо кўзғатилиши мумкин. Бундай битимлар тузилганидан сўнг тарафларга нисбатан муайян хукуқ ва мажбуриятлар даъво кўзғатилгани ҳолда, у ҳақиқий эмас деб топилиши мумкин.

Низоли битимлар жумласига, ўз ҳаракатларининг аҳамиятини тушуна олмайдиган ёки уларни бошкара олмайдиган фуқаро томонидан тузилган (ФКнинг 121-моддаси) янглишиши таъсирида тузилган (ФКнинг 122-моддаси), алдаш, зўрлик, кўрқитиш, бир тараф вакилининг иккинчи тараф билан ёмон ниятда келишуви ёки оғир ҳолатлар юз бериши таъсирида тузилган (ФКнинг 123-моддаси), муомала лаёқати чекланган фуқаро томонидан тузилган (ФКнинг 120-моддаси), юридик шахс хукуқий лаёқатидан ташқарига чиқадиган битимлар (ФКнинг 125-моддаси) киради.

Бундай низоли битимлар тўғрисида даъвони жабрланган шахснинг ўзи, прокурор ёки бошқа шахсларнинг манфаатларини кўзлаб судга мурожаат қилиш хукуқига эга бўлган давлат органлари, жамоа хўжалиги,

Ёш болалар тузилиш вақтидаёқ ижро этиладиган майший битимлар, масалан, қалам, дафтар, умуман ўзлари учун зарур бўлган нарсаларни олиш бўйича битим тузишлари мумкин.

7 §. Низоли битимларнинг турлари ва уларнинг ҳақиқий саналмаслиги оқибатлари

Ўн тўрт ёшдан ўн саккиз ёшгача бўлган вояга етмаган ўсмиirlар қисман муомала лаёкатига эга бўлсаларда, битимларни ота-оналари, фарзандликка олганлар ёки ҳомийлари розилиги билан тузадилар. Аммо уларнинг кундалик эҳтиёжларини қондиришга қаратилган ва ўзлари учун зарарли бўлмаган майший битимларни мустақил равишда тузишлари мумкин. Ўсмир томонидан тузилган битим (агар бу битим унинг ота-оналари ёки фарзандликка олган ёхуд ҳомийлари розилигидан ташқари тузилган бўлса) ота-оналарининг ёки фарзандликка олганларнинг ёхуд ҳомийларининг даъвосига биноан суд томонидан ҳақиқий эмас, деб топилиши мумкин. Демак, бундай битимлар умуман ҳақиқий саналсада, улар тўғрисида низо кўзғатилиши ва битим тузувчиларнинг қонуний вакилларий томонидан кўзғатилган даъволарга биноан суд томонидан ҳақиқий эмас деб топилиши мумкин. Бундай ҳолда мазкур битим бўйича тарафларнинг ҳар қайсиси битим юзасидан олган нарсаларининг ҳаммасини иккинчи тарафга қайтаришга, олинган нарсани натура бараваридан қайтариш мумкин бўлмаса, унинг қийматини пул билан тўлатишга мажбур. Муомалага лаёкатли тараф бундан ташқари, агар иккинчи тарафнинг муомалага лаёкатсизлигини билган бўлса, ёки билиши лозим бўлган бўлса, унинг битим туфайли қилган харажатларини мулкнинг йўқолиши ёки заарланишидан келган зиёнларни шу вояга етмаган шахсга тўлашга мажбур.

Спиртли ичимликларни ёки гиёхванд воситаларини сустеъмол қилиш оқибатида муомала лаёқати чекланган фуқаро томонидан ҳомийсининг розилигисиз тузилган битимни суд ҳақиқий эмас деб топилиши мумкин (ФКнинг 120-моддаси).

Ўз ҳаракатларининг аҳамиятини тушунишга ёки уларни бошқаришга қобилияти бўлмаган фуқаро томонидан тузилган битим деб муомалага лаёқатли бўлса-да, битим тузиш пайтида қандайдир таъсирлар остида (масалан, гипноз, психотропик дори) ўз ҳаракатларининг аҳамиятини тушуна олмайдиган ёки уларни идора қила олмайдиган ҳолатда бўлган шахс томонидан тузилган битимга айтилади. Бундай битим суд томонидан ҳам ҳақиқий эмас деб топилиши мумкин.

Юқорида кўрсатилган икки ҳолдан биринчисида даъволар муомалага лаёқати чекланган фуқаро томонидан унинг ҳомийси кўзғатса, иккинчи ҳолда, яъни, битим муомалага лаёқатли шахс томонидан тузилган ҳолда унинг ўзи томонидан кўзғатилиши мумкин. Агар бундай битимлар ҳақиқий эмас деб топилса, тарафларнинг ҳар қайсиси битим юзасидан

олинган барча нарсаларини иккинчи тарафга қайтаришга, агар олинган нарсаны натура бараварида қайтариш мумкин бўлмаса, унинг қийматини тўлашга мажбур бўлади.

Бундан ташқари, битим тузиш пайтида ўз ҳаракатларининг аҳамиятини тушунмаган ёки уларни идора эта олмаган тарафга иккинчи тараф, агар ўзи билан битим тузган фуқаронинг шундай ҳолатда бўлгандлигини билган ёки билиши лозим бўлса, унинг битим юзасидан килган харажатларини, мулкнинг йўқолиши ёки заарланиши сабабли кўрган зиёnlарни тўлаши лозим.

Жиддий аҳамиятга эга бўлган янгилишиш таъсири остида тузилган битим янгилишиш таъсирида ҳаракат қилган тарафнинг даъвоси бўйича суд гомонидан ҳақиқий эмас деб топилиши мумкин.

Жиддий янгилишиш таъсирида бўлиб битим тузишда, бундай битим тузувчи шахс, битимнинг нарсаси, хусусан бу нарсанинг сифати тўғрисида, битим тузувчи контрагентнинг (карши тарафнинг) шахси ҳакида хато тасаввурда бўлади.

Агар жиддий аҳамиятга эга бўлиб, янгилишиш таъсирида тузилган битим ҳақиқий эмас деб топилса, тарафлардан бири иккинчи тарафга битим юзасидан олган барча нарсаларини қайтаришга, олинган нарсаны натура бараварида қайтариш мумкин бўлмаганида эса унинг қийматини тўлашга мажбур. Бундан ташқари, ўз даъвосига кўра битим ҳақиқий эмас деб топилган тараф, янгилишиш иккинчи тарафнинг айби билан юз берганлигини исботлай олса, иккинчи тарафдан ўзига етказилган ҳақиқий зарарни тўлашни талаб қилишга ҳақли. Агар бу ҳол исботланмаса, ўз даъвосига кўра битим ҳақиқий эмас деб топилган тараф иккинчи тарафнинг талаби билан, башарти, ҳатто янгилишиш тарафга боғлик бўлмаган ҳолатларга кўра юз берган бўлса ҳам, етказилган ҳақиқий зарарни унга тўлаши шарт (ФКнинг 122-моддаси).

Алдаш, зўрлаш, қўрқитиш таъсири остида ёки бир тараф вакилининг иккинчи тараф билан ёмон ниятда ёхуд фуқаро учун оғир ҳолатларнинг юз бериши оқибатида тузилган битим жабрланувчининг даъвоси бўйича ҳақиқий саналмаслиги мумкин.

Алдаш таъсири остида битим тузилишида битим тузувчи иккинчи томонни атайн ёмон ният билан янгилиширади. Бу ҳолда алданувчи томон битимнинг нарсаси ёки унинг шартлари тўғрисида хато гасавур қиласди. Уй-жойларни эгаликка бериш ҳакидаги қарор ва унга асосан эгалик ҳукуки тўғрисида берилган ордер битимларни ҳақиқий эмас деб топиш учун, фуқаролик қонунчилигида белгиланган асосларда, суд томонидан ҳақиқий эмас деб топилиши мумкин.

Қўрқитиш таъсири остида битим тузилишида жабрланган шахс ўзига ёки яқин кишиларига бирор мулкий ёки шахсий зарар етказилишидан кўрқиб, битим тузишга мажбур бўлади.

Зўрлик деб бошқа шахснинг эрки шу шахсни битим тузишга мажбур қилиш мақсадида унинг ўзига ёки яқин кишиларига жисмоний азоб етказишдан иборат бўлган гайриқонуний таъсиrot тушунилади.

Бир тараф вакилининг иккинчи тараф билан ёмон ниятда келишуви туфайли битим тузилса, вакилнинг ёки у билан битим тузувчининг манфаатлари назарда тутилиб, вакил қилинувчининг зарарига қаратилган харакат қилинади.

Оғир холатларнинг вужудга келиши натижасида тузилган битимда тарафлардан бири қаттиқ муҳтожлик таъсирида харакат килади ва ўзи учун зарари очикдан-очик кўриниб турган битимни тузади.

Алдаш, зўрлик, кўрқитиш, бир тараф вакилининг иккинчи тараф билан ёмон ниятда келишиши таъсирида тузилган битим, шунингдек, оғир холатлар юз бериши туфайли тузилган битим ҳақиқий эмас деб топилса, бу холат иккинчи тараф битим юзасидан олган нарсасини жабрланувчига қайташи, олинган нарсани натура бараварида қайташи мумкин бўлмаганида эса, унинг қийматини тўлаши лозим. Битим юзасидан жабрланувчининг иккинчи тарафдан асоссиз олинган мулки давлат даромадига ўтказилади. Бундан ташкари, иккинчи тараф битимнинг ҳақиқий эмас деб топилиши туфайли вужудга келган харажатларнинг, йўқолган мол-мulk ва етказилган зарарни жабрланувчига тўлаши шарт (ФКнинг 123-моддаси).

ФКнинг 125-моддасига мувофиқ, юридик шахс томонидан унинг таъсис хужжатларида (таъсис шартномаси, устави) аниқ чегаралаб кўйилган мақсадларга зид ҳолда тузилган ёки тегишли фаолият билан шуғулланишга лицензияси бўлмаган юридик шахс томонидан тузилган битим унинг муассиси (иштирокчиси) ёки ваколатли давлат органининг даъвоси бўйича суд томонидан ҳақиқий эмас деб топилиши мумкин.

Назорат учун саволлар

1. Битимларни қандай турларини биласиз?
2. Биржа битимларини санаб беринг.
3. Шартли битимларга таъриф беринг.
4. Электрон битимларни тушинтириб беринг.
5. Низоли битимларга мисол келтиринг.
6. Опциян битимларга мисол келтиринг.
7. Форвард битимларга таъриф беринг.
8. Кўрқитиш таъсири остида тузилган битимларга мисол келтиринг.
9. Ҳақиқий саналмайдиган битимларни қандай турларини биласиз?
10. Мутлақо ҳақиқий саналмайдиган битимлар жумласига қандай битимлар киради?

XIII БОБ. ВАКИЛЛИК ВА ИШОНЧНОМА

1 §. Вакиллик тушунчаси

Хозирги кунда вакиллик институтини амалиётда кўллаш масалаларига алоҳида эътибор қаратишга эхтиёж сезилмоқда. Маълумки, вакиллик институти фукаролик хукуқининг яхши ўрганилмаган бўлимларидан бири хисобланади.

Вакиллик – вакилни ваколат берувчи шахс билан боғлайдиган хукукий муносабатдир. Вакилликнинг мақсади вакил томонидан битимни, яъни қонуний юридик ҳаракатни амалга ошириш хисобланади.

Академик Х.Рахмонқуловнинг фикрича, XIX–XX асрларда хукукий муносабатларнинг мураккаблашуви натижасида вакиллик институти жуда яхши ривожланган.¹

Проф.И.Б.Зокиров вакилликнинг моҳияти шундан иборатки, унга асосланиб тузилган битимлар фақат ваколат берувчи учунгина муайян хукуқ ва мажбуриятларни вужудга келтиради, ўзгартиради ва бекор қиласди, деб ҳисоблади. Унингча, вакилнинг шахсан ўзи эса, битимлар юзасидан ҳеч қандай хукуқ ва мажбуриятлар олмайди. Кишининг шахси билан боғлиқ бўлган, шунингдек, қонунларда назарда тутилган битимларни вакил орқали тузишга йўл кўйилмайди. Масалан, никоҳ шартномасига киришиш, алиментларни ундириш ёки тўлаш билан боғлиқ мажбуриятлар.²

Вакилликнинг моҳияти шундан иборатки, унга асосланиб тузилган битимлар фақат ваколат берувчи учунгина муайян хукуқ ва мажбуриятларни вужудга келтиради, ўзгартиради ва бекор қиласди. Вакилнинг шахсан ўзи эса, битимлар юзасидан ҳеч қандай хукуқ ва мажбуриятлар олмайди. Кишининг шахси билан боғлиқ бўлган, шунингдек, қонунларда назарда тутилган битимларни вакил орқали тузишга йўл кўйилмайди. Масалан, никоҳ шартномасига киришиш, алиментларни ундириш ёки тўлаш билан боғлиқ мажбуриятлар.

Вакиллик орқали хукуқ лаёкатини амалга ошириш, яъни ҳукуқлар олиш ва мажбуриятларни бажариш мумкин бўлмаганлиги сабабли, вакилларнинг хизматига фуқаролар ҳам, юридик шахслар ҳам муҳтож бўладилар. Жумладан, фуқаро ўзига қарашли уй-жойни вакил орқали бошқариш ёки сотиши, ташкилотлар эса, вакиллар орқали бир-бирлари билан турли шартномалар тузишлари мумкин.

Муомалага лаёкатли фуқароларгина вакил бўлишлари, вакиллик қилишлари мумкин. Истисно сифатида айрим ҳолларда ўн олти ёшга тўлиб, паспорт олган фуқаро ҳам вакил бўлиши мумкин. Фуқароларнинг фақат бир-бирлари учунгина эмас, бაъзи ҳолларда ташкилотлар учун ҳам

¹ Х.Рахманқулов Гражданское право. Учебник -Т.,ТДЮИ. -С. 438.

² И.Б.Зокиров Фуқаролик хукуки. Дарслик. -Т.,ТДЮИ. -Б. 173.

вакил бўлишларига қонун йўл қўяди. Масалан, савдо ва таъминот бўйимларининг агентлари, маҳсулот тайёрловчи вакил ва бошқа ходимлар ташкилотларнинг вакилилари сифатида иш бажарадилар.

Юридик шахс факат ўз устасида назарда тутилган ҳолларда ёки ўз фаолиятига мувофиқ бўлгандағина фуқароларнинг вакил ёки бошқа юридик шахс вакили сифатида ҳаракат қилиши мумкин.

Ташкилотларнинг мулкий хукукларини, шунингдек, фуқароларнинг шахсий ва мулкий хукукларини ҳимоя этиши мақсадида қонун кимларнинг вакил сифатида ҳаракат қила олмаслигини белгилайди. Жумладан, ташкилотнинг бош бухгалтерига ўзи ишлаб турган ташкилот учун банқдан ва молия органларидан нақд пул, шунингдек, бошқа товар, моддий бойликлар олишга йўл қўйилмайди. Савдо корхоналари ва бошқа ташкилотлар ўзларидан олинган ваколатномалар юзасидан ҳисобот бермаган мансабдор шахсларни товар, бошқа ашёларни олиш учун вакил қила олмайди.

Судда вояга етмаган шахслар, васийлик ва ҳомийлик остидаги шахслар фуқароларнинг вакиллари сифатида қатнаша олмайдилар. Судьялар, терговчилар, прокурорлар қонуний вакил сифатида (ота-оналар, фарзандликка олганлар, васийлар, ҳомийлар), шунингдек, тегишли суд ёки прокуратуранинг вакили сифатида қатнашиш ҳолларидан ташкари, судда вакил бўла олмайдилар (ФПКнинг 51-моддаси). Ваколат берувчи ҳар қандай шахс муомалага лаёкатли ва муомалага лаёкатсиз фуқаролар ҳам, шунингдек, юридик шахслар ҳам бўлиши мумкин.

2 §. Ваколат ва унинг турлари

Вакил унга берилган ваколатлар доирасида иш юритади ва ўзини вакил қиуловчига нисбатан муайян хукуқ ва мажбуриятларни вужудга келтиради, ўзgartиради ва бекор қиласди. Бинобарин, ваколат деб вакилнинг бошқа шахс номидан муайян юридик ҳаракатлар қилишга ва шу билан у учун хукуқий оқибатларни вужудга келтиришга қаратилган хукуқ тушунилади. Вакилнинг ваколатлари қонунга, суд қарорига, вакил қилинган давлат органларининг ҳужжатига ёки ишончномага асосланган бўлиши мумкин.

Вакил ўз ваколатини ваколат берувчининг манфаатларини кўзлабгина амалга оширишга мажбур. Бинобарин, вакил ўзига ваколат берган шахс номидан, шахсан ўзига нисбатан ҳам, у айни бир вактда вакили бўлган бошқа шахсга нисбатан ҳам битимлар тузиши мумкин эмас (тижорат вакиллиги бўлган ҳоллар бундан мустасно) (ФКнинг 129-моддаси, 3-банди).

Агар шахс номидан ошкора ҳаракат қилиш учун хеч қандай ваколат бўлмаса ёки ваколатли бўлса ҳам унинг доирасидан четга чиқиса, бу

холда тузилган битимлар бўйича ким номидан ҳаракат қилган бўлса, мазкур шахс учун ҳукук ва мажбуриятлар вужудга келмайди.

ФКнинг 132-моддасида кўрсатилганидек, бошқа шахс ..номидан тузилган ёки ваколатлардан ташқари чиқиб тузилган битим ваколат берган шахс кейинчалик маъкулланган тақдирдагина, унинг учун ҳукук ва мажбуриятларни вужудга келтиради, ўзgartиради ва бекор қиласди. Битим тузишга ваколат берган шахс битимнинг ижрога қабул килинганлигидан гувохлик берувчи ҳаракатлар қилган ҳолда ҳам бундай битим маъкулланган ҳисобланади.

Вакил қилувчи томонидан битимнинг келгусида маъкулланиши у тузилган вактдан эътиборан ҳақиқий деб ҳисоблашга ҳукук беради.

Битимлар тузишда вакил ўз эрки билан ҳаракат қиласди. Бу ҳолда у ўзига берилган ваколатнинг ҳажмига, амалдаги ҳуқий нормаларнинг қоидаларига, вакил қилувчининг берган кўрсатма арига асосланиб иш тутади. Битим тузилишида вакилнинг эрки ҳам ваколат доирасида ифодаланганилиги сабабли вакилнинг жиддий равишда янгилиши, алданиш, кўркитилиш ёки зўрлик таъсирида тузилган битим: суд томонидан ҳақиқий эмас деб топилиши мумкин.

Вакил комиссиянердан фарқ қиласди. Агар вакил битим тузишда бошқа шахс номидан ҳаракат қилса, комиссиянер бошқа бир шахс комитент топшириги бўйича ва унинг ҳисобига ҳаракат қилса ҳам битимни ўз номидан тузади.

Вакил вакил қилувчи томонидан юридик ҳаракатлар қилиш вакил қилувчи учун муайян фуқаролик ҳукукларини вужудга келтириш, ўзgartириш ёки бекор қилиш ниятидан бўлганлигини ўзи билан битим тузувчи шахсларга очик, равshan билдириши лозим. Вакилнинг бундай ниятда бўлганлигини вакил ҳаракат қилиб турган вазиятнинг ўзидан ҳам кўриниб туриши мумкин. Масалан, чакана савдо корхонасидаги сотувчи, кассир ва бошқаларнинг ҳаракатларини, уларнинг муайян бир ташкилот вакиллари бўлишларини билдиради.

Вакил билан ваколат берувчи ўргасида вужудга келадиган ҳукукий муносабатлардан вакилнинг юридик ҳаракатлари натижасида, жумладан, у томонидан тузилган битим туфайли, ваколат берувчи билан учунчи шахслар ўргасида вужудга келадиган ҳукукий муносабатни ажратиш керак. Агар вакил билан ваколат берувчи ўргасидаги муносабат (ички муносабат) шартномага, масалан, топширик ёки меҳнат шартномасига асосланган ёхуд бошқа турдаги юридик фактларга, жумладан, туғилганлик, васийлик, фарзандликка олиш фактларига асосланган ваколат берувчи билан учинчи шахс ўргасидаги ҳукукий муносабат (ташқи муносабат) вакилнинг учинчи шахс билан тузган битими асосида вужудга келади.

Ваколат қандай асослардан вужудга келишига караб, вакиллик икки турга: қонун бўйича вакиллик ва шартнома бўйича, яъни ихтиёрий вакилликка бўлинади.

Ваки́ллик ва унинг ваколати норматив акт билан белгиланган ҳолда бундай вакиллик муомалага лаёқатсиз шахслар -- ёш болалар, руҳий касаллаар, ақли заифларнинг хукуқ ва манфаатлари қўриқланишини таъминлашга қаратилади. Суд органларида вакиллик қилиш тӯғрисидаги қоидалар тегишили қонунлар билан белгиланади.

Ота-оналар, фарзандликка олувчилар ва васийлар ФКнинг 131-моддасида белгиланганидек, конуний вакиллар хисобланадилар.

Шартномали, яни, ихтиёрий вакилликда вакил ва унинг ваколати вакил қилувчининг эрки билан белгиланади. Бундай вакилликда вакил ва унинг ваколати вакил қилувчи томонидан кўрсатилади.

Шартнома бўйича вакилликда меҳнат шартномасига биноан ташкилот номидан берилган ваколатномага асосан ҳаракат қилувчи хизматчи, масалан, ташкилотларнинг юрист маслаҳатчилари, татминот вакиллари ва бошқа вакил бўлиб хисобланадилар.

Топшириқ шартномасига биноан берилган ваколатномага асосан ҳаракат қилувчи шахслар ҳам шартнома бўйича вакил бўла олади. Корхона раҳбари корхона номидан бошқа субъектлар билан муносабатларга киришганда маҳсус ёзма ваколатномасиз иш юритишга ҳақли.

3 §. Ишончнома

Ўзбекистон Республикаси ФКнинг 134-моддасига мувофиқ, ишончнома деб, бир шахс (ишонч билдирувчи) томонидан иккинчи шахсга (ишончли вакилга) учинчи шахслар олдида вакиллик қилиш учун бериладиган ёзма ваколатга айтилади. Ишончли вакил ўзига ишончнома билан берилган ваколатлар доирасида иш олиб боради. Ишончноманинг берилиши вакил учун ваколат белгилашга қаратилган бир томонлама битим сифатида кўрилади. Ишончнома топшириқ шартномаси, меҳнаг шартномаси, экспедиция шартномаси ва бошқа шартномалар асосида берилади.

Юридик шахс номидан, шунингдек, юридик шахсга ҳам ишончнома факат юридик шахснинг уставида (низомида) кўрсатилган фаолият мақсадларига зид бўлмаган битимларни тузиш учунгина берилиши мумкин (ФКнинг 134-моддаси, 2-банди).

Ишончнома бир шахс, шунингдек, бир неча шахслар номидан бир ёки бир неча шахслар номига ҳам берилиши мумкин. Жумладан, уй-жой куриш кооперативининг вакили кооператив аъзоларининг барчаси томонидан ёки умумий мажлиснинг ваколатига биноан бир неча шахс томонидан имзоланган ишончнома олиши мумкин.

Ишончнома вакилнинг учинчи шахслар билан хукукий муносабатларда бўлиши учун тайинланади. Ишончноманинг мазмунидан унинг қандай ваколатларга эга эканлиги, қандай юридик ҳаракатлар қилишга ҳақли бўлиши кўриниб туради. Бинобарин, вакил ишончномада

кўрсатилган ваколат доирасида ҳаракат қилиб, учинчи шахслар билан шартнома тузган бўлса, вакил қилувчи бу шартномани бажаришдан бош торта олмайди.

Ишончнома умумий ва маҳсус турларга бўлинади.

Умумий ишончномада ҳар хил битимлар ва бошқа юридик ҳаракатлар килиш, масалан, юридик ва жисмоний шахсларнинг филиалларини идора этиш ёки фуқарога қарашли мулкни бошқариш учун берилган ваколат кўрсатилилади.

Маҳсус ишончнома бир турдаги битимларни қилиш, масалан, жамоа ҳўжаликлари ва уларнинг аъзоларидан кишилек ҳўжалик маҳсулотларини харид қилиш бўйича битимлар тузиш учун ваколат белгиланади. Факат бирон-бир битимнигина тузиш, масалан, сотиб олиб ажратиб қўйилган товарни олиш учун берилган ишончнома биргаликдаги маҳсус ишончнома хисобланади. Ишончномада унинг қачон берилгандиги кўрсатилиши лозим, акс ҳолда у ҳакиқий саналмайди. Ишончнома кўпине билан уч йил муддатга берилиши мумкин. Агар ишончномада муддат кўрсатилган бўлмаса, у берилган кундан бошлаб бир йил мобайнида ўз кучини саклайди. Берилган куни кўрсатилмаган ишончнома ҳакиқий эмас (ФКнинг 139-моддаси).

Ташкилотлар томонидан товарлар ва бошқа моддий бойликлар олиш учун бериладиган ишончномаларда уларни амалда бўлиш муддати албатта кўрсатилиши керак.

Нотариал шаклни талаб қилувчи битимларни тузиш ёхуд юридик шахсларга нисбатан ҳаракатларни амалга ошириш учун берилган ишончнома идора томонидан тасдиқланган бўлиши керак. ФКнинг 136-137-138-моддаларида назарда тутилган ҳоллар бундан мустасно (ФКнинг 135-моддаси, 2-банди).

Ишончномаларни нотариал идоралардан ташкари бошқа ташкилотлар томонидан тасдиқланиши ФКнинг 136-137-моддалари билан белгиланади. Жумладан, хат-хабарлар, шу жумладан пул ва посылкалар олиш учун бериладиган ваколатнома, иш ҳақи ҳамда меҳнат муносабатлари билан боғлиқ бўлган бошқа тўловларни, муаллиф ва ихтирочиларга бериладиган ҳақларни, пенсиялар, ёрдам пуллари ва стипендиялари, шунингдек, ҳалқ банкларидан тегишли суммаларни олиш учун бериладиган ишончнома фуқаролар яшаб турган жойдаги ўзини ўзи бошқариш органлари томонидан, ишлаб турган ёки ўқиб турган ташкилот томонидан, туар жойдаги уйга хизмат кўрсатувчи уй-жойдан фойдаланиши ташкилоти томонидан, даволаниб турган жойида эса – даволаниши муассасасининг маъмурияти томонидан, ҳарбий хизматчи томонидан ишончнома берилганида тегишли ҳарбий қисм кўмандонлиги томонидан тасдиқланиши мумкин. Озодликдан маҳрум қилиш ёки қамоқда сакланяётган шахсларга бериладиган ишончнома тегишли муассасалар бошликлари томонидан тасдиқланади.

Юридик шахс номидан бериладиган ишончнома раҳбар томонидан имзоланиб, унга ушбу юридик шахснинг мухри босилади.

Давлат мулкига асосланган юридик шахс номидан пул ва бошқа мулкий бойликларни олиш ёки топшириши учун бериладиган ишончнома ушбу юридик шахснинг бош бухгалтери томонидан ҳам имзоланиши керак. Банкда операцияларни амалга оширишга ишончнома бериш тартиби ва унинг шакли қонун ҳужжатлари билан белгилаб қўйилади (ФКнинг 138-моддаси).

Вакиллик шахсий ишончга боғлиқ бўлғанлиги сабабли ваколат олган шахс қандай харакатларни қилинган бўлса, уларни шахсан ўзи бажарилиши лозим. Вакил олган ваколати юзасидан бу харакатларни бажаришни фақат ишончномада кўрсатилган холларда ёки ваколат берувчининг манфаатларини ҳимоя этиш учун маълум бир шароитлар туфайли бирорга топширишга мажбур бўлсагина бошқа шахсга топширишга ҳақли. Ваколатнинг вакил томонидан бошқа шахсга ўтказилиши мумкинлиги назарда тутилган ишончномада нотариал идора томонидан тасдиқланиши лозим.

Ишончнома ФКнинг 141-моддасида кўрсатилганидек, куйидаги холларда бекор бўлади:

1. Муддат тугаши.
2. Ишончнома берувчи томонидан бекор қилиниши.
3. Ваколат олган шахснинг вакилликдан бош тортиши.
4. Номидан ишончнома берилган юридик шахснинг бекор бўлиши.

5. Номига ишончнома берган юридик шахснинг бекор бўлиши, ишончнома берувчи фуқаронинг ўлими.

6. Ишончнома берган шахснинг муомалага лаёқатсиз, муомала лаёқати чекланган деб топилиши ёки бедарак йўқолган деб топилиши.

7. Ишончнома олган шахснинг ўлиши, уни муомалага лаёқатсиз, муомала лаёқати чекланган ёки бедарак йўқолган деб топилиши билан.

Ишончнома берувчи хоҳлаган пайтида уни бекор қила олади, ишончнома олувчи ҳам ундан бош торта олади.

Номидан ишончнома берилган юридик шахснинг тугаши туфайли ишончинма бекор қилинган ҳолда, бундай вазифа ваколат берувчининг хукукини олувчи шахсларга ҳам юклатилади. Ваколат берувчининг вафот этиши боис ишончнома бекор қилинган ҳолда эса бу вазифа унинг ворисларига юклатилади.

Ишончнома берган шахс унинг бекор қилинганлиги тўғрисида ишончнома берган шахсни, шунингдек, ишончнома йўналтирилган учинчи шахсларни ҳам хабардор қилиши керак. Номидан ишончнома берилган юридик шахс бекор бўлган, ишончнома берган фуқаро вафот этган, муомалага лаёқатсиз деб топилган сингари ҳолатларда ишончнома бекор

бўлгани хақида хабардор қилиш ишончнома берган шахс ҳукуки қабул қилиб олувчилар зиммасига юкландади.¹

Ишончнома бекор қилинганидан сўнг ваколат олган шахс томонидан қилинган ҳаракатлар тўғрисида ФКниг 142-144-моддаларида мулкнинг йўқолиши ёки заарланиши сабабли кўрилган зиёнларни жабрланувчига тўлайди. Ишончноманинг бекор қилинганилиги билгунига ёки билиши лозим бўлгунига қадар ишончнома берган шахс томонидан учинчи шахсларга нисбатан қилинган ҳаракатлар ишончнома берувчи учун ёки уни ҳукуқларини олувчилар учун ўз кучини сақлаб қолади.

Ишончнома олган шахс томонидан унинг ишончнома бекор қилинган ёки тугатилганини билганидан ё билиши лозим бўлган вақтдан сўнг қилинган ҳаракатлар ваколатнома берувчи учун ҳукуқ ва мажбурият тутдирмайди. Ишончнома бекор қилинганидан сўнг ваколат олган шахс ёки унинг ворислари (ҳукуқ ва мажбурият олувчилар) ишончномани дарҳол қайтаришлари лозим.

Ишончномани бекор қилиниши билан бу ишончнома юзасидан бошқа шахсларга топширилган ваколат ҳам ўз кучини йўқотади.

Назорат учун саволлар

1. Вакиллик'деб нимага айтилади?
2. Ваколатсиз вакиллик деганда нимани тушунасиз?
3. Тижорат вакиллигига таъриф беринг.
4. Ишончноманинг қандай шаклларини биласиз?
5. Ишончнома қандай ҳолларда бекор бўлади?
6. Кимлар қонуний вакил бўлишлари мумкин?
7. Юридик шахс номидан бериладиган ишончнома қандай тасдиқланади?
8. Ташибилотлар томонидан товарлар ва бошқа моддий бойликлар олиш учун бериладиган ишончномаларда нималар кўрсатилиши лозим?
9. Юридик шахс вакил бўлиши мумкини?
10. Судда фуқароларнинг вакиллари сифатида кимлар қатнаша олмайдилар?

¹ Зокиров И.Б. Фуқаролик ҳукуки. -Т., 2006. -Б. 178.

ФОЙДАЛАНИЛГАН АДАБИЁТЛАР РЎЙХАТИ

I. И.А.Каримов асарлари

1. Каримов И.А. Ўзбекистон: миллий истиқол, иқтисод, сиёсат, мафкура. Т.1. -Т.: “Ўзбекистон”, 1996.
2. Каримов И.А. Ўзбекистон – бозор муносабатларига ўтишнинг ўзига хос йўли.// Ўзбекистон: миллий истиқол, иқтисод, сиёсат, мафкура. Т.1.-Тошкент: “Ўзбекистон”, 1996.
3. Каримов И.А. Бунёдкорлик йўлидан. Т.4. -Т.: “Ўзбекистон”, 1996.
4. Каримов И.А. Ислоҳоглар изчилиги – инсон манфаатлари омили // Т., “Ўзбекистон”, 1997.
5. Каримов И.А. Янгича фикрлаш ва ишлаш – давр талаби. Т.5. -Т.: “Ўзбекистон”, 1997.
6. Каримов И.А. Барқарор тараққиётга эришиш – устувор вазифа. -Т.: “Ўзбекистон”, 1998.
7. Каримов И.А. Биз келажагимизни ўз қўлимиз билан қурамиз. Т.7. -Т.: “Ўзбекистон”, 1999.
8. Каримов И.А. Озод ва обод Ватан, эркин ва фаровон ҳаёт – пировард мақсадимиз. Т.8. -Т.: “Ўзбекистон”, 2000.
9. Каримов И.А. Ватан равнақи учун ҳар биримиз масъулмиз. Т.9. -Т.: “Ўзбекистон”, 2001.
10. Каримов И.А. Биз танлаган йўл – демократик тараққиёт ва маърифий дунё билан ҳамкорлик йўли. Т.11. -Т.: “Ўзбекистон”, 2003.
11. Каримов И.А. Тинчлик ва ҳавфсизлигимиз ўз куч-қудратимизга, ҳамжиҳатлигимиз ва қатъий иродамизга боғлиқ. Т.12. -Т.: “Ўзбекистон”, 2004.
12. Каримов И.А. Ўзбек ҳалки ҳеч қачон, ҳеч кимга қарам бўлмайди. Т.13. -Т.: “Ўзбекистон”, 2005.
13. Каримов И. Мамлакатимиз тараққиёти ва ҳалқимизнинг ҳаёт даражасини юксалтириш–барча демократик янгиланиш ва иқтисодий ислоҳотларимизнинг пировард мақсадидир. -Т.: “Ўзбекистон”. НМИУ. 2007.
14. Каримов И.А. Жаҳон молиявий-иқтисодий инқирози, Ўзбекистон шароитида уни бартараф этишнинг йўллари ва чоралари.-Т.: “Ўзбекистон”, 2009.
15. Каримов И.А. Мамлакатимизда демократик ислоҳотларни янада ҷукурлаштириш ва фуқаролик жамиятини ривожлантириш концепцияси. Ўзбекистон Республикаси Олий Мажлиси Қонунчиллик палатаси ва Сенатининг кўшма мажлисидаги маъруза.// -Т.: “Ҳалқ сўзи”, 2010 йил 13 ноябрь.
16. Каримов И.А. Мамлакатимизни модернизация қилиш йўлини изчил давом эттириш – тараққиётимизнинг муҳим омилидир. // -Т.: “Ҳалқ сўзи”. 2010 йил 8 декабрь.

II. Норматив-хуқуқий хужжатлар

1. Ўзбекистон Республикасининг Конституцияси: (Ўзбекистон Республикасининг 1993 йил 28 декабрдаги, 2003 йил 24 апрелдаги, 2007 йил 11 апрелдаги, 2008 йил 25 декабрдаги қонунларга мувофик киритилган ўзгартиш ва қўшимчалар билан) // Ўзбекистон Республикаси Олий Мажлиси палаталарининг Ахборотномаси. – 2008. – № 12. – 637-модда.
2. Ўзбекистон Республикасининг Фуқаролик кодекси. Расмий нашр. – Т: “Адолат”, 2011.
3. Ўзбекистон Республикасининг Ер кодекси. Расмий нашр. – Т: “Адолат”, 2007.
4. Ўзбекистон Республикасининг “Банк ва банк фаолияти тўғрисида”ги Қонуни (25.04.1996 й.)//Ўзбекистон Республикаси Олий Мажлис Ахборотномаси. 1996. 5-6-сон, 54-модда.
5. Ўзбекистон Республикасининг “Акциядорлик жамиятлари ва акциядорларнинг хуқукларини ҳимоя қилиш тўғрисида”ги Қонуни (26.04.1996 й.)//Ўзбекистон Республикаси Олий Мажлис Ахборотномаси. 1996. 5-6-сон. 61-модда.
6. Ўзбекистон Республикасининг “Хўжалик юритувчи субъектлар фаолиятининг шартномавий-хуқуқий базаси тўғрисида”ги Қонуни (29.08.1998 й.)//Ўзбекистон Республикаси Олий Мажлисининг Ахборотномаси. 1998. 9-сон. 170-модда.
7. Ўзбекистон Республикасининг “Тадбиркорлик фаолияти эркинлигининг кафолатлари тўғрисида”ги Қонуни (25.05.2000 й.)//Ўзбекистон Республикаси Олий Мажлис Ахборотномаси. 2000. 5-6-сон 140-модда.
8. Ўзбекистон Республикасининг “Хўжалик ширкатлари тўғрисида”ги Қонуни (06.12.2001 й.)//Ўзбекистон Республикаси Олий Мажлис Ахборотномаси. 2002. 1-сон, 8-модда.
9. Ўзбекистон Республикасининг “Масъулияти чекланган ва қўшимча масъулиятли жамият тўғрисида”ги Қонуни (06.12.2001 й.)//Ўзбекистон Республикаси Олий Мажлис Ахборотномаси. 2002. 1-сон, 10-модда.
10. Ўзбекистон Республикасининг “Суурита фаолияти тўғрисида”ги Қонуни (05.04.2002 й.) //Ўзбекистон Республикаси Олий Мажлис Ахборотномаси. 2002. 4-5-сон, 68-модда.
11. Ўзбекистон Республикасининг “Хусусий корхоналар тўғрисида”ги Қонуни. (11.12.2003 й.)//Ўзбекистон Республикаси қонун хужжатлари тўплами, 2004. 3-сон, 28-модда.
12. Ўзбекистон Республикасининг “Давлат тасарруфидан чиқариш ва хусусийлаштириш тўғрисида”ги Қонуни // Ўзбекистон Республикаси Олий Кенгашининг Ахборотномаси. 1992. №1. 43-модда.
13. Ўзбекистон Республикасининг “Инвестиция фаолияти тўғрисида”ги Қонуни // Ўзбекистон Республикаси Олий Мажлис

Ахборотномаси. 1999 й. 1-сон, 10-модда.

14. Ўзбекистон Республикасининг “Хўжалик юритувчӣ субъектлар фаолиятини давлат томонидан назорат килиш тўғрисида”ги Конуни // Ўзбекистон Республикаси Олий Мажлис Ахборотномаси. 1999 й. 1-сон, 8-модда.

15. Ўзбекистон Республикасининг “Чет эл инвестициялари тўғрисида”ги Конуни// Ўзбекистон Республикаси Олий Мажлис Ахборотномаси. 1998. 5-6-сон, 91-модда.

16. Ўзбекистон Республикасининг “Савдо-саноат палатаси тўғрисида”ги Конуни // Ўзбекистон Республикаси Олий Мажлис Ахборотномаси, 2005. 1-сон, 16-модда.

17. Ўзбекистон Республикасининг “Фирма номлари тўғрисида”ги Конуни//Ўзбекистон Республикаси қонун хужжатлари тўплами, 2006. 37-38-сон, 370-модда.

18. Ўзбекистон Республикасининг “Риэлторлик фаолияти тўғрисида”ги Конуни // Ўзбекистон Республикаси қонун хужжатлари тўплами, 2010. 51-сон, 480-модда.

19. Ўзбекистон Республикасининг “Кредит ахборот алмашинуви тўғрисида”ги Конуни//Ўзбекистон Республикаси қонун хужжатлари тўплами, 2011. 40-сон, 412-модда.

20. Ўзбекистон Республикасининг “Оилавий тадбиркорлик тўғрисида”ги Конуни//Ўзбекистон Республикаси қонун хужжатлари тўплами, 2012. 17-сон, 188-модда.

21. Ўзбекистон Республикасининг “Рақобат тўғрисида”ги Конуни //Ўзбекистон Республикаси қонун хужжатлари тўплами, 2012. 1-сон, 5-модда.

22. Ўзбекистон Республикасининг “Тадбиркорлик фаолияти соҳасидаги рухсат бериш тартиб-гаомиллари тўғрисида”ги Конуни. //Ўзбекистон Республикаси қонун хужжатлари тўплами, 2012. 51-сон, 575-модда.

23. Ўзбекистон Республикасининг “Хусусий мулкни ҳимоя қилиш ва мулкдорлар хукукларининг кафолатлари тўғрисида”ги Конуни. //Ўзбекистон Республикаси қонун хужжатлари тўплами, 2012. 39-сон, 446-модда.

III. Мавзуга оид адабиётлар

1. Агарков М.М. Обязательства в гражданском праве. -М.: “Юриздан”, 1940.

2. Баратов М.Х. Давлат – фуқаролик хукукининг субъекти сифатида. -Т.: ТДЮИ, 2007.

3. Baratov M.X. Mułk huquqi. -T.: TDYI, 2009.

4. Белов В.А. Гражданское право: Общая часть: Учебник.-М.: АО «Центр ЮрИнфоР», 2002.
5. Брагинский М, Витрянский В. Договорное право. -М.: “Статут”, 1997.
6. Брагинский М.И., Витрянский В.В. Договорное право. Кн.1.-М.: “Статут”, 1999.
7. Брагинский М.И., Витрянский В.В. Договорное право: Общие положения. -М.:”Статут”, 1998.
8. Гражданское право. В 2-х т./ Отв.ред. Е.А.Суханов. Т.1.-М.: “БЕК”, 2000.
9. Гражданское право. Т.1. / Под.ред.А.П.Сергеева, Ю.К.Толстого.- М.: “Проспект”, 2003.
- 10.Гражданское право. Часть первая / Под.ред. А.Г.Калпина, А.И.Масляева.-М.: 2002.
- 11.Гражданское право. Часть первая. /Под.ред.Т.И.Илларионова, Б.М.Гонгало, В.А.Плетнева (автор этой главы Т.И.Илларионова). -М.: “Норма-Инфра”. 1998.
- 12.Гражданское право. Учебник / Под.ред. С.П.Гришаева.-М.: “Юрист”, 2004.
- 13.Гражданское право. Учебник. В 2 т. / Под ред. Е.А.Суханова. – М.: “БЕК”, 2000. – Том 1.
- 14.Гражданское право. Учебник: Т.2./Отв. ред. А.П.Сергеев, Ю.К.Толстой.-М.: “Проспект”, 2004.
15. Иванова Е.В. Гражданское право. Учебник. М., “Книжный мир”. 2011.
16. Зокиров И.Б. Фуқаролик ҳуқуқи. Дарслик. –Т: ТДЮИ, 2006.
17. Зокиров И.Б. Фуқаролик ҳуқуқи. Дарслик. –Т: ТДЮИ, 2009.
18. Зокиров И.Б., Оқолов О. ва бошқалар Шартнома ҳуқуқи. -Т., ТДЮИ, 2006.
19. Кашанина Т.В. Корпоративное право. Учебник для вузов. – М.: Издательская группа “НОРМА-ИНФРА”. -М, 1999.
20. Новицкий И.Б. Римское право. Учебник. –М., “Кнорус”, 2011.
- 21.Рахмонкулов Ҳ. Фуқаролик ҳуқуқининг объектлари. Ўқув кўлланма. -Т., ТДЮИ, 2009.
- 22.Рахмонкулов Ҳ. Мажбурият ҳуқуқи (умумий қисм). Дарслик. -Т., ТДЮИ, 2005.
23. Рахмонкулов Ҳ. Фуқаролик ҳуқуқининг субъектлари. Ўқув кўлланма. -Т: “O’zbekiston”, 2008.
24. Рахмонкулов Ҳ. И другие. Гражданское право. –Т., ТГЮИ, 2010.
25. Рахмонкулов Ҳ. Фуқаролик ҳуқуқи муаммолари. Дарслик. -Т., ТДЮИ, 2010.

26. Раҳмонқулов Ҳ., Рўзиназаров Ш., Оққолов О., Азизов Ҳ., Имомов Н. Ҳусусий мулк объектларининг хукукий мақоми. –Т., “Ўзбекистон”. 2007.
27. Раҳмонқулов Ҳ.Р. Фуқаролик хукуқининг предмети, методи ва тамоилилари. –Т., ТДЮИ, 2003.
28. Раҳмонқулов Ҳ.Р., Гулямов С.С. Корпоратив хукуқ. –Т., ТДЮИ. 2007.
29. Рўзиев Р.Ж., Төпилдиев В.Р. Фуқаролик хукуқи. –Т., “Чўлпон”. 2011.
30. Раҳмонқулов Ҳ.Р. ва бошқалар. Ўзбекистон Республикаси Фуқаролик кодексига шарҳ. I-жилд.-Т.: “Vektor-Press” 2010.

МУНДАРИЖА

Сўзбоши.....	3
I БОБ. ФУҚАРОЛИК ҲУҚУҚИ ТУШУНЧАСИ, ПРЕДМЕТИ, ТАМОЙИЛЛАРИ ВА ТИЗИМИ.....	6
1-§. Фуқаролик ҳуқуқи тушунчаси ва предмети.....	6
2-§. Фуқаролик ҳуқуқининг предмети сифатида мулкий муносабатлар..	9
3-§. Шахсий номулкий муносабатлар-фуқаролик ҳуқуқининг предмети сифатида.....	12
4-§. Ташилий муносабатлар-фуқаролик ҳуқуқининг предмети сифатида.....	14
5-§. Корпоратив муносабатлар-фуқаролик ҳуқуқининг предмети сифатида.....	22
6-§. Фуқаролик ҳуқуқининг методи ва вазифалари.....	31
7-§. Фуқаролик ҳуқуқининг тамойиллари.....	33
8-§. Фуқаролик ҳуқуқи тизими.....	39
9-§. Фуқаролик ҳуқуқининг ҳуқуқ тизимида тутган ўрни.....	40
II БОБ. ҲОЗИРГИ ЗАМОНДА АМАЛ ҚИЛУВЧИ АСОСИЙ ФУҚАРОЛИК-ҲУҚУҚИЙ ТИЗИМЛАР.....	44
1-§. Фуқаролик-ҳуқуқий тизимлар тушунчаси.....	44
2-§. Қитъа ҳуқуқ тизими.....	45
3-§. Йнглиз - америка ҳуқуқ тизими.....	52
4-§. Мусулмон ҳуқуқ тизими.....	58
III БОБ. ФУҚАРОЛИК ҲУҚУҚИНИНГ МАНБАЛАРИ.....	67
1-§. Фуқаролик ҳуқуқи манбалари тушунчаси ва турлари.....	67
2-§. Фуқаролик қонунларининг вакт, худуд ва шахслар бўйича амалда бўлиши.....	74
3-§. Фуқаролик ҳуқуқида қонун-аналогияси ва ҳуқуқ аналогияси.....	75
4-§. Фуқаролик-ҳуқуқий нормаларни шарҳлаш ва уларнинг турлари....	76
IV БОБ. ФУҚАРОЛИК ҲУҚУҚ ВА БУРЧЛАРИНИНГ ВУЖУДГА КЕЛИШИ.	80
1-§. Фуқаролик ҳуқуқий муносабат тушунчаси.....	80
2-§. Фуқаролик ҳуқуқий муносабатларнинг турлари.....	83
3-§. Фуқаролик ҳуқуқлари ва бурчларининг вужудга келиш асослари. Юридик фактлар.....	84
4-§. Фуқаролик ҳуқуқларини амалга ошириш тартиби.....	88
5-§. Фуқаролик ҳуқуқларининг ҳимоя қилиниши.....	89
V-БОБ. ФУҚАРОЛАР – ФУҚАРОЛИК ҲУҚУҚИНИНГ СУБЪЕКТИ СИФАТИДА	92
1-§. Фуқаролик ҳуқуқ лаёқати тушунчаси.....	92
2-§. Ҳуқуқ лаёқатининг бошланиши ва тамом бўлиши.....	93
3-§. Фуқароларнинг муомала лаёқати.....	94
4-§. Васийлик ва ҳомийлик.....	98

5-§. Хусусий тадбиরкор фуқароларнинг хукуқий мақоми.....	100
6-§. Фуқароларнинг туар жойи.....	102
7-§. Фуқарони бедарак йўқолган деб топиш ёки вафот этган деб эълон қилиши.....	103
8-§. Фуқаролик ҳолати хужжатларини қайд этиши.....	105
VI БОБ. ЮРИДИК ШАХСЛАР – ФУҚАРОЛИК ХУКУҚИНинг СУБЪЕКТИ СИФАТИДА.....	109
1-§. Фуқаролик хукукида юридик шахс тушунчаси ва белгилари.....	109
2-§. Юридик шахслар тўғрисидаги назариялар.....	112
3-§. Юридик шахснинг хукуқ лаёкати ва муомала лаёкати.....	114
4-§. Юридик шахсларнинг вужудга келиш ва бекор бўлиши тартиби....	116
5-§. Юридик шахсларнинг турлари.....	120
6-§. Юридик шахсларнинг филиаллари ва ваколатхоналари.....	121
7-§. Юридик шахсларнинг товар белгилари, хизмат кўрсатиши белгилари ва товар келиб чиқсан жой номларига бўлган хукуқ.....	122
VII БОБ. ТИЖОРАТЧИ ЮРИДИК ШАХСЛАР.....	126
1-§. Тижоратчи ташкилотлар тушунчаси ва турлари	126
2-§. Хўжалик ширкатлари – юридик шахс сифатида.....	127
3-§. Хўжалик жамиятлари – юридик шахс сифатида.....	136
4-§. Акциядорлик жамиятлари – юридик шахс сифатида.....	140
5-§. Кўшма корхоналар – юридик шахс сифатида.....	144
6-§. Давлат корхоналари – юридик шахс сифатида.....	146
7-§. Ишлаб чиқариш кооперативлари – юридик шахс сифатида.....	149
8-§. Хусусий корхоналар – юридик шахс сифатида.....	151
VIII БОБ. НОТИЖОРАТ ЮРИДИК ШАХСЛАР.....	156
1-§. Нотижорат ташкилотлар тушунчаси ва турлари.....	156
2-§. Матлубот кооперативи – юридик шахс сифатида.....	159
3-§. Жамоат бирлашмалари – юридик шахс сифатида.....	160
4-§. Жамоат фондлари – юридик шахс сифатида.....	162
5-§. Муассасалар – юридик шахс сифатида.....	166
6-§. Фуқароларнинг ўзини ўзи бошқариш органлари юридик шахс сифатида.....	168
7-§. Юридик шахсларнинг бирлашмалари.....	171
IX БОБ. ЮРИДИК ШАХСЛАРНИ ҚАЙТА ТАШКИЛ ЭТИШ ВА ТУГАТИШ ТАРТИБИ.....	177
1-§. Юридик шахсларни кўшиб юбориш ва кўшиб олишнинг амалга ошириш усууллари.....	177
2-§. Юридик шахсларни бўлиши ва ажратиб чиқаришнинг амалга ошириш усууллари.....	185
3-§. Юридик шахсларнинг ташкилий-хукуқий шаклини ўзгартириш тартиби.....	194
4-§. Юридик шахсларни тугатишнинг ташкилий тартибини фуқаролик- хукуқий тартибга солиш.....	200

Х БОБ. ДАВЛАТ – ФУҚАРОЛИК ХУҚУҚИЙ МУНОСАБАТЛАР СУБЬЕКТИ СИФАТИДА.....	210
1-§. Давлат тўгрисида умумий қоидалар.....	210
2-§. Давлат – мамлакатнинг ички оборотида фуқаролик-хуқуқий муносабатларнинг субъекти.....	219
3-§. Давлат – мамлакатнинг ташки оборотида фуқаролик-хуқуқий муносабатларнинг иштирокчиси.....	221
ХІ-БОБ. ФУҚАРОЛИК ХУҚУҚИННИГ ОБЪЕКТЛАРИ.....	224
1-§. Фуқаролик хуқуқи объектлари тушунчаси ва турлари.....	224
2-§. Ашёлар – фуқаролик хуқуқининг объекти сифатида.....	224
3-§. Мол-мулклар – фуқаролик хуқуқининг объекти сифатида.....	228
4-§. Пул ва қимматли қофозлар – фуқаролик хуқуқининг объекти сифатида.....	229
5-§. Номоддий незъматлар тушунчаси ва таркиби.....	231
6-§. Интеллектуал фаолият натижалари, хизмат ва тижорат сири – фуқаролик хуқуқининг объекти сифатида.....	234
7-§. Ишлар ва хизматлар – фуқаролик хуқуқининг объекти сифатида.....	237
8-§. Номулкий хуқуқларнинг тушунчаси ва белгилари.....	238
9-§. Номулкий хуқуқларнинг таснифи ва туркумлаш мезонлари.....	240
10-§. Шаън, қадр-қиммат ва ишчанлик обўсими фуқаролик-хуқуқий химоя илиш.....	244
11-§. Фуқаронинг исмга бўлган хукуки ва уни фуқаролик хуқуқий химоя қилиш.....	246
ХІІ БОБ. БИТИМЛАР.....	249
1-§. Битимлар тушунчаси ва турлари.....	249
2-§. Битимларнинг муддатлари ва шартли битимлар.....	251
3-§. Битим шакллари.....	252
4-§. Биржা битимлари.....	255
5-§. Битимнинг ҳақиқий саналиш шартлари.....	258
6-§. Ўз-ўзидан ҳақиқий саналмайдиган битим турлари ва уларнинг хуқуқий оқибатлари.....	260
7-§. Низоли битимларнинг турлари ва уларнинг ҳақиқий саналмаслиги оқибатлари.....	262
ХІІІ БОБ. ВАКИЛЛИК ВА ИШОНЧНОМА.....	265
1-§. Вакиллик тушунчаси.....	265
2-§. Вакиллик ва унинг турлари.....	266
3-§. Ишончнома.....	268
Адабиётлар.....	272

ВОХИДЖОН РАХИМЖНОВИЧ ТОПИЛДИЕВ

ФУҚАРОЛИК ҲУҚУҚИ
(Дарслик)

I қисм

Мұхаррирлар: Д.Акмалова, С.Курбонов

Босишга рұхсат этилди 25.06.2014 й. Бичими 60x84 1/16.
Тезкор «Ризограф» босма усулида босилди. Нашриёт босма табаги 21.0.
Шартлы босма табаги 29.4 .

Баҳоси шартнома асосида. Адади 300 нұсха. Буюртма № 91.

“Университет” нашриети. Тошкент-100174,
Талабалар шаҳарчаси. Мирзо Улугбек номидаги ЎзМУнинг
маъмурий биноси.

ЎзМУ босмахонасида босилди.